八十億雙親師友雜憶合刊

發寫四先生全 集

錢穆 著

51


錢買四先生全集

◆八十憶雙親師友雜憶合刊

穆著

錢





出版說明

五年。後以兩書性質相近,合爲一編,題名「八十憶雙親師友雜憶合刊」,於民國七十二年交由 自傳矣。垂老而作,追想爲難,起筆於民國六十六年多,完稿於七十一年之雙十國慶,前後歷時 八,又成師友雜憶一書。是書歷數平生師友風誼,不啻爲數十年學風世道一縮影, 民國六十三年,錢賓四先生年八十,追念親恩,成八十億雙親一書,民國七十一年,年八十 亦即是先生之

臺北東大圖書公司出版。先生曾自綴數言簡介此書曰:

眞生命之所在也。年八十,遂爲憶雙親一書;數年後,又續爲師友雜憶一書。此册乃合刊 變。學術思想,人物風氣,無不變。追憶往昔,雖屢經劇變,而終不能忘者,是卽余一人 然此八十八年來, 正值吾國家民族多難多亂之世。 家庭變, 學校變, 社會一切無不相與 八十八年。余之爲余,則胥父母、師友之賜。孟子曰:「知人論世」,余之爲人不足知, 余之一生,老而無成。常念自幼在家,經父母之培養;出門在外,得師友之扶翼;迄今已

氣 此兩書, 人物、 共爲一編。 思想、 學術一切之變,而豈余之一身一家瑣屑之所萃而已乎!善論世者,其終 讀者庶亦由此一角度, 有以窺此八十八年來國家、社會、

將有獲於斯書。

讀者於探究先生平生事迹之餘,試以此意讀此書,亦必收獲匪淺也。

參考。書末增附先生紀念親友之文十二篇,配合本書閱讀, 原書之完貌,不予改動;遇有先生誤憶之處,則另加附注說明。新加附注共二十六條, 客觀情勤,通訊不便,遇有疑慮,無從查詢。故所記若干細節,或與事實不免稍有出入, 兩岸已相通傳,部分內容有疑義處,雖相隔多年,尙有可以查詢求證者。於今整理全集, 先生作師友雜憶時,雙目已失明不見字,凡所載錄,全憑老年記憶所及。其時海峽兩岸礙於 可助理解, 並增情味。 可 供讀者 近年來 仍保留

校改原書若干誤植文字, 此次整編, 以東大本爲底本,另作標點符號之整理。 以便讀者閱讀。整理排校工作雖力求愼重,然疏漏錯誤之初,在所 全書增添私名號、 書名號以及重點引

難免, 敬希讀者不吝指正。

本書由胡美琦女士負責整理。

錢賓四先生全集編輯委員會

謹識

家庭、風

八十億雙親師、友雜憶合刊

目次

六	Ħ.	四	=	<u> </u>	
懷海義莊九	先父之幼年苦學及科名	先祖父鞠如公六	五世同堂	七房橋	前言

目

次

然師友雜憶合刊

	<u> </u>	<u> </u>	九	八	七
一二 先母之卒	先兄之卒及先母之晚年	先母寡居	先母來歸一九	先父之病及卒一七	先父對余之幼年教誨

師友雜憶

三兼小學七百萬多子中學	=	
壓		
果育學校:		
序	序:	

	<u> </u>
晃明丘뜥學完及無湯工菊大學····································	<u>-</u> Ц
華西大學四川大學二五九	\equiv
成都齊魯大學國學研究所	=
西南聯大	_
——附 清華大學及北平師範大學	
北京大學一六五	0
北平燕京大學一五三	九
蘇州省立中學一四一	八
無錫江蘇省立第三師範・・・・・・・・・・・・・・・・・・・・・・・・・・・・・・・・・・・・	七
——附 無錫縣立第一高等小學校	7
厦門集美學校・・・・・・・・・一一一	六
后宅初級小學一〇五	五
私立鴻模學校與無錫縣立第四高等小學	四

Ħ

솟

=

<u>-</u>	一 一 我	10 #	九恒	八懷	七恒	六回
九十三歲答某雜誌問	我和新亞書院	王貫之哀辭	悼亡友張蒓漚先生	懷念老友林語堂先生	悼念蘇明璇兄・・・・・・	回憶黃季陸先生



八十憶雙親

一前言

母,而今忽已耄老,精神衰退,志業無成。娘對當年雙親顧復教誨之恩,亦何以贖不肖之罪於萬 處,草寫此文。哀哀父母,生我劬勞。回念前塵,感愴萬端。自念我之生命,身體髮膚皆傳自父 齡之冥壽。因乘余之誕辰,覓機赴|梨山,沿横貫公路,自花蓮返|臺北, **吉隆坡馬來亞大學任教,時思撰文,略述梗概,竟未果。今歲余年八十,明年,又值雙親一百十 啕而止。年七十一,值雙親百齡冥壽,余是年已辭新亞校務,患目疾,住院施手術。不久,即赴** 七,隻身在|成都,未能回籍親視殮葬。國難方殷,亦未訃告交游,缺弔祭禮,僅閉門嗓泣深夜嚎 余乃一孤**皃,**年十二,先父辭世, **余尙童騃無知。 越三十五年, 先母又棄養, 余時年四十** 途中滯留八日,住宿四

亦使稍知祖德之一二。亦以告並世之知余其人而不知余之生平來歷者。 往事種種,迄今猶留腦際。拉雜書之,庶我兄弟四人之子孫,淪陷大陸者,他年當能讀及,

七房橋

從。縱或實不能從,亦斷無責怪可言。」十八世祖母謂:「君病殆非藥石可療。久服藥,反滋他 內, 君可聞鈴往取。初住自感寂寞, 旬日半月後, 君能一人居別院,家中事由我處理,君可勿操心。我已在院門上闢一小門,一日三餐,當送小門 病。計惟有長年靜養一途。但我兩人既不能入深山,長居僧寺道院中。我已將宅西別院修治。若 三十左右,嬰袞虛之疾。遠近名醫,百藥罔效,病情日見沉重。一日,十八世祖母告其夫:「胸 鉅富之家,擁有嘯傲涇兩岸良田十萬畝。而上無父母,下無子女,僅夫婦兩人同居。十八世祖年 余生江蘇無錫南延祥鄉嘯傲涇七房橋之五世同堂。溯其原始,當自余之十八世祖某公,乃一 未敢啟口, 恐不聽從,又滋責怪。」十八世祖言:「病已至此,苟可從者當無不 應可習慣。 萬一有事, 仍可開門接出。 病態全消,健復 如此以

三年爲期。我曾以此意告之兩醫,謂可一試。」十八世祖慨允。

越三年,接出,

斷可無慮。」十八世祖勉從之。此下遂生七子,在嘯傲涇上分建七宅,是爲七房橋之由來。事載 身畢世。惟爲君子嗣計,已爲物色品淑宜男者兩人,並諄諄誨導,已歷兩年。君與此兩女同房, 十八世祖母言:「自君居西院,我即在佛前自誓,當終生茹素,並許願居家爲優婆夷,獨

涿譜,余未親覩,此則得之傳述。

週喜慶,即在宅前大廳搭臺唱崑曲, 村,名丁家村,乃七房橋樂戶,襲明代舊制,世習崑曲鑼鼓,歌唱吹打。每一家有事,亦畢集。 傳習婚喪喜慶種種禮節儀文。一家有事,諸僕群集。 涇西約五百步又一橋 ,名丁家橋。橋北一 戶,無商店。涇東千步許有一橋,即名七房橋。橋北一小村,忘其名,乃七房橋公僕所居,世世 七房駢連,皆沿嘯傲涇,東西一線,宅第皆極壯大。一宅稱一牆門。除此七牆門之外, 打鑼鼓。 或分兩臺, 或只一臺。或一日夜, 或三日夜不等, 無農

三 五世同堂

先兄及余少時尚飫聞之,故長而皆愛好焉。

七房中人丁衰旺不一,初則每房各得良田一萬畝以上。繼則丁旺者愈分愈少,丁衰者得長吆

輩乃得五世同堂。余之曾祖父兄弟兩人,長房七子,次房五子,又分十二房。故余祖父輩共十二 家,分得住屋甚少,田畝亦寡。自余幼時,一家有田百畝二百畝者稱富有,餘只數十畝。而余先 女兩男共六人。故余有四姑母、 堂出入。 房, 伯父及先父,皆已不名一尺之地,淪爲赤貧。老七房中有三房,其中兩房至余幼年皆單傳,一房 亦供居住。宅之兩側,各有一長衖,皆稱弄堂。長房七家由東弄堂出入,次房五家, 一宅前後共七進,每進七開間,中爲廳堂,左右各三間,供居住。又每進間, 並日增日多。故數傳後,七房貧富日以懸殊。大房丁最旺,余之六世祖以下,至余之伯父 中間大門非遇事不開。 其後每家又各生子女,先祖父|鞠如公爲東弄堂七房之長,即生四 一伯父,先父最小爲一家之幼。其他家以此爲推。故五世同堂各 東西兩偏 由 西弄 有廂

鄉里賦稅差役等事。有他事爭執,亦至紳士家裁判,可免進城涉訟。 然不見。諸祖父叔伯兄長前輩,皆莫奈之何。 房輪爲紳士者主持決奪。 一女未嫁。其子常犯規越矩,多行不法。其時, **貧富既分,一切情形亦相懸隔。老七房中之三房富者,輪爲鄕間紳士。上通官府,** 餘四房避不參預。 相傳五世同堂內西弄堂一寡婦, 其時爲紳士者爲老七房中之第三房, 大家庭之規模尚存, 七房橋闔族中事, 而大家庭之禮法, 尚稱富有, 對之屢加教 下管附近 亦漸歸三 一子未

僅兩兄弟,各擁田數千畝至萬畝。其他三房,則亦貧如五世同堂。

之。 事。 可有悔改之望。不幸其子竟瘐斃獄中,值老三房紳士亦臥病在牀。一夕,其瘐死者之母, 翌晨, 告素常相親諸家, 亦不聽。乃送之縣獄。五世同堂內諸祖父皆競赴老三房請求釋放。不許, 堆門外大廣場焚化。 已在陰司申寃得直。請多燒冥繦,可供地下使用, 此間大堆紙錠燒完, 亦有同獲此夢者, 西邊老三房病紳亦告氣絕。 乃赴市購大量錫箔。 使速斃。 其母醒, 告其女, 凡五世同堂中婦女, 此事在余幼年尚聞傳 謂需拘禁有時, 女亦同夢此 皆競摺 忽夢子 或

廳, 留。拆下磚瓦木石, 五叔祖分得素書堂之西偏三間爲其家屋。不知爲何, 淮軍討洪楊駐此, 盡以出賣。諸兄弟竟未能勸阻。鴻議堂本有楠木長窗二十四扇, 集官紳共議防守事宜,因名。 第三進爲素書堂,後四進堂小無名。 一人親自登屋拆除,惟素書堂, 精雕西廂記 及堂匾尙保 西弄堂

鸿

則諸房間之感情隔閡,

亦可想見。

五世同堂之大門,

懸有「五世同堂」 一立匾。

第二進大廳爲鴻議堂,爲七房各宅中最大一

析,家法蕩然已如此。其素書堂西偏拆去部分,稱爲「塌屋基」,竟亦未能重建。 亦爲宅中人盜賣。堂中長案大桌及几椅等,亦盜賣一空。僅五世同堂一宅之內,

至於子弟教育,更不堪言。 乃如鳳毛麟角。 **殆絕無通五經者。** 余幼時所知,族中諸兄長及伯叔父輩, 雖老三房富有, 力能延師, 而溺情安富,不求上進,子 大率僅讀四書。 能讀詩經

八十億雙親

伯父, 歸者。 諸村落, 上人, 橋西一華里許有一小市名鴻聲里,亦由錢姓聚族而居者佔大多數。晨旭方升,七房橋三十左右以 上裝弦筲,天空中呼嘯聲四起。 弟學業上亦率與其他四房相類。 閣樓上藏蟀蟋盆五六百以上。僱傭在家, 紮大風筝, 須八人抬之, 始可移至田野間。 或開小店舖,獲得溫飽即止。大多數則依賴數十畝一兩百畝田租,游蕩不事生產。 鬥鳥鬥蟀蟋外, 無論輩分, 在家則養黃雀, 皆以此稱羨七房橋。 結隊赴市上喝茶進麵點,至午始返。午後不乏再去者。亦有中午不返,至晚始 冬春之交,以放風筝爲樂。風筝形狀各異,大小不等。在老四房中, 或養蟋蟀, 七房橋族人老幼,亦以此自喜。大家庭之墮落, 入夜則結掛燈籠。大風筝可懸燈籠二十以上,光耀數里外。 科第功名, 乃若與七房橋全族無緣。少數貧苦者出門經商, 春秋兩節相聚決鬥爲娛。亦有遠方來參加者,亦有分赴遠方作 逮余幼年, 離七房 殆已達 四圍 風筝

四 先祖父鞠如公

於頂巔c

七房橋全族書香未斷, 則僅在五世同堂之大房。 先曾祖父繡屏公, 國學生。 前清嘉慶庚午

生。先祖父鞠如公,邑庠生,道光壬辰生。

楊木版穿綿帶裹紮,並鐫親書「手澤尙存」四字。全書用上等白宣紙, 字體大小, 所鈔只正文,無註解。但有音切,皆書在眉端。先兄告余,先祖父所長在音韻。其所下音切, 而精整過之。首尾正楷, 先曾祖父繡屛公之事, 余已無所知, 不妄述。 一筆不苟,全書一律。墨色濃淡,亦前後勻一,宛如同一日所寫。 先祖父鞠如公,有手鈔五經一函,由先父以黃 略如四庫全

自有斟酌,非鈔之舊籍。惜余於此未有深知。

紙上皆霑有淚漬,稍一辨認即得。愈後則潰痕愈多。因先祖其時患眼疾, 先祖父中年即體弱多病,此書鈔畢不久即辭世,年僅三十七。先兄指示余,在此書後半部, 臨書時眼淚滴下,

此痕。余兄弟不能讀五經白文,但時時展閱紙上淚痕,把玩想念不已。

書,即愛史記,皆由此書啟之。讀書漸多, 家中又有大字木刻本姎記一部,由先祖父五色圈點, 乃知先祖父此書圈點, 並附批注, 大體皆採之歸方本,批注略似 眉端行間皆滿。 余自知讀

五 先父之幼年苦學及科名

聞有人喚其速睡。墾晨詢之,竟不知何人所喚。有業師,乃顓橋王翁,在七房橋南十里外。先父 見。幼時發憤苦學。蓋得先祖母之教督。家中無書房,在「塌屋基」後面,即|素書堂後進西邊有 寒暑不輟。夏夜苦多蚊,先父納雙足兩酒甕中,苦讀如故。每至深夜,或過四更,仍不回家。時 破屋三間。自素書堂西半被拆,此處無人居住,殆爲壞了風水,皆已他遷。先父一人讀書其中, 幼有神童之稱。雙目炯炯發光,如能透視一切之背後,亦稱淨眼,云能見鬼神,過十二歲始不能 先父諱承沛,字季臣。前淸同治丙寅年生。先祖父卒,先祖母年四十一,先父年僅三歲。自

描寫。由七房橋南望,僅見秦望山一抹。余長而喜誦魏晉以下及於淸人之小品駢文,又愛自然山 水,殆最先影響於此。又一題曰「岳武穆班師賦」,以「十年之功廢於一旦」爲韻,全篇共分八 余時時喜誦此兩册窗課,惜今皆忘之。猶憶兩題,一曰「春山如笑賦」,乃短篇,余特愛其景色 先父既卒,先兄及余所見,尚留有當時窗課兩本,皆律賦及詩,不見有八股文及其他存稿。 隔旬日半月,始徒步一往問業。

節,每節末一句,各以此八字押韻。 乃集中最長一篇。余尤愛誦。余自幼即知民族觀念,又特重

忠義, 蓋淵源於此。至其押韻之巧,出神入化。余此後愛讀宋人「四六」,每尚憶及先父此文。

父::「汝文託意高,結體嚴,可期文學上乘,然恐不易遇識者。」又曰::「汝尚年幼, 先父以十六歲縣試入泮,以案首第一名爲秀才。主學政者特召見先父及同案第二名。面告先 而爲文

老成有秋氣。」又顧第二名,曰:「汝年長,乃屈居彼下,然爲文有春氣 , 他年福澤 ,

當勝於

10

赶試不中。先父此後,遂亦不復從事於授徒教讀之生活。 文體爲之。 次,試題爲「齊人將樂醉」。先父僅完此題即出。文中用意,特寫一「將」字,又模擬公洋傳 先父體素弱。入泮後,凡三赴南京鄉試,皆在場中病倒,不終試而出。此後遂絕意場屋。有 一時人競傳誦,名大噪。遠近來求從學,前後達四十人。然經先父指授得意者,亦多

六 懷海義莊

七房橋闔族,有義莊三所。惟懷海義莊最先最大,乃由老大房五世同堂祖先所創立。特建

莊屋, 不獲同情。屢商不拾。先父志不獲申, 子孫救災䘏貧。今莊業日起,而莊主日落,理當開放, 以葬,幼小者無以教,婚嫁之貲無所從出,有欲出外就業,亦乏貲遣。而莊產胥由富三房輪管, 五世同堂不得過問。先父自以一貧苦孤皃出身,特痛憫同宅中孤兒寡婦。念祖宗置此義莊, 在七房之最東偏。 族中大集會必在此。而五世同堂一宅後最貧,特多孤兒寡婦, 乃投訴於無錫縣署。義莊經管人則聯合三富房抗訴。 務爲拯邺。以此意商之富三房中經管人, 老死者無 本爲

舒適, 後,終於再行涉訟。富三房抗辯諸伯叔父,亦感先父志節,又憫其家貧體弱, 皆在先父一倍以上,亦皆溫文多禮,並慣官場應酬。縣官權衡至再,囑雙方回鄉自求和解。 特甚。知縣官見先父狀辭,感其理足,然亦疑先父年少好事。三抗辯人,皆先父伯叔父輩,年歲 同船往,同船返。在城中亦招先父同寓。然至縣署,則雙方爭持如舊。 自七房橋赴縣城,相距數十里。富三房皆自備玻璃大艙船,艙中供臥坐,後艙可烹調, 常駐宅前嘯傲徑上。若陸路徒步,健者半日可達。先父體弱,清晨起程,日晡始到, 招與同船。 先父允 數月 飯食

兼到, 皆不熟管理此大業,恐不勝職。」縣官言:「然則當由君掌管。」先父言:「某在一房中,年歲 如是敷四往返,縣官深悉先父爲人。 辯而不掩其誠。 今當悉聽君言,義莊判歸五世同堂管理, 一日,招先父一人至署私談, 如何?」先父言: 云 「屢讀君狀辭, 「房中長老, 情理

管爲宜?」先父言: 理。惟盼另擇一人,俾便改弦更張,使五世同堂一房孤寡得免饑寒。 最幼,輩分最低,更不當任此職。」縣官問: 「然則君意將如何?」先父言: 「某意仍由三房管 「正爲彼不願,故望彼任之。」縣官欣然起坐, 「二房某叔父當較宜。」縣官曰:「君言差矣。 曰 : 我窺其人恬澹靜讓, 」縣官問:「君意欲何人掌 「我知君意 我知君 似不願

意。 明日當召雙方共商之。」 管此事。」先父言:

其難,君意又如何?」某叔父答:「長官爲敝族事如此操心,某雖不勝任,歸後當與起訴方再熟 置更新,君等意各如何?」三人皆俯首曰:「可。」縣官因指二房某叔父,曰:「此事盼君勉爲 何?」先父曰:「夙願固如此。」又告三人:「今當從起訴方意,義莊另擇一新管理人, 商之, 庶以報長官之誠意。」縣官曰: 「甚善。」此訟**遂**決。 能息訟否?」雙方皆默然。 召四人。縣官曰: 縣官語先父曰:「今當遵彼三人意, 「同族久訟不決,此大不宜。今有一策,可悉遵兩方之意, 義莊仍由三房輪管, 俾便措 君意如 如此,

交義莊新聘賬房照辦。」自此五世同堂一宅,幼有養, **既歸,某叔父召先父商談,囑爲義莊撫卹救濟時期等級等,** 一宅懽然。而無傷義莊之貲產。富三房對先父所定條款,亦皆翕服。 老有歸, 定一詳細條款。 皆得賴祖宗庇廕, 乃不踰時, 謂 「當一如君 受撫卹者 粗衣淡食

紛來告苦,謂所獲米糧,品劣,幾不可下嚥。先父囑携樣米來,取兩小包藏衣袋中,

示衣袋中兩小包米,與桌上飯相比,曰:「此乃君之眞主人所食,與君日常奉養,精粗之差,何 苦,然此乃君主要職責。此輩貧病老弱,不啻爲君之眞主人。」賬房頜首曰:「然。」先父因出 賬房瀹茗陪坐,先父久不去, **遂留午膳。 先父席間語賬房,「君爲五世同堂中貧病老弱操勞甚**

五世同堂各家,自此事無大小, 皆來就商於先父,得一言爲定, 一掃往日渙散之情。 繼則富

啻天壤。」賬房立道罪。自此諸孤寡皆得吃白米。

幾乎皆待先父主斷。 三房凡遇族中事, 亦必邀先父集商。 時先父年未及三十,不啻爲族長,又兼爲鄉紳。 又繼則囑族人逕赴先父處取決。 戶外事屬集, 更繼則七房橋四圍鄉間事, 而書房生活,

則日以疏減。 時則先兄尙在幼稚。上之所述,乃他日先母告之先兄,而先兄又以轉告余者。

年已長,成婚有子,勢不能奉嗣母同居,而家產當盡歸掌管。寡孤無以爲抗。人告以無錫縣有汝 其家爲村中首富,母新寡,子乃螟蛉。村中同族嫉其富,欲逐此螟蛉,強嗣一子,亦村中富家, 父囑速起,乃大哭連拜,叩頭不已。起身泣訴,乃知亦錢姓,住長洲縣某村,距蕩口數十里外。 晚飯方畢,忽全身白衫褲白帽者母子兩人,叩門入。其子當較余稍長。母子皆跪先父前不起。先 先父之盡力族中及鄉間事,爲余所親睹者有一事。時余已逾十齡, 家已遷居蕩口鎭。

去至義莊。

宿。此下事余不知,惟聞螟蛉獲留,寡婦亦保其家業 ,惟分一部分給其嗣子 。 又在族中與一善 言:「即近村亦無可信,故携而來此。異鄕隔縣,更無相識,何處存放此三箱。」先父因言:「 汝若信我,可乘夜先移舟至鎭上某紳士家,懇寄汝箱。 彼若允 ,可再來。」母子再來,遂留食 夜離村, 同宗某, 皆出先父調處。先父卒,母子披麻帶孝,來余家拜祭。其後母子又遠道屢來余家,直迄余家 其人秉正仗義,排難解紛,名聞遐邇,何不試往請援。乃携家中珍細三箱,雇一船, 至是始到。先父告以:「汝携三箱,不能放我家。 當先寄放他處,我再爲汝謀。」婦 深

七 先父對余之幼年教誨

遷返七房橋而止。

歸, 歲入塾,晨起遂不見食品。先母告余曰:「汝已入塾,爲小學生 , 當漸知學大人樣 , 與兄姊爲 抱之繞室,噢咻連聲,語先母曰:「此兒當是命貴,誤生吾家耳。」自余有知,先父自鴻聲里夜 必携食物一品, 先父愛子女甚摯。嘗語人:「我得一子,如人增田二百畝。」余之生,哭三日夜不休。先父 如蛋糕酥糖之類,置牀前案上,覆以帽或椀。余晨起揭視,必得食。及余七

伍,晨起點心, 可勿望矣。」余下一弟,先父最所鍾愛,不幸早夭。先父抱之呼曰:「必重來我

Щ

家。」次弟生,眉上有一大黑痣。先父喜曰:「我兒果重來矣。」

父來塾,立余後,適余誦大學章句序至「及孟子沒」,時師尚未爲余開講。 先父指「沒」字問 室小便, 勉記之。因離室小便,歸座,塾師喚至其座前,曰:「汝何離座?」重擊手心十掌。自是不敢離 讀生字二十,忽增爲三十。余幸能強記不忘,又增爲四十。如是遞增,日讀生字至七八十, 痛疾,午睡起,必捧胸蹙額,繞室急步。余童騃無知。 某伯父家。携一子,三人同塾。翌年秋,先父挈余往,先瞻拜至聖先師像,遂四人同塾。 先父爲先兄與放大風筝某伯父家一堂兄,聘一塾師,華姓,自七房橋東五里許蕩口鎭來, 溺褲中盡濕。歸爲先母知,問余,不敢答。問先兄,以實告。先母默然。一日傍晚,先 一日,二兄逗余,笑聲縱。 翌日上學, 師患心 皆強 日

水?」余答:「因字旁稱三點水猜測之。」先父撫余頭,語塾師曰:「此兒或前生曾讀書來。

余,曰:「知此字義否?」余答:「如人落水,沒頭顚倒。」先父問:「汝何知此『沒』字乃落

俾便往返。時余年八歲,師爲余講史概節要及地球韻言兩書。余對地球韻言所講如瑞典、 兄弟學業,移家至蕩口,訪得一名師,亦華姓,住大場上克復堂東偏,余家因賃居克復堂西偏 塾師因讚余聰慧。先父歸,以告先母,先母遂告先父余溺褲中事。年終,先父因謝師歇塾。 挪威日

日閱讀小說,常藏身院中一大石堆後,背牆而坐。天色暗,又每爬上屋頂讀之。余目近視, 家遂又遷居。在大場上之北另一街,一大樓,已舊,北向,余一家居之。余兄弟遂不上塾。 夜長短等事更感興趣。講兩書畢,不幸師忽病,不能坐塾,諸生集庭中鑿池養魚,學業全廢。余 自此

始。

兄, **父歸。** 待晚飯, 先父母對子女,從無疾言厲色。子女偶有過失,轉益溫婉,冀自悔悟。先伯父家從兄來住吾 一日傍晚,邀余同往七房橋。謂:「汝當告嬸母。」余往告先母。 途中, 燈相候。先母先姊謂余:「汝反吃得一碗湯糰。」促速先睡。 兩人不至,乃知果往。先父偕侍從楊四寶,掌燈夜至七房橋。 先父絕不提此事。 至鎭上,先父挈余進一家湯糰舖吃湯糰 先母以余戲言,未理會。 余已睡,披衣急起,隨先 始回家, 先母先姊先

戰羣儒」。是夕,余以背誦兼表演,爲諸葛亮,立一處;爲張昭諸人,另立他處。 客競向先父讚余,先父唯唯不答一辭。翌日之夕,楊四寶又挈余去,先父亦不禁。路過一橋,先 首。又一客言:「今夕可一試否?」余又點首。又一客言:「當由我命題。」因令背誦「諸葛亮舌 不禁。館中鴉片舖三面環設,約可十許舖。一客忽言:「聞汝能背誦三國演義, 信否 ?」 余點 背誦既畢,

先父每晚必到街口一鴉片館,鎭中有事,多在鴉片館解決。一夕,楊四寶挈余同去,先父亦

六

父問:「識橋字否?」余點頭曰:「識。」問:「橋字何旁?」答曰:「木字旁。」問:「以木字

易馬字爲旁,識否?」余答曰:「識,乃驕字。」先父又問:「驕字何義,知否?」余又點首曰:

「知。」先父因挽余臂,輕聲問曰:「汝昨夜有近此驕字否?」余聞言如聞震雷,俯首默不語。至

諸客見余態忸怩不安,大異前夕 , 遂不相強 。 此後楊四寶亦不再邀余去鴉片館,蓋先父已預戒 館中,諸客見余,言今夜當易新題。一客言:「今夕由我命題,試背誦『諸葛亮駡死王朗』。」

之矣。時余年方九歲。

必囑先兄今夜讀何書,歸當考問 。 聽樓下叩門聲 , 先兄即促余速上牀,一人下樓開門。某一時 先父每晚去鴉片館,先母先姊皆先睡,由先兄候門。余見先兄一人獨守,恆相伴不睡。先父

外意。寫一字,或有三字未寫。寫一句,或有三句未寫。遇此等處 , 當運用自己聰明 , 期,先父令先兄讀國朝先正事略諸書,講湘軍平洪楊事。 書。」余枕上竊聽,喜而不寐。此後乃以枕上竊聽爲常。先兄常逾十一時始得上牀。先父猶披燈 蕭孚泗等先入城有功。先父因言,此處語中有隱諱。 既爲先兄講述, 因曰:「讀書當知言 某夜, 值曾國荃軍隊攻破金陵, 李成 始解讀

夜讀,必過十二時始睡。

先父或自知體弱多病,教督先兄極嚴。先兄猶及赴晚淸最末一期之科舉,然不第。時鎭上新

年級。先父對余課程,似較放任,不加督促。某夕,有兩客來閒談,余臥隔室,聞先父告兩客: 有果育小學校,爲清末鄉間新教育開始。先父命先兄及余往讀。先兄入高等一年級,余入初等一

「此兒亦能粗通文字。 」舉余在學校中作文,及在家私效先兄作散篇論文,專據三國演義寫關羽

張飛論等數十篇,私藏不予先兄知之,乃先父此夜亦提及,余驚愧不已。此後遇先父教導先

兄時,亦許余旁聽。謂若有知,不妨羼言。

論

何言。要之,先父似從不作正面教誨語,多作側面啟發語。何意愚昧,竟不能仰副先父當時之苦 貌最醜, 心灌輸培植於萬一!滋足媿也。 一旁。先父每召余至鴉片榻前閒話,歷一時兩時不休。先母、先姊、先兄私笑余:「汝在兄弟中 先父體益衰,不再夜出赴鴉片館,獨一人在家據楊吸食。先母先姊燈下紡紗縫衣, 陪侍父親,卻能多話。聒聒竟何語。」余恧然不能對。及後思之,亦不記當時先父對余 先兄件讀

八 先父之病及卒

先姊以僑居上海之先四姑父母之介紹,遠嫁漢口番禺曾氏。婿往來經商滬漢間,來滬親迎。

製各色醃菜醬菜,精美獨出。 先父母舉家赴滬送嫁,翁婿晤敍經月,乃各歸。先父自歸後即病。醫言乃肺病,痰喘日增。 必能依所言調製, 十一時不能起牀。先母必命余上樓喚醒,陪侍下樓午餐。先父飲食素清簡,率常以鯽魚湯、 麵筋塞肉、 **愜先父之意。及病,午膳只僅上述中一味,飯半碗。晚進稀粥一甌。** 熏魚、瘦肉丸、 其後以教先後諸媳,皆不能及。 **蛝仁等數味爲止。先母精烹飪。先父在外得佳餚,** 先母知先兄及余皆嗜此 歸告先母, 先母尤擅 **猶親爲** 銀魚 晨過

今已四十餘年。

之,留供余兄弟寒暑假歸食。

及先兄又卒,余奔走在外,

先母亦垂垂老矣。

余不嘗此等珍味,

迄

時尚早,可稍待。」初不知其意云何也。上海先四姑母率兩子,及其他戚屬,來住余家者日眾。 所照顧, 其兩兄教導。」次及先父兩族弟, 先兄。又次及余, 只一語,曰:「汝當好好讀書。」 先母挈兩幼弟至前,先父曰:「此兩兒, 四月二十三日夜半,先父忽告家人:「我明日午前當行,今當有所囑咐。」先召先母至枕邊, 人繫念我病者甚眾, 先父病甚,遂移寢樓下,淹滯在牀不能起,逾兩月餘。夜間每面牆側臥, 欲其續理宗族事者。又次及來余家之親戚,皆分別各有所語。 我可待晨十時始行, 一屬五世同堂, 猶及與彼輩道別。當告就近一家,他家必相率而至。 爲放大風箏家某伯父之弟。 及黎明, 口中常囈言: 先父曰: 此兩人皆先父夙 「鎭上 當待 次及

朝旭方升,告一家,他家果絡續至,皆鎭上士紳。先父起身,靠高枕而坐,見來者,拱兩手曰:

曰:「余行矣。」遂瞑目。門外送來香花紙轎,堆積如山。 正焚化間, 後至者多咨嗟裴回不忍 弟年三歲。余兄弟與先伯父家兄弟聯合排行,不育者亦計在內,先兄最長,余行四,兩弟行六行 去。時先父年四十一,是爲前淸光緒之三十二年。先兄年十八,余年十二,一弟年七歲,最幼一 「來生見。」又有店傭,有家僕,亦有不相識者,聞聲登門,先父亦皆拱手語此。及十時,先父

九 先母來歸

之,必多受苦。」外祖父言:「詩禮之家,不計貧富。我極願吾女往,猶得稍知禮。」遂定婚。 獨存架子。 弟一處館, 父兄弟兩人, 先母蔡氏, 大族同居,生事艱窘,而繁文縟節,依然不廢。聞新婿乃一書生,恐不解事。君女嫁 一行醫。或爲先父作媒,有人告外祖父:「七房橋五世同堂一宅,俗所謂醬缸已破, 儒而農。塘水淸澈,長寬得四五畝,養魚養鵝。畜一牛,傭壯丁三四人操耕作。兄 與先父同年。外祖家住蔡師塘頭,在鴻聲里西北約里許,距七房橋可三里。外祖

八十億雙親

禮節,必不使來者不滿,而又曲折婉轉,亦決不失先父處理此事之本意。故使族中人於先父先母 稱。蓋凡族中事煩及先父,先父事忙,多由先母轉達。來者輩分年歲,皆較先母爲長。先母情意 不呼輩分,亦不呼名字,各有一渾名綽號。西弄堂五叔父,名字中有一「愛」字,族中群以「握 常挈以同來,或携其一家同來,特設席鴻議堂。先曾祖父母盛誇二新嫂知禮。族中禮衰,男子互 亦尚在,由七子輪養,五日一輪。來大房,先母主中饋,必豐必潔。先曾祖父母酷愛六叔祖父, 經查詢始知。族中稱先父「珍二相」,先母「二新嫂」,舉族尊長皆然。即在背後,亦絕不有異 (平聲) 蓋」呼之,乃愛字之反切也。余兄弟及長,猶亦呼之曰「握蓋叔」,竟不知其何名何字, 先父十六入泮,即以是年成婚。先母之來,先祖母猶在高堂,先母侍奉得懽心。先曾祖父母

助。 守二十六年。閨門之內,相敬如賓,絕不聞有小爭吵。然先父忙於外,先母忙於內,雖各愛其子 許人,少亦六七人。其年歲皆與先父相伯仲。 其他雜務,亦全由先母指揮料理。諸生競稱師母賢能。數十年後有來者,猶稱道不絕 先母共育四女五男。平均三年必一育。四女惟先長姊存,五男留得四人。先父先母,溫溫相 先父設館授徒, 弟子自遠方來,群住素書堂後進西邊空屋,即先父幼年讀書處。多或同時十 家無婢侍, 由先母掌膳食, 邀族中貧苦者一兩人相

皆一體同視也

鎭外之鵝肫蕩,亦名鵝湖, 舟爲第一號,緊隨龍舟後。龍舟高四五層,宛如重樓叠閣。入夜,燈火照空,鑼鼓絲竹喧天。自 人大爲龍舟之戲,有遠自蘇州來者。先父亦僱一舟,舉家同往觀。 女,乃絕少舉家歡欣同樂之日。余所記憶者僅有兩次,時已遷居蕩口鎭。 蜿蜒駛入鎭上。兩岸環觀者,空鎭而出。先父母與諸子女同坐前艙, 群舟列隊四五十,鎮 一次,值某年端午,鎭 人排先父

左右瞻眺,午夜始返。

祥湖中, 鎭上又送大魚數十尾至,多醃糟至過年後食。余自有知, 又一次,鵝湖東西廣五里,南北長十里,例禁捕魚,惟冬季開放大捕一日。或下大網, 亦有獨駕扁舟垂釣者,千舟羣集,鎭上人多駕舟出觀。先父偕先母挾子女,亦雇一舟,徜 往返觀之。遇相識,隔舟相招呼。年輕人遇見隔舟相識,尤懽躍如狂。捕魚者得大魚, 即在舟中烹食。凌晨而往,薄暮而歸,雲影湖光,蕩人心肺,歡欣得未曾有。 舉家率黽勉平安而過;至舉家得大懽 翌日,

一〇 先母寡居

則僅此兩次。

=

守禮節,絕不奢縱,亦不示人以貧窘窮迫相。他人亦絕少知余家之經濟實況。一日, 兄途中與一不相識人語,此人盛道先父爲人不去口。從兄曰:「外人都知家叔父爲人,卻不問家 先父以文、行、忠、信,受社會普遍尊崇。 然先父與親族交遊間,語不及私。往來酬酢, 先伯父家從

更不宜與外人道之。」先母日常,戚族來往,亦絕不談及家庭經濟。

叔父闔家生活。」語聞於先父,特召先兄與從兄誠之曰:「生活各家不同,非年輕人所當過問,

家懷念往昔,何以自安。」先母不獲已,召先兄與余立面前,泣曰:「汝兄弟聞所言否?幸能立 義莊撫養孤寡,乃符合列祖列宗遺意。且五世同堂一門,孤寡受撫卹者何限。二嫂獨不受,此諸 於地下?」諸親族爭言:「二相生平絕不懷私圖,不惟親族羣知之,即路人不相識者,亦皆知。 於萬一者,自問存心無一毫私圖耳。今棺木未入土,其妻其子,即吃義莊撫卹米,何顏面見先夫 **卹。先母泣不允,曰:「先夫在日,常言生平惟一憾事,乃與諸伯叔父爲義莊涉訟。** 及先父之喪,親族弔者群集,始悉我家之艱困, 力主孤寡生活, 當依例領取懷海義莊之撫 稍可贖歉疚

先母不識字,十六歲來歸。余幼小初有知識,即側聞先母與先姐先兄之日常相語。 及後知識 志早謀自立。」先兄及余皆俯首泣不止。

乃知先母凡與子女言,絕非教誨,更無斥責,只是閒話家常。其話家常, 則必及先祖母先

漸開,

活, 教誨, 父, 雖極貧苦枯寂,然余兄弟在當時,實並不知有所謂貧苦, 必以先祖母先父爲主, 皆有一中心。 及先父卒, 乃牽連及於宗族鄉黨間事。故其語語皆若瑣事,若閒談, 凡先母之告先兄及余者, 更惟以先父之遺言遺行爲主。 亦不知有所謂枯寂。 而實語語皆 惟若先父之 家生

如在我前, 如在我左右。|日惟以獲多聞先父之遺言遺行爲樂事。

人之不可及。 君夫婦之情, 余家室無燈, 檻上,守候先兄,久久不見其歸。近鄰各家,香烟繚繞, 莊錢米。長弟患瘧疾,寒熱交作,擁被而臥,先母在房護視。幼弟依先母身旁。余一人獨坐大門 先父卒年,余家又遷居後倉濱,即果育小學之隔隣。是年除夕,午後,先兄去七房橋領取義 暮靄已深, 竈無火,欲招與同喫年夜飯。先母堅卻之。某夫婦堅請不已。 亦欲待長兒歸, 先兄踉蹌歸。 具香燭先祭拜祖宗, 又上街,辦得祭品數物。 乃能進食。」某夫婦每常以此嗟歎先母治家爲 爆竹喧騰。 焚燒香燭, 同居有徽州朝奉某夫婦,見 先母曰: 先母率諸兒祭拜祖 「非不知領

中人堅不納。謂:「汝家例可記賬,何急爲。」不得已,携錢歸。其他店舖亦然。先母曰:「此 先母命余任之。 先父在時, 日, 向鎭上各店舖購買貨物, 到街上購醬油,先母令携錢往,隨購隨付。 例不付款,待年終淸結。 先父卒後, 店舖中人不受。 上街買小品雜物, **余堅欲付,舖**

遂草草聚食,

幾深夜矣。

及歲除,先兄及余集先母臥室,先兄必開先母抽屜,得十元八元,必曰:「今年又有餘存。」母 不令我心上老記一賬。」及余家遷返七房橋,此事始已。及後,先兄及余每月進款, 余兄及余往往竟夕不寐。 後,亦有黎明始到者。|例須手提燈籠,示除夕未過。| 先母必令先兄及余坐守,不願閉門有拖欠。 上各店舖派人四出收賬,例先赴四鄉,鎭上又分區分家, 又爲難矣。汝父在時,家用能求節省卽可。今非昔比,萬一年終有拖欠,又奈何。 但亦有竟不來者。先母曰:「家中有錢,可勿記賬在心;家中無錢,豈 認爲最可靠者最後至。 」 及歲除,鎭 余家必在午夜 必交先母。

子三人,皆面有喜色。

畢業, 下有諸弟,家貧急謀自立。學校特令先兄管理理化實驗室,按月給獎學金一份。 校命之爲班長。監督又召問:「汝尚年輕,當求深造,爲何投考師範班?」先兄告以上有慈母, 同學四十人,年齡率在三十以上,有抱孫爲祖父者。先兄年僅十九歲,貌秀神俊,聰慧有禮,學 學。」明年冬,適常州府中學堂新成立,先兄考取師範班,余考取中學班。師範班一年卽畢業, 用心甚至。今長兒學業未成,我當遵先夫遺志,爲錢氏家族保留幾顆讀書種子,不忍令其遽爾棄 先父之卒,諸親族羣來爲先兄介紹蘇錫兩地商店任職,先母皆不允。曰:「先夫教讀兩兒, 諸師長同學競爲介紹教職, 先兄願回家侍母, 亦欲致力桑梓, 遂歸。復遷家返七房橋, 翌 年**,** 以第一名

籲族中, 由闔族三義莊斥資,創立小學校一所,取名又新。七房橋闔族羣子弟及齡者皆來學。先

兄爲校長,另聘兩師,一爲先父舊學生,一爲先兄師範班同學,年皆四十以上。

終日在房啜泣。 橋闔族皆來賀。 果育學校舊師長, 先兄旣獲職, 鴻議堂上自先父先母成婚獲得一次盛大慶宴外,三十年來,此爲其第二次。 婚禮先拜天地,後拜親長,羣擁先母掩淚自房出至堂上。 先母卽令先兄不再領懷海義莊之撫邺。先兄月薪得十許元,一家生事益窘。 爲余申請得無錫縣城中某衈孤會之獎學金,得不輟學。翌年,先兄完婚。 **余在旁側觀** 先母 幸

極。 回念先父去世後幾年情況,眞不啻當前之如在夢寐中。

悽感無

旁, 上海同濟大學學西醫有名, 必晨始歸。聞余病,曰:「我必先至壻家。」屢來,余病得有起色。 後其女不幸早亡。 其子在 年, 家,此子他日,幸賢昆仲加以輔導。」日常環后宅數十里內求醫者踵相接。入夜,駕一舟出診, 溽暑不扇, **慕先父先兄名**, **余轉學南京鍾英中學校。暑假在家,忽犯傷寒症,** 先兄聲譽日著,長又新小學外,族中事亦漸紛集。 目不交睫。 以其女許余,並召先兄及余至其家,盛筵款接, 近兩月, 與余家往返如親故。先母護視余病,晨晚不離牀側,夜則和衣睡余身 余始能漸進薄粥。 天未明, 爲藥所誤,幾死。 七房橋闔族祥和之氣, 先母親登屋上,取手製醬瓜。又 出見其子, 十里外后宅鎭有名醫沈 又復再見。 ₽. 「今爲親 辛亥

此病不啻余之再生,皆先母悉心護養之賜。其時居素書堂東偏房,今名所居

臺北外雙溪屋曰素書樓,以誌先母再生之恩於不忘。

旬日,

漸進乾飯。

復」。 至校, 望亭車站,乘滬寧鐵路火車。車中讀報,始悉革命軍已於昨夜起義武漢。是日爲八月二十日。 離校不許留, **余病三月,一日,** 同學四散, 余與家中音訊久絕,急歸。 乃乘南京開出最後一班車,僅能赴上海。 乃意欲待革命軍進城投效,留校不去。事益急,學校下令驅逐全體師生僕役悉 始進葷食,即欲於明日返學校, 先母見余,抱余頭,幾泣,曰: 翌日爲重九, 先兄爲余治裝。 「方慶汝再生, 初謂今生不復 上海街頭掛白旗,高呼「光 翌晨,自鴻聲里乘船赴 旣

得見汝面矣。」

夜,分番站崗村外之四圍。先兄偕年老諸伯叔父及余逐崗巡視。又與他處自衞隊聯絡, 數十支。命余爲教官,教諸伯叔父兵操。 立正、 少息, 聽命惟謹。 又聘一拳師教拳擊刀棒。 七房橋辦團練自衞,先兄爲自衞隊長,諸伯叔父皆爲團員。先兄與一叔父去上海購得後膛槍 切盡 每

先兄指揮。先兄時年二十三,余則年十七。

學校任職。

教讀生涯,

民元春,余因鄉閻未靖,不忍又遠離。 迄今忽已六十三年矣。 六弟年十三, 先兄命余携去, 亦無從籌學費,先兄命余赴七八里外秦家水渠三兼小 **=** 「汝或教導勝

炬。 五世同堂兩遭火災。前一次在第一進,此處本無人居。第二次在第三進素書堂東邊, 夫婦所住。①兩臥室一書房, 亦令其漸習離家生活。」翌年,送六弟進常州中學。民六之秋又爲余完婚。甲子、 五世同堂荒殘不堪,亦無屋可居,乃又遷家至蕩口。幸先姊遠自漢皋携來多衣, 盡成灰燼。 先祖父手鈔五經,及史記評點, 及先父窗課, 即先母與余 一家得以蔽 乙卯間 同付

體。先母患胃疾,經月惟進水漿,半年始漸康復。

初來,可免未識慈親心性所安之虞。先母曰:「我今無事,當務督導長孫讀書。」每夜籌燈,伴 商。先兄曰:「吾兄弟必各分房異爨,庶可使慈親節勞。」並由先兄及余兩家輪流奉養,兩弟婦 孫誦讀。余在家,亦參加。同桌三代,亦貧苦中一種樂趣也。 自後八弟又在常州中學畢業,兄弟四人皆在中學教讀。 先兄又爲兩弟同日完婚。 乃兄弟集

先兄字聲一,余字賓四,皆先父所定。先兄原名恩第, 余原名恩鑅。 民元之春,先兄易名 則由余所

¹ 編者案:此處恐先生誤記。師友雜憶第四篇第六段記第二次火災在民國七年,乃戊午年。第一次火災則 在民國四年,爲乙卯年。甲子年爲民國十三年,時事不合。

一一 先兄之卒及先母之晚年

民十七夏秋之交,

余妻及新生一嬰孩相繼死亡, 時先兄任教於無錫榮巷榮氏新創之榮巷中

父先父三世不壽,而一門孤寡,亦復三世相傳。先母又罹此變,其情可知。 先兄年僅四十,遺下一妻兩男兩女。長子年十六,隨余在蘇州中學讀高中一年級。先兄乃與先祖 歸家爲余料理喪事,以勞傷過度,舊患胃疾驟發,不幸亦溘然逝世。兩月之間,連續三喪。

卒後,余裒其遺詩三百餘首,編爲一集付印,分贈其平日友好及從學弟子之不忘其師者。恨今手 可異也。先兄喜吟詠,曾文正十八家詩鈔不離手口,尤喜陸放翁七律。所爲詩, 百擔米託書肆保管,乃於香港幸得先兄手圈之資治通鑑, 揮鑼鼓。每逢春節,鴻議堂鑼鼓喧天,皆由先兄指揮。又能書,墨迹遍布城鄉。 一部,先兄卒後,余常携以自隨。 抗戰軍興,余有書五萬册留北平。避赤氛南下,五萬册書以一 先兄喜音樂,能多種樂器,尤擅琵琶與笙。余喜簫笛,寒暑假在家常兄弟合奏。先兄又能指 五萬册中只此一部數十册重歸余手,亦 幾乎全做放翁。 有手圈資治通鑑

邊無之,不知大陸猶留存有此書否?②

求。 +, 此 |楡關事變,風聲日急,侍母南返。欲俟風聲稍靜,再迎北上。先母告余曰:「汝父汝兄, 幸汝兄弟三人,各自成立。長孫亦已考入淸華大學,我家子孫,首有入大學者。此外我復何 再求歸葬,豈不重累於汝。」余見母意已決,不敢強請,乃奉母返蕩口,與八弟媳同居。 不餓死,不凍死, 先母年七十,余乘暑假自北平返蕩口。見母體氣轉健,精神日旺。七房橋蕩口及其他地區, 越一年,余在蘇州續娶,迎養先母來蘇州。民十九余赴北平任教, 我願已足, 生活上不願再求舒泰。 且人命無常, 我年已老, 萬一身歿北 翌年, 又奉母北上。值 福命止

醫檢查身體,得偕六弟一家伴遊太湖黿頭渚竟日。 以能不改其素常生活爲樂。余在旁件侍三月,終不敢啓口有稱觴祝壽之請。僅勸先母去無錫城訪 戚族相識, 乃至農戶商家,僕隸婦傭,登門問候者不絕。先母禮遇不衰,恩意有加。窺其意,實

2 編者案: 編者近年曾數度促請大陸親友在北京、 上海 無錫、 蘇州之圖書館等處查尋聲一先生紀念詩

至今尚未覓得。

八十億雙親

一二 先母之卒

伴母一年。時先母年已七十六,尚能自下厨,治精膳爲余夙所喜者,偕余兩人同食。先母食量, 於翌年民三十陰曆新年初五辭世。除余在成都,長孫在美國 , 六 、 八兩弟及余兄弟四家諸媳諸 亦以爲恃。因先母高年,兩醫同意投金雞納霜求瘧速止,不意引起四十年前胃疾,消化不良,終 遄返後方, 先母率諸孫自園送余至大門, 可數百步之遙。 余見先母步履顔色, 意氣談吐,不慮 與余相若,余每心喜。先母不復談往事,日在園中以含哺弄孫爲樂。翌年初秋,余又隻身離母 有他。乃秋末,因園中多蚊,患瘧疾。家中有醫生相熟者兩人,一即上海同濟大學畢業之|沈君, 有加,似不願與諸雛遽相離。余遂擇一荒園無人居者,留家蘇州奉養。余亦變姓名,閉戶不出, 女。佘之長兒,先母所素愛,次兒僅見於乳抱中,此下一兒一女,先母未曾見。驟睹諸雛,憫撫 女自北平返,迎母來蘇。兵亂中,先母與先兄六八兩弟三家同居蕩口 。 及是 , 得覩余之三兒一 女醫更有名,爲余至友須沛若之女,北平協和畢業。此兩醫禮敬先母備至,可一呼卽來,臨別 抗戰軍興,余隻身南下,赴長沙、昆明。於民二十八之夏,自昆明隻身返蘇州,余妻亦挈子

皆環侍在側,同視殮葬。先母年七十六,余年四十七。

相處, 固不能當先母平日爲人之萬一,然亦何以竭此心所存之萬一乎?亦竊願掬此心以告當余世之同爲 恩情,使余能歉疚漸消而重獲新生。八十年來,非先母之精神護恃,又烏得有今日。及今追述, 卒,至今又踰三十三年以上。余之不肖,歉疚叢集。惟每一念及先母,其慈祥之氣色, 於先母身邊,獲得深切之體會。卽家中養一貓,養一雞,先母對之,亦皆有一番恩意。 無往來。綜計自民國肇建以來,獲與先母長年相聚,亦僅此三年而已。先母外和而內剛, 又半。最後抗戰期間,又獲於蘇州耦園,陪侍先母一年,然從不敢陪先母出大門一步,親朋亦絕 小學, 亦強半得之於先母。余之於先母,及今追思,亦復相親之日少,相疎之日多。先父之卒, 亦惟寒暑假獲親慈顏。民十九,蘇州侍養僅半年,余卽赴北平。民二十,侍養北平, 自念生平,於先父實無所知。其一二所知者,皆由先母先兄之稱述中得之。卽先兄所稱述, 施於人者必多,受於人者必少。卽對其親生子女,亦各皆然。常念古人以慈恩喻春暉, 猶得晨夕與先母相親。 自十三歲之冬, 庶能獲此心之不孤,然亦何以報先父先母於地下。 悠悠蒼天, 進入中學,僅寒暑假在膝下。 我悲何極。 民元以還, 其周到之 自先母之 教讀在 余尚在 其與人 得一年

此文寫於梨山賓館、武陵農場、天祥中國旅行社三處, 凡經六日。 又在花蓮宿兩宵,其第 孤兒者,

Ξ

二宵晚九時許,卽余七十九年前(淸光緒乙未六月初九 —— 西曆一八九五年七月三十日)之

八十億雙親師友雜憶合刋

余任教北大時,南遊廬山之年,過漢口居先姊家。先姊嫁後無生育,偕其亡夫妾所育一幼女

同居。及余留蘇侍母之年,先姊携女再歸省親,一旬而別,實爲余與先姊最後之一面。及民

年又誌。

弟均在大陸先後去世。則余之一家,父母所生育,亦僅存余一人而已。感慨何極。民七十一

三十八年冬,余初至香港,聞先姊哀耗,時其女已成年,此後音訊遂斷。兩年前又聞六弟八

生辰也。時爲中華民國六十三年暑。

成, 前相識已無一人同歷其事者。第二篇寫常州府中學堂事,在臺有一人,在港復有一人,年皆長於 際,未即寫下,隨又忘之,苦搜冥索, 衰,記憶銳退,一人名,一地名,平常自謂常在心中, 亦已有三十年之久。【古人以三十年爲一世,以今思昔,皆已恍如隔世。 要部分,亦隨以淪失不彰,良可惜也。惟余所欲追憶者乃遠從七十年前開始。逃避赤禍來港臺, 友往事,常存心中,不能忘。今既相繼溘世,余苟不加追述,恐其姓名都歸澌滅,而余生命之重 皆垂垂九十矣。余所思,未必即彼所知。此皆前淸時代之事。下逮民初,亦復如是。故凡余 妄有自述,豈不靦顏。惟生平師友,自幼迄老,獎勸誘掖,使余猶幸能不虛度此生。此輩師 余八十初度,撰憶雙親一文。讀者多勸余繼述生平經歷,以饗並世。余念自幼志學,老而無 終不復來。 而又無人可問。 但一臨下筆,即渺不可尋。 如寫第一篇果育學校事, 而況憂患迭經, 有時忽現腦 體況日

未嘗不足添一客觀之旁證。有心世道之君子,其或有所考鏡。是則凡余之所雜憶,固不僅有關余 變。余所追憶亦可使前世風範猶有存留。讀此雜憶者,苟以硏尋中國現代社會史之目光視之,亦 時代,亦屬可有可無。 增余一人不爲多, 分,務求敍述眞實,亦屬余對生命之自惜。縱屬一鱗片爪,在余則彌自珍重。而余之生命, 所述, 一人之事而已。又余雙目已不能見字,信筆所至,寫成一字卽不自睹,工拙更不可計。亦有心中 皆屬一鱗片爪, 而已費九牛二虎之力。 減余一人不爲少。 惟此七十年來, 但旣到老不忘, 則可確證其爲余生命中之重要部 世風時態,驟轉亟 在此

於民國六十六年多,於民國七十一年之雙十國慶停筆,前後歷五年。 民國六十七年春錢穆自識於臺北士林外雙溪之素書樓,時年八十有四。此序先成, 全稿起筆

求其簡,庶亦可告罪於萬一耳。|知我罪我,是在讀者。

極明白極淸楚之事,不敢放筆。若以白話文寫出,則更恐浪費紙張,浪費讀者之光陰。故下筆力

師友雑憶

果育學校

余七歲入私塾, 十歲進新式小學, 爲無錫蕩口鎭之果育學校。余此書所述,亦自果育學校

始。

父命同往考。先兄入高級小學一年級,余入初級小學一年級。其時諸老師教文史者,初不太受人 果育學校由蕩口鎭華子才先生私人創辦。學校分高初兩級,各四年。余偕先兄聲一先生,奉

特別重視。因宿學碩儒,延攬尙易。教理化自然科學者,則不易聘。而體操唱歌先生亦甚難得。

此皆所爲開風氣之先者。而果育學校之兩位體操唱歌先生,則尤爲一校乃及一鎭之眾望所歸。 體操先生爲余之同族伯圭先生,乃鴻聲里人,遊學於上海。後始聞其乃當時之革命黨人。

三五

職頂, 態。 在此一問題上。余之畢生從事學問,實皆伯圭師此一番話有以啓之。 **國人,余之一生亦被困在此一問題內。而年方十齡,** Ħ, 書一開首即云: 伯圭師此數言常在心中。中西文化孰得孰失,孰優孰劣,此一問題圍困住近一百年來之全中 若如今歐洲英法諸國, 攬余手, 使余全心震撼。從此七十四年來,腦中所疑,心中所計,全屬此一問題。余之用心,亦全 問余: 『天下合久必分 , 分久必合,一治一亂』,此乃中國歷史走上了錯路 「聞汝能讀三國演義, 合了便不再分, 治了便不再亂。 然否。」余答然。伯圭師謂: 伯圭師卽耳提面命, 我們此後正該學他們。」 **揭示此一問題,如巨雷** 「此等書可勿再讀。此 余此後讀 故有此

歸, 有滿漢云云字樣,卽指此。」 余自幼卽抱民族觀念,同情革命民主,亦由伯圭師啓之。 詢之先父。先父云:「師言是也。今天我們的皇帝是滿洲人,我們則是漢人,你看街上店舖 伯圭師隨又告余,「汝知今天我們的皇帝不是中國人嗎?」余驟聞,大驚訝,云:「不知。」

唱歌先生華倩朔師, 名振, 初字樹田,蕩口鎭人。尤爲一校師生共仰之中心,其見重似尤過

倩朔師曾遊學於日本,美風姿,和易近人,喜詼諧,每以東方朔曼倩自擬,故改號倩朔。

易名『立

H, 心』。立心識, 召同班同學華端慶,告曰:「汝每日寫自己名字,不覺麻煩嗎?今爲汝減省筆劃, 始可得慶,汝當記取。」一時羣相傳告。倩朔師好於詼諧中寓訓誨, 率類此。

夜者。 必慕效西化, 爲其西湖十景歌, 由上海商務印書館出版, 師擅書法, 歌解淺顯, 亦非眞白話。 亦能繪事, 而描寫眞切, 全國傳誦。 並能吟詩塡詞。 較之倩朔師推陳出新, 其書暢銷全國, 歷一二十年不衰。書中歌詞, 如在目前。 而余則尤愛讀其「秋夜」諸歌, 民初以來,爭務爲白話新詩,然多乏詩味。又其白話 **惜余等皆童年**, 自抒機軸,異於當時相傳之舊詩,而純不失其 未能見其作品而讀之。 歌題雖已忘,然確知其乃詠秋 皆由師自撰。 曾編唱歌教科 尤有名

爲詩之變。果能相互比觀, 則自見其高下之所在耳。

嗣升二年級,

師亦隨升。

Ħ,

出

卽

題日 見余上星期六所爲文已貼教室外牆上,諸同學圍觀。余文約得四百字, 「鷸蚌相爭」。 倩朔師又兼任初級小學第一年之國文課,余亦在班從讀。 作文課常在週末星期六土曜日之下午。星期一月曜日之晨, 師評云: 余初入校門, 「此故事本在戰 可謂 妙得題

蘇代以此諷喩東方諸國。惟教科書中未言明出處。今該生卽能以戰國事作比, 又篇末余結語云: 「若鷸不啄蚌, 蚌亦不鉗鷸。 故罪在鷸, 而不在蚌。 倩朔師評云:

結語尤如老吏斷獄。」余因此文遂得升一級上課。 倩朔師並獎余太平天國野史一部兩册, 乃當時

春冰室主人所撰。余生平愛讀史書,竟體自首至尾通讀者,此書其首也

學不倦,則受此書之影響爲大。 自修苦學而卒爲名學者數十人,一一記述其苦學之情況。 書名修學篇, 上海廣智書局出版,乃蔣方震百里譯日本人著作。書中網羅西歐英法諸邦不經學校 國文老師改爲華山先生。余撰一文,已忘其題,又得續升一級。華山師賞余一書, 余知慕蔣百里其人,亦始此。 余自中學畢業後, 未入大學,而有志苦

=

敬。 學尤過之。余中年後,治學喜史地,蓋由顧師導其源。 師之輿地學兼通中外,時發精闢之論。時上海有童世亨以地理學大師名,同學謂顧師之地理 師又精歷史輿地之學, 自余升入高級班 , 國文老師轉爲由無錫縣城聘來之顧師子重。 在講堂上喜講三國兩晉,於桓溫王猛常娓娓道之, 顧師學通新舊, 使聽者想見其爲 尤得學生推

長退課皆聚於此。樂在齋北左側開一門,通大廳之後軒, 果育學校乃假華氏一祠堂屋,有一大廳,四壁楹柱, 廣長舒適。朝北長窗落地, 皆偏懸聯語。右邊側房爲樂在齋, 窗外雜時花 諸師

諸師皆住鎭上, 木,有假山,有小池,儼然一小園,幽蒨怡人。軒左向南爲大廳之左側房,顧師臥室在焉。 一長方桌,酒一瓶,花生燻魚等數小碟,手書一卷,隨酌隨閱。 獨顧師由縣城中來 , 乃宿校中。每日下午四時課畢, 諸同學喜自樂在齋進後軒 諸師皆散, 顧師 人在後 校中

圍師座,有所請益。師不拒。

去。遂改看翻譯本西洋小說。首得天方夜譚,次及林琴南所譯, 七過,竟體爛熟。 讀,自首迄尾一字不敢遺。乃知小字皆金聖嘆批語,細讀不忍釋手。一遍又一遍, 諸同學每環聽其講述,先生肯命其前來一加詢問否?師頷首。同學中兩人出外覓余,偕入。顧師 鉅構,諸生何得以閒書視之。諸同學因言,校中有幼年學生錢某,勤讀水滸傳,每淸晨上課前 庵之水滸傳。 只看大字,不看小字,故所知僅如此。」余聞言大驚,何以先生能知余之隱私。 某日, 「汝能讀水滸否?」余答「能」。顧師隨問水滸傳中數事,余皆應對無滯。師言: 乃寒假後顧師新到校, 諸同學問, 此後讀其他小說, 此係一閒書, 桌上一書,大字木刻。諸同學疑是何古籍,就而視之,乃施耐 皆謂遠遜, 何來此大字木刻之像樣書品。師言,然濫觴乃中國一文學 不再讀。 余自幼喜讀小說之積習, 皆自顧師一語發之。 全書反覆幾六 余亦自此常 自此返而! 自此霍然除 「汝讀水

長侍顧師之左右。

Ħ, 某同學問, 錢某近作一文, 開首即用「嗚呼」二字, 而師倍加稱賞, 何也?顧師言:

撼,自此遂心存韓愈其人。入中學後,一意誦韓集。 文乃能學歐陽修。」 「汝何善忘, 歐陽修新五代史諸序論, 顧師莊語曰:「汝等莫輕作戲謔, 不皆以嗚呼二字開始乎?」諸同學因向余揶揄言: 余之正式知有學問, 此生他日有進,當能學韓愈。」余驟聞震 自顧師此一語始。 「汝作 惜余

升高三時,顧師已離校他往,不克多聞其訓誨。

}傳, 及顧煉高春秋大事表, 對書中每一人之家屬長幼,及母妻戚族, 時國文老師除顧師外,尚有瞿馮兩師, 因知往日瞿師言, 乃由此書來。 皆年老, 隨口指名, 曾爲校主華家私塾師, 如數家珍。 同學皆驚訝。後余讀書多, 皆名宿。 **瞿師講左**

四

經、 鎭, 黄石衖。 史、子、 就其宅開 余在果育, 兩弟皆在外, 集, 一暑期講習班, 尚有一 無所不包。皆取各時代名作, 老師終生難忘, 寒暑假始歸。 專教果育高級班。 紫翔師在蘇州某中學教英文。 乃倩朔師之仲弟紫翔師名龍。 一時代不過數人,每一人只限一篇。全一暑期, 授中國各體古文,起自尚書,下迄晚淸曾國藩, 余入高三時, 倩朔師三兄弟, 暑假紫翔 同居鎭上之 師返

賞。下星期一晨,諸生進入華宅,此文已懸貼壁上。然余今已不記在此文中曾作何語。 約得三十篇上下。猶憶授史記孟子衛卿列傳後, 撫余肩, 拉余手, **令諸生課外作讀後一文。** 摸余頭, 忽在余頭上髮中捉得一虱。 余所作深獲紫翔師讚 華家 此事乃使 太師

余羞澀俯首,終生難忘。 母及三位師母皆圍余倍加慰問,

| | | | | | | | 篇。 桌, 逐漸領悟到當年紫翔師所授,雖若僅選幾篇文章而止, 誦。 紫翔師一手持一長黄煙管, 余最愛聽魏晉南北朝諸小篇, 是夏暑氛甚熾, 此後余誦古文,不分駢散, 獨選伯夷頌一短篇。余後來精讀韓文,於此篇更深有體會,受益匪淺。其後所學有進, 紫翔師忽得眼疾, 一手摸此長桌邊繞行。 尤愛清代如洪亮吉汪容甫等諸小篇**,** 如王粲登樓賦, 架深藍色眼鏡,在講堂側一空室中, 鮑照蕪城賦, 逮上課,乃轉來講堂。所講課文殆半出記 而即就其所選, 江淹別賦, 皆植根於此。 亦可進窺其所學所志之所 及邱遲與陳伯之書等 連三方桌拼成一長 紫翔師於韓 75

1

使余尤難忘者,

紫翔師又選授南宋朱子之大學章句序,

及明代王陽明之拔本塞源之論。

此後

極少存文學與理學之門戶分別。治汪學乃特從拔本塞源之論得有領悟。又其後乃知陽明拔本塞源 始知拔本塞源之論, 乃陽明答顧東橋書之後幅,入陽明傳習錄中卷。 余此後由治文學轉入理學,

果育學校

之論,亦從朱子大學章句序轉來,則已在余之晚境矣。

余童年之啓廸,有以發之也。 心之所嚮而已。」余至晚年始深知人才原於風俗,而風俗可起於一己之心嚮。則亦皆是紫翔師在 紫翔師最後所選授者,爲曾滌生之原才篇。開首卽云:「風俗之厚薄奚自乎?自乎一二人之

篇目。其時紫翔師尙在蘇州,余曾有書請益,紫翔師亦曾作復。惜今其稿無存,而紫翔師所指示 別出心裁,並有「超象外得環中」之深義。余曾有意模倣,作「中國歷代古今文鈔」一編,寫有 文學」一部分示例,較之姚選古文辭類纂,曾選經史百家雜鈔,及古文四象等書,皆別關蹊徑, 民初余在鄉村小學教書,益念及當年紫翔師暑期講習班所授,幾若爲中國文學史中所謂「古

暑期講習班上所獲入也。 此後余每治一項學問,每喜從其歷史演變上著眼, 而尋究其淵源宗旨所在, 則亦從紫翔師此

五

余與先兄同入果育學校,班次本有三年之隔,及余兩度躐等升級,與先兄僅隔一年。淸光緒

應考, 末年③,先兄在四年班,余在三年班。是年有常州府中學堂創始,果育四年級同學八名全體報名 兄所購書逐册埋頭苦讀, 高四全班八同學皆錄取, 伯圭師倩朔師亦命余附隨報名, 惟余一人名不預。是夜,余擁被大哭。翌日,學校課畢卽返,取架上先 志欲倍加勤奮,期有以雪此恥。一書忘其名,皆選現代名家作品, 同往應試。 歸後旬日,得無錫縣署寄來果育錄取生名單**,** 始讀

及梁啓超之文。

也。 蓋, 取, 先兄與余亦正離書室將去臥房, 我已代爲籌措, 今晚始得縣署補告。 又隔旬日,先兄已治行裝, 明晨當徑送船上,勿再操心。」蓋伯圭師知余家貧, 」囑先兄: 忽聞扣門聲甚急, 明晨將偕七同學結隊出發。是夕,過九時, 「今夜卽速爲汝弟整理衣物, 啓視, 乃伯圭師。 明晨可隨眾行。 入門, **倉促間不易辦此一大事** 撫余首曰: 先慈與兩弟皆已睡, 至牀上枕被舖 「汝亦錄

先在。余此晨大興奮,特在船上暢述新讀一「名學」書,詳論「演繹歸納法」。並言,「凡人皆 翌晨, 上船, 校主華子才老先生由縣城中特派其一碾米廠總管華叔勤先生來鎭督隊同行,已

③ 編者案:據常州府中學創辦十年大事逃略,該校創辦於光緒三十三年。

四四

在旁聆聽,大爲激賞。謂汝年幼,已能談西洋思想,他年必可有大前途,愼自勉之。 因指諸同學,「汝曹皆是人,皆當有死。此乃西洋名學家言, 汝曹何辭以答。」 後余畢業中 叔勤先生

重返果育舊校教書,叔勤先生特自城送其兩子來從學,亦事隔六七年之久矣。

車初通, 余等到縣城,住校主碾米廠中,晚飯晨餐,皆余十三歲來有生未嘗之珍品也。時滬寧鐵路火 **余等九人中** 惟兩人獲許乘火車先往,餘七人仍坐船,由叔勤先生督隊行。

現代中國社會人文,自知西化,已日漸進步。 十年來之學術界,亦不能不負其一部份之責任也。言念及此,豈勝悵然。 巋。禍亂相尋,人才日趨凋零,今欲在一鄕村再求如此一學校,恐渺茫不可復得矣。近人必謂, 時代,惜乎後起者未能趁此機運,善爲倡導,雖亦掀翻天地,震動一世,而卒未得大道之所當 能網羅如許良師,皆於舊學有深厚基礎,於新學能接受融會。此誠一歷史文化行將轉變之大 以上是爲余在果育小學四年之經過。回憶在七十年前,離縣城四十里外小市鎭上之一小學校 如上舉,豈亦足爲社會人文進步之一例乎!恐此七

又蕩口雖係遠離縣城四十里外一小鎭,其時居民之生活水準知識程度亦不低。 然其對果育諸

興, 社會必勝過農業社會,然今日農村及僻遠小市鎮之小學教師姑不論,卽在商業都市中, 全鎭。是日下午四五時, 能遘此異遇者有幾?宜乎位爲小學教師者皆自菲薄,不安於位,求去如弗及也。 師長皆備加敬禮。 年, **舊俗對私塾老師皆知敬禮,** 亦赴蘇州城一中學兼課, 不僅有子弟在學校之家庭爲然, 鎮人沿岸觀視,儼如神仙之自天而降。其相重視有如此。國人率謂工商 今謂新學校尤高過舊私塾, 每週往返。當其歸舟在鎭南端新橋進口,到黃石衖停泊, 卽全鎭人莫不然。 故對諸師敬禮特有加。 因其時科舉初廢, 倩朔 小學教師 師在最後 幾駛過 學校初

位已遠更落後,大不如新學校中當師長者之出色當行。 鎭上,每於學校旁一小橋上遇之,余對之行禮,此老師必側面躱避如不見。其時, 余六七年後,返果育舊校當教師。余七歲時,家中特自蕩口聘往七房橋之私塾開荒老師 今日則學校教師又見落伍, 世態炎凉, 則私塾老師 尚在 亦 地

豈得作文化進退之尺度乎!

禮。 入侵, 朔師遠從滇南歸來, **蕩口鎭賴獲保全,** 先兄聲一先生最後遷居黃石衡, 時倩朔師尚在, 在南京某學校任教。 不肆殘殺, **猶不忘日語**。 亦少破壞。鎭人稱頌倩朔師不置 日本軍官中多有能欣賞中國字畫詩詞者, 即倩朔師住宅之前座。不幸在此逝世。 假期中歸蕩口, 舊時師生又見面。 民國二十六年, 余隨先慈留住。 皆於倩朔師特致敬 日寇 時情



常州府中學堂

附 私立南京鍾英中學

六、三年,皆在府中學堂,凡三年又三月。記憶最深者,爲監督屠孝寬元博師。師武進人。監督 宿舍纔定,校中卽出布告,許諸生自量學力,報考二年級。中學部果育高四級同學七人,全體報 名應考,亦囑余參加報名, 余十三歲入常州府中學堂,時爲清光緒三十三年之冬季。中學新生共分三班,入學未一週, 幸皆錄取。在校未及兩月,卽放寒假。明年起,余十四、十五、十

中年人,在三十至四十之間。有一人,居家擁孫爲祖父,則恐已年過五十矣。先兄年僅十九,未 先兄聲 | 先生與余同入府中學堂,惟先兄入師範班。中學生年齡都在二十左右,師範班生皆

卽猶今稱之校長。

常州府中學堂

到二十歲,

同班中最年幼者皆當長先兄四五歲以上。每班設一班長, 而學校命先兄爲師範 四八 班之班

長, 余未遍詢全校意見, 同班年長者多不服。 不得偏徇汝等意見。抑師範生、 春假開學, 言之監督, 請易人。 中學生同在一校, 元博師勸喻再四, 本屬 仍堅請。 體, 我亦得詢之他 元博師

擅辭令, 長演說, 起立侃侃發言, 達半小時。 大意謂, 中學、師範同在一校, 事事皆待接觸商

遂召開全體大會。

中學二年級班長楊權,

乃無錫同鄉,

其人美風姿,

面白皙,

而

兩層基濃,

近人, 治。 而雙方年齡相差, 不免有扞格。 和藹可親,不失爲師範班、中學班溝通意見一橋樑, 惟師範班長錢某, 與中學生年相伯仲,其人通情達理, 請勿易。楊權辭畢, 舉座默然。 平易

範班亦無人起立表示反對, **遂散會。先兄仍任班長如故**

宜可深造,

Η,

考師範可省繳學費, 爲何投考師範班」?先兄告以「幼孤家貧, 元博師特召先兄至監督室, 詰以「汝對中英文數理化各科皆獲同等基礎, 又一年卽畢業, 可早謀職業, 堂上有母, 奉養寡母, 我兄弟兩人同來入學, 扶掖兩幼弟」。 元博師大加獎許 尚有兩幼弟在家,

卽命派先兄爲學校理化室助理員。 謂 「可不化許多精力, 稍濟汝之窮窘」。

任職。 逮畢業前, 又錢氏聚族而居, 元博師已爲先兄介紹在府城中一高級小學任教。 族中學齡幼童可得數十人, 歸後當商請族中長老斥資創建一小學,卽在 先兄緩僻, 謂不願遠離寡母在外

校任教, 以承先父致力鄉里宗族之遺志。 元博師聞言, 稱許有加。 其對先兄之加意培 植 卽 茈 可

見。

卷, 此人略 時 余童 稚無知, 閱看, 撫余肩, 元博師尤加愛護。 謂此兒當可取。 **猶憶初應入學試,** 初不知爲何人,後入學, 有一人前來巡視。 乃知卽元博師也 方考國文課,

楊老師所聞, 督愛護之意更所感激, 分多者酌减移補。 須平均發展, 同學見余所繳卷, 長條上畫三圈表示爲三鳥,每圈上部各加兩墨點表示爲每一鳥之雙目。所點皆濃墨, 所得分數, 畫兩項, 時學校規定, 纔得升級。 默畫題「知更鳥」, 由任課教師加蓋圖章, 不得於任一科輕忽。 極激怒。余之圖畫科分數遂得零下二釐, 任何一科分數不足四十分, 課後大加戲謔, 命余立即去楊老師處請罪, 每學年試皆發證書, 惟平日對國文歷史兩課尚知用心, 一樹枝,三鳥同棲,教本中有此圖。 告余今年考試圖畫科得分太低, 謂余所畫此圓而大之雙目, 乃由監督署名分發, 具列本學年各課程, 求恕。 亦留級。 余因言, 越數日, 尙不到一分。 其事極鄭重。 不願將此兩課所得分數減低」 及各任科諸師之姓名, 極似圖畫科楊老師。 圖畫科考試不及格罪 元博師召余至監督室, 已商諸師長, 余伸筆作一長條表示爲樹枝, 惟學校規定各科平均須滿六 是年考圖畫科, 可 將其 並記各科考試 課室外語, 有 既圓 分臨畫、 戒 應 他 各科得 人余每科 元博師 且大。 爲 默

四九

加斥責。 面作嗔色, 及新證書發下, 謂 「小孩無知, 國文歷史兩科分數果未改動。 可速往楊老師處, 勿再多言。」 是可見元博師對余愛護之誠心矣。其他類 余往見楊師, 彼已因監督面商, 不

此事尚多,

不備述。

時年幼, 而用· 視, 筆小楷批注幾滿, 椅前有一書,已開帙,似太老師正在閱讀。就視,乃唐代李義山詩集,字大悅目, 宅,又得進入太老師敬山先生之書齋。四壁圖書, 謂無法計量。較之余在小學時, 書未成, 但不敢用手觸摸。因念敬山太老師乃一史學鉅宿,不知其尚精研文學,又不知其已值晚年, 似臨時增入。書旁有五色硯臺,有五色筆, 力精勤不息有如此。 元博師兄弟四人,師居長,太老師屠寄敬山先生,乃當代史學泰斗,著有蒙兀兒史記 不敢面請元博師給以親膽敬山太老師一面之機緣, 而名滿中外。其時已退休居家。某一日,已忘以何因緣,得偕三數同學進入元博師之住 字字工整,一筆不苟。 此眞一老成人之具體典型,活現在余之目前, 獲親賭顧子重、 精美莊嚴,未曾前見。 架在一筆架上,似臨時尚在添寫。 華紫翔諸師之日常生活者,又另是一境界。 臨窗一長桌,桌上放敷帙書,皆裝璜鉅製。 則仍是當時一憾事。 尚有碎紙批注, 鼓動余此後向學之心, 余一 而眉端行間 放在每頁夾縫 時呆立凝 可 坐 硃

繽紛皆是。 山水自然地理後, 十字形, 上海商務印書館所印中國大地圖。先將各頁拆開,講一省, 娓不斷, 教當是二十五歲, 任歷史地理兩課。 除監督元博師外, 然後繪此一省之四至界線,說明此一省之位置。 但絕無一言半句閒言旁語羼入,而時有鴻議創論。 聽者如身歷其境, 再加注都市城鎭關卡及交通道路等。 在諸師中最爲年輕。誠之師不修邊幅,上堂後, 聞誠之師曾親受業於敬山太老師之門。誠之師長於余可十二歲, 當時常州府中學堂諸師長尤爲余畢生難忘者, 永不忘懷。 省講完, 再在界內繪山脈, 擇取二 同學爭相推敬。其上地理課, 儘在講臺上來往行走, 圖。 小黑板上所繪地圖, 先在附帶一小黑板上畫 有呂思勉誠之師。 次及河流湖澤。 五色粉筆 則初來任 必帶 亦常州 口中娓 說明

師閱畢, 師在其室中閱卷, 勢軍情者。 次考試, 乃在卷後加批。 乃首答此題, 出四題, 有數同學窗外偷看, 此等考卷本不發回,只須批分數,不須加批語。 下筆不能休。 每題當各得二十五分爲滿分。 余不與, 不意考試時間已過, 而誠之師亦未覺窗外有人。 余一 時尤愛其第三題有關吉林省長白山 不得不交卷。 乃誠之師批語, 如是乃僅答一 適逢余之一卷, 題。 誠之 紙 誠之 地

紙, 所書紙週濕而破, 鉛條可隨手抽出,不斷快寫。鉛條又易淡,寫不出顏色來,誠之師乃在桌上一茶杯中蘸水書之。 亦不知其所批何語。 竟無休止。 手握一鉛筆, 誠之師無法黏貼,乃以手拍紙,使伏貼如全紙, 而余此卷只答一題,亦竟得七十五分。只此一事, 寫久須再削。|誠之師爲省事,用小刀將鉛筆劈開成兩半, 仍書不輟。 亦可想像誠之師之爲 不知其批語曾寫幾 俾中間

人,及其日常生活之一斑

同」。余不知此係誠之師之謙僻, 數萬字, 而余則多方加以質疑問難。誠之師最後一書,臨了謂「君學可比朱子,余則如象山,儘可有此異 後誠之師已成名, **惜未留底**, 今亦不記其所言之詳。惟憶誠之師謹守其鄉前輩常州派今文學家之緒論, **余獲與通信**, 抑更別有所指。惜後再見面,未將此問題細問,今亦終不悟當 **曾爲經學上今古文之問題,書問往返長函幾達十數次。**

允即付印, 年,余國史大綱初完稿,爲防空襲, 雲五亦允辦。 余之重見誠之師,乃在民國二十九年,上距離去常州府中學堂, 惟須交上海印刷廠付印。 余又赴滬, 親謁誠之師於其法租界之寓邸。面陳國史大綱方完稿, 余曰大佳,光華大學有呂思勉教授, 急欲付印。乃自昆明赴香港,商之商務印書館, 適已三十年一世之隔矣。是 此稿最後校樣須由彼過 王雲五館長 即付印, 恐

時誠之師此語是何意義也

此書所論, 書中敍魏晉『屯田』以下, 催速校, 半年始付印。 翌晨即來取, 盼師作最後 一校, 誠千載隻眼也。 時余亦蟄居蘇州, 無法細誦, 」此語距今亦逾三十年,乃更無他人語余及此。我師特加賞識之恩, 迄唐之『租庸調』,其間演變,古今治史者,無一人詳道其所以然。 其時余當已離去, 未去後方。 只改錯字。 日赴滬, 誠之師盛讚余書中「論南北經濟」 **遇錯誤,** 誠之師告余, 請徑改定。師亦允之。後遇曲折, 商務送稿, 一節。又謂:「 日必百頁上下, 此稿越

曷可忘。 余是年居蘇州奉母,每隔一兩月必去滬。去滬必謁誠之師。師寓不甚寬, 廳容三桌。 師

弱冠夭折,最爲師傷心事。一女畢業光華大學,

時方習繪事。

近窗右側一長方桌,

師憑以寫

作。 左側一長方桌較小, 師妹憑之臨古畫。 一方桌居中央, 刀砧碗碟, 師母憑之整理菜肴。 余

至, 必留每日報紙, 坐師桌旁, 或移兩椅至窗外方廊中坐。或留膳, 爲余寓蘇不易見者, 一大東, 或用硃筆標出其要點。 必長談半日或竟日, 見面即語 歷三四日始歸。 余別後大事 誠之師 **子變經過**

之要略。 由余返旅館, 再讀其所留之報紙。 一年中, 如是相晤,可得六七次。

余由蘇州重返後方。

抗戰勝利後,

再返蘇州,

在無錫江南大學任職,

曾赴常

州 謁誠之師。 師領余去訪常州府中學堂舊址,民國後改爲常州第五中學。 門牆依稀如舊,

十年前之老師長教正。學校百年樹人,其精神卽在此。」誠之師又帶余至街坊品嘗四十年來之老 其四十年前老師長之口中吐出。今日余之講辭,深窰在場四十年後之新學生記取, 君之目前。 此講演。房屋建築物質方面已大變,而人事方面,四十年前一對老師生,則情緒如昨, 師命余作一番演講。余告諸生:「此學校四十年前一老師長,帶領其四十年前一老學生, 建築全非。師一一指示,此爲舊日何處, 此誠在學校歷史上一稀遷難遇之盛事。今日此一四十年前老學生之講辭, 均難想像。臨時邀集學生在校者逾百人, 集曠場, 亦渴望在旁四 乃求不啻如 照樣在諸 命其在

架之長木板上,因室小無可容也。及師偶繙書桌之抽屜,乃知一書桌兩邊八個抽屜盡藏卡片。遇 師動筆,其材料皆取之卡片,其精勤如此。所惜者,其長編亦寫至唐代而止,爲師最後之絕筆。 允諾。已有分編成書。乃誠之師案上空無一物,四壁亦不見書本,書本盡藏於其室內上層四圍所 余又屢去其滬上之寓所。 抗戰時開明書店曾邀余作「國史長編」,余介紹之於誠之師,得其

食品,如常州蔴糕之類。至今又已三十年,回憶尙在目前也。

址。 日進兩椀, 適師在中膳, 最後一次與師晤面 , 在民國三十八年之春假期間。余離無錫往廣州 , 今僅可一椀。 尚能吃米飯一大碗,非普通之飯椀,乃盛湯餚之椀,大普通飯椀 余觀其顏色食量,意他日歸, 當可再晤。及共軍進滬,各大學皆呈報駐 謁師於其滬上之新寓 一倍。 師言往

可 知 。 預聞行政。光華同人無奈, 校辦事代表之姓名。 乃不久, 聞噩耗[。] 光華大學報上,問代表中何無呂思勉名字。 思念種切, 列誠之師姓名爲代表中之首席第一人。 何堪追溯。 誠之師數十年在大學任課, 余在||粤聞之。 遙想師情, 從未 抑鬱

-

娶, 已逝世, 謂今日臨下筆亦已忘之,苦憶不獲,曾函詢旅港之老同學費子彬, 妹不嫁, 尚有數學科臨時來代課一徐先生忘其名 。 此函遍檢不得, 同有才子名,亦得怪人稱。同學呼爲「除瘋子」。 余初謂其名字常在胸臆間, 姑仍稱徐先生④。 呂誠之師曾從學, 乃當時府城中負盛名之舊數學家。 自加減乘除迄小代數二次方, 來函相告, 未即補入。頃子彬 有一妹, 兄不

中尙留酥糖半塊。 先生爲人,落拓不覊。 然諸同學震其名, 首次上講堂,身穿深紅色長袍, 一堂靜默, 恭敬有加。 口中啣酥糖半塊,糖屑溢兩唇, 先生在堂上不多發言, 而時出狂笑 手掌

星期而畢。

五五

⁴ 編者案: 據江蘇省立五中雜誌六期刊載前常州中學教職員表, 數學代課徐老師名異字點撰。

同學練習課本上一題,未知演法,上講臺問。先生狂笑曰:「此易耳, 得數當係何。」

不告此同學以演法。此同學苦演始獲解,然最終得數亦竟如先生言。

بر مالت 2 ° 日, 逢月考, 余意此即莊子「一尺之棰,日取其半,萬世不竭也」。因以 0. 1 爲答,幸 先生在黑板上出四題, 諸同學皆瞠然不知所答。 一題爲 1—1,

五分。餘皆全不中,各得六十分。先生笑曰:「聊以試諸生之聰明耳。答不中,儘無妨。」

得之。餘三題皆類此,恨不復憶。一同學亦答中其中之一題。全班惟余兩人各中一題,各得七十

先生上課不久,諸同學愈益加敬。聞先生將去職,乞留。先生曰:「汝輩舊老師當來,

應急耳。」因笑曰:「儻使他拜我門下,亦與諸君同學,我亦不留。」

雙目在雲漢間, 本給余,余坐講堂之第一位,其餘皆在後座,先生一一走就其座授之。先生平日似乎高瞻遠矚 世芳兩先生,今班上有蕩口鎭同學八人,當各贈我所著書一部以爲紀念。先生卽下講臺, 先生最後一堂課,手持書八本,乃先生自著書。告諸生,我嘗從學於無錫蕩口鎭之華蘅芳華 俗情世事, 全不在眼。乃不意其知班上有從蕩口鎭來者八人,餘七人皆姓華, 首以

亦從蕩口鎭來。

又各知其坐位。此誠先生怪中之尤可怪者耶。課後,

不解, 今已不記其書名。後學幾何, 終使余不能忘也。 大喜之, 然於數學終未入門。 亦不知先生書今日尚有人領會

四

然先生爲人風格特具,

之。 客列傳荆軻刺秦王。先挾一大地圖上講臺,講至「圖窮而匕首見」一語,師在講臺上繙開地圖 逐頁繙下, 而上堂則嚴若兩人,善詼諧,多滑稽, 又余班上國文先生爲童斐伯章老師。宜興人。莊嚴持重,步履不苟,同學以「道學先生」稱 圖窮, 赫然果有一小刀,師取擲之,遠達課堂對面一端之牆上,刀鋒直入,不落地。 又兼動作,如說灘黃,如演文明戲。一日,講史記刺

師遂繞講臺速走,效追秦王狀。

殿劇中之郭子儀, 三弦、二胡、鼓、 中喜慶宴會唱崑曲助興。余自幼卽知愛好, 學校課餘特設游藝班,分爲多組, 心情神態頗能領會, 板諸樂器,生、 旦、淨、 **令諸生自由選擇。** 遇公開演奏幸亦稱職。 丑諸角色, **遂選修崑曲組**, 伯草師皆能一一分授。余習生角, 余家七房橋有世襲樂戶丁家班, 由伯章師教導。 余學崑曲, 班中驟無替人, 較之學校中其他正式課 笛 笙 簫 伯章師 唱長生 專爲族 嗩 '啊、

程更用心,更樂學。

余升四年級之上學期,

日,

忽嗓音驟啞,不能唱,

屢加勉強終無效。 其聲烏烏然, 如別有一境, 班上吹笛有人, 離驅殼遊霄壞間。年逾七十, 余上班, 乃以吹簫自遣。 此好尚存。 自後遂好吹簫。 實爲余生平一大樂事, 遇孤寂, 輒以簫自

則乃伯章師當年之所賜也。

宣揚中國文學傳統部分之內蘊。 文學之心情來改治戲劇。擬於抗戰勝利後,觀賞當代名家平劇百齣,爲之發揮,著爲一書, 鼓書一一兼好。年少時學古文,中年後古文不時髦,閒談及之,每遭恥笑,乃欲以所瞭解於中國 **余自嗜崑曲,移好平劇,** 兼好各處地方戲, 大陸變色,亦失去機會。伯章師爲余啓此機, 如河南梆子、蘇州灘黄、 紹興戲、 而余終未能遂此 鳳陽花鼓、大 藉以

五

業,思及每爲憮然。

陣雨, 相似。 操場呼立正, 時學校行政首長監督下有舍監,如此後之訓導長。首任舍監爲劉伯琮師, 印日: 有一弟, 即曰:「須白刄交於前, 「汝輩非糖人, 名伯能, 在校爲體操科老師。時體操課學步德日, 何怕日; 非紙人, 泰山崩於後, 何怕風; 非泥人, 亦凛然不動, 始得爲立正。」遇烈日強風或 一以練習兵操爲主。 何怕雨。 怕這怕那, 爲人大體與元博師 伯能師 何時能 在

꺆 」後余亦在小學教體操課,每引伯能師言。久知此乃人生立身大訓也。伯能師坦爽直率,

日遇同學 一如朋友兄弟, 絕不有師生界線,學生亦樂從之遊。

床下, 於是無大風潮, 影隨形, 劇。每於不犯法中行非法事,外守法,而內喜玩法。 氣 言辭。 'n 有教育家兼政治家規範。 勝於揚善, 頗知敬學尊師, 士辛師持身節儉, 出布告,亦絕不着一言半句虛文浮語,只是命令, 翌晨不再穿, 監視追踪不倦。 呢夾袍。 自余爲鄉村教師,亦曾一時慕效士辛師, 乃益嚴加壓抑。 來新舍監陳士辛師, 而時有小囂張。 此呢、 奮發上進,較之近年學生似多富成年氣息。惟染以前私塾積習, 亦不加洗滌。經旬日,棄襪滿床下地上,卽命侍役取去, 絕不穿絲綢緞匹有顏色花紋之衣服。入冬不棉不皮,惟一布夾袍。 **士产師則刻削律切,兀岸自守,多封閉,** 布兩夾袍,歷三年不換。然聞其寢室侍役言, 同學或集團或單獨行動, 時羣傳士辛師乃一革命黨人,然亦僅增同學間畏懼心,非崇敬心。 士辛師乃成爲全校一中心人物, 風度氣象, 顯與元博伯琮師判然兩型。 能稍示反抗, 重課業, 只穿夾袍過冬, 無訓誨。 蔑視規則, 亦卽一反抗對象。 卽羣傳以爲嘉話, 只有禁止, 少開展, 士辛酮臨睡, 終經先慈先兄之勸而止。 元博伯琛師寬宏廣大, 乃其時通病。 終日不見笑容, 更不顧問 無啓導。 亦引以爲榮。 士辛師疾惡之 脱兩襪 好頑皮惡作 視。 士辛師如 時同學風 天氣加 同學皆 亦少 必擲

莫明其所以。

又雙襪每晨必換,但舊襪經洗滌再穿,經年復用。殆以上字師在前清時,穿布襪,不穿洋襪, 故

不願加洗滌之功耶

蒂不得帶上講堂。諸生乃集議,排班時凡抽煙同學必燃一煙在嘴上,班長叫開步走,始擲地下。 其時上課必先排隊。同學間多好抽煙,或有口啣煙蒂到課堂始棄者。一日,舍監室出示,煙

待士辛師前來查視,可見羣煙蒂餘燼未熄,煙氣冉冉上升,亦如排班然。同學間乃私以爲喜。

五分,合一百分。其餘三人皆在同學間有美譽,余亦無惡名,同學遂更相傳,引爲四人榮。 余遂爲|土辛師一特別注目人,年終操行分數得二十五分。同班又一人,下一級又兩人,各得二十 燈光始覺之。回視見余,問爲何下樓。余答:「從師訓來談話。」師屢斥速去睡,速去睡。 云:「愛語者可至舍監室與我語。」余遂披衣潛起,尾隨下樓。 土辛師初不覺,走近舍監室有電 不許作聲。上至師必手持小電筒來寢室巡視。一夕,余與一同學各在帳內對床互語, 余年幼無知,乃亦慕效此等行爲。時每夜有自修課兩小時,課畢乃開放寢室,定時熄燈,卽 士辛師來, 此後

而以聰慧得羣譽。週末晚餐後,瞿雙獨自一人直入舍監室,室內壁上有一木板,懸家在城中諸生 校。時低余兩級有一同學名瞿雙,因其髮頂有兩結故名。後易名霜,遂字秋白。其人矮小文弱, 時全校皆寄宿生,家在城中者,週末得離校。一日,舍監室又出示,週末須告假,乃得離

未之知。 室,竟無奈何。遂大羣出至門房,放下此木板,揚長離校。瞿雙星期一返校,是否特有訓誡 之名牌。 瞿雙以家貧, 瞿雙一人肩之出室,大聲言,「今晚全體告假」。戶外數十人呼嘩爲助。|土字師一人在 未在府中學堂畢業。民國後進北平俄文專修館, 可免費, 乃留學俄國。 則

爲共產黨黨魁

時學校午膳前一小時有小食品攤, 而士辛師隨至, 學絡續繳卷, 三十分鐘內皆須繳卷。余坐教室前排第一位, 擅文非卽君子。」一日,月考。同學遂集議, **士辛師教修身課,每週僅一小時。上堂屢言,** 魚貫出教室,返自修室, 果見有此異動, 然亦無法斥責,乃悻悻然而去。其他不斷出事, 由兩人買蒸饅頭兩籠,熱氣燻蒸而上,諸同學方圍蒸籠爭啖, 羣聚鬨笑。有兩人被旁坐告發,答一題踰兩行, 士辛師黑板上寫出四題纔畢, 每答一題,不得超二十字,答語不得修辭費時,限 「士尙行, 不尙言。樸吶不語非卽小人, **余亦隨而繳卷。諸同** 率類此。 羣議罰。

Ļ

增希臘文科等。公推代表五人,余亦預也。晉謁監督。元博師言, 當余班四年級年終大考前, 全級集議,欲於明年課程求學校有所改動。 課程規定乃學校事, 主要如減去修身科, 諸生意見

文。」余答:「此乃全班同學公意,非余一人意。」 可供參考。五代表求元博師明確答復。 元博師問余: 元博師又問:「修身課每週僅一小時, 「聞汝讀英文科不用心, 何以又要增讀希臘 何以

要減去。」諸代表述士辛師上堂語,

謂修身不由語言傳受。 然卒不得結論。

進退三數,

不蒙允

監督告以當何等式樣填寫。時諸同學皆在竊竊私言, 由第二同學塡, 師略視余所塡, 監督訓解已一一聽過, 於一大會議室內,面加訓誨,歷一小時。余排隊爲全班第一人,離元博師座位最遠,大聲言:「 體退學,不在學校規則內。諸生遂又集議,全級排班見監督,逐一填寫申請退學書。元博師接見 許。諸生遂議由五代表上全班退學書,以爲要挾。元博師告五代表,退學乃學生各別個人事,集 第二同學遂不填,整隊退出。明日卽大考,或言且先應考再議, 謂不合式,不獲請。時同學已多意動,告余當退後再議。 請發退學書由各生填寫。」元博師乃桌上揭取一紙命余填。余填後,元博 元博師乃告余應如何塡。 余忽一時憤慨, 余塡訖, 眾不復語。 退一旁, 大聲請 而余

分四型, 閱大喜**,**全忘退學事。 療養室中僅一人,爲同班同學許君,亦扶病應考。余偶於其枕下得一書, 一全留加冠,乃中國型。全薙空頭,乃印度型。剪短,乃西方型。剪前額,其餘留後, **竟日閱未畢,臨晚移步室外小院中讀之。夜寐,屢思書中言,** 乃譚嗣同仁學。取 世界人類髮

則退學書已上,旣不得與考,又不敢一人離校獨自回家,遂移居療養室

眾乃勸余將所留長辮仍縫帽上戴之,勿惹人注意。余遂得隨眾歸。翌年,辛亥革命,人人皆不留 垂如一啄尾,乃滿洲人型。余晨起,乃一人赴理髮室,命理髮師剪去長辮, 大考旣畢, 隨果育諸同學歸。或言汝腦後無辦,乘坐火車,或遭警察盤問, 大得意, 有革命黨嫌疑。 一人獨自歡

長辮,而余則已先一年去之。

師書, 事, 謂如此將何以再管此學校。 既歸,先兄已先得元博師函,知余退學事。元博師囑先兄婉勸余明年請求復學。後又得元博 囑先兄命余轉學南京鍾英中學。 其對余加意護惜有如此。 而當時五年級畢業班又例不許轉學。元博師乃代爲申請私立鍾英 後,同學告以士辛師反對元博師所提議允余請求復學之

上

豪家,其父與元博師有舊,故元博師亦爲介紹來校。但余兩人見面,壽崐絕口不談去年自請退學 中學五年級肄業, 二十五分之一人,亦同爲去年五代表之一。蓋於應大考後,亦請退學。其家乃常州城外奔牛鎭 上年冬, 余雖未經常州府中學堂四年級之年終考試,以元博師之介紹, 到校赫然遇見常州中學同班同學張壽崐亦在校。 壽崐乃爲與余同得操行分數 翌年春遂得轉入鍾英

其時同學間意氣相負有如此。

國兵對壘, 奔跑。 此, 幾個同學, 邁步之陸軍中學生。使余油然引起了一番從軍熱。最所希望乃能出山海關, 那馬乃直衝入僅容一馬進出之矮門。馬到廐房, 跑如故。 余每星期最主要之一門功課。 手將韁繩放了, 走近前, 余在鍾英之前半年, 最受刺戟者, 正鷩魂未定之際,已見馬進了城。滿街熙攘,余又恐其撞倒行人,但仍無從駕馭, 費盡工夫,跨不上馬背。 **騫然間,神志醒來,乃見馬廐塚門已近在路邊。余急將兩脚前伸,** 在鍾英附近一馬廐租了幾匹馬, 那是一件何等痛快之事。 一手牽韁繩前行, 那馬奮迅直前, H, 不幾步停下, 好容易跨上, 奔逸絕塵而馳。 余雖未償所願, 暢遊興盡, 乃是淸晨薄暮環城四起之軍號胡笳聲, 出城直赴雨花臺古戰場, 把馬頭左右搖晃幾下,猛然重重一掌打在馬面上, 鞭着踢着, 四蹄停下, 各自上騎回程, 余幸未被摔下,但亦不知如何控制, 但亦因此學會了騎馬。 儘不動。正無奈間,路旁一軍人見余如 余纔得慢慢下馬身來。 余纔知今日所乘眞是一匹頭號之 俯仰憑弔, 每逢星期天上午, 到東三省, 把身向後緊靠馬背, 以及腰佩刺刀街上 半日而返, 這亦是余生平 只得任其 與日本俄 此馬奔 成爲

值得驚心動魄一件大險事。 鍾英中學暑假略早, 余得常州府中舊同學約, 歸途小停, 以求暢唔。 余是時讀曾文正

折回, 益横, 子彬家借衣。 直角形, 床。」但余堅不留。 晚餐後, 水闕齋記, 預立一意, 重得上石路。 又念清晨立志不可違, 雨益厲。 直到市區。 自修時間過, 竟日不違。日必如此, 常念「當自求己闕」。 余擁被臥床以待。 滿身盡濕, 手持傘, 忽而風雨驟來,余意仍不變。出校門,沿圍牆一石路,過玉梅橋轉彎, 路邊曠野, 寢室門已開放。 淋漓不已。 手持燈籠。 乃堅意向前。 是夜, 另一草徑穿越斜向, 以資練習。念今日去舊校,可在校長談,不當留宿。 如袁紹多疑少斷, 苦頭喫盡, 余急欲行, 入市區, 傘不能撑, 而草徑已迷失, 進 而別有一番滋味在心頭。 同學堅留弗捨,云:「今晚週末, 一旅店, 燈亦熄, 如三角形之一弦,可省路。 自念余亦多活動,少果決。因此每晨起, 石塊樹根遍腳下。 急作一 面前漆黑。 柬, 囑旅店派人去 時離校門尚不遠, 此後余遇一決定, 危險萬狀, **余逕趨草徑,** 及到 宿舍多空 同學費 只 成 意欲 得爬 風 必 卽

之孟河, 子彬名保彦, 爲淸室御醫,歷世擅名。 與余同年進常州中學, 子彬後亦以名醫寓滬上。與余重晤於香港, 年長余, 較余低一班, 亦余同校一密友。 余每病, 其家在常州府 悉由子彬

不肯輕易轉變,

每念及此夜事。

暑假中余大病, 延期赴校, 適逢武昌起義後一日。 壽崐語余, 可待革命軍進城同投軍。

|國後, 雜誌用中國毛邊紙線裝,其中有劉申叔黃季剛諸人之文字。出至六七期。慰堂又告余, 北大學生羅家倫傅斯年諸人所辦新潮作抗衡。余皆未見此兩雜誌。老友蔣復瑰慰堂近告余, 蓋其家乃以詐語欺之,不許復來矣。余亦終以學校解散,被迫乘南京開出最後一班火車離去。民 Ħ, 壽崐得家中電, 壽崐投入北京大學,易名煊,創辦一雜誌,與新文化運動樹異。該雜誌名國故, 告以父病,催速返。壽崐告余,去後即來,堅囑勿離校。但此後音訊遂絕。 當時諸人 專與當時 此

文化運動一邊可知。壽崐亦不久而卒。

辦此雜誌無經費,蔡孑民校長撥學校款,

按月三百元資助之。則當時蔡孑民亦非專一偏袒中國新

.

年級升級試, 歷一時許。彼詳言太湖形勢,沿蘇州、無錫、 壽彭最親楊權, 五代表中又一人爲江陰劉壽彭。府中學堂首次招生,分縣發榜,壽彭居江陰榜上第一名。二 **壽彭亦第一。年終考試又第一。不三月,壽彭連中三元,同學爭以一識劉壽彭面爲** 言動遵依如弱弟之隨長兄。楊權倜儻有才氣。曾有一日,邀余在一教室中密 宜興一帶港汉分歧, 陸上多山巖洞穴, 可躱

湖中漁民多舉家住大艇中,終年不登岸,卽在其艇設家塾教其子女,此輩宜可曉喩以民族大

事,僅寒暄數語卽避去。後又相遇三數次,均如是。卒不獲與作一長談。當此大動亂之世,如楊 某日曾與楊權相晤於公園中。時楊權年未達四十,而意態頹唐如老人。見余絕不提及以前同學時 羣傳揚權不久當在政界露頭角,但亦不聞其有何活動。民十二年之秋,余任教於無錫第三師範, 離校,聞其赴北京,往來北洋軍人之門。蓋無錫楊家與前淸北洋軍人有甚爲深切之關係。 三四人,當早作詳商,預爲準備。越數月,又邀余再作一次長談,大意如前。 我輩果有志革命事業,太湖應可爲一理想根據地。默察同學中, 如君宜可語此。 但不久楊權即中途 倘再物色得 同學中

權宜可成一人才,而終未有所成就,良可惜也。

亦不問余二十年經過,亦不談提倡新文學事。不客氣乃舊相識, 獨秀召,任教北京大學,又名半農,提倡白話文最力。嗣又留學法國。民十九,余去北平, 畢,退學去滬,當時上海新文學運動中有「星期六派」,壽彭亦預,易名|牛儂。 則已相隔二十年矣。余登其門訪之,留中膳,相語可兩小時。半農絕不提常州府中學堂事, 楊權離校,壽彭乃驟若孤立。一日,被召至舍監室,出至厠所,大呼「不殺陳士辛,不爲我 **士辛師尾隨聞之,重召回,問何出此言。壽彭默不語,則獲退。亦於四年級學年考試** 故不願談往事。 又知余與彼意氣不相投,不堪相語,故亦不提其新思想。 無深語似新見面。蓋其時半農大 有文名。 此後遂不相 後獲陳 重相

往來。 後暑假半農去內蒙古, 受瘧蚊咬中毒, 歸不治。 余輓以一聯曰, 「人皆認之爲半農,

半農弟天華, 亦常州府中學堂同學,低兩級。 時學校創一軍樂隊, 全隊二十餘人, 人操一樂

識之是壽彭」,

亦紀實也。

尾, 器, 華土巽繹之,與余中學同班,後爲果育易名鴻模之新校主。 人競以爲笑。然天華實具音樂天才,偕其兄半農在滬, 惟大鼓須繞頸擁在胸前, 旣沉重, 又其聲單調最少變, 某冬,特邀天華來蕩口。一夕,繹之 以國樂名。 人皆不願習,天華獨任之。 果育老校主子才先生長孫 隨一

亦少與往來。然余在收音機中愛聽其二胡,歷年不倦。 與余聽天華彈琵琶十面埋伏,深夜惟三人,靜聽如在世外。後天華卒以二胡名。在北平甚忙,

最長, 同學競兄事之。 代表中又一人, 張姓,忘其名, 亦常州城中人。 亦退學家居。 爲學校運動場中一健將。 後重返校, 平居乃一恂恂儒者, 進留日預備班。 在同班中年

班。 京某大學任教宗教哲學, 加推敬。 平叔學業爲一班之冠,沉默寡言, 五代表中又一人, 五代表中惟彼一人仍留校,因其兄爲監督, 乃元博師之第三弟,名孝寔, 梁徽溟甚稱之。北伐勝利後,平叔來蘇州, 然亦不崖岸自傲,長日孳孳書案上,不預聞他事, 故不敢自請退學也。後留學日本, 號平叔。 中途與其弟孝宦, 再相晤。平叔告余: 字公覆, 歸 國在北 同學羣 同來揷 「兄往

不知何故。」臨別送之車站。不久亦逝世。儻平叔得壽, 年多言好辯, 今沉默少言不與人爭 , 儼然兩人矣。 」問何以得此。 不知其學果何止也。 余答: 「不自知有此異,亦 又聞敬山太老師之

蒙兀兒史記,乃由平叔公覆足成之。

九

留, 也。 駢坐。 以回書主。然是夜竟不能寐, 二十册,曰:「汝當愛寶此書,可携去試讀之。」今已忘此書名,大體是史籍彙鈔之類。余果愛 意翻閱, 店主人大讚余,曰:「汝年尚幼,能知讀僧文正家訓,此大佳事。 店主人謂有之,惟當連家盡同買。余問價付款,取書, 方逐一拆卸。余自板縫中側身竄入,見書店主人,急問有曾文正公家訓否?蓋即余昨晚所讀 余答府中學堂。店主人謂:「今方淸晨,汝必尚未早餐,可留此同進餐,亦得片刻談。」 余身旁一同學携一小書, 事當附記, 並可借汝携返校閱後歸回。」自後余乃常去。 約計余在三年級時, 翌晨, 余取閱,大喜不忍釋手,遂覓機溜出室外,去另一室讀之終卷, 早餐前,竟出校門上街至一書肆。 時店肆皆排列長木板爲 星期六下午上唱歌課, 一日,店主人取一書, 即欲行。店主人握余臂, 教室中無桌椅, 長凳數條, 此後可常來, 小字石印本, 店中書可任 問從何處 余 नि

之,往問價,但不能付現款。店主人言,可暫記賬,俟假後歸家,再決購買或退回。店主人情厚

又通解書籍,視余若親族後輩。余此後屢與書肆往返,然如此店主終少遇。惜巳忘其名字,而當

日情景則仍依稀如在目前也。

英文教師。前任由無錫城中聘來,仲立不滿意,已解聘。仲立常言,欲聘一人能與共學。 **賢爲人忠忱直爽,年齡在余兄弟間,與先兄交甚密。然似心懷隱憂,遇飲酒必大哭不已,醒卽無** 駕一長木板試之,屢招覆溺,後卒成。三兼小學校由其斥資創辦,與其兩弟分任課務, 墨五六枝,一手轉墨,瞬刻墨汁滿硯。又自製一自動槳,置其往返無錫城中之船上。先於水渠中 出場,一時羣傳爲笑柄。後在無錫城中習物理化學。歸,長日閉門。能自製一磨墨機,機上縛大 言,亦不知其何故也。冰賢乃廢家之婿,言其內兄仲立,「性古怪,應前淸科舉秀才試,繳白卷 民國元年,余年十八歲,初往秦家水渠三兼小學校任教。其先由鴻聲里遠房姪冰賢介紹。冰 獨需聘一 倘賓四

叔肯往,或可相得。」先兄遂命余往。

簫笛, 於年假,集族中靑年十數人合奏,大小鑼鼓十數器,節拍疾徐,聲響高低,皆由先兄指揮。族人 道士,後還俗逐進師範。年歲已長,於中國音樂諸器如簫、 每自府中學堂歸,小學校尚未放假,余晨夕必在小學中。及小學放假,余卽移住學校。得暇常吹 校自先兄爲校長外, 余在常州中學時, 先兄則喜笙與琵琶。某教師在校時,常三人合奏,如梅花三弄之類。余兄弟亦喜鑼鼓,每 又聘一教師, 先兄聲一先生已在七房橋創辦一又新小學。 亦先兄常州師範之同學,江陰人,已忘其姓名。 如笛、 如笙、如琵琶, 來讀者皆七房橋族中子弟。學 其人先曾爲 皆所素習。

閉門讀孟子。 文公章句上, 又余旣決意應三兼小學聘, 至能全體背誦始歸家午膳。午後,又去又新閉戶讀梁惠王章句下。 前在果育上國文課,每篇文字大約過眼三遍即能背誦。至是, 此下卽未讀。 念當讀完孟子,再續及五經。民國元年之元旦, 念自此升學絕望,一意自讀書。前在私塾時, 如是七日, 余即一人在又新小學 自限半日讀梁惠王章 四書僅讀至孟子滕 讀畢孟子七

聞之,皆爭致誇諛!

點批注皆移錄歸方評點本, 余又在家中先父遺書中獲得大字木刻之史記一書, 並旁採史記菁華錄等書。皆出先祖父手筆。又得小字石印本毛大可四 有批點, 有圈注。 余讀而悅之, 後知其圈

篇

書改錯一 書,盡日攻讀,至下午日光漸淡, 常携赴庭中讀之。 書中謂朱子注有如是多之錯誤, 大

爲驚奇。自後知讀淸代乾嘉諸儒書始此。

_

椅。 叩門, 論,余年十八,仲立已過四十,論年輩乃余父執,遂不介意。 仲立坐室內。余進入,卽向仲立鞠躬行禮,仲立不離坐,微頷首。余念寮錢兩家久係戚屬, 數家皆居渠內。駕一橋,通渠外。夜間橋懸起,交通卽絕。渠惟一口通大湖,可直達無錫城。 妹嫁冰賢,余當爲其長輩,惟其弟叔堆所娶,乃余近房姑母, 余與仲立椅皆背窗,窗外卽渠。桌之一端,上懸「在水中央」四字一橫匾。 放置行李畢, 新年初, 由守門僕人直領至仲立書齋外,此齋直升入渠中,三面皆水,俗稱早船。僕叩門, 余一人赴三兼小學任教。 即命老僕領余至仲立家。家在水渠內,渠廣圓,乃一湖。仲立兄弟三人及族中 舟泊離水渠外半里許。 仲立座前一長桌, 先到學校, 則彼兄弟皆係余之長輩。 在水渠外, 横匾後, 命余坐桌對面 一老僕應 門啓, 四壁書 捨此不 仲立 余

架占室中三之一。又後另一室,疑亦卽書室也。 桌上放水旱煙管七八支, 仲立言, 汝能抽煙, 可任取吸。因告余,上年一英文老師,

乃從無

三

七四

英文不同, 快。 仲立曰: 識。」仲立告余:「我習照相,此瓶中乃照相中所用顯形藥水也。」又指一瓶問, 皆用其語音拼成, 錫縣城中聘來, 因指桌上一藥水瓶, 「此乃我以塗金術自製成,投進銅圓,經時卽變成金色。」因指桌上一叠金色銅圓十數 中國特別名詞皆以普通文字拼成,如輪船電燈之類。 年老, 與普通文字有別。余在學校, 只習普通文字, 半途自修,其英文程度恐不可信。君在常州府中學堂讀英文, 上黏英文標籤,問曰:「君視之,知是何藥水?」余答: 英文乃拼音文字, 各種藥水皆係特別名詞, 余亦對不識 遇特別名詞亦 「中國文字與 當可勝任偷 余所不

余歸學校, 又來一寄宿生縢德奎,乃秦家戚族。遠道自蕩口鎭東滕族聚居之地, 名大坟上

頷首。

枚,曰:

「此皆由浸此瓶中取出。」首次見面所談,率盡此。余告辭起立鞠躬,仲立不離坐,

微

争鳴其上, 級小學班, 及其他空室。 年長於余約可四五歲。 余不能寐。 一爲初級小學班 , 學生共約五十人 。 余占一寢室特大,德奎另占一室 。 一大樓上下共住三人。樓外乃一荒園, 取携來之昭明文選,枕上讀之,極倦始入睡。累一月皆然。 學校在樓上,樓下惟老僕一人,其餘皆空屋。樓上有兩教室, 老樹兩百左右, 枝葉蔽天。 初夜睡前, 入夜, 尚有 辦公 爲高 羣鴞 德

奎來問余,

能下象棋否?余答能。德奎因取象棋來,與余在辦公室對弈。

弈兩局,

德奎連敗,

乃

深服余。服弟子禮甚恭,忘其年歲之長也。

知。 不獲,後見此鞋乃在帳頂之上。是必有啣之而上者,但究不知是何怪物。寢室旣門窗緊閉, 竟亦能磨練自己在此情狀下渡過,此亦實堪回憶, **遂寫一文,貴狐不是。命德奎買些錠箔,** 物又何由而來。此類事,曾三數見。余告德奎,我二人講狐魅並未開罪於他, 亦確曾遭遇到。姑舉一例。 某夕深夜, 余欲起床小解, 但自余言之,余當時只是一十八歲之靑年,實際尚未足十七歲,卽投入此一奇異環境中, 明是關着寢室門纔上牀,望寢室門依然關着,但牀前那隻鞋卻不翼而飛,不見了。 嗣 德奎對余更是佩服不止。 德奎又告余園中有狐魅作怪之事, 要 之 **,** 此校園之淒涼寂寞陰淼古怪之種種情狀, 余用黄紙硃筆恭寫此文, 命德奎焚之園中, 繪形繪聲,疑神疑鬼,如有其事,如在目前。 乃使余至今不能忘。 開亮電燈, 忽見牀前地上兩鞋, 但他卻來作弄, 亦由此可想而 以後此等事 清晨遍覓 而余此後 只賸 此怪 余 丽

與其人相識。 時余又喜讀東方雜誌所載碎琴樓一說部, 蓋余在此淒涼之環境中, 宜對碎琴樓之凄凉有異樣之同情也。 後曾屢訪其著者, 久始知其乃一貴州人,然亦終未

Ξ

 \equiv

七六

<u>公家訓,知讀此,但不甚解。」仲立面露笑容曰:「余亦喜讀愛文正家訓,君乃與我有同嗜。」</u> 開學後,仲立來上課,見余辦公桌上置文選一書,問:「君亦喜此耶?」余答:「因讀質文正

其兩弟來,則必專擇書中僻字奧句爲問,使余不能答爲樂。

· 雜 誌 載東方雜誌徵文,可任自擇題。余題「論民國今後之外交政策」⑤,大意言:英法侵犯我東南海 **共分五等,首獎百元,次獎五十,三獎二十五元。余名列第三等。蓋去歲底,** 日俄霸踞我西北邊陲,一可謀和,一必交戰。 告余:「君該社徵文已錄取,知之否?」余答:「尚未得通知。」 日,余去仲立書齋,入門鞠躬,仲立點頭,微聳其身,若欲離座而終未離。 東方雜誌每期刊載所錄取之徵文一篇。 仲立抜卷, 家居無事, 桌上放一東方 指余名, 適見報 後來

信,言吾文涉外交祕密,不擬刊出。此爲余投寄報章雜誌之第一文。而今則無其存稿矣。 是日, 仲立告余:「我在商務印書館進函授學校,近將畢業,考試題皆寄來,須一一作答,

歸撰此文畢,於星期六下午交仲立長子,在校讀書,與余同年,命其帶歸。翌晨,余親往,入門 甚覺忙碌,有一作文題,君肯代撰否?」余答:「當撰後由先生改定。」題名「言志」。余退,

⑤ 編者案:東方雜誌於民國元年四月徵文。

楷小字。仲立曰:「我向例讀書,遇不識生字,必査字典鈔錄, 漂。余答「大佳」。仲立又另取一書示余,書中各頁眉端, 鞠躬 上取一書,云:「此書久欲讀而無暇,君試先讀,何如?」余視之,乃嚴復譯英人斯賓塞羣學肄 夜之力何能盡讀, Π, 可逐條揭去, 冰賢告我,當爲我介紹一共學之人,君眞其選矣。」因指室後書架上書曰:「我雖畢生窮日 親爲燃點紙捲燒煙, 如往例。 我可省再讀之力。 仲立乃起座答禮, 每欲求一共學之人,以兩人之力合成此業。君肯爲我分讀架上書,將書中大意 而不傷原書。君讀嚴書, 禮貌謙恭, 續加討論,使我進步加速,君其允之否?」 余答「佳」。 仲立遂於架 肅余坐。手擇一旱煙管,用桌上一濕毛巾屢擦煙管嘴, 得未嘗有。仲立先致謝余爲彼代撰一文事, 幸亦照此例。」仲立所藏嚴書, 多黏紙條, 用薄漿糊黏上, **廣狹長短不等**, 乃金陵刻線裝本, 如此。 乃告余: 「君未 **滿紙皆工** 他日不需 手送余 與

義, 聞君語, 以示人。 及余讀後意見, **余返學校,** 甚勝我自讀之矣。」隨取書,檢某頁某行,指一「**稽**」字,問余此字音義。余答「當 並欲加速完工, 讀嚴書, 仲立聽之不倦,時露喜色。余所言告一段落,仲立言, 不免輕慢, 一一如仲立言, 不再一一查注。 查字典, 黏貼紙條。讀至一半,自嫌所查生字太多,慚 既讚畢,携書去仲立齋。仲立問余書中大 「君眞一善讀書人。

此後商務印書館印行者不同。

三兼小學

西洋新學說,彼亦或已先讀此書,故見余取此而更大喜耳。余自讀此兩書後, 言:「顯續讀嚴譯」,遂取架上嚴譯穆勒名學一書。仲立益大喜。蓋仲立雖愛誦古籍, 書敍述大義及讀後意見, 試余耳。豈不媿對。然仲立自此益親余而加敬, 未查字典而以意會之,聞仲立言,大慚恧。然後知仲立已先讀過此書,或將所黏紙條撕去, 窖。蓋中國地下室僅一土穴,西洋地下室加木製,嚴氏乃特造此字耳。」而余在書上無紙條, 『音』,乃地下室也。」仲立言然,並云:「曾遍査康熙字典未得其字,只有『窘』字, 乃特加欣賞也。|仲立言:「今日起,當如前例,君試再取一書去。」余 **屢讚余善讀書,能見人所未見。 逐遍讀嚴氏所譯各** 蓋仲立聽余對此 更喜近代 解地 特以 乃

仲立言:「同是選幾篇古文,何以姚氏古文辭類纂甚得後代推奪,而浦氏書視之遠遜, 果何在?」余曰:「此誠一大問題,幸先生教余。」仲立作慍色,曰:「我不知,故以問君, 册,大字木刻,裝潢精美。浦氏西倉人,介七房橋、秦家水渠之間。浦族與錢寨兩族代有戚誼。 反以難我。」余謝失言,因曰:「先生所問,余素未想及,然此實一好問題, 事踰數年, 仲立與余交益密, 余思欲窺姚選用意,當遍讚姚選以外之文。遂立意先讀唐宋八家。至<u></u>王荆 余常至其**齋**,暢言必逾時。一日,仲立取架上浦二田古文眉詮 他日硏思有得,當 兩書高下

然終以此兩書受感最深,得益匪淺,則亦仲立之功也。

授,乃從治古文轉治理學家言, 而仲立當時此一 而余意大變。凡余於荆公集中所尤喜者,姚選多不錄。於是又念紫翔師蕩口暑期講習班所 問題, 實啓余良多也。 爲余學問闢一新境界。 而其時,仲立已卒。 余此後亦漸不談古

四

文。

立診療所之事務。又一爲創辦一報館。 待他日終成之,以一吐胸中之積悶。」||仲立雖居鄉閉戶,其疾惡好善之情有如此。 淪喪以盡。 屁不通」。 不克兼顧,命其賬房祭君亦讀函授講義及丁氏書,並親爲講述。 又遍讀丁氏醫書數十種,遂通醫術。廣購藥品,自任門診,此尚在創辦三兼小學前。後以事忙, 爲附近農村創辦一診療所,治病施藥,不收分文。仲立先曾從學於上海丁福保仲祜之函授學校, 仲立又告余,生平有三大志願,一爲創辦一學校,教育宗族鄉黨之子女,即三兼小學。又一 更留心。手執硃筆, 」恨不能逐日逐人逐事, 間或施圈。每日: 批抹滿紙, 「賢奸不論, 一一暢論之。惟以居鄕,辦報不易。仲立曰:「此一志願, 或施一大槓,或撲一大點, 仲立極留心時事, 是非不辨, 何以爲人,何以做事。如此社會, 而無意政治。 積有年, 或批「豈有此理」, 特注意縣邑中事。 **際君亦通醫術,** 或批 豈不將 日讀地 **遂代仲** 一狗

三乗小學

書日記也。積一年訂一册, 仲立又嘗導余觀其書齋之前室,一方桌上放書四十大厚册。 無一日缺。」歎曰:「先人遺志,盡在此四十厚册中, 仲立告余曰: 「此先父四十年手 每一 展覽,因

念我兄弟三人承先人之遺產,乃不能承先人之遺志,不肖之罪,其何以辭。」 暑假後,余再往, 仲立忽病。告余:曾赴滬,求診於丁先生仲祜, 知爲肺病。 桌上一顯微

鏡, 啜余視之,曰: 「此我痰中之血絲,君見之否?」命余移椅遠坐, 勿相近, 恐傳染。又囑余

即離去,勿久坐。

擬懇君補讀。 語函授學校,他日通世界語,庶稍補我平日之積憾。不幸今又病,但幸爲時不久,講義尚不多, 」余急應之。遂携其講義歸。後仲立卒, 日,余又往,仲立告余,有一事相煩。仲立謂:「生平以不識英文字爲憾, 此後每月講義寄來, 由君代讀代應試。俟我病愈,再由君面授。君通英文, 余亦未終其業。 近方進一世界 治此當

獲最後一面,亦未克親往弔唁。至今逾六十年,兩世矣。每一念及,愴傷依然。 水渠,赴仲立家辭行, 仲立終以不治聞。余以十八歲幼齡, 日, 余又往。 仲立已臥樓上,不下樓數日矣。禁余不得上樓。 堅請登樓一面。但仲立之家人一遵仲立命,堅不許余上樓, 初涉世事,即獲交仲立其人。實相處僅半載,而又竟未 余廢然而返。 竟未獲見。不 及年假,

握。

後聞其終有成,已在余離水渠一兩年後,

亦余平生所遇一異人也。

造一 亂, 深夜。 倦。 加圈, 今尚有暇,可試學古文」,因授以曾鞏子固寄歐陽舍人書一文,命試讀。告以遇愜心處,如何當 豪戶皆爭購。 自動發電機, 誤其分量,卽斃。 仲立家賬房蔡君, 有一子, 遂授以姚氏古文辭類纂一書。蔡君得閒亦來學校。暑假後,來更頻。常以夜間來,**輒語至** 如何當加點。數日, 仲立召來, 亦在三兼入學, 欲媲美舶來品而價廉。 往杭州上海蘇州電燈廠, **|蔡君從此恍惚如犯精神病,屢勸之弗愈。臨別前一兩月始平復。** 忘其名, 聘爲賬房,爲收田租。 察君繳卷, 聰慧異常。一日,在船上,失身溺水。救起,蔡君爲下藥, 乃附近一農民, 仲立大賞之。曰:「君有宿慧,可治古文,盼勤加誦習勿 又教其習醫術,代主診療所事。又告之曰:「汝 精手藝,能劈篾製筐篋, 訪其工程師。 皆精絕。 歸, 携赴縣城中, 忽有意自 自謂有把 心慌



處。茲順其先後爲序,並篇述之。 自民國二年起,至民國八年止,乃余十九至二十五歲, 前後共六年半,余往來於蕩口梅村兩

果育學校校主華子才老先生卒後,由其長孫士巽繹之繼任校主,與余在果育小學及常州府中

學堂兩度同學,年長余約四歲。果育用子才先生名。改名鴻模。

民國二年,余不再去三兼,卽轉入鴻模任教。三兼學校高初兩級僅分兩班。余原則上任高級

班,除理化課由仲立任之,圖畫手工課由仲立幼弟任之,其餘國文、史地、英文、數學、體操、 兄弟則合任三十六小時。及來鴻模,規模較備,高初八年各分班。余僅任高三國文及史地課,每 音樂等,皆由余一人任之。並兼部份初級班課,每週任課三十六小時,月薪國幣十四元。仲立三

私立鴻模學校與無錫縣立第四高等小學

週二十四小時。較三兼減三之一,而月薪則增至二十元。

卷命余代改。課卷僅五六本,余必擇其中一本詳加改動,澄波即以此教班上諸生,爲該題之模範 有華澄波,乃常州府中學堂師範班同學,年近四十,任高級四年班國文課。以其班上每週作文課 時果育舊師長惟理化教師顧君在, 乃子才老先生之婿,爲釋之姑丈,任校長職, 餘皆新任。

作。

世所未見者。後二十餘年,余在北京大學任教時,果得見草氏書之爲世未見者。 先讀章學誠文史通義,余亦求其書讀之,至形於夢寐間。一夕,夢登一小樓,所藏皆草氏書, 時余雖在小學任教,心中常有未能進入大學讀書之憾。見報載北京大學招生廣告, 亦異事也 投考者須 有

先秦諸子繫年,更改史記六國年表**,** 分之一以上。當時雖不明夏氏用意, 又余讀夏書第一册, 校同事聞余言三皇五帝有相傳異名之說, 如三皇五帝, 余又讀夏曾佑中國歷史教科書, 夏氏備列經學上今古文傳說各別。 書末詳鈔史記十二諸侯年表、 亦不可謂最先影響不受自夏氏。 然余此後讀史籍, 因其爲北京大學教本, 故讀之甚勤。 聞所未聞, 余之知經學之有「今古文」之別, 六國年表等,不加減一字, 皆驚嘆余之淵博。 知諸表之重要,則始此。及十年後,余爲 實不知余之本夏氏書也。 余對此書得益亦甚大。 而篇幅幾占全書三 始此。 時學

賞。 失,凡一百七十餘條。編譯館見余校正繁多,遂終止前議,此書不予重印。 大學國學研究所, 夏氏書爲言。抗戰時, 惟其書僅至南北朝而止, 又夏氏書皆僅標幾要點, **叉細讀夏氏書。** 重慶國立編譯館擬重印夏氏書爲部頒教科書,囑余審正, 隋唐以下即付闕如,斯爲一憾事。此後余至北平教人治史, 多鈔錄史籍原文, 無考據方式, 列舉其書中謬誤,皆小節, 如年歲地名等,顯係夏氏鈔錄時疏 而實不背考據精神, 其實余素重此書, 時余在成都齊魯 亦爲余所欣 每常舉 不

意此書乃竟因余之細爲校訂而失其再爲廣播流傳之機會,此亦人事因緣之甚難言者。

區之泰伯廟。華澄波被聘爲校長,邀余兄弟同往。 民國二年暑,無錫縣創辦六所高等小學,梅村鎭得一所,爲縣立第四高等小學,校舍借用市

週一次往返。一年後,始專在縣四高小任教。又四年,再回鴻模專任一年。 余在縣四每週任課十八小時,又較鴻模任課減四之一。但鴻模堅不放行, 乃仍無鴻模課, 每

自梅村上船, **汆兩校兼課時,** 歷兩小時近晚到蕩口。翌日下午四時返。沿途湖泊連綿,秋水長天, 似已改爲秋季始業。余每週乘船往返梅村蕩口兩鎭, 於星期四下午課後四時 一望無際。猶

깯

私立鴻模學校與無錫縣立第四高等小學

憶第一次上船, 余坐船頭上, 讀史記李斯列傳。上下千古, 恍如目前。 余之讀書, 又獲深入新

境,

當自讀此篇始

課,不講課文,乃講昨夜枕上所得。適縣中派督學來校視察,進入講堂後,竟佇立不走, 義,此卽|宋人所謂「右文」也。 壁」,乃玉懸身旁;「嬖」,乃女侍在旁;「譬」,乃以旁言喩正義;「癖」,乃旁疾非正病; 聲,但「臂」在身旁,「壁」在室旁,凡「辟」聲似皆有「旁」義。如「避」,乃走避一旁;「 臨窗。一夕,深夜,月光照牀而醒。一足觸帳外牆壁,忽念「臂」與「壁」皆形聲字。 「躄」,乃兩足不正常,分開兩旁,盤散而行;「劈」,乃刀劈物分兩旁。如是凡「辟」 堂課始去。余此講未涉課文,離題漫述, 縣立第四高小第一年只辦一年級一班。學生皆住校,余與學生同寢室。臥牀在寢室門口, 是夜在牀興奮不寐 , 連思得形聲字十數例。 而督學不以爲忤。歸後竟詳細作 一筆記報導, 翌晨上第一 「辟」屬 聲皆有 堂國文 登載在 聽完余 側

同行謂余,汝已名揚外縣矣! 師所傳誦。 畤 無錫與南通, 後數年, 余偕數友赴南通考察,乃有人面詢余,君乃往年講「臂壁」右文之|錢某耶? 同稱爲開明新縣, 兩縣亦競相重視。縣督學此一篇報導, 亦爲南通小學界教

縣署所發布之月刊上。惜此督學已忘其名,

亦在規格外賞識余之一人也。

Ξ

某君棋大進,重與余晤,對局,某君改持白,余持黑,但勝余亦甚艱。余曰:「君積年苦學,進 意終不服。弈益勤。後去城中任教,有弈社,社中有兩國手,社友須出貲始得與對弈。 明以下各種圍棋譜, 堂同班同學, 至。余與某君一得閒, 余在府中學堂時, 已忘其名字, 課餘在此對弈, 即獨去擺譜, 即好圍棋, 亦有圍棋癖。三人遂在學校東應一小室中,特置棋盤棋子,並廣羅晚 先兄亦然。縣四高小又聘一 或同去對弈,幾乎每日必對弈一局。某君持黑棋, 或擺譜。惟學校事無大小, 教師, **胥由先兄管理**, 從無錫城中來, 彼甚忙, 亦余府中學 越數年, 常敗, 不常 但

步僅此。」自此余乃弈與大減,數十年不復弈。直至抗日戰爭時, 余赴雲南始再復弈。 又余自幼卽抽香煙,在果育時,晚飯後, 余隨先兄同讀一室 , 先兄必命余至鎭上買香煙一

課後, 夢寐中。 及來梅村, 歸,先兄必賞余一支。自進府中學堂,乃有煙癮。歸家又抽水煙。及交秦仲立,又抽旱煙。 終覺今日上課太無聊, 後遂數十年更不抽。 一日上課,課文勸戒煙。 直待任江南大學文學院長時, 豈得以 余告諸生,余已染此習,已無奈何。諸生年幼, 「無奈何」自諉, 他日何以教誨諸生。 厭於常出席開會, **遂**決心戒煙, 始再抽煙。 當力戒。下 竟形之

뗃

范曄後漢書,不記是何一卷。忽念余讀書皆遵曾文正家書家訓,然文正教人,必自首至尾通讀全 學。縣四校舍爲泰伯廟, 大門,右側西邊乃教師休息室。某日下午,遇學校假期,余移一躺椅置大門東側向北走廊下臥讀 而余今則多隨意繙閱,當痛戒。卽從此書起,以下逐篇讀畢,卽補讀以上者。全書畢, 余自三兼鴻模至梅村縣四, 正殿前一大方院,院中有古柏兩行。西廡爲教室,東廡爲宿舍, 朝夕讀書已過三年。寢室中書架上所列書亦不少。同事皆稱余博 南面 再誦

他書。余之立意凡遇一書必從頭到尾讀,自此日始。

來, 皆一一規定。 念不高壽, 中間上下午則讀閒雜書。 上午竟未獲讀一字,下午又繼續忙亂。自念今日之日記勢將破例矣,適理髮師來爲余理髮。 余又效古人「剛日誦經,柔日讀史」之例,定於每清晨必讀經子艱讀之書。夜晚後, 乃一大罪惡, 乃余此生一大恥辱, 又開始寫日記, 當努力講究日常衞生。余時適讀陸放翁詩,至其晚年作品, 余體弱,自辛亥年起,幾於每秋必病。 逐日所讀書皆記上, 大懲罰。 即痛於日常生活上求規律化, 不許一日輟。 後遇余結婚, Ħ, 如靜坐,如郊野散步等, 讀日人一小書, 遠近戚屬皆先後 心中大奮發。 始讀史 論人

余乃於此時間默默成詩兩首,始釋然自慰,今日之日記宜勉可交卷矣。此一習慣,直至余進入大

學任教後,始有斷續

圓, 實於余大有裨益也。 出版者,亦得允。 上海商務印書館, 可仿其例論句法, 余教論語課, 書券亦隨到。 余遂於經史子集四部中, 即以論語爲例。積年遂成論語文解一書。此爲余正式著書之第一部。 得回訊, 適讀馬氏文通,一字一句按條讀之,不稍疏略。念馬氏文通詳論字法 余又商之無錫城中一書肆,付以此百圓書券, 允爲付印。 出版後, 擇余所缺者絡續購買。 當酬贈原著百部。 自此余學問又進。 余函商,能否改贈商務書券百 由余隨意選購, 此百圓書券 不限商務 以稿郵送

<u> 子閒</u>詁一條。讀之,正余所欲知。然又疑書肆中不知有此書否, 之,錯誤續出,幾乎逐頁皆有。益大疑,遂奮筆從開始起逐條舉出其錯誤處, **局本不應有誤。又見此書校注者乃畢近,此人爲淸代大儒,** 又余購得浙江官書局本二十二子,依次讀之,至墨子,開卷卽覺有錯誤。 必當有人討論及此。而學校同事中無人可問。試翻商務印書館之辭源,於墨子下, 不應不知其誤, 即作函客無錫書肆詢問。 心大疑, 置而不問。 加以改正, 意謂官書 取名讀 始 再 讀

四

所不知疑者。至其改定錯誤處,則必有明證確據,取材淵博。回視余之醫解,乃如初生嬰兒對七 航船送來一書包,拆視赫然即孫論讓之墨子別點。開卷急讀,凡余所疑,孫書均已列舉,更多余

逐字逐句細讀,不敢絲毫忽過。余之遊情於淸代鼤嘉以來校勘、考據、訓詁學之藩籬,蓋自孫氏

八十老人,差距太遠。自念余之孤陋幼稚,乃亦自居於讀書人之列,豈不可笑可恥。於是於孫書

忍拋棄。偶一檢閱,當時孤陋幼稚獨學無友之艱苦情況,猶湧現心頭。旣以自慚,亦以自奮。余 之。積久乃得數十條, 墨闍解改寫墨經闍解, 所解釋有未盡愜意者。 此書始。惟淸儒多自經學入,余則轉自子部入,此則其異也。然余讀孫書至墨經一部分, 寫墨書原文納衣袋中, 乃終未敢恣情於此,勒成一書。惟此墨經醫解與讀墨醫解之兩稿,則常存行篋中,至今未 必求能日知其所無。架上書尚多未讀,心中欲讀書更無盡。不欲爲此一端自限,妨余前 是爲余寫論語文解後第二部有意之撰述。然其時余已嚴定規律, 逐條改寫孫解之未愜意者。然孫解雖未愜意,正解亦非急切可得。 蓋余前在水渠讀嚴譯穆勒名學, 一人郊野散步,隨手從衣袋中取一條出,隨步隨思。思未得, 於此方面亦略有悟入。乃不禁又奮筆從讀 又易一條思 每日必讀 又覺其 乃逐條

之終幸得免於孤陋幼稚之境者,縱不足以自滿,亦可得以自慰也。

及數年後,得讀章太炎梁任公胡適之諸人書,乃知黑學竟成爲當代一時之顯學,孫書特其嚆

九〇

四 私立鴻模學校與無錫縣立第四高等小學

之支節曲折,錯歧複雜,有違初心者。孔子言:「十有五而志於學,三十而立,四十而不惑。」 矢。而余亦終於寫出許多有關古名家墨經及惠施公孫龍諸人之論文,今俱已收集於近編中國學術 余之在當時,或可依稀髣髴於孔子志學之年矣。及今耄老回憶,果能有立而至於不惑否,則眞不 路者,事有偶然。甘苦之情,又誰知之。故知學問向前,在遙遠之進程中,自不免許多意料不及 亦或疑余爲學追隨時髦,譁眾取寵,以博當前之稱譽。而余之孤搜冥索,所由步入此一條艱險之 隨即有意於孔孟儒學,又涉及古今史籍。歷學實非所喜,而耗精瘁神於此者亦復不少。不知者, 思想史論叢之第二册。其先肇端,實在梅村此時也。余之讀書,最先從韓柳古文唐宋八家入門,

挾捲而去。及今思之,亦余當年一大幸運也。 時余已逐月看新靑年雜誌,新思想新潮流坌至湧來。而余已決心重溫舊書,乃不爲時代潮流

勝其慚恧而感喟之餘情也。

又憶某年暑假,余在七房橋家宅東邊陪弄中,硃筆標點深沅學案。 當時余已先讀歐陽文忠公

及汪삈公諸集,對其收編頗不愜意,遂有意重編宋元學案。惟有此志,迄未成書。

年,

年輕一歲或兩歲 兩路, 師範, 與余同室,願仍左行, 亦已隨行多日。 已先到校, 左向, 過小橋, 一向右, 與余兩人同一寢室。室內惟兩牀一桌。夜間同歸寢室, 抑改右行?」懷天立刻言,願改右行。於是相視而笑,遂爲友。懷天較余 越圍牆田野村莊散步塍間, 即市區, 可喫餛飩飲紹興酒, 佐以花生塘裏魚, 仰天俯地,暢懷悅目。余一人率右行。 課畢, 余告懷天: 同事皆往, 「出校門有 君今 想君

易姓,惟常往來。」其時懷天已成婚。懷天敍述其家況時,語語皆自其肺腑中孝悌眞情出。 深敬之。詳詢其家庭。懷天言:「早孤,獨一母。家貧,有一弟,不能養,乃由相識家領養, 其家庭具體之淒苦,實不足當其心中傷痛之萬一也。 中大呼,由余叫其酲。連夜如此,累月皆然。而日間平居,乃絕不露哀容。余始識其純孝由衷, 未一月,懷天忽得家訊,其母逝世。告假奔喪,旬日返校。夜臥,常夢中大哭而醒, 或夢寐 至於 已

院中小憩, 余與懷天自此相處益親。黃昏前必相偕校外散步, 始就寢。 余與懷天均任國文一班, 作文課同在週末, 無人處, 亦坐亦臥, 暢論無所不至, 迄夜方歸。 入夜兩人各自規定之讀書時間畢, 必儘日夜批改完畢, 俾可 星期日 又同在

偕出遠行,

或竟日,

或半日,

擇叢林羣石間,

道, 故勸以讀佛書自解耳。余在教師休息室中一桌靠西窗,坐南朝北。懷天一桌在余座後, 纖悉弗遺。年假後,懷天回校, 携帶佛書六七種 , 皆其師公之爲之選定。 懷天在滬求學時,最崇拜其師吳在公之。公之日常言行, 及其講堂所授, 蓋因懷天喪母心 懷天時時爲余稱

傷, 窗,坐東朝西。懷天携來之佛書,余亦就其桌上取來一一讀之。尤愛讀六祖壇經。 余之治佛學自

之遊學日本,其時日本有信仰共產主義大師河上肇,國人周佛海等皆出其門。公之衍暢其說,用 莊子在宥篇, 第二年年假後, 取名精言。 懷天又携來其師公之新撰之深言一册,共八篇,皆申馬克斯共產主義。蓋公 余特寫關有言八篇,懷天亦爲廣宥言八篇。余又爲續闢八篇, 懷天持以示余,共讀之。傍晚散步,逐篇討論。余雖愛公之文辭,然力 懷天亦爲

續廣八篇, 余告懷天:「君治佛書,又遵師說欣賞共產主義,然則他年將逃世避俗出家居山林爲 相爭不已。時中國共產主義尚未大興,而余兩人則早已辯論及之矣。

一僧,

反其說。懷天則袒師說。

抑從事社會革命爲一共產黨人?一熱一冷,一進一退,君終何擇?」懷天曰: 「君尊儒, 言必孔

孟,我恐兄將來當爲一官僚,或爲一鄕愿。」余言此四者皆當戒, 幸各自勉 縣四高小全校師生結隊赴四圍

遠近城鄉皆震動。

懷天姿性誠篤,民八「五四」,上海罷市,

私立鴻模學校與無錫縣立第四高等小學

九四

法, 激, 鄉村演講, 然絕無階級革命之兇暴意, 然其本源皆發自內心深處。 懷天熱血噴迸, 聲淚俱下。 其平日與人相處, 亦無離親逃俗之隱遁意。 惟當以一字形容曰「愛」,愛國家, 他日學問所至, 極和易, 得人懽。 愛民族。 必歸中正可知。 故知其論學時雖有偏 雖言共產, 言佛

題告懷天,今晚歸, 兩人當另闢一途徑,改向新趨。自今晚始,吟詩相唱和,如何?」懷天又曰「好」。余遂卽景出 味,今皆失去。從今晚起,當將此問題暫擱置,不再爭,可否?**」**懷天曰「好」。 「我兩人平日以澹泊寧靜自期,近來爲濟言一書,爭論不休,往日讀書散步一番蕭散閒適意 時先兄方肆意陸放翁詩, 卽以「林中有火」四字各作四言詩四章,以此四字,押韻如何。 朝夕諷誦, 亦常作詩自遺。余與懷天, 一晚, 田塍間散步, 余更曰: 懷天又曰「 「吾 告懷

不分彼我, 人各試題名,終不愜。 是積月,懷天告余,今成詩日多,昔人皆各自成集,今我兩人可合成一集,當先爲此集命名。 大好」。自此又爲五言、六言、七言,古今絕律,或出題兩人同詠,或一人成詩,一人追和。 同躋於仁。 懷天大 愜意, 余忽得一名, 書名遂定。 告懷天日, 當可逕名「二人集」。不僅紀實, 亦期我二人能 兩 如

余與懷天又讀鮑芳洲催眠術書而喜之,曾召學生作練習。後見報載鮑芳洲在上海面授,只一

週卽可畢業。 余以惜費不往, 後乃以積錢買了一部資治通鑑。懷天一人往,謂歸來仍可兩人同

目。 侍, 分, 道家佛家言。尤喜天台宗小止觀,其書亦自懷天桌上得之。先用「止法」,一念起卽 余性躁, 境,實始此夕。念此後學坐,儻時得此境,豈不大佳。回至學校後,乃習坐更勤。 知過幾何時, 地亦盡歸消失, 叔父辭世, 醒來體況覺大舒適,習久當可轉健。 定歷四十五分鐘或一小時醒來, 余獨一人去寢室臥牀上靜坐。忽聞堂上一火銃聲,一時受驚,乃若全身失其所在,卽外界天 前念又止。 懷天每天下午四時卽在其寢室習自我催眠。 旬日而返,告余七日學習之詳細經過。 所謂前念已去, 則前念不禁自止。 **愈禁愈起,終不可止。** 聲一先兄與余自梅村返家送殮。 乃漸恢復知覺。 又知堂外銃聲卽當入殮,始披衣起, 出至堂上。余之知有靜坐佳 惟覺有一氣直上直下,不待呼吸,亦不知有鼻端與下腹丹田,一時茫然爽然,不 初如濃雲密蔽天日, 後念未來, 但後念又生, 乃改用「觀法」, **瞬息間雲開日朗,** 即能入睡眠狀態, 余時正學靜坐, 後覺雲漸淡漸薄, 我又即返觀自問, 我頃方作何念, 屍體停堂上, 然懷天特喜新所學之自我催眠。 余曾至其室觀之,其術頗似靜坐,只坐後自心內 **滿心一片大光明呈現。** 一念起, 到時果醒, 已兩三年矣。憶某一年之多, 又似得輕風微吹, 諸僧圍坐頌經, 即返觀自問, 則此術已成。 縱不片刻此景卽逝,然 乃忽又來此念。 我從何忽來此 至深夜, 雲在移動中, 懷天體素羸弱, 時余與懷天寢室已 雜治理學家又 七房橋二房一 送殮者皆環 加禁止。 忽露天 如 此 如此

然

念

即此片刻, 一片刻,則其佳無比。若能坐下全成此一片刻,則較之催眠只如入睡境中者,其佳更無比矣。 全身得大解放,快樂無比。如此每坐能得此片刻卽佳。又漸能每坐得一片刻過後又來

余

其停靠。余上船, **遂益堅靜坐之功,而懷天亦習其自我催眠不倦。** 坐一老人旁。老人顧余曰, 「君必靜坐有功。」余問何以知之,老人曰, 一日,余站梅村橋上守候自城至蕩口之航船, 一觀 喚

汝在橋上呼喚時, 雙目烱然,故知之。」余聞言大慰。

丁仲祜通信, 時余七房橋家遭回祿之災,房舍全焚,乃又遷家至蕩口鎭。 求其開方療治,病卒愈。余乃辭縣四職回鴻模任教,以便朝夕侍養。時爲民國七年 而先慈病胃,積月不能食。余與

之夏季。此下一年,乃余讀書靜坐最專最勤之一年。

卽能無念。 聲快慢錯四分之一拍。 余在寢室中可聞其聲。其時國歌爲「中華獨立宇宙間」,歌中後半有一字,軍樂教官教至此 余時銳意學靜坐,每日下午四時課後必在寢室習之。時鴻模亦有一軍樂隊, 然無念非無聞。 恰如學生上午後第一堂課, 余因昔在府中學堂習崑曲, 遇渴睡, 知此甚稔。 講臺上教師語, 其時余習靜坐工夫漸深, 初非無聞, 課後必在操場教 但無 入坐

恕 余在坐中,軍樂隊在操場練國歌, 聲聲入耳, 但過而不留。不動吾念,不擾吾靜。 只至其節

處卽不虛, 拍有錯處, 儘欲勿聽亦不得。 余念卽動。 則此一長處正是一短處。余方苦學讀書, 但俟奏此聲過, 余因此悟及人生最大學問在求能虛此心, 余心即平復, 日求長進。 余念亦靜。 若果時覺有長處, 心虛始能靜。 即是坐中聽此一歌, 若心中自恃有一長 豈不將日增有 只聽得此

地 外擾。昔人多在寺院中, 相宜, 某日傍晚, 乃不敢多坐。又余其時方效伍廷芳練習冷水浴,雖嚴多不輟。至是,亦悟其非宜, 家中派人來學校喚余回家。 特關靜室,而余之生活上無此方便,靜坐稍有功,反感不適。以後非時 余適在室中坐,聞聲大驚。 因知靜坐必擇時地, 以免

短處。

乃深自警惕,

懸爲己戒。求讀書日多,

此心日虚,

勿以自傲。

虍

時華繹之以校主兼爲校長。學校中新建一樓,

釋之家富藏書,

皆移樓上。 樓門不輕啓,

曾、 讀之。 藏書中有南宋葉適水心之習學記言, 獨交余一鑰匙,許余一人上樓讀書。惟上樓即須反鎖其門, 後到 北平數年後, 早年卽抱懷疑, 乃始有新刻本。 乃江陰南菁書院所刻, 余對程朱所定四書順序論語、 外面流傳絕少, 勿使他人闖入。 又余遍閱顏李書, 大學、 余遂得多讀未見書。 余即在鴻模藏書樓上 神, 亦在是年。 孟子, |7<u>L</u>

四

私立鴻模學校與無錫縣立第四高等小學

爲作一詩。懷天在梅村見此詩, 此一年, 乃爲余任教小學以來最勤學之一年。室中蒔文竹一盆, 意余心存抑鬱, 乃以盆中文竹自比。 遂鈔此詩, 日常親自澆灌, **詳述余近況,** 深愛之, 特 告

其師吳公之,蓋欲其師爲余作推薦也。

弟。 宅, 師生外, 治,緩於求醫,竟不治而卒。時余在后宅,遂至梅村 , 檢其遺書 。 亦久蟄思動,遂決於暑假後辭縣四職前往。忽以背生疽返家 。 初謂不嚴重 , 只自我催眠卽可療 並余兩人之闢病言、廣宥言共四篇,及二人集,合並爲一書,名朱懷天先生紀念集。 近又親到余家,眞如回己家也。懷天是多返松江,忽得其在上海時舊同學邀其赴南洋。 又轉至蕩口。先兄領其赴余家謁拜先慈。返梅村後來書, 又一年,余又轉至后宅鎭之泰伯鄉第一小學爲校長,懷天帶領學生作長途旅行,從梅村來后 並分贈當時國內各圖書館。日記則由余保存。對日抗戰時, 言我兄弟怡怡, 懷天有日記, 余摘取其間要 余家藏書盡失去,懷天日記 常願相隨作一弱 除學校

機餘藩中。

亦在內。不知其紀念集他日尚可檢得否。

6

⁶ 編者案:朱懷天先生紀念集一書 , 最近已在大陸圖書館覓得 。 該書未收入先生闢宥言兩篇,亦未收入 二人集詩稿。 書前有先生所作序文,言及當時因病未及整理附入。此序文現已收入全集第五十三册素書

民十九,余去北平燕京大學任教,時吳公之在清華。然余聞其日常生活頗爲消極頹唐, 不復

似往日懷天之所語,竟亦未與謀面。懷天之弟,余抗戰時在重慶曾與晤面,然亦未獲深交。

回念余自民元出任鄕村教師,得交案仲立,乃如余之嚴兄。又得友朱懷天,乃如余之弱弟。

惟交此兩人,獲益甚深甚大。至今追思,百感交集,不能已。

.

毫有市井氣。謙恭多禮,勤奮倍常。遲余一年肄業府中學堂,衣袋中常帶英文字典一册,不論室 內室外, 其年長, 時在鴻模管事者,爲須霖沛若,亦係果育與常州府中學堂兩度同學。 然終不知其眞年齡。沛若家在鎭上開一店舖, 得間卽取出讀之。從開首第一字起,讀一字,能背誦,卽用紅鉛筆抹去。依次而下。有 以富有稱。然沛若嚴如一鄉下佬, 沛若鬍鬚滿腮, 絕不絲 人皆謂

人得微窺之,已讀至F,占全體字母四之一矣。

畢業府中學堂後,爲華家管理一當舖,後遂轉至鴻模,

與余交往最密。

舊曆元旦淸晨來拜

間,新年必相聚,然少行如此拜年禮。余念沛若年長,因赴其家答禮,亦一一瞻拜其祖先遺像。 年,余家懸先父、先祖父母、先曾祖父母三代神像,沛若一一焚香跪拜, 始辭去。 當時諸同學

私立鴻模學校與無錫縣立第四高等小學

乃謂: 荣餚旣上, 沛若囑余先上坐,謂「今日元旦,我當先拜祖宗遺像乃進餐」。 在祖宗神像前作誓。幸兄勿堅辭,我已心師矣,必終身不渝。」沛若拘謹而固執, 「我蓄意已久,欲拜兄爲師。此不比學校教課之師。然恐兄不允,方頃之拜,乃我行拜師 沛若堅留午餐,謂僅兩人, 可作長談。又謂元旦家中有現成菜餚, 不煩特加烹煮, 拜畢就坐, 余亦難與 |沛岩

疾。 [愼]字, 」 今先生患傷風,雖不發燒, 日, 在學校兩人坐廊上。 使疾不加深 則數日自愈。」 沛若言: 亦小疾, 「先生愛讀論語, 余從此讀論語, 可弗慌張, 然亦不當大意。 有一條云: 知當逐字逐句反己從日常生活上求體 宜依論語守此小心謹愼 子之所愼, 齌 戦

只笑謂:

「不意兄亦有詐。

余亦惟有仍以同學視兄, 兄其諒之。

自沛岩此番話發之。

臨, 己必居最後, 七人同聽講, 一人講,殊嫌精力浪費,當約在校學生聰慧者數人,及舊學生升學在外暑期中歸來者數人,合六 願先生在暑假中爲我講莊子內篇七篇,使我有所從入。」余允諾。沛若又言:「先生專爲我 Ħ, 沛若又語余:「自知性太拘謹,時讀莊子, 逐段逐節不肯輕易放過。 庶先生精力多所霑漑。」余亦允之。是暑,在一樓朝夕開講。 沛若促諸聽者發問, 約三四日始完一篇。將滿一月,七篇方畢。回憶往昔紫翔 求自解放。 顧姿愚, 領悟不深。 暑假將

師講習班上課,眞霄壤之別矣。然余對莊沃七篇, 經此講解, 乃知自所未解者實尙多。 以後余爲

班子纂箋及論語新解兩書,每憶沛若與余討論此兩書獨多。 往日情事, 如在目前。

閉戶自守, 生正規, 妾,不育。又納一妾。時社會風氣已日開, 自余離鴻模, 被認爲開通前進。 不與外界接觸, 與沛若少來往。沛若不久亦離鴻模。 但頗受外界之譏諷。余傳聞得此, 有妻納妾, 則是頑固守舊,封建遺毒作祟, 方羣趨西化,即蕩口一小鎭亦然。離婚再娶, 沛若乃獨子單傳, 亦未與沛若通訊有所詢問。 乃傷情違理之事。 育兩女, 無子嗣。 沛若雖 乃人

與余再見,亦從未談及於此。

之驚悚,畫不能食,夜不能眠,精神不支,欲退學。」余謂: 余賜照拂。 越旬日, 可再試之。」 一人,亦勿視爲一屍,心肺肝腸,一一如師言, 余在北平, 毓壽忽來余舍,面有不樂。余問之,言: 「上課第一堂卽是解剖, 余親赴車站接候, 毓壽如余言, 日, 得沛岩書, 終獲畢業。 宿余家。醫學院預科在燕京大學上課, 告其次女毓壽畢業中學,考進協和醫學院。 留協和, 當各別視之爲一物。 後轉回蘇州行醫, 「此乃汝自己心理作用, 名噪一城。 開學後, 心境變, 講臺桌上一死屍, 當一人赴北平, 余又親送之赴校。 則外面環境自變, 余抗戰中回蘇州 當勿視爲 見 懇

四 私立鴻模學校與無錫縣立第四高等小學

毓壽時來余家。

一家有病,

皆由其診治

抗戰勝利後,

余又回蘇州,

任無錫江南大學文學院長。時河南大學播遷來蘇州,

已有子矣。 然站路邊。 同事老友姚從吾, 告余: 一家三口,居雨室, 邀余兼課。 「近亦遷來蘇州, 課堂設在滄浪亭,浮生六記之舊宅。一日, 極逼窄。留午膳而別。 知先生在此有課, 自後遂多往還。 故特來相候。」遂漫步同赴其家。 課畢,方出門, 校長乃北大 沛若赫 知沛若

進。」 余言:「余聞兄言,亦立時總得一警策。吾兩人性情有不同, 歇宿處。此即是天命。」沛若言: 價值, 德亦有大小。 立能不惑, 體而微之能立能不惑,又只是微之又微,微不足道。正如一萬貫錢與一文錢,一文錢太少,太無 在此簷下坐談,豈不髣髴依然是往日情況。此亦可謂是吾兩人之能立能不惑,但只可謂是一種具 義。」余曰:「此乃大聖之境界,吾儕何敢妄加揣測。余只敢在三十而立、四十而不惑上用心。 回憶自果育學校、常州府中學堂以來,改朝換代,天翻地覆,社會一切皆已大變。而吾兩人今日 但亦同是錢。孟子謂人皆可以爲堯舜,羅近溪謂端茶童子亦卽如聖人, 日,在其窄室中, 繼續下去, 大德敦化, 亦可算得是吾儕之天命矣。孔子言:『天生德於予。』人之禀賦有高下, 小德川流,縱是溝濱之水,只川流不息,亦皆朝宗於海。大海是其匯歸 沛若問: 「我聞先生言, 「論語孔子五十知天命,先生今年亦已過五十,敢問知天命之 暫時總得一解放, 正好相互觀摩,各自得益。 但不久即依然故我, 皆此義。儻吾儕能 總不長

年來,從不談國家大事, 勿妄自尊大,亦勿妄自菲薄。惟日孳孳,在安分守己中努力,如是而已。兄謂何如?」 沛渃數十 亦不論人物臧否、世局是非,儘只在自己日常生活上自憤自責。其敦厚

而拘謹有如此

論在家出門皆是一鄉下佬,亦從不對二女有嚴父態。然二女對其父則禮敬有加,爲余在他家所少 桌共餐,意氣言語亦皆拘謹,終不稍有發舒。余念其姊乃一富家主婦,其妹乃一名西醫,其父無 進爲大廳,寬暢大方,陳設甚雅。沛若已先在,姊妹特來行一禮,留坐,皆婉辭而去。及同 沛若長女嫁蘇州一豪富家。一日邀宴,其父其妹四人同席。入門一賬房,一大櫃臺,乃收租

見。此亦沛岩終生以禮自守有以致之也。

余離蘇州今又三十年, 沛若儻仍健在, 則已九十左右矣。此一鄉下佬, 乃一資本階級, 不知

其何以自處。此又另是一種天命也。悵念何竭!

稿成越數年,開沛若已逝世。又聞毓壽已移居美國,但告者亦不審此訊確否。

四

私立鴻模學校與無錫縣立第四高等小學



五 后宅初級小學

民元起,先在三兼,即任高小課程,只兼初小之體操唱歌課。自入鴻模與縣四,皆係高等小學, 育思想異同得失之究竟所在。二則當時大家提倡白話文,初級小學教課書已全改白話文體,而余 違異處。因念當轉入初級小學,與幼童接觸,作一番從頭開始之實驗,俾可明白得古今中外對教 育哲學之演講,余讀其講詞,極感興趣。但覺與古籍所載中國古人之教育思想有不同,並有大相 在民國七年曾出版一部論語文解,專爲指示學生作文造句謀篇之基本條件而作。極思轉入初小, 而余則任其高年級之課。余之決意轉入初級小學,厥有兩因。一因報載美國杜威博士來華, 民八之秋季,余轉入后宅鎮泰伯市立第一初級小學校任校長之職。是年,余二十五歲。余自 作教

試白話文對幼童初學之利弊得失所在。此兩念時在余心。

こつか

后宅第一初級小學之校長。若泰乃余常州府中學堂低班同學。 暑假前一日, 余從鴻模去縣四,欲與懷天一晤。是夕,泰伯市督學許君來縣四邀安若泰去任 畢業後, 留學日本, 習法律。半途

許君之請,若泰堅拒。許君請益堅,若泰終拒不允。

任初等小學校長。是年,轉來縣四任教。他日仍需赴日,

領取畢業文憑, 即可回國當律師。

歸,

决, 勿慮, 絕對自由, 戲言。余曰:「絕非戲言,乃眞心話。」許君曰: 小學有不同。 無條件, 絕不後悔。 時縣四諸同事皆同在一室中。余忽起立,語許君: 悉隨尊意。」余曰: 余則有條件。」許君問:「何條件。」余答:「余若往,學校行政及課程編排, 君肯勿干預否?儻上面及外界有非議或斥責,君肯同任其咎否?」許君答: 君無此經驗, 若泰忽意動, 困難臨頭, 「如此卽可決。」若秦告余: Ξ: 「君果去,我亦追隨。 必後悔。」余曰: 「君若眞心,我決無條件聘請。 「余若肯往,君願聘否?」 「君勿輕作此決定。 「正爲無經驗, 爲君作一助手, 故去從頭學起。 君願之否?」余曰: 初級小學究與高級 **眾謂余乃故作** 余 曰 : 一切可 余心已 余當有 一君

肯勿過問否?」余曰:「此更大佳,卽浼君代勞。」此事遂一夕而決。

「此更佳,

寧有不願。」

若泰又曰:

「君與初級小學任教者皆不熟,學校有空缺,任我代聘,君

下活動,此決非佳事。」兩人皆同意,請談辦法。余曰:「欲求課程生活化,先當改變課程,如 必有體操唱歌, 體操唱歌,明是一種生活,但排定爲課程, 生作分別觀。若使彼等心中只分出一部分生活來服從學校之規章課程,另保留一部分生活由其私 融在學生之生活中,務使課程規章生活化,而學生生活亦課程規章化,使兩者融歸一體,勿令學 校惟余與若秦英章三人,每事必會談相商。余告若泰英章:「余有一理想,當使一切規章課程盡 但亦肯聽話, 余與若泰旣到校, 全體學生必同時參加, 必可爲君一好助手。又一人,乃后宅鎭上一女性,舊任留校,課畢卽離去。學 若泰又聘來蔡英章, 余等三人亦當參加,使成爲學校一全體活動, 則學生亦以課程視之。今當廢去此兩課, 專教體操唱歌。 若泰告余,英章直爽有膽量, 由英章任指 每日上下午

章則如法律, 余又曰: 若泰英章對此不表贊同。 誤認爲一切規矩皆是外面加上之束縛。 「欲使學校章則生活化, 謂余僅談理想,不顧經驗。今日之初級小學,皆自六七歲起,最 此事較複雜。首先, 使規矩能生活化, **余意欲廢止體罰,** 豈不是教育上一大目標 勿使學生視學校

若泰英章對此皆表贊同

X.

后宅初級小學

長不過十三四歲, 童稚無知, 羣相聚, 此屬空想。 事態百出, 有時非加體罰不可。余曰: 但只仗經驗, 不追求理想, 到底亦僅是一習慣, 「縱童稚, 亦得對 將無

之有理想。 意義可言。 驗, 隨時隨事相告, 有關訓育方面, 僅有理想不顧經驗, 以助成余此一理想。遇有困難, 余願一人任之,以試驗余之理想,盼兩君隨時在旁相助。 再從長討論,另作決定,如何?」兩人皆無 以兩君之經

言。 即日, 余出布告,課畢皆須赴操場遊散, 勿逗留課室中。 **余問其姓名**, 余隨巡視。 亦不答。 有一生兀坐教室中課椅 乃召班長來問

፟

余問:

「何不赴操場?」彼兀坐不動如故,

亦不語。

之。班長告余,此人乃楊錫麟, 曰:「此乃前校長所命, 今前校長已離學校, 曾犯校規, 前校長命其到校後非大小便即坐課室中不許離去。 此命令亦不存在。 汝當帶領其同去操場。」二人遂 余

成兩半。」一人並帶來此青蛙之屍體。 去。不久,一羣學生圍擁楊錫麟來余辦公室, 獲與汝輩同遊散, 汝等所知, 彼亦可漸漸學而知之。汝等當隨時隨地好爲勸告,勿得大驚小怪, 余曰: 當罰汝等,不罰楊錫麟。」諸生乃默默無言而去。 告余:「楊錫麟在操場旁水溝中捕一靑蛙, 「楊錫麟因久坐課室中,汝等所知,彼皆不知。今 將之撕

彼犯一小錯誤, 又有兄弟兩人, 即羣來告發。 乃后宅附近鄭姓,係余之戚屬。其家長親送來上學。家長辭去, 以後再如此,

好相護視, 吾弟將被人打如何受得起。 余告之曰:「汝勿憂。 長於彼, 至操場。不久,羣擁其弟來余室,其兄隨之,羣告其弟隨手打人。余曰:「他年尚幼,汝輩皆年 何足怕。 令汝弟莫再打人即可。」此後亦無事。若泰英章在旁,見余處理此兩事得當, 他若再打人,汝輩可回手打他, 汝弟若不先打人,他人亦不會來打汝弟。 我將不罰汝等。」羣懽然而散。其兄大哭,謂 汝惟

=

再不主張用體罰。

趣, 寫。 聲息,錫麟獨唱不息。諸生皆驚,鼓掌聲久不息。 能仍續唱如今晚否?」圖麟又點首。 溫雅有致。 意其聽覺必較佳。 余大加讚賞。 叉口誦一 **余上堂**, 余再彈, 段文字,諸生默聽三數遍, 好用兩種測驗。 問 日, 令其再唱。余忽停彈,琴聲息,而錫麟出不意,歌聲仍續,意態靜定,有佳 「明日唱歌班上汝能一人起立獨唱否?」 錫麟點首。又問:「琴聲息,汝 傍晚散學, 余獨留錫麟。 在黑板上寫一段文字, 明日, 令其默寫。 上唱歌班,余問何人願起立獨唱,錫麟舉手起立。琴 余彈琴,令錫麟隨而唱。 如是數次,覺楊錫麟於默聽後所記常無誤, 令諸生凝視三數遍, 撤去黑板, 音節聲調果皆祥和, 令諸生默

一〇九

五

后宅初級小學

八十億雙親師友雜億合刋

人終被歧視。自此後,諸生再不歧視緣麟,緣麟意態亦漸發舒,視其前若兩人。

自錫麟捕殺青蛙事被告發,諸生雖不再告發錫麟他事,然錫麟與諸生間,終若有隔閡。

時學校將開一遊藝會,余告英章,好好教錫麟唱一老漁翁歌。英章遂常獨留錫麟在校教唱,

務期盡善盡美。又特備簑笠,令錫麟披戴演習。臨開會,錫麟一人獨扮一老漁翁,登臺演唱,琴

ᅣ

悠揚滿堂,

眾皆默坐神往。

老漁翁一劇畢,

最得滿座之掌聲。

而楊錫麟乃迥出他人之

當時后宅小學諸生, 余近年在臺北, 獨楊錫麟一人尚在其同鎭人口中得稱道, 常晤后宅鎭人老友鄒景衡。 月, 忽語余楊錫麟畢業後事。 眞出余意料外也。 相隔垂六十年,

凹

有一鄒生, 鎮皆貼服。年五十左右,與余爲忘年交。遇其在家,必來學校。於諸生家屬多熟悉,纖屑皆談。 時泰伯市長爲后宅鎭人鄒茂如,景衡父。景衡留學日本。茂如爲人忠誠坦白, 家一寡母,生則獨子, 在校課程皆列上等。在校外,則多不守規矩。其母甚賢,但亦 敢作敢爲,

無以教之。茂如告余其母子事。

年假, 余返蕩口,三四日卽返校。校役告余,假中有兩學生私進學校故犯校規,並學其名。

貨,彼卽在舖前攤上私取糖果一小包,舖主人亦不知。」余告之曰:「汝果能如余命, 其他罪名加深處罰, 學校罪, 錢少許, 納己袋中, 不入賬,其叔亦不知。 又昨日,我偕其在一糖果舗買糖果, 開一豬肉舖。腳生在每日淸晨上課前,卽在櫃臺上代其叔收錢登賬。待叔至,卽來校。 可以此事告彼知之。余可減汝罪,不深究。」該生懽然而去。隔一日,卽來告:「鄒生有一叔父, 其離學校多不守規矩。今命汝三日內,可常與鄭生相偕,遇其有不守規矩處,卽來告余。但決不 其一人即鄒生,另一人 , 嚴問其私入學校事,此生直認不敢諱。余告之曰:「汝與鄭生同來,平日必常相聚首。余知 可僅記一小過, 亦免令汝當面作證。彼若屈服, 不再深究。余因恐鄒生不能如汝般直認己罪,故令汝告發其私。 平日在校亦多犯規事。 時余記起讀漢書諸名臣治郡之事。乃召其一人 直認其罪, 亦可減輕懲罰,是汝亦已助了他 舖主人回身取 汝犯私進 但日私取 俾可從

取汝叔櫃上錢,汝有之否?又昨日私取某舖糖果攤上一小包糖果,有之否?」鄭生大驚駭。余又 然而去。 召鄒生來, 間以私入學校事。腳生否認。余曰:「只要已莫爲,莫謂人不知。汝每日私

臂之力。

此後汝當善遵師旨,

勉爲一好學生。亦當敦友誼,勿輕道人過。汝自思之。」該生欣

告以:「汝其他不守規矩事尙多,因汝在學校功課好,故暫不問。不謂汝竟不知改。汝亦勿謂汝 亦當僅記一小過,不深究。汝若不依余言,將受重罰,勿悔。」是日,余對鄭生倍加誨諭。 叔父不知汝事,汝當向汝叔直道己過,並告以知悔改,汝叔對汝必加讚賞。汝近犯私入學校事, 向其叔道罪。其叔曰:「此事我早知之,今汝悔改,虞好孩子。」遂每月額定其工作 鄒生

五

特來謝師。

茂如亦來言:「君等來,校風大變,皆三師善盡教導之功。一鎭人皆稱譽。」

一日,其寡母特來校告余,其子近日大變常態,能知孝道,不知由何如此,

費,尤多過其私取。

默不言。」某生遲遲答曰:「師卽觀今日此刻情形,已自知之,何必強生再多言。」余曰:「此 問:「得余書否?何不覆,豈無意來共事耶?」某生無以對。余曰:「果無意,亦必有一理由,何 覆。年假歸,元旦淸晨,余自蕩口步行至甘露,約可五華里。入門,某生方起牀盥漱。坐定,余 上海某商業學校,畢業歸,任其鄉甘露鎭一初級小學校之校長。余與通函,約其轉來后宅,未得 時學校預定在下學期可添聘一教師。有一鴻模畢業生,忘其名, 余實不解。」某生曰:「今日乃元旦,師遠從蕩口徒步來甘露,生方起床, 極聰慧, 余頗愛之。 盥敷未畢。

怠如此。 。 某生曰:「生曾從滬買來一縫襪機,雇一女工,縫襪出售。 生曰:「生亦不自知其如此,故未敢以告師。」余又問:「生旣不甘長爲小學教師, 縫襪廠老闆, 得十機, 轉入初小。六年前與汝爲師生,六年後與汝爲同事。余尚未有如生想法,生奈何涉想到此?」某 中學生,又進而爲小學校長,升遷不謂不速,何以忽生此念?如余,六年前在高小任教, 余。 是一小學校長, 無以覆。 如此情形, 」 某生日: 還是一孫悟空。 便擬辭現職, 幸師賜諒。 某生言: 生何敢來與師共事。如去,生多遭師賣黑,師亦空自增閒氣。生久思之,不敢來, 終生爲一 如此終生,成何意義。」余曰:「生當返思,六年前,生是一高小學生, 「恕生直言,幸師勿責。生自就職以來,一日忽念,今年任一小學校長, 「六年前生亦知服膺師訓, **余曰**: 自設一縫襪廠。」余曰:「生言差矣。今年爲一縫襪廠老闆, 縫襪廠老闆, 人總是一人,孫悟空逃不出如來佛掌心, 生語余已明白。 其意義又何在?人生豈能如孫悟空, 今忽生此妄想,一時自無奈何。待生回心轉意. 然生近日生活態度何以驟變如此,亦盼有以告 得赢, 人生亦有逃離不得處。生何遽倦 又買一機。今已有三機。 搖身作七十二變。 曾作何想。 明年仍爲一 明年仍 六年後 進而 變來 亦

當願常隨左右。」

如此遂無結果而返。

定。若泰英章亦偕余同上班,國語課遂與體操唱歌課同爲每日全校師生之共同必修課。而余之國 乃由滬上余兩姑表兄弟介紹一湖南人趙君, 忘其名, 來教國語。 教材由余與趙君治

文課則退居在後,不占重要地位。乃以作文課代之。

好,可惜鹹了些。」告諸生,說話須有曲折,如此文末一語。 只就口中所欲說者如實寫出,遇不識字,可隨時發問。一日,下午第一課, 「今天的午飯」。 余告諸生,出口爲言,下筆爲文。作文只如說話, 諸生繳卷訖,擇一佳者,寫黑板上。文云,「今天午飯,喫紅燒豬肉, 口中如何說,筆下卽如何寫,卽爲作文。 命諸生作文。 味道很 出題爲

之。有五兄弟,大哥披掛上陣,二哥又披掛上陣,三哥亦披掛上陣,四哥還披掛上陣, 盡,你們卻寫了五句,便太囉嗦了。 求簡潔。 仍然披掛上陣。諸生皆如所言記下。余告諸生,作文固如同說話,但有時說話可如此, 又一日,余選林終技擊餘談中一故事, 由余口述, 命諸生記下。 因在黑板上寫林籽原文,雖係文言,諸生一見,皆明其義。余曰: 今此故事已忘, 「如此寫, 只一語可 作文卻宜 姑以意說 五弟隨之

又一日,命諸生各帶石板石筆鉛筆及毛邊稿紙出校門, 至郊外一古墓, 蒼松近百棵。

各自擇坐一樹下, 靜觀四圍形勢景色,各自寫下。再圍坐, 命諸生各有陳述。何處有人忽略了,

何處有人遺忘了, 余又告諸生,今有一景,諸生多未注意。 何處有人輕重倒置,何處有人先後失次,卽據實景互作討論 諸生聞頭上風聲否?因命諸生試各靜聽, 與平日所

其間, 聞風聲有何不同。 其聲颯然, 與他處不同, 諸生遂各靜聽有頃。余又告諸生,此風因穿松針而過,松針細,又多隙, 此謂「松風」。試再下筆,能寫其髣髴否?諸生各用苦思寫出

樂事。竸問,今日是否又要作文。 又經討論, 余爲定其高下得失。經半日,夕陽已下,乃揚長而歸。如是,諸生乃以作文課爲一大

對。令互相討論,又爲評其是非得失。遂命下筆,再互作觀摩。 「今日是何種雨?」諸生競答:「黃梅雨。」問:「黃梅雨與其他雨有何不同?」諸生各以所知 如是又半日。

日,遇雨。余告諸生,今日當作文。但天雨,未能出門。令諸生排坐樓上廊下看雨。

問

余又令諸生各述故事。或得之傳聞,或經由目睹。或聞自家庭,或傳自街坊, 橋樑寺廟。 擇其最動人者,或赴其處踏看,或逕下筆。每作一文, 必經討論觀摩, 或有關附近名

心裁, 必令語語從心中吐出, 而又如在目前。 諸生皆踴躍, 認爲作文乃日常人生中一樂事

一 一 六

字順, 不啻如自其口出。 如是半年, 條理明暢。 四年級生畢業, 此爲余半年中所得一大語文教學經驗。 然不從國文課本來, 最短者能作白話文兩百字以上, 乃從國語課及作文課來。 而作文課亦令生活化, 最多者能達七八百字, 令諸生皆 皆能文從

_

日間, 偕鎭上別一鄭君遊西湖,名爲赴杭州、上海、蘇州採購書籍,實以假余作療養。其時,余能於半 英章諸人強余遷居圖書館樓上。一人孤寂,日臨許氏說文,學寫篆體大字。病良已。茂如又命余 聞校事,皆曰:「蕭規曹隨,兄復何慮。」|茂如方規劃創設一圖書館, 如是一年,余忽得病,就醫城中,斷爲初期肺病,令休息療養。若泰英章諸人乃絕不許余預 徒步連登西湖南北兩高峯, 則體健可知。 館址卽在學校旁。

余私有,爲余八九年後寫劉向歆父子年譜之張本。 在杭州購書時, 得康有爲新學僞經考石印本一册。 圖書館購書,皆須木刻大字本, 此書遂歸

譜 語, 此次購書歸來, 心大疑。念竹汀生平有許多著作,何竟一字不提。讀及後半, 余遂日夜讀以前未見書。 日, 讀錢竹汀年譜, 始知竹汀許多著作, 至某年竹汀 「因病自撰年

其因病自作 年譜之後完成。心又大奮。余尚年輕,病亦良已,以竹汀爲例,此下正大可努力也。

得僅此。果是作一番試驗則可,若久淹於此,恐違余志,遂決意離去。 者。余雖絕少至街市,然聞此甚不懽。念余在此教讀,心力交瘁,積年讀書工夫亦多放棄,而所 人家子弟,畢業卽留家,在商店中服務。或茶肆,或酒館,或豬肉舖, 其時,有一大不愉快在余心頭者。時鄉里初小畢業生,除士紳子弟多遠出升學外,餘多鎭上小商 余部署圖書館一切略就緒, 遂行開幕禮。 是爲無錫縣各鄉市設圖書館之第一所。然 或糖果攤,極少再升學

憶是論希臘某哲人與中國道家思想之異同。稿旣成,寄去,不數日,又以大一號字登學燈首幅。 篇。越日,余文果以大一號字在學燈首幅刊出。若泰英章兩人大加揄揚,促余續爲文。題已忘, 告兩人,石岑文亦自語簡意遠,較勝他文。余當試投一稿,看其亦能用大一號字刊之首幅否?二 名,在上海時事新報副刊學燈任主編。每作一文,必以大一號字登首幅,其餘皆小一號字排。 人亦加慫恿。余撰一文,長可三百許字,題名愛與欲。 余來校之第一上半年冬季, 一夕, 余與若豪英章三人聚談。時<u>李石岑自歐</u>留學返國, 投去。 是爲余生平在報紙上投稿之第一 以哲學 余

五.

乃爲學燈上刊載大一號文字李石岑外之第一人。若泰英章倍加興奮, 刊一小條,日, 「錢穆先生請示通訊地址」。兩人更興奮, 謂「兄自此獲知於當代哲人, 又促余撰第三文。 時學燈忽 通訊

久,當有前途可期」。余覆函,寫后宅鎭第一小學地址。若泰英章曰:「君學問高出人一等,然

出, 可續投他文,將決不會再用大一號字登首幅。余似又寄第四文,續登青年論壇。 改小一號字體, 刊入青年論壇中, 寧如君所想,余不願打賭,但亦不願不以余眞相明白告人。」 若泰曰:「圖書館址卽在側, 圖書館字樣,彼或疑君乃一宿儒,如此或可有通訊希望。」余不從,並附第三文去。不久, 奈何愚蠢若此。 我敢打賭,必無通訊希望。」余曰:「行不改姓,坐不改名。所作文字與所任職務乃兩事。 」余問:「何愚蠢?」若泰曰:「當待通信久, 亦終無來信。若泰曰:「果不出我所料。」因告余,儻不信, 乃可讓彼知君底細 自是遂絕不再投 若如此寄 不如用

|初小之第二上半年之多季,非第一上半年。 一日刋爱舆欲,上述三文皆用大一號字刋出。 據此可知商談投稿事應在民國九年之冬季,爲先生到后宅

編者案:上海時事新報學燈副刊於民國十年一月十六日刊先生作意志自由與責任,二十日刊因果,二十

叢。鮌的異聞、汪船山學說、斯多噶派與中庸、 又民國十二年,先生任教集美中學時,復有文稿升學燈。屈原考證、 一、二、八、九册。 伊壁鳩魯與莊子、滂觀者言五文, 漁夫兩文,今已收入中國文學論 今已分別收入中國學

某君召宴,余與同席。兩人初見面,石岑尙憶余名。一見卽問,君今在北大,尙作文言文否?余 後十許年,余已任教北京大學。暑假還蘇州,時李石岑以婚變,其新戀人在蘇,石岑亦來。

絕不及以前事。同席人亦不知余與石岑有此一段經過也。

•

答然。此下遂別作他語,

兄不見知於李石岑,今終見知於老同學施之勉。不久當可得來訊,吾儕相聚恐不久矣。」然直至 不知耳。」之勉時在厦門集美學校任教務長。告若泰:「我此去,必加推薦。」若泰歸告余:「 在?」若泰曰:「此人乃我輩常州府中學堂舊同學,近在后宅,與余同一學校。惟已改名,故君 家名學人。之勉首舉余名,曰:「在學燈見此人文, 文體獨異, 夏季,之勉亦終無來信。 若泰於余投稿學燈之明年春,去滬上晤其常州府中學堂同學施之勉。 **惜不悉其人資歷**, 旅館夜談, 縦論一 及今何所 時作

日我蔡英章三字當以大標題刊報端, 余與若泰英章同赴后宅滿三年, 作第一條新聞,則我願足矣。」余與若泰競笑之。在國民革 一夕,蔡英章忽言:「吾三人如此寂寞相處,何可久耐。 他

五

命軍北伐前,英章任職某學校,竟在鄕里中集眾演說,獲罪處死,亦可惜也。若泰去日本,獲文

憑返國,不詳其究竟。

===

六 厦門集美學校

——附 無錫縣立第一高等小學校

校在前清時名埃實,爲無錫楊氏初創第一所私立新式學校,極有名。民初,改爲縣立。 民國十一年秋季,余辭去后宅小學及泰伯市立圖書館長職,轉至縣立第一高等小學任教。此

室,詫問余:「聞君已得集美聘,並已向校長辭職,何以仍留校上課不去?」余告校長堅留,不 元,而集美則爲月薪八十元。余意欲應聘,遂持原電呈縣一校長,懇另覓替人,俾可去職。校長 力加挽留。余歸寢室,念已受聘, 余到校未盈月,忽得厦門集美學校來電,又來聘書。是爲余初獲中學聘。時余得月薪二十四 未獲替人,豈可遽去。如是忐忑有日。一夕,忽一同事來余

便遽離。

火

某同事言:「此乃校長對君之禮貌。聞其已治得替人。君不行,將反使校長爲難。君當

說。」余聞言, 再度向校長請辭, 心下大解舒。遂再辭。於中秋假期前離校。是爲余任教小學之最後一校,亦爲任 惟弗提請覓替人事。 只言辭便可。 儻別有問題, 我可再約同事一二人爲君陳

期最短之一校。

在家渡中秋節後,一人赴滬上,搭海輪赴厦門。余自民元起,在寮家水渠、蕩口、梅村、后

余初次渡海遠遊,長風萬里,水天一色,時登船尾, 晚觀日落, **曉觀日出,** 盡日觀賞。

第三

同船

天傍晚,船抵厦門。知集美有接待處,然一人携行李數件,天色已黑,恐上岸後尋訪爲難。

晨再來訪求!集美接待處較便。」遂爲余雇一小艇,回駛向港口,黑夜望岸上燈火,惟聞槳聲,深 人,乃留學生,問余,厦門大學有熟人否?:余云「有」。彼云::「不如逕往厦大借宿一宵, 明

待處,送上一小輪。港汉紆回,四望景色極美。輪上十餘人,疑皆集美學生。羣操閩南語,不知 行李,余又隨行。不久,進入厦大,至某相識宿處,已不記其姓名,留宿一宵。翌晨,訪集美接 以爲樂。艇泊一沙灘,艇夫肩余行李前行,余後隨。至一處,艇夫大聲呼叫。厦大有人來,接肩

其所云。

室。在一樓上,室極寬大,三面皆窗,惟一床,大覺安適。此室爲余與之勉兩人同居。之勉另賃 抵校, 無圍牆, 無校門。逕往校長室。校長葉采眞見余來,大欣慰。卽送余至爲余預定之寢

屋在校外。是日下午來,與余初不相識,一見如老友。之勉小坐而去。

Ξ

}選, 告。君所任兩班課,前任一人年逾五十,乃一老名士,西裝革履,教白話文,今方返南京,自辦 起,卽散文爲體亦與前大異。而曹氏父子三人,對此方面有大貢獻。惟曹氏此文,不僅不見於文 校長卽夕盛宴, 一文。時余方治中國文學史有新得。認爲漢末建安時,乃古今文體一大變。不僅五言詩在此時興 學院。 即陳壽三國志亦不錄,僅見裴松之注中。故首加選講。校長時在課堂外徘徊。授此文旣畢, 余所任,乃高中部、師範部三年級同屆畢業之兩班國文課。翌日,卽上課。同授曹操滅志令 一人乃南京第一高等師範舊同學,年三十左右,戴瓜皮帽,穿長袍,教文言文。兩人年 而意趣新舊又別。 年老者趨新, 年幼者守舊, 而兩人皆各得其班上學生之推崇佩 列席者皆本學期新聘同仁, 余居首座。隔日, 之勉來告余: 「君初到, 不敢驟以

齡老幼相差,

班課, 長詢問已詳, 服。一旦均以事辭職而去。學校擬聘一新人兼此兩班課,驟無把握。去年我曾向校長推薦君,校 能保其勝任否?』我答『非特勝任,又必有出色過人處。』今兄來,校長連日不安, 多經考慮,終不接受。今遇此難關,來問我, 『君前年所推薦者,若來同時任此兩 自得

中國文學史上有如此一特殊地位。故兩班學生驟聆余課,皆深表欽服。此亦殊出意外也。 余之首授|曹氏此文,正在當時文學上新舊兩派爭持之間。而|曹操爲人,同學間亦初不知其在

兩班同學佳譽,心大喜悅,特來告我。聞已邀兄盛宴相款,故我亦敢詳以奉告。」

뗃

云:「此間例,父欠子不償,可勿爾。」兩兄弟謂:「已有盈裕,償債不害此下之經營。」於是 破產,依南洋僑商慣例,其子可不償父債。陳嘉庚兄弟家業續起,乃逐步清償其父舊欠。債主皆 集美校址廣大,校舍恢宏,高樓叢立。校主陳嘉庚兄弟乃集美村人,隨其父經商南洋。其父

三任校長。此後學校日擴,有中學、師範、 又南洋舊例, 出貲與學可不負稅。 於是在其故鄉集美村, 女子中學、商船、 水産、 先創一 小學, 農業六部。嘉庚仍不自滿 聘無錫名教育家侯保

信譽日隆,

業務日擴。

決心辦大學。以大學經費大,恐非獨立所能勝任。 初意欲廣攬眾力共任之。 而南洋僑商羣謂, 陳嘉庚回國與學孰不知, 乃不在集美村舊址, 另辦新校於厦門, 旁人相助 彼獨享 名厦門

復何意義。遂皆袖手。厦大仍由陳嘉庚獨貲支持。

至校長辦公室。門僕見其村俗,

禁

不許入。|嘉庚言:「我乃校主,欲見校長,請賜通報。」門僕驚惶入告,校長出迎,一校傳爲嘉 陳嘉庚兄弟輪年必歸集美一次。 一, 陳嘉庚返集美村,

余漫遊學校各部分,皆高樓矗起,惟校長辦公室乃一所平屋,最不受注意。最先小學舊址猶

話。

濕庚有一子,在校讀書。有一自行車,往返住宅與學校間。又畜一馬, 屋舍更簡陋。而校主住宅亦在學校內,更是一所普通平民屋。 陳嘉庚兄弟回國, 星期日馳騁學校內外,爲 卽住此。

健身運動。其所異於其他同學者惟此。

五

施之勉乃余常州府中學堂低班同學。 余在校, 雖不與相熟, 而亦曾知其名。 之勉畢業後, 叉

升學國立南京高等師範學校, 厦門集美學校 受其師柳貽徵翼謀之稱賞。時集美教師多來自南、 北兩高師。

六

曾任教務長。

而其夫人則純如一舊式之閨秀。又有無錫同鄕與之勉南京高師同學蔣錫昌,時亦在集美任教,必 必至其家。之勉體弱多病, 其夫人則賢慧有加,侍夫治家,食淡攻苦,絕無應酬。之勉年方過三十,儼然一恂恂儒者。 時集美同事住校者皆單身,之勉則携其新婚夫人沈韻秋女士賃一小屋,居村中。 又因家貧負債, 欲求節省淸償, 日以進薄米稀粥, 以鹽拌水豆腐佐 余每星期日

之勉則極少下箸,仍以鹽豆腐薄米粥爲膳。 竟往施家。與之勉三人暢談。 其夫人燉海參蹄膀至極爛, 供晚餐 。 余與錫昌必飽啖至盡。 濱海者有曲折長橋架海上,更所愛遊。返厦門,以叉燒包當午膳 。 買豬蹄一,海參幾條。 每逢星期日,余與錫昌同赴厦門,又常同遊鼓浪嶼。 尤好遊其兩公園,一在山上,一在海 如是,每星期不變。其夫人之燉治海參蹄膀,亦每膳

不變。一如天下之至樂,乃無過於此者。

鞋。余兩人常在無錫公園中暢談盡半日。錫昌好道家言,著有莊子哲學一書。余後曾采其說入余 常自其鄕來城訪余於第三師範。週雨,則穿其家中自製之油鞋, 余離集美越一年,錫昌亦離去。錫昌乃無錫鄉間一富農,不脫農人本色,乃絕無富人氣味。 鞋底釘聲鏗鏗, 終不見其穿皮

著莊子纂箋中。

之勉離集美, 在家養病。 余在三師時,親訪之其家施家宕。同遊其附近之唐平湖, 其時顧頡

幾盡爲其南京高師及中大之同學。 剛古史辨方問世, 余手一册, 在湖上,與之勉暢論之。余離三師至蘇中,之勉來三師, 抗戰軍興, 之勉在重慶界石之蒙藏學校任教。余自成都至重 一校同事

親訪之。其幼子方積年病在床,幾不起,一家生活益清苦。之勉則以其時成蒸蝕要一書。 勝利還都, 之勉助其師柳翼謀重整江蘇省立國學圖書館。又返無錫,任縣中校長。余在江南

夫人治家侍夫一如往昔,而之勉終能在貧病中著述不輟。後其夫人亦時病,之勉從成大退休後 更甚於往常。及之勉任臺南成大教職,余又得屢與相聚。之勉仍多病,卽飮水亦有定時定量。其 大學,常去其家。後之勉避共來臺,隨其長子在臺南一農場,余又時訪之。其時之勉生活則清苦

又隨其長子至臺中中興新村。其夫人長期臥病在醫院中,余夫婦又親訪之。其夫人卒不治。余題 其墓碑曰:「艱難締姻,刻苦持家。貞德彌勵,幽光永嘉。」蓋道實也。

何章最感受親切。之勉舉「飯疏食飲水」一章以對。今已不憶是何年事, 憶余生平所交,惟之勉爲最親亦最久。而生活之淸苦,亦惟之勉爲甚。 今之勉乃鰥居,仍著述不輟。今年已八十九,而體健轉勝往時,亦其積年謹愼淸淡所致也。 余嘗一日問之勉, 當逾五十年矣!然之勉 讀論語

厦門集美學校

六

八十憶雙親師友雜憶合刋

畢生安貧, 殊堪後生之佩仰, **惜不能一一詳述之。**

之。又爲楚辭地名考, 注楚蘇九歌,言「屈原居湘乃漢水, 然。遇愜意處,加以筆錄。後在北京大學寫近三百年學術史,船山一章所用資料卽本此。又讀其 卷帙最巨。余在梅村已成習慣,讀書必自首迄尾,通體讀之。不抽讀, 應,時必受若<u></u>家意見,言余爲圖書館長,不言余爲小學校長。故集美校長乃存有此印象。然余未 以詢之勉。 余在集美,寢室旣寬靜,教課又輕減,乃一意肆力於讀書。圖書館距余寢室不遠。校長屢告 圖書館事, 惟圖書館長視余落落,余亦僅借書卽離去,不逗留。猶憶在集美所讀,以船山遺書爲 盼時加指導。」又告余:「已告圖書館長,當謹聽規劃。」余疑之勉前年推 周初地理考, 三苗疆域考,最後爲史記地名考,余之注意古史地名遷革, 非沅湘之湘」, 尤有啓發 。 後在先秦諸子繁年一書中詳論 不繙閱, 讀船山遺書亦

退。 獨有一唱歌圖畫教師, 余在集美又好作海灘遊。 今已忘其名, 預計每日海潮上下之時刻,先潮漲而去, 亦好來迎潮, 每與相值。 彼好述其師李叔同後出家爲 坐大石上迎潮, 潮迫身而

其起源在此。後余又撰莊子纂箋一書,亦從船山註莊發其義。

弘一法師者之言行,纖毫備敍。余聞此等語, 真如在世外, 非人間, 令人神往, 誠當年余遊海灘

一異遇也。

1

期。 光明, 教育之成功。學生屢屢鼓掌不已。及正午十二時,贈言方畢,將散會。余聽諸同事言,心有感, 被邀列席。學生一一請諸師臨別贈言,亦請余,余辭。諸師皆言,學生反抗學校,走向光明,乃 所敬重之教師皆邀請預會,相聚言別。其中實多事前在背後對諸生鼓盪或讚助此風潮之人。余亦 不耐久默,起立求發言。主席邀登臺,余一時興奮,直言不忌, 言,學校自有主張,幸勿介入。最後乃激起公憤, 此絕不作退讓意。時同事中, 持,不决。 年假後, 諸生回家後, 如謂是教育成功, 事聞於校主。校主告人,我請了校長,學校事一切由其作主,我決不過問。 余再往學校, 恐諸家長暑假後仍會令諸生回校, 亦卽是學校之成功。果學校教育失敗,諸生今日散去, 風潮驟起。 有兩人,與余而三, 學生對學校多所請求, 羣議散學。一晨,學生召集一大會,惟學生素 願出面居中作調停。同學已接納,校長派人來 到時諸生當憶余此刻所言。 校長拒弗納。 大意謂: 「諸生反抗學校, 學生益堅持, 前途恐無光明可 **儵諸生決意不** 校長遂由 走向 久相

六

返, 言,主席大聲叫,大會已畢,勿再發言。會遂散。學生邀余作團體照者,又十餘起。 但亦不發噓聲, 豈宜爭一時之義氣,出此下策。」諸生驟聞余言,皆默坐無表示。余又謂:「此刻諸生不鼓掌, 寂無人, 寧無繼續來此求學之人,則學校仍是此一學校。否則學校空留此一堆壯麗美好之大建築,寂 諸位與此學校或久或暫,均已結合有此一段因緣,思之豈不可惜。學校縱有不是,諸生 此乃諸生之良心顯露。 請皆認取此刻,歸後細思之。」余退。 有學生欲登臺發

隨後帶回。余以中秋節後前來, 厦門海輪已先定席位,明晨卽起程。」來人堅不許携帶行李。不得已,留行李兩件, 一一誠心接受,下學年當力求改進。隨又派人送來下學年聘書,余拒不納。又派人來, 時校長派人在會場後面竊聽。散會後,卽派人來余室。言余在會場凡言校長不是處, 以端午節前離去。是爲余在集美一學年之經過。及上船, 私下託錫昌 余言: 「 鼓吹此 校長皆

未會面。前後相距,則已近三十年矣。 十八年,余避共來香港,有人告余,集美校長葉采眞亦來香港,聞君來,不日當來相晤。然亦竟 下一學年, 余乃轉至無錫第三師範任教。然仍兩度續得集美聘書並蒙電召,余皆婉辭。民三

次學校風潮諸同事多同輪,

途中與余均絕不談風潮事。

七 無錫江蘇省立第三師範

忘其名,按期出一紙四面。余讀其創刊,卽投稿解釋易坤卦「直方大」三字,獲載其第二期。® 長。喜詩,尤愛凍坡。爲人謙和,以詩人兼儒家風。二年級國文教師急切未治聘得人。余任一年 及是,聞余自集美回,遂來相邀, 師爲錢基博子泉。余之去三師,卽其所介紹。子泉提倡古文辭,負盛名。曾私人創一定期刊物, 從一年級至此班四年畢業,再回任一年級。全校應有國文教師共四人。余應聘時, 民十二之秋季,余轉入無錫省立第三師範任教。學校舊規, 任國文課之教師, 余卽應之。三年級國文教師爲吳江沈昌直頌若,年較子泉尤 必隨班遞升, 四年級國文教

七

無錫江蘇省立第三師範

⁸ 刋之誤。 編者案:此稿在大陸搜尋多次,至今未獲。據考錢基博先生私人未曾創辦刋物,此或是其曾主編三師校 惟三師校刋至今尚未尋獲。

級又暫兼二年級課。 年後, 有新人來, 余遂專任初教之一年級班, 並爲其班主任, 直到該 班

此刻在臺北之糜文開 有譯本, 並與其夫人臺大教授養普賢女士同治詩經, , 卽爲其時班上之一人。 曾隨外交使節赴印度, 頗有著述。 留住

學任教,鍾書亦在清華外文系爲學生,而兼通中西文學,博及羣書。宋以後集部殆無不過目。鍾 書畢業清華後, 子泉時出其課卷相示, 其時鍾書已聰慧異常人矣。子泉家近三師, 每週返, 時子泉已在上海聖約翰及光華大學任教, 其雙胞同胎弟基厚孫卿, 課畢, 留學英倫。歸,又曾一度與余同在西南聯大任教。後隨其父同任教於湖北省之國 余常至其室長談。 亦甚有名。故余與子泉兄弟及鍾書相識甚稔。 時其子鍾書方在小學肄業, 因任三師四年班課 下學, 彼一年離校後, 欲待其班畢業 亦常來室, , 及余去清華大 **遇其返,** 隨父歸 故仍留校兼

立某師範學院。然與其父爲學意趣已漸相異。

抗戰勝利後之某年暑期,

余赴常熟出席一講學會。

適子泉、

鍾書父子俱在,

同住一

旅

館

中,

朝夕得相聚。 即轉面告鍾書, 天津、 南京 余告子泉, 「汝聽賓四叔言如何」。 上海四處任教, 國難尚未已, 暫避至較僻處, 國、 江浙錢氏同以五代吳越武肅王爲始祖, 俾可一意教學, 學校風波仍將迭起。 避免此外之許多麻 余此下決意不 皆通譜。 煩。 無錫錢 子泉 再在

多年,

氏在惠山有同一宗祠,然余與子泉不同支。年長則稱叔,遇高年則稱老長輩。故余稱子泉爲叔,

鍾書亦稱余爲叔。時子泉決意仍返湖北,而鍾書則改在上海任教, 兩人對時局意態不同。 兩人同

治文學,而意態亦不同。 鍾書亦時稱余言以微諷其父 。 子泉。余離大陸不久, 處,積八年之久,同事踰百人,最敬事者, 即聞其卒於湖北。 惜哉。鍾書去北京初聞其任毛澤東英文祕書。最近見報 首推子泉。生平相交,治學之勤,待人之厚, 然余在中學任教, 集美 無錫、 亦首推 蘇州三

載,始知係傳聞之誤。

業之某君,亦來教國文課,亦吳江人,亦常同在達人室飮茶。唯余一人,每茶必至。達人最喜飮 絕不見有洋派氣息。 自子泉離三師, 喜飲茶,善自烹煮。午後,余與潁若必聚其室,同品茗。後又有南京中大畢 頌若最爲三師國文課之老師。其同鄉有胡達人教英文,極具中國學人風度

太湖「碧蘿春」。 自備一小鱸,自煮水,用蓋碗,泡三次而止。達人對一切烹煮皆有講究。 或同

赴惠山品惠泉茶,或同至公園飲茶,言談有風趣,余尤樂與之遊。

三師同事中, 又有常州府中學堂同班同學郭瑞秋,江陰人, 曾遊學日本。 其寢室與余貼相

Ł

無錫江蘇省立第三師範

於瑞秋架上之蟹江義丸書。日本自明治維新,而漢學亦開新境界。中國自「新文化運動」起,古 架上此兩書。試譯周公傳一部分,後付商務印書館出版。及爲論語要略,述孔子事蹟, 籍遂成國渣,疑古非儿, 日本文,不兩月卽能讀日本書。 新義迭出, 余亦遂自修日本文。識其字母,略通其文法,不一月, 兩國相異在此。然今日日本書亦尚日語化,其新出漢學書, 亦多得益 即讀瑞秋

余亦不能再讀矣。

味, 豚, 赴學校,余覺味較河豚尤美,更嗜之。瑞秋爲人極素樸, 瑞秋爲人亦深具鄉土味。 歸午餐, **余僅略下箸**, 彼有姑母, Η, 瑞秋邀余至其江陰城中家喫河豚。 始大噉, 最擅烹河豚術。 心終不釋。乃亦不感其味。 並感其味之美。 一鄉人嗜之,故彼亦邀余啖之耳。 已先請在家, 晚又盡情大啖。 翌晨, 可勿慮。 俗言, 瑞秋引赴市上, 江陰又出刀魚。 路上行一日, 拚死喫河豚 」,余心戒之,以詢。 絕不留意飮膳。 見滿街滿室皆河豚, 到瑞秋家已入夜。 瑞秋又一次自其家烹治携 河豚刀魚乃江陰鄉土 桌上放河 心始釋 瑞秋

民十四孫中山先生病逝北平之翌年春,一日, 前后宅小學同事國語教師趙君自滬上來, 特約

至其旅館相晤。 趙君告余, 彼已加入國民黨, 此來乃特邀余入黨。 贈余中山先生三民主義 書 余

君應可卽日入黨。 答已讀過。 黨人, 君試讀之, 尊黨魁, 並告趙君: 余曰: **述黨義**, 我下週再來聽君意見。」下週, 「余讀此書, 「此事余已細思, 國人認余爲一黨服務, 震動佩服, 他日余學有進, 迥出讀其他現代人一切著作之上。**」** 效力有限。 余不入黨, 趙君又來, 當對此書致力闡揚。苟入黨, 重在旅館相晤。 則爲中國人尊一中國當 問余讀此書否。 趙君曰如 則成爲

此

其常在上海街頭公開演講,以積勞卒。距相別不一年。後余著國學概論一書,以中山先生三民主 代大賢, 宏揚中國民族精神,一公一私, 感動自別。余意已決,幸勿再勸。」趙君悵然別去。 後聞

余亦急切無以作答。然余之悉心讀三民主義, **濺爲殿。或譏「三民主義乃國民黨之黨義,何得編入國學槪論中,** 則自趙君始。 不倫不類, 君將作何意圖」。

余前在果育小學投考常州府中學堂時, 余離鴻模時, Η, 忽其幼子來, 叔勤幼子抽刀割手指, 勸余進同善社, 得識華叔勤。 血書請學校堅留。 余卻之。 及在鴻模小學任教, 彼堅勸不已。 後彼兄弟轉學滬上, 謂得師 叔勤特命其二子自 一人入社, 肄業某大 功

德勝勸千萬人入社。 余在三師 余無法開導, 只言再說。 越數日, 又來, 請益堅, 幾不容余吐一 語。

七

二三六

姿。不謂數年間迷信當時盛行之同善社,一變至此。亦可惜也。 命之出。偕之至校門,告門房曰:「他日此人來,勿許其進入。」叔勤幼子聰慧英銳,

有絕人之

部,一人綰江蘇省政務,皆有名。此兩人,與余師生之誼亦皆甚摯。其綰江蘇省政者,猶常派人 至余蘇州家中問候。 余今連帶憶及此四人, 則一時人心之紛歧, 人才之奔縊突出, 無共同之趨 余初兼二年級國文課,班上有兩生,後皆加入共產黨。 余離大陸,其中一人服務北平教育

四

而國事之艱,社會人事之亂,亦可由此推想矣!

義,余亦循例。第一年文字學,講六書大義,以篇幅未充,未付印,今已失之。近日偶爲及門某 字學」,第二年爲「論語」,第三年爲「孟子」,第四年爲「國學概論」。子泉、頌若各自編講 生談及,如形聲一部分,本宋人「右文」義,卽就在梅村縣四小學,講壁字、臂字推廣闡說可數 三師又規定,每一國文教師,隨班遞升, 於國文正課外, 每年必兼開一課。 即如「彧」字,从口乃指民眾。从戈乃指武裝。口下一劃,乃指土地。 故或字卽指民眾 第一年爲「文

土地、

主權三項。加一口則爲國字,增一土旁則爲城字,實則或字中涵有「國」字「域」字義。

形, 聲字外,於會意字, 說。此「或」「禺」兩字,似不在余當年之舊講義中。 字精妙。從中國文字學即可推闡出中國傳統文化之由來,其深義有如此。但於禹字原義則仍須闡 之必有偶然,是愚也。此皆深切人情而又具有日常人生中之一番深意存在。 不相通。从辵爲相「遇」,从人爲相「偶」。偶必兩人,然旣兩人爲偶,卽必有偶然一人如此, 爲「惑」字。 至少亦可謂或字中本涵有「羣」字義。羣中必分別包有「個人」,個人在羣中卽成 人用或字已忘去其含有羣字義, 人或不如此。兩人相偶,卽可有偶然。如羣中必有或,無或不成羣。禺从心爲愚,不知人相偶 遂成不可說。 人之相知貴相知心,彼此不相知,卽爲惑。 而「國」字「域」字亦不能說。又如「禺」字左从阜,卽爲「隅」,各居一旁 於轉注假借字, 則便不能闡說或字之本義, 又多有新義發揮。 但當年舊講義必多類此之例。 惜今都已不可復憶矣。不知往日<u>三</u>師舊學 而其从口从戈从口下一劃之「或」字原 只認或字爲人與人相別義, 由此可見中國古人造 「或」。 余除闡說形 如从心即 但後

某君取去, 惜已忘其名, 編成論語要略一書,已由商務印書館出版。第三年, 此書遂由另一書肆出版。 ⑨此兩書今皆收入余之四書釋義一書中, 編孟子要略, 後在蘇州爲友人

亦仍有藏此講義者否?今僻在海外,

亦無可訪求矣。

七

無錫江蘇省立第三師範

⑨ 編者案:孟子要略一書於民國十五年由上海大華書局出版:

北學生書局再版。自余考孟子年代,遂繼此而爲先秦諸子繁年,則於轉蘇州中學後開始。

先成論語文解一書,至是成此四稿, 年爲國學概論,講義僅成一半,亦於轉蘇州中學後完稿, 始爲余正式從事著述之年。然此四稿, 亦由商務出版。 余前在梅村縣四高 皆由學校課程規定而 小曾

來,初亦未敢遽以著述自任也。

册,亦由商務出版。今所能記憶者僅此。國民革命軍北伐成功,定都南京,學校改組,余遂離三 小書, 余在三師時,又值奉天軍南下與孫傳芳軍衝突。余家在鄉間亦遭规。 特以消遣忘憂。 是爲余在梅村縣四成墨經醫解後之繼續工作。後足成爲惠施公孫龍一 余居鄉偶成公孫龍子解

師,轉赴蘇州中學任教。在三師適四年。

五

歸國後任教於光華大學, **余在三師時**, 又相識兩人,爲余終生所難忘。一爲常州孟憲承。畢業南洋大學,赴美留學。 與子泉同事。 日, 子泉偕其來三師, 介紹與余相見。三人同坐會客

(0) 學任敎。 編者案: 據作者先秦諸子繫年跋: 「十六年春,整理繁年積稿,居然成卷帙矣。」是年暑,始轉蘇州中

⑩第四

窺。 國 室,子泉默不語, 前 余聞語深爲感動。 國學根柢未深。 悉由余兩人談話。 **汁三經注疏常在余案頭,然余迄今始終未通讀其全部。** 此去當一意通體細誦十三經注疏 時憲承方將轉北平淸華大學,任中文系主任。 0 俟閱讀此書畢, **庶對國學或可稍有所** 每念憲承言, 憲承告余, 心終 出

不能釋。

此後余與憲承晤面極少,

然當時此一番話,

則時在余心頭也

芝在無錫創辦國學專修館, 又一人爲唐文治蔚芝。爲余生平交遊中之最年高者。長南洋大學時, 即在三師之對門,僅一水之隔。專修館旁,即爲孔廟。 孟憲承卽出其門下。 子泉亦曾在專

退, 旺, 禮。 彼之雙目失明, 語語入微。似在其講小戴禮祭義篇。竊謂本人性,論孝道, 時, 言, **修館兼課。余讀蔚芝書,有一節語大受感動。大意言,死者屍體入殮蓋棺,以至下迻掩土,一時** 以至於失明。 相談近兩小時。 不記以何因緣, 細膩親切, 一刻 刻, 瞬息有變,永不可追。而乃至於人天永隔。描寫人子臨喪,哀痛之情,字字生動, 乃在前淸「戊戌政變」時, 前未之見。 其在國學館講授, 又不憶當時所欲請教者何語, 於余離三師前, 然余自以後生小子, 悉由記誦。 乃一度晉謁於其無錫城中水西門之私邸, 哭其友袁爽秋, **週記誦不諦**, |蔚老之所告示於余者又何語。 未嘗敢輕率進入國學專修館之門, 流淚過多, 古人多由嬰孩言, 乃由一助教同在講臺上侍立蔚老 自後遂不復能治, 惟憶蔚老告余, 時蔚老精神甚健 蔚老此文由成人 施 **輝霧之** 視 力日

三九

七

無錫江蘇省立第三節節

旁,隨時提示。此助教亦即館中之教授,並爲學校事務之實際主持人 。 余之晉謁 , 似亦由其作 介。臨別,廚老乃贈其全部著作兩大包。此後余曾幾度晉謁。抗戰後,蔚老病卒於滬。其氣度風

範則常留余心目中。所謂雖無老成人,猶有典型。若蔚老眞爲余生平所遇一近代中國之典型人物

也。

1四〇

八蘇州省立中學

美國歸,曾一度爲北平師範大學校長。轉來蘇中。三師舊同事沈潁若、胡達人諸人皆被聘,余卽 民十六年之秋季,余年三十三歲,轉入蘇州省立中學任教。校長汪懋祖典存,蘇州人, 留學

由達人所推薦。

限, 蹟, 明清近千年之歷史文物, 未能一一詳述。竊意此城,自余當時所見,儻能一一善加保護,其破舊者則略爲修葺, 園林古刹,美不勝收,到處皆是。余在蘇中三年,遊歷探討 , 賞覽無遺 。 蘇州自吳王闔廬夫差以來 , 兩千五六百年 , 爲中國歷史最悠久一城市。城內外遠近名山勝 生活藝術,遠自宋代之至和塘滄浪亭起,直迄淸末如兪蔭甫之曲園 **性爲本書體例所** |宋|元 |「; |吳

八 蘇州省立中學

大澂之愙齋,

依稀髣髴,

一一如在目前。

舉世古城市,

當無一堪與倫比。

惜乎近代<u>中國破舊</u>開

一四二

新, 追究無從。此實一大堪惋惜之事也。 其抽象方面之學術思想猶尙有圖書館所藏古籍, 可資搜尋。 其具體方面實際人生, 則毀棄更

蘇中, 獨上堂不輟, 其依然上堂來授課者, 中同學來余室,謂:「學校前遇欠薪時,任課老師爲同學所尊仰者,必告假缺席,不赴校上課。 諸生課業,有關諸生之前途,豈可隨時停止。諸生惟安心上課,勿以此等事自擾。 余初來蘇中, 任其最高班之國文課, 同學同表詫異, 不識何故。」余聞言, 亦大詫, 謂: 即覺校風與無錫三師大異。三師風氣純良,師生如家人,四年未遭風波。余來 必爲同學所卑視。今先生授課極受同學尊崇, 並爲全校國文課之主任教席,又爲所任最高班之班主任。一日,班 「學校欠發薪水, 乃近日學校欠發薪水, 」諸生聞 乃暫時之 先生

言,各默默相對,無語而退。

效。」余告諸生: 忽一日,又來余室,告余班中已決議罷課, 學校向政府催發, 「汝輩尚年幼, 與諸生何預。 未涉社會人事, 」諸生謂: 派代表去南京催發薪水。 「學校催發,政府不動心。 何知政府之內情。 幸勿妄聽別人言, 余謂: 必由學生催, 「此應由教師向 輕舉妄

動。 」諸生謂: 上書校長, 引咎辭去班主任一職。待罷課期滿,余再返校。與存親來余室,力懇萬勿辭班主 「同班公議已決, 定期罷課, 特來相告。」遂退去。 至期, 果罷課。 余亦歸鄉

任職。 間。 並言「諸生去点返校,已面加斥責。諸生皆表示此後必誠心聽訓誨,不敢再有違抗。」明

自此余與與存過從益密,學校風氣亦逐有改進,與初來時迥別。時諸生所稱請假缺席爲學生素所 Ħ, 余乃召班上諸生面加諭導。諸生皆表悔悟,懇余仍任其班主任。並言以後每事必先來請示。

崇拜之諸師,尙多留校任教者,態度言論亦迥然與前相別。

向南右折爲孔子廟, 蘇州中學乃前淸紫陽書院之舊址,學校中藏書甚富。 體製基偉。其前爲南園遺址。 余終日流連徜徉其田野間。 余時往購書。 校園亦有山林之趣。 彼輩每言昔有王國維, 較之在梅村泰伯廟 出校門即三元坊, 今又見

外散步,尤勝百倍。城中有小讀書攤及其他舊書肆。 蓋王國維亦曾在紫陽書院教讀也。

實齋年譜作補編。 日, 自滬上來蘇州相訪。 告余,頃正爲商務印書館編萬有文庫,尚有兩書,

十七年春,

是爲余任教蘇中之第二學期。

方壯猷曾畢業於清華大學之研究所,並爲胡適之章

一王守仁,未約定編撰者。 「當儘速一週成一書,可乎?」方君欣然,遂定約。余卽在是年春成此兩書。今皆 余告以可由余一手任之。 |方君謂: 「出版在即, 能勿延時

八一蘇州省立中學

印萬有文庫中。⑩後王守仁一書又略加改定,付臺北正中書局印行。

國。 史論叢第一册。時老人張一麐仲仁亦在座。講畢, 香港某茶樓,兩沙發,一小几,對坐品茗,作半日之長談。及余長住香港, 以讚賞,亦可笑矣。 余之國語盡皆吳音, 民三十年,余自滬赴蜀,小住香港,仲老時寓九龍漢口街,余特往拜候, 又是年夏,應蘇州青年會學術講演會之邀,講易經研究一題。今此稿收在余之中國學術思想 惟不雜土語而已。仲老久於京宦,與袁世凱不合而退。其國語顧不如余, 余在蘇州與仲老亦時相往返。 及抗戰軍興, 仲老與余握手,甚讚余之國語音吐明白。其實 | 仲老以唱編 「老子軍」遍傳全 每過茶樓舊址, 並同在仲老常往之 加

Ξ

念此老不已。

余來蘇州得交吳江金松岑天翮, 僑寓在此。 松岑乃孽海花一書之最先起草人,後乃由他人續

(1) 編者案:據先案諸子繁年跋,方君請撰書事在民國十八年秋。查墨子出版於十九年三月,汪守仁序作於 十九年三月,與先秦諸子繁年跋正相合。此處誤記在十七年春。

成之。松岑以詩名,亦擅古文,有天放樓集行世。其時,應安徽省政府聘,爲安徽省修通志, 時爲余道江愼修戴東原不絕口。又介紹其戚屬中一幼輩來蘇中,私人從余專意學公羊春秋。其人

文,刊原學之第一期。@自謂有創見,言人所未言。但今無此雜誌在手,因此亦未能將此文刊入 余近所編之中國學術思想史論叢中。此雜誌不發售,分贈各圖書館。將來當猶可查覓也 文秀聰慧,惜今忘其名。出貲自辦一雜誌,似名源學, 惜今亦記憶不眞矣 。 余有荀子篇節考

岑爲介紹人。 春季開學,余卽如約去松岑家,在書齋中晤面。松岑偕女父避去, 函,女弟子答,錢君生肖屬羊, 余之第一妻亡故, 松岑爲余介紹其族姪女, 畢業東吳大學, 有校花之稱。年假中略通書札, 松岑兀傲自高, 不落落預聞世俗事。 彼屬虎。羊入虎口,不宜婚配。松岑又失意。及余續娶, 蘇州中學三校,校內敬事者有錢子泉,校外敬事者有金松岑, 蘇州城中學人多著籍稱弟子,獨與余爲忘年 余與女對談逾時。 後其女告 乃請|松 松岑去

 $\overline{(12)}$ 編者案 編者近年曾數度在北京、上海圖書館查尋,無「原學」雜誌,亦未覓得预子黛節考一文。 前輩典型人也。

交。余在厦門集美、

無錫三師、

29

則浪費時間,此稿將無法完成。故此稿常留手邊,時時默自改定。 大報章雜誌, 余在蘇中除完成無錫三師講義國學概論一書外, 皆競談先秦諸子。余持論與人異,但獨不投稿報章雜誌, 一意草爲先秦諸子繫年一書。 恐引起爭論, 時北平上海各 忙於答辯,

任教。得三師校刊,將余此篇講辭轉示其同事蒙文通。@文通川人,其師廖平季平, 學院聽歐陽竟無講佛學。 大師。康有爲聞其緒論,乃主今文經學。而季平則屢自變其說。文通見余講辭, **余與文通各乘一轎,** 近持義可相通。 又余前在無錫三師時,每週必有週會。諸生聚大禮堂,由學校聘校內外一人作演講, **遂手寫一長札,工楷,盈萬字,** 行近鄧尉時, 一日,來蘇州訪余, 田野村落, 兩人同遊靈巖山, 羣梅四散瀰毠皆是。 郵寄余。及余在蘇中, 文通已至南京, 直至太湖濱之鄧尉。 及登山, 俯仰湖天, 乃謂頗與其師最 乃當時蜀中 時值冬季, 在支那內 講解由

古。

[◎] 編者案:三師校刊至今尚未覓到。

在途數日, 痛快難言。 而文通又手携余先秦諸子繫年稿, 轎中得暇, 人獨自披覽。 語余曰:

城, 關墨家諸篇, 君書體大思精, 文通讀繫年稿未畢,但急欲行, 特以刊載於南京某雜誌, 惟當於三百年前顧亭林諸老輩中求其倫比。乾嘉以來, **遂携余稿返南京。** 今亦忘其名。@是爲余之先秦諸子繁年稿, 文通有友專治墨學,見余稿, 少其匹矣。 最先惟一發表 手抄其中有 及返蘇州

之一部分。

叔伏敔堂集一書,蓋適之提倡白話詩,江湜乃咸同間人,遭洪楊之亂, 與余本不相識, 黎,多寫實。 招至臺上三人同坐。 適之袖出天一一柬示余,柬云,君來蘇州不可忘兩事,一當購長洲江湜 女子師範請胡適之來演講。翌晨,轉來蘇中演講。余早在前排坐定。典存偕適之進會場,見余卽 常熟陳天一畢業南京中央大學,任教蘇州東吳大學,與余相識,惟往來不甚密。一日, 可爲作白話詩取鏡。 蓋以詢典存, 故典存招余上臺同坐也。 此集惟蘇州有售。 其二,則莫忘一見蘇州中學之錢某。 余時撰先秦諸子繁年, 適之無以對。演講畢, 工詩, 有兩書皆討論史記 造語遣詞頗近昌 典存留宴, 適之 蘇州

四七

六國年表者,

遍覓遍詢不得。

驟遇適之,不覺卽出口詢之。

⁽¹⁴⁾ 編者案: 先秦諸子繫年考辨略鈔(共二十一節)。 南京史學雜誌二卷二期民十九年五月出版,載諸子繁年秀略。二卷三期民十九年九月出版,

四八

適之午後即欲返酒, 典存告以太匆匆, 何不再留一宵。適之謂, 忘帶刮鬍子刀,

不可。 臨離石船前, 往,散坐園中一石船頭部四圍之石座上,露天環水,閒談歷一小時有頃。乃同送之火車站。 不耐,不可再留。 典存云,距下午火車時刻尙遠。 手撕日記本一紙,寫一上海住址,授余。曰:「來上海,可到此相晤。若通訊,亦 典存謂:刮鬍子刀可購可借, **逐驅車同遊拙政園**。 區區小事, 何足爲困。適之言,積習非此常用刀 此乃蘇州三大名園之一。同席皆陪 適之

否爲此戒不與余語。儻以此行匆匆不克長談,可於返滬後來一函,告以無緣得盡意。余之得此, 事近刁難。然積疑積悶已久,驟見一天下名學人,不禁出口。亦書生不習世故者所可有。適之是 照此地址。」余與適之初次識面,正式與余語者僅此。自念余固失禮,初見面不當以僻書相詢

問。余意適之旣不似中國往古之大師碩望,亦不似西方近代之學者專家。世俗之名旣大,世俗之 感動於心者,當何似。顏斶見齊王,王曰斶前,斶曰王前,終不前。 事亦擾困之無窮,不願增其困擾者, 則亦惟遠避爲是 。 此後余與適之再見面, 此後余亦終不與適之相通 則已在余赴北平

又一日,|天一|又偕顧頡剛親來余室,是亦爲余與頡剛之第一次見面。 **頡剛家居蘇州**, 此次由 燕大任教時。

事詳後。

廣州中山大學轉赴北平燕京大學任教,返家小住。見余桌上諸子繁年稿, 問 「可携返舍下一詳

文, 日 讀否?」余諾之。隔數日,天一又來,告余: 今擬推薦君前去 。 宜去大學中教歷史。」因云,彼離廣州中山大學時, 「佳。」兩人遂同至頡剛家。 當仍續前意並將兼任燕京學報之編輯任務。 又告余, 彼在中山大學任課, 以講述康有爲「今文經學」爲中心。 頡剛言:「君之繁年稿僅匆匆繙閱, 「頡剛行期在即, 屬余得暇爲學報撰稿。余與韻剛初相識僅此兩 副校長朱家驊騮先, 我兩人能偕往一答訪否 ? 」余 君似不宜長在中學中教國 囑其代爲物色新 此去

乃遲早事。 Ħ, 忽得廣州中山大學來電, 我明年亦當離去, 聘余前往。 君能再留一年與我同進退否?」余乃去函辭中大之聘,仍留 余持電,面呈與存校長。與存曰:「君往大學任 面。

校。 事,天一亦知之。事不成,天一欲爲余介紹東吳一女同事, 又不知何故,聞其欲出家爲僧。及余離蘇州去北平,與天一音訊遂絕。抗戰後,聞其在常州 余與天一私交不密,僅在公園中約面茶敍,而天一視余特厚。 松岑爲余介紹東吳一畢業生 余婉却,事遂止。 後天一因病常離

八 蘇州省立中學

任縣立中學校長,惟亦未通音問。

赴其家避難。某家所在縣邑名,已不復憶。瞿安去,不久,以病卒。 中重遇。天朗氣和,移坐長談者半日。又約晤公園凡兩三次。瞿安乃由其舊學生雲南某君所招, 唱崑曲, 余因與相識。常邀余至其家午餐,不約他人,因遂識其夫人及其一女。餐後長談,或一家同 吳梅瞿安,時在南京中央大學任教。 余獨一人旁聽,如是者亦有年,後余離蘇中, 家在蘇州, 每週必返。 **遂不相晤。抗戰軍與,** 因典存校長之邀,亦來蘇中兼 一日,在昆明公園

良可惜也。時加憶念,愴然在懷。 瞿安乃一代崑曲巨匠,著作斐然,有盛譽。但以避轟炸離重慶,溘然長逝於雲南一僻縣中,

盛行, 每相語移時。 極靜僻。 勝利後, 時典存夫婦亦在昆明,余亦曾與一面。然余去蒙自宜良,方一意撰國史大綱, 而典存有意保存傳統古文。 余返蘇州, 乃典存離蘇中校長任時所建。時典存已病, 典存應上海某書局約, 典存夫婦亦自滇來歸。 至是, 方擬撰一書, 有關文學方面者。 意不變。 其家在蘇州中學附近一大院落,平屋一排四五間, 所撰乃有關文辭文學之教學方面者。 余常去問候, 典存起坐牀上, 典存初在北平時, 余坐牀榻旁, 極少去昆明。 白話文方 余往, 地

典存病, 典存必告其最近所撰之作意。 與存所罹乃胃病。余在成都時,亦患十二指腸潰瘍,幾不起。方謂 亦不久可愈。乃不意在民三十七年之多,典存遽不治。時余在無錫江南大學,竟未克親

臨其喪。

世, 時蘇州諸老之相聚,然生活情趣,亦庶有異於今日。生不逢辰,此誠大堪傷悼也。 各爲生事所困, 辦學甚有聲。女方矢言獨身,議亦寢。私情公誼,積載相處。亂世人生,同如飄梗浮萍。相聚則 即如典存、 典存夫婦亦曾爲余續婚事 ,欲介紹典存夫人北京女師大一同學 ,時任江蘇省某中學校長, 瞿安夫婦,以至松岑、頌若諸老, 相別則各爲塵俗所牽。 所學則又各在蠻觸中, 同在蘇州城中,渡此一生。縱不能如前淸乾嘉 驟不易相悅以解。



九 北平燕京大學

民十九之秋,余開始轉入北平燕京大學任教,時年三十六歲,又爲余生活上一大變。

情如家人兄弟。卽爲余書所未詳述者,亦復皆然。每校學生亦都在一百人上下,師生相聚,儼如 回憶在小學時,如在三無,有秦仲立。在鴻模,有須沛若。在梅村,有朱懷天。學校同事,

屬不同,然進學校如在客堂,歸家如返臥室。不得謂臥室始是家,客堂卽不是家。故在小學中任 一家。及在后宅,更覺師生親切,寢於斯,食於斯,團體卽如家庭,職業卽是人生。假期歸家固

教,總覺此心之安。

體有別。然其時大部分同事多來自北方,極少携家眷。三餐同室,惟江、浙、 豫、魯口味不同

及去集美,學校規模龐大,組織複雜,始覺余之與此團體,有主客之分。

余屬一客,顯與主

九 北平燕京大學

體小, 百人, 則各自分桌。日必見面, 投其中,不覺是一客,仍如一大家庭。不得謂居家始有生活, 同事亦僅二三十人。 住校同事, 情意易相通。 **寢室**駢連, 及轉錫師、 蘇中, 亦多朝夕接觸。 全校只四班, 每班五十人, 學校事無大小, 在此只是一職業, 皆所預聞。 則全校僅兩 只是求生 團

•

活一手段。但一進大學,則感覺迥異。

后宅, 之。然此文不啻特與頡剛諍議, 余在蘇中, 即讀康有爲新學僞經考, 函告頡剛, 已卻中山大學聘。 **頡剛不介意,旣刊余文,又特推薦余在燕京任教。** 而心疑,又因頡剛方主講康有爲, **頡剛復書,促余第二約,爲燕京學報撰文。余自在** 乃特草劉向歆父子年譜一文與 此種胸懷, 尤

爲余特所欣賞。固非專爲余私人之感知遇而已。

前淸進士, 將啓程, 津浦路以積雨中斷 曾赴日本學法律, , 返國後, 須乘海輪。 仕於民初北洋政府爲法官。 張一麐仲仁介紹與潘昌祜佑蓀同行。 年老退休, 亦在燕大任 佑蓀亦蘇州

5。 與余一見如故,亦獲與爲忘年交。

旣至校,與佑蓀同住朗潤園。 園在故圓明園廢址左側, 由燕京大門北向越一橋, 不百步即

之。 佑蓀週末返家, 單身教授率居此。 週一晨來校。 一大餐廳, 極熟北平一切掌故。 人各分食, 遇佑蓀每同桌。佑蓀家住北平西城, 常與偕遊頤和園及西郊各名勝,又曾同遊 其妻與幼子居

里, 頂, 妙峯山。 分八程,每一程八里,沿途有廟,來者遇廟必小駐膜拜,虔誠者則三步一拜。七程五十六華 歷級升達山頂,已黑夜。自此再一程,轉向下,羣峯四繞,妙峯如在盆底。遙望燈火, 一湖南某君, 忘其姓名, 亦在燕大任課, 教法律, 事佑蓀如師。三人結隊,自山腳登 如遊

深夜, 神座右側地上。凡求子者皆來拜, 諸路環向之。知各地來敬香者,正絡繹不絕。余三人餐後小憩,亦携燈火續行。抵妙峯, 無宿處。道士引至一小屋,供周文王神座,幸得隙地。佑蓀拼雨空桌爲床,睡其上, 終夜不絕, 一如其向余而拜, 竟終夜不得眠。 明晨下山, 余睡

e

Ш

龍,

=

精神旺健如常,

誠亦難得也。

拙於口語, 夫人及其二女,長女幼年得病而啞,其夫人乃續娶,未育,有賢德。賓客紛至, 余初到校卽謁頡剛。 下筆千言, 汩汩不休, 其家在校之左, 對賓客吶吶如不能吐一辭。聞其在講臺亦惟多寫黑板。然待人 朗潤園則在校之右。 其家如市, 來謁者不絕。 **頡剛長於文,而** 余初見其

九

北平燕京大學

其人,則絕不可有此場面。 情厚, 賓至如歸。 常留客與家人同餐。其夫人奉茶煙,奉酒肴,若有其人,若可無其人。 蓋在大場面中,其德謙和乃至若無其人也。余見之前後十餘年, 然荷無 率如

此。然顧剛事忙,余常去,彼不常來,僅一視余寢室而止。

亦忙於撰述。賓客少於頡剛, 余初見頡剛, 即陪余同謁校長吳雷川,又同去郭紹虞家。紹虞亦蘇州人,亦一見如故交,然 而生活鮮暇則如之。初到所遇皆生人,惟晤佑蓀紹處及韻剛,使余

無身居異地之感。

歷。眞恨相識之早而相交之晚也。余性迂而執,不能應付現代之交際場合又如此 **余屢與相見, 又至其家, 彼曾爲余詳述山東人丁龍故事及哥大創設「中國文化講座」一事之來** 越後數十年,在美國紐約哥倫比亞大學週何廉淬濂,乃卽往日同桌座右人也。遂相敍如故舊交。 某日學校大宴會,新舊同事皆集,皆身懸姓名爲標記。余僅與同桌左右座略交談數語而止。

四

中故態,視校事如家事, 夕, 燕大監督司徒雷登在其宅招宴, 有問輒直吐胸臆, 不稍隱避。燕大校務全由司徒雷登一人主持。校長乃 席上皆新同事。 余終不能忘以往十八年半在中小學校

應中國教育部規定, 必任用中國人,但徒擁虛名而已。司徒雷登問諸人到校印象。余直答: 樓、 一初

聞燕大乃中國教會大學中之最中國化者,心竊慕之。 此何義, 遂改「M」樓爲「穆」樓,「S」樓爲「適」樓,「貝公」樓爲「辦公」樓**,** 所謂中國化者又何在?此宜與以中國名稱始是。」一座默然。後滅大特爲此 及來, 乃感大不然。入校門卽見『M』 其他

實由余發之。 建築一律賦以中國名稱。園中有一湖,景色絕勝,競相提名,皆不適,乃名之曰「未名湖」。 有人知其事, 戲謂余曰: 「君提此議, 故得以君之名名一樓, 並與胡適名分佔

此

開校務會議,

此誠君之大榮矣。」

錫明代有東林書院, 以中文繙譯,論其實,則仍是西方精神。 |燕京大學一切建築本皆以美國捐款人姓名標榜,如「M」 後乃卽其遺址建校, 初亦名東林, 如校名「果育」, 後改名縣立第二高等小學。 齋名「樂在」, 樓「S」樓「貝公」樓皆是。 始是中國傳統。 欲求東林精 然無 今雖

摸。 是則中國全國新式學校及其教育精神, 固已渺不可得。 又如紫陽書院, 改稱江蘇省立蘇州中學,以前紫陽書院之精神,亦已不可捉 其實皆已西化,不僅燕大一校爲然。此時代潮流, 使

天津南開大學哲學教授馮柳漪, 一日來訪。告余:「燕大建築皆仿中國宮殿式, 樓角四面翹 人有無可奈何之感矣!

九

北平燕京大學

屋脊亦高聳, 望之巍然, 在世界建築中, 洵不失爲一特色。 然中國宮殿, 其殿基必高峙 地

五八

坅 起, 始爲相稱。今燕大諸建築,殿基皆平舖地面, 如人峨冠高冕, 而兩足只穿薄底鞋, 不穿厚底

靴, **壑之有失體統。」余歎以爲行家之名言。**

者, **園。即路旁電燈,月光上即滅,無月光始亮,又顯然寓有一種經濟企業之節約精神。若遊淸華,** 路上一磚一石, 屋舍宏偉堪與燕大相伯仲者,首推其毗鄰之淸華。高樓矗立,皆西式洋樓。然遊燕大校園中 道旁一花一樹,皆派人每日整修清理,一塵不染,秩然有序。顯似一外國公

余每漫步兩校之校園,終自歎其文不滅質,雙方各有其心嚮往之而不能至之限止。此又一無可奈 雖盡力模仿西方,而終不掩其中國之情調。西方人雖亦刻意模仿中國,而仍亦涵有西方之色彩。 一水一木,均見自然勝於人工,有幽蒨深邃之致,依稀仍一中國園林。卽就此兩校園言,中國人

五

何之事也。

分成績優劣。成績分優劣,亦寓教育意義。不宜有劣無優,亦不宜有優無劣。 余在燕大有兩三瑣事, 乃成爲余之大問題。余往常考試批分數, 率謂分數無明確標準, 優者以寓鼓勵, 僅以 但

任教, 卷回, 學業上努力,傳授受業諸生,其他校事盡可不問,庶能使職業與生活不相衝突。 得憑余一人之私以爲公。余心不安,必取回另批。」主事者難之,商之上級,余終得所請。 班國文,一新班第一年級,又一班爲第二年級。月終考試照例有不及格者數人。 同**,**余當於職業外自求生活。此想法爲余入大學任教後始有。又念在大學任教**,** 終不宜。然余在此僅爲一賓客,而主人不以賓客待余,余將何以自待。於是知職業與私生活大不 君今不知學校規定,所批分數乃更見公正無私。」余曰:「余一人批分數卽余一人之私,學校烏 年新到, 何往。」遂至辦公室,索取考卷,欲更改分數。主其事者告余,學校無此前例。 生月考不及格例須退學。余曰:「諸生有不遠千里自閩粤來者, 中必有低於六十分者,以爲分數不及格只補考一次卽可,然常不在五十分以下。 不宜過優,故余批高分數過八十卽止,極少在八十五分以上者。劣者以寓督勸, 另批送校,此一班遂無退學者。然余心終不安,始覺學校是一主,余僅屬一客,喧賓奪主 絕不願兼任行政事務, 初不知學校有此規定,否則新生月考決不與以不及格分數。」主事人曰:「此乃私情。 及余在大學任教, 專談學術, 此想法亦於其時始定。 少涉人事, 幾乎絕無宋明書院精神, 余本好宋明理學家言, 一月便令退學, 而不喜清代乾嘉諸儒 人又疑余喜治乾嘉 **余**曰: **遂決意果在大學** 彼於本學年又將 及來燕大, 故余在一班分數 惟當一意在自己 忽學生來告, 「余乃今 取考

九

學。則又一無可奈何之事矣。

乃學校所聘一國文老師,不必要識英文。何以在中國辦學校必發英文通知?」派來人大慍,云: 派人來問:「按月通知收到否?」余曰:「收到。」問:「水電費何不按月繳納?」余答:「余 又學校發通知,每用英文。余寢室水電費須按月繳納。得通知,遂置不理。積一年,學校特

`我特來收費,其他學校事我不敢知。」我乃授款與之,而心終有不適。

云:「此下北大淸華當來爭聘, 使余不願再留。 又每到學校上課, 一日,赴頡剛處,告欲離去。 國文系辦公室中闃無一人。儻欲喝水,又非自帶熱水壺不可。 君且歸, 到時再自決定可也。」余臨去, **頡剛乃夷然,不對余加一挽留語,亦不問所以。僅** 燕大亦未續發聘約。不 如此之類,

知頡剛是否已轉告,余此後亦未詢及。

離小學入中學,離中學入大學。此亦可謂又一無可奈何之事矣。惟今落筆,以此告人,恐仍有人 感到不如教中學,教中學又有時感到不如教小學。此非矯情,乃實感,必稍久乃心安,然亦終於 去,亦未先有他處接治。余性頑固,不能適應新環境,此固余之所短。然余每告人,教大學有時 忽離去。在中學任教整整八年。初到<u>燕大</u>, 又爲余職業上另一大轉進。 又僅及一年, 余在小學任教十載又半,初到集美,爲余職業上一大轉進。然余未先有他處接治, 即匆匆離 一年卽匆

六

君務以他日來,乃可有暢談之緣。」此日則盡談了一些老子問題。適之謂天下蠢人恐無出芝生右 種考察一文與之,續刊燕京學報。曾獲歐洲某漢學家來函推崇,謂讀余文,乃知中國學術問題需 日適無人來,可得半日之談。他日君來,幸勿在星期日,乃我公開見客之日,學生來者亦不少, 進城一與相晤。.」余諾之,遂同進城,赴<u>適之</u>家。坐畫齋久,又出坐院中石凳上。適之言:「今 由中國人自加論定,非異邦人所能爲力也。又一日,頡剛來,手持胡適之一函,與彼討論老子年 自撰劉向歆父子年譜刊載燕京學報後,初去燕大, 少提及其『直』字。君所著論語要略特提此字,極新鮮又有理。我爲哲學史,已特加采錄。」余 適之後爲文一篇,專論老子年代先後,舉芝生頡剛與余三人。於芝生頡剛則詳, 絕少外出。 余居燕大朗潤園, 一日,在城中某公園適晤馮友蘭芝生。通姓名, 園之後半爲屋舍, 前半有池石林亭之勝, **頡剛又來索稿,以舊作關於老子成書年代之一** 芝生即曰:「從來講孔子思想絕 余每在此散步。 **讀於斯**, 遊於

九

北平燕京大學

辯。 此上爭辯過。 因芝生頡剛皆主老子在莊子前, 然余所舉證據則與芝生頡剛復相異,似亦不當存而不論耳。但余與芝生頡剛相晤, 梁任公曾首駁適之老子在孔子前之主張。在當時似老子出孔子後已成定論。適之堅 余獨主老子書出莊子後。 芝生韻剛說旣不成立, 則余說自可無 則從未在

豈猶於任公意有未釋耶!

華上課。彼云, 門。及星烺歸寢,竟夜鼾聲直侵余室, 之學,星烺留學英倫治化學。返國後, 余在燕大又識張星烺,每星期五來燕大兼課。其寢室與余相鄰,必作長夜之談。余喜治地理 即日返城, 仍有課。 蓋其時政府欠發薪水, 改從其父,治地理,尤長中西交通史。余與星烺談盡屬 余每夜必過四時始睡, 又打折扣, 故聞之特淸晰。 故兼課之風甚熾。 然臨晨星烺又去淸 而星烺

之鼾聲則終使余常在耳際不能忘。

又沸, 列席審查者三人,一芝生,主張此書當改變體裁便人閱讀。一陳寅恪,私告人,自王靜安後 君作何不亦申請列入其蹤盡內。當爲介紹。」遂持去。 又續有增添修改。又特製通表, 余初來北方,入冬,寢室有火爐。 則又泡。 深夜弗思睡, 安樂之味, 半年始畢。 **鑪上放一水壺**, 初所未嘗。 **颉剛知之,告余:「芝生哲學史已編爲淸華叢** 桌上放一茶杯, 時諸子繫年已成稿, 翌 年 • 頡剛重來, 水沸, 乃知審查未獲通 **遇燕大藏書未見** 則泡濃茶一杯飲

未見此等著作矣。聞者乃以告余。又一人,則已忘之。後遂以稿送商務印書館。

余撰劉向歆父子年譜,及去燕大,知故都各大學本都開設「經學史」及「經學通論」諸課,

都主康南海今文家言。余文出,各校經學課遂多在秋後停開。但都疑余主古文家言。及年假,余

返蘇州,遂於新年中撰周官著作時代考一文,及下學期在朗潤園又撰周刻地理考一文,此爲余考

論古史地名一費力之作。上兩文亦皆刊載於燕京學報。

女生最多,講堂上約占三之一。後在清華上課,女生約占五之一,北大則僅十之一。 余離蘇中之一年,中學始許男女同學,然僅初中約得女生一二人,高中尚未有。 燕大上課 來燕大, 則

學生最服從,絕不缺課,勤筆記。清華亦無缺課,然筆記則不如燕大之勤。北大最自由,

師生間僅有

選讀此

私人接觸,無團體交際。清華又居兩校間。此亦中西文化相異一象徵也。 課者可不上堂,而課外來旁聽者又特多。燕大在課外之師生集會則最多。北大最少,

余在||燕||大上課,僅持||曾國藩經史百家雜鈔一書,以臨時機緣,或學生申請選授一篇。不在上

課前預定, 卻增添了學生上堂之興趣。一日,偶書一題爲「燕京大學賦」,由學生下堂後試撰

九 北平燕京大學

六三

八十億雙親師友雜憶合列

有一女生李素英, 文特佳, 余甚加稱賞, 一時名播燕大淸華兩校間。後李生逐兼受淸華研究院

課,後又改名李素。余在香港創辦新亞書院,李素服務圖書館,專責編英文書目。後爲燕京舊夢

書,猶亦提及此事。余之教國文課至燕大時始止,此亦余之任教國文一最後成績也。

一六四

北京大學

——附 清華大學及北平師範大學

北平先與兩方接治,故一專任,一兼課,雙方已先治定也。但余亦未以此面詢之頡剛。⑮ 民二十之夏,余在蘇州,得北京大學寄來聘書。待余赴平後,清華又來請兼課。此必頡剛在

(5 作,過數日當請他奉覽。 教也。 且他爲學比我篤實,我們雖方向有些不同, 但我頗尊重他, 希望他對我補偏救弊。 故北大如請 二十年三月十八日致胡適之先生函之摘錄。內文如下:「(上略)聞孟虞有意請錢竇四先生入北大,想出 編者案:先生去世後三年,顧頡剛先生女公子顧洪小姐在北京將一相閱資料交編者,乃頡剛先生於民國 他,則較請我爲好,以我有流弊而他無流弊也。他所作諸子繫年已完稿,洋洋三十萬言,實近年一大著 先生吹嘘。我已問過賓四,他也願意。我想,他如到北大,則我卽可不來,因我所能教之功課他無不能 (下略) 」

北京大學

余赴北大,

在歷史系任教,

是爲余在大學講授歷史課程之開始。

所任課,一爲「中國上古

櫃內取出一紙包授汝, 赴東安市場, 肆印此書,梁家以此書乃任公未定稿,版權所屬,不准書肆發行。余求其書不得。或人告余, 術史」。此一課程,梁任公曾在淸華研究所已開過,其講義余曾在雜誌上讀之。任公卒後,某書 史」,一爲「秦漢史」, 在某一街道中,有一書估坐一櫃上,櫃前一小桌,可逕授與八毛錢, 可勿問, 皆必修課由學校指定。另一門選修課可由余自定。余決開「近三百年學 亦勿展視, 即任公此書也。 余果如言得之。 彼卽在其所坐 n

討論。 分發, 馬芝生爲例。 百年學術史」最近講到陳乾初大學辨一篇, 余因與任公意見相異, 君竟不知此事, 君何先知?」彼在電話中大笑,謂: 君於何處得讀此文。 可笑可笑。」亦可想見當時北平學術界風氣之一斑。 故特開此課程, 余答: 「余之講義, 北平最富藏書,但此間各友好皆不知此文出處。 自編講義。 「君此講義人人可向北大講義室預定。 付北大講義室,待下週去上課時, Ħ, 某君忘其名, 蓋因余在任公卒後不 來電話, 先睹者已羣相 詢余「近三 始領取 並舉

不通龜甲文,故在此堂上將不講及。但諸君當知,龜甲文外尙有上古史可講。諸君試聽, 又有人來書, 云: 「君不通龜甲文,奈何靦顏講上古史。」余以此書告講堂諸生,謂: 「余 以爲如

竟續開此課,

故羣相注意也。

之筆記我亦過目,逐字不遺。」余聞言,驟不知所答。竊恐或起爭論,將何措辭。 所講一言一句彼必詳悉記載無遺。」余答諾,並謂彼勤奮好學殊少見。玄同又謂:「彼在君班上 乃有人不姓錢,改姓『疑古』,此何理?」有人來問:「君何大膽若爾。」余問何事。彼言:「 無可疑。余確信有父有祖,乃至高曾以上三十幾代前,爲五代吳越國王錢鏐。 肩。坐旣定,玄同問余:「君知我有一子在君班上否?」余答:「知之。」玄同又言:「君班上 君知班上有錢玄同之子亦來聽課否?」答:「知之。」 其人曰:「君自愼之,勿多惹是非。」余 何。」又一日,告諸生:「事有可疑,不專在古,古亦多無可疑者。如某姓錢, 曰:「余任上古史課,若亦疑古,將無可言。」又一夕,有某君設宴席,席上多大學史學教授。 「彼甚信君言,不遵吾說。」余僅諾諾。玄同乃改辭他及,不再理前緒, 清華大學西洋史教授孔某,一北大史學系教授孟森心史,兩人皆年老。 主人推兩人居首座, 「孔]孟應居上,可勿讓。」又指余與錢玄同曰:「君兩人同宗 ,可連座。」 余遂與玄同比 余心始釋然。 以上仍有錢姓。近 此錢姓卽屬古, 玄同乃續謂

日, 又有人責余:「君何無情乃爾。」余問何事。彼云:「君知適之近患病進醫院否?」余

一六七

悟入。若他人盡可告汝一是,則又何待汝多學多問。」余自入北大,卽如入了一是非場中。 正相反,不知兩師曾面相討論可歸一是否?余答:「此處正見學問之需要。汝正當從此等處自有 又有一學生告余,彼係一新學生,舊同學皆告彼,當用心聽適之師與師兩人課。 曰:「頃正聞之。」彼云:「適之尊君有加。有人問適之有關先秦諸子事,適之云可問君, 今病,訪者盈戶,君寧可不去?」余答: 「此顯屬兩事,君並合言之,將教余何以爲人。」 乃兩師講堂所言 莫再問 自知

所言觸處有忤,然亦無自奈何。

距當年亦已三十年矣。此君筆記載當年北大哲學系畢業刊者, 余手邊無之, 是年北大哲學系畢業紀念刊中。而適之則竟未爲文。後余自刊莊老通辨一書,已在余居香港時, 年筆記成篇刊入。不知師尚有所言未盡否?」余答:「有之。」因請余再撰一文, 聽。越一年,來晤言:「余聽師上古史已一年,今信師言不疑。哲學系有畢業紀念刊,當整理一 上當有述及,君儻願聞其詳 , 可試來聽之。」彼乃哲學系四年級生 , 自是遂來余上古史班上旁 其他意見否?」余答:「有之。」彼云:「願聞其詳。」余答:「此非一言可盡,余在上古史班 又有一生來問:「師言老子出孔子後,又言出莊周後,除最近在燕京學報新有一文外,倘有 並告余, 亦當請適之師同爲一文討論其事。余允之。余因續撰一文, 容當覓得, 連同彼筆記同刊 亦同刊其班之畢 再以補

此君已忘其姓名, 惟聞其留學德國, 歸國後, 在南京中央大學哲學系任教。

時告以已意。如是者數次。適之說儒終於成篇,文長五萬字, 唐詩宋詞中何嘗無此等分別。即如最近世,亦復有此五等分別。何以老子思想獨起於春秋時代, 思想承思想,卽不再提各家思想之時代背景,又何故?」適之謂:「君之劉向歆災子年譜未出, 仍未有所說明。且如老子以下,孔子墨子各家思想,亦各有其時代背景。君書自老子以下, 說樂天派、 有時代背景。中國古人所謂知人論世, 言亦當根據當時之時代背景而發, 時誤於今文家言,遂不敢信用左傳,此是當時之失。」然對余之第二問題, 此後適之見余,再不樂意討論老子,而別撰說儒新篇。 余與適之討論老子年代問題,絕不止三數次。 悲觀派等五種人生觀,認爲乃老子思想之起源。當知樂天、悲觀等分別,歷代皆有, 君書何乃上推之詩經。卽就詩經來論時代背景,亦不當泛泛分 即此義。惟旣主老子早於孔子,則老子應在春秋時代,其 余曾問適之:「君之洗秦哲學史, 在彼撰稿時, 仍守其初意不變。 屢爲余道其作意。 則仍未有答。 其說旣與余上古 主張思想必 卽以

ö

北京大學

⁽⁶⁾ 今兩文皆已收入莊老通辨。 <u>大哲學論叢則刊再論老子成書年代一文,作者自記此文作於二十一年春,應比大哲學系哲學論叢徵文。</u> 編者案:民國十九年十二月燕京學報第八期載先生關於老子成書年代之二種考察一文。二十二年五月比

說異同, 在與他人爭是非上分其精力,則妨礙了自己學問之進步。孟子一書,只在申孔,不在關墨。 同之所在。諸生或勸余爲文駁論。余告諸生:「學問貴自有所求,不應分心與他人爭是非。 諸生貴自有折衷。並余已將今天堂上所講,一一告之適之,不煩再爲文辯論。」 遂拒不 若多 遇兩

拒之,謂所辯乃本|錢師之說,不能出爾反爾。不得已,主編此副刊之同學乃自爲一啓事, 刊上。適之見之,大不悅,但亦未撰文反駁。主編此副刊之同學乃欲次君別爲一文自解說,次君 爲。諸生乃浼余助教賀次君卽就余講堂所講撰一文,刊之北大史系同學在天津益世報所主辦之副 自後余來香港,某君在港大學報上刊一文,專爲討論適之說儒。 余始別爲一小篇, 追憶前 解說此

僅爲一些具體材料問題解釋之間, 同事之夫人們前來余課室旁聽,亦去適之講堂旁聽,退後相傳說以爲談資。惟一時所注意者, 大凡余在當時北大上課, 幾如登辯論場。上述老子孔子兩氏不過其主要之例而已。 而於中國歷史文化傳統之一大問題上,則似未竟體觸及也。 聞有北大 亦 然

則已上距當時十年外矣。今余此文,已收入余之中國學術思想史論叢第二册。

孟子所謂「余非好辯, 亦不得已也」。 余深深了此意境。

史,而改授中國白話文學史。惟余與適之在文學方面甚少談及,以雙方各具主觀,殊難相辯也。 年, **大相違異,** 並使他人亦無可窺其底裏。」遂拒不爲。 對此富實際經驗, 盼我兩人合作, **倘各編一部中學國文教科書,** 適之告余, 得商務來書, 共成此編。」 余告適之: 囑編一中學國文教本。 使國人對比讀之, 此事遂亦作罷。 **庶可有益。倘欲兩人合編,** 彼謂 時適之在北大,已不授中國哲學 「對中國文學上之意見, 君在中學任教國文課多 其事不 余兩人

Ξ

|之門下大弟子,| 但兩人學術路向實有不同。 **史辨之躍起。** 稍後亦不堅持。 時傅斯年孟眞主持中央研究院歷史語言研究所,亦自廣州遷北平。 然考信必有疑,疑古終當考。二者分辨,僅在分數上。 而余則疑堯典,疑禹貢,疑易傳,疑老子出莊周後, **頡剛史學淵源於崔東壁之秀信錄,** 如「禹爲大蟲」之說, 所疑皆超於頡剛。 孟貞 與領壓雖一 變而過激, 時 然竊願以 乃有沽 並稱適 頡剛

無大異。 而孟眞所主, 則似尙有迥異於此者。 如其以「歷史」 余與頡剛, 「語言」二者兼舉, 在中國傳統觀

「疑」與「信」皆須考,

精神意氣,

仍同一

線,實

「考古」名,不願以「疑古」名。

七二

中國 念中無此根據。 尤屬創新。 即在西方, 故在其主持之史語所, 亦僅德國某一派之主張。 其時尙僅有「地下發掘」與 大體言之,西方史學並不同持此觀念。 「龜甲文研究」 兩門, 皆確 其在

然示人以新觀念, 新路向。然孟眞心中之史學前途, 則實不限於此兩者。

余至北平**,** 即與孟眞相識。 孟眞慶邀余至其史語所 o 有外國學者來, 如法國伯希和之類,

史語所宴客, 以此破當時經學界之「今文學派」,乃及史學界之「疑古派」。繼此以往, 余必預, 並常坐貴客之旁座。孟眞必介紹余乃劉向歆父子年譜之作者。 則余與孟眞意見亦多 孟眞意, 乃

副其所想望, 孟眞在中國史學上,實似抱有一種新意向。惟茲事體大, 而遂有未盡其所能言者。 彼似主先治斷代史,不主張講通史。彼著述亦僅限先案以 而孟鳳又事忙未能盡其力, 以求自

得, 嚴。 上, 卽平日談論,亦甚少越出此範圍。 果欲上溯淵源, 有某生專治明史, 下探究竟, 極有成績,彼曾告余, 不能不於 元清兩代有所窺涉, 凡北大歷史系畢業成績較優者, 孟眞不許其上窺元代, 則須私下爲之。 下涉清世。 彼必網羅以去, 故於孟眞每致不 然真於明史有所 然監督甚

满。

適之於史學, 則似徘徊頡剛、 孟眞兩人之間。 先爲中國大史學家崔東壁一文, 僅成半篇。然

其時適之已主張「哲學關門」,則哲學系宜非所重。又文學系仍多治舊文學者掌教, 懸絕。其在文學上,對白話文新文學以外, 見當時學術界凡主張開新風氣者,於文學則偏重元明以下, 余初到之年,北大歷史系第一次開會,適之爲文學院長,曾言辦文學院其實則只是辦歷史系。 於頡剛古史辨則備致稱許。此下則轉近孟眞一邊。故北大歷史系所定課程似先注意於斷代史。 而歷史系上古史一門除余專任其必修課外,又開選修課,凡八門, 可以掃蕩不理。而對史學,則先秦以下,不能存而不 史學則偏重先秦以上, 頡剛、 孟眞各任一門。 文史兩途已相 時未能: 因 此 在 排

四

論

但亦急切難有新成就。

於是適之對北大歷史系之興趣,亦遂逐漸減輕。

實際政治, 主持。大意謂中國燦以下政治,只是君主專制。今改民國,以前政治制度可勿再究。 允。受頤人素謙和,主講西洋史,聞其於西洋中古史頗有深入,實際並不任系務, 終不允。 余在北大,任「近三百年學術史」一年。翌年,改開「中國政治制度史」。系主任陳受頤弗 以前制度可不再問。 余言: 「余來任課,上古史、 秦漢史由學校規定, 今治歷史, 以前究屬如何專制, 餘一課任余自由開講, 亦當略知, 烏可盡置不問。 乃由孟眞幕後 余謂 不論選課 壓

七四

大課堂, 校自開學後, 多,乃歷史系學生前來旁聽。 中國政治,今文學院開此課, 始定選。到時乃無人選余此課。當時法學院院長周炳霖告其同事, 某教師或自大課堂屢換小課堂。 **余意欲開此課**, 講堂必隨時改换。 學校似不宜堅拒。」遂終允之。北大選課, 當令學生前往聽講。 因北大校規鬆, 旁聽多, 學生以此爲教師作評價, 換大課堂。 選定之課可任意缺席, 遂有政治系全班學生來選聽此課。 缺席多, 換小課堂。 教師亦無如之何。 學生來校只知西洋政治, 未選之課可隨時旁聽。 學生可先自由聽講, 某教師或自小課堂屢換 清華燕大殊 稍後, 不知 月後 人益

余每次上堂必寫此一堂之講授大綱及參考材料。惜余此課所講迄今未編撰成書, 惟散見其要

無此現象。

惟余第三年仍開「近三百年學術史」,俾完成余之講義。

北大講授此課一簡編。則已距當年開講近二十年之久矣。 旨於余此後之國史大綱中。及余初來臺北, 有歷代政治得失一講演, 已付印出版, 亦可謂余在

時頡剛在燕大辦一馬貢, 陶希聖在北大辦一食貨, 兩 雜誌皆風行一

時

諸生來余舍,

請余

責, 辦一通典, 請勿憂。」余曰: 余愛通典制度, 謂當與禹貢食貨鼎足而三。余拒之。諸生曰 亦愛食貨經濟,又愛馬貢地理沿革。 「今年開此政治制度一課, 乃爲諸生於此方面常識特缺, 諸生當擴開興趣, 「師僅掛一名, 其他一 博學多通, 非爲余於此特所 切盡 由吾儕負 乃能於

今即專鰲一途, 史識漸有進。 待他年學問基礎旣立**,**庶可擇性近專精一門。 適以自限, 非以自廣。 恐於諸生學業前途, 此乃成學後事, 有損無益。 余爲諸生著想, 非初學時事。 非自爲計 儻諸生

也。」諸生唯唯而退。

分別由多人擔任,但求一人獨任,事亦非易。或由錢某任其前半部, 繁,摸不到要領。故通史一課,實增諸位之不通,恐無其他可得。」乃有人謂, 人合任, 的通史一課實大不通。我今天在此講,不知前一堂何人在此講些什麼,又不知下一堂又來何人在 此講些什麼。 隨班聽講, 不專限北大一校, 家治斷代史專門史稍有成績, 時國民政府令「中國通史」爲大學必修課, 乃庶有當。 學期學年考試出題閱卷, 不論所講誰是誰非,但彼此實無一條線通貫而下。 治史有專精者,分門別類,於各時代中各別講授。 余謂: 「余自問一人可獨任其全部, 乃可會合成通史。故北大中國通史一課, 由彼兩人任之。余亦分占講席,在講堂上明告諸生:「我們 北大雖亦遵令辦理, 不待與別人分任。」民國二十二年秋 諸位聽此一年課, 歷史系主任及助教兩人,則 陳寅恪任其後半部, 但謂通史非急速可講, 乃分聘當時北平史學界, 通史一課固不當 將感頭緒紛 由彼兩

北大乃聘余一人獨任中國通史一課。 史」之三門。 學校又特爲余專置一助教, 於是余在北大之課程, 余乃聘常來北大旁聽之學生賀次君任之。 遂改爲「上古史」「秦漢史」及「通

0

編寫完成, 自余任北大中國通史課, 隨時可付印。 秦漢史講義寫至新莽時代,下面東漢三國之部遂未續寫。余之最先決 最先一年,余之全部精力幾盡耗於此。幸而近三百年學術史講義已

課之精神。其時余寓南池子湯錫予家,距太廟最近。廟側有參天古柏兩百株,散布一大草坪上,

「通史」一課必於一學年之規定時間內講授完畢,決不有首無尾,中途停止,有失講通史一

景色幽蒨。北部隔一御溝, 始獲寫定。 惟此最相宜。余於午後去, 稔,爲余擇一佳處,一籐椅, 必薄暮始歸。先於開學前在此四五天,反覆思索, 即面對故宮之圍牆。草坪上設有茶座,而遊客甚稀。茶座侍者與余相 一小茶几, 泡茶一壺。余去,或漫步,或偃臥, 通史全部課程綱要 發思古幽情, 一若

興亡,孰當詳而增,孰宜略而簡,每於半日中斟酌決定明日兩小時之講述內容。除遇風雨外, 歷代之精要,閩其演變之相承。而尤要者,在憑各代當時人之意見,陳述有關各項之得失。治亂 求一本全部史實,彼此相關,上下相顧,一從客觀,不騁空論。制度經濟,文治武功,莫不擇取 備翌日下午上堂內容。 極詳備, 此課每週四小時, 但講通史則不多及。又如余講近三百年學術史,牽涉甚廣,但講通史則只略略提到。必 共上兩堂,每堂兩小時。 余於開學後上課前, 主要在定其講述之取捨,及其分配之均勻。如余講上古史,於先秦部分本 必於先一日下午去太廟, 預

幾於全在太廟古柏蔭下, 提綱挈領, 分門別類, 逐條逐款, 定其取捨。終能於一年內成

其初志。上自太古,下及淸末,兼羅並包,成一大體。

俾可自加研尋。然此工作迄<u>唐五代而止。因史料旣多,學生自加研尋亦不易,此下逐未再續</u>。所 動。又增寫參考材料,就二十四史三通諸書,凡余所講有須深入討論者, ···-下及第二年,余遂可不復至|太廟古柏下 , 然亦隨時隨地不殫精思, 繕其原文,發之聽者, 於每一講之內容屢有改

發姑以示例而止

生, 大宗旨則歷年不變。彼謂於余歷年所講變動中,細尋其大意不變之所在,故覺每年有新得, 余知前後續聽此課歷六年之久者,惟脹生一人。彼告余,余之每年任課所講內容不斷有增損,而 北大續授此課, 前來旁聽。 中國通史乃文學院新生之必修課, 前後凡四年,脹生每年必至。余又在西南聯大續任此課兩年,脹生亦先後必至。 每一堂常近三百人, 坐立皆滿。有一脹姓學生,自高中三年級卽來聽課, 亦有文學院高年級生及其他學院諸生,復有北平其他諸校

亦已二十五年上下矣。檢其書架上兩書相贈, 二十年前,余曾去美國哈佛大學,|楊聯陞教授告余,彼其時肄業清華大學, 一爲余之國史大綱抗戰期間在重慶之國難第一版, 亦前來旁聽。計 而不厭。如脹生亦可謂善用其心矣。

一七七

八十憶雙親師友雜憶合刋

教授仍留架上,或有足供參考處,余未之受。後此項材料由余英時交臺北某書肆印行。 爲余之通史課上所發之參考材料。余受其國難新版,爲余手邊無有者。其參考材料, 則囑聯陞

|本刻意侵華前之先遣份子。 並常至琉璃廠、隆福寺,各大舊書肆,| 訪問北平各大學教授購書情 年數。有一人,在西安郵局服務已逾十年,並往來北平西安,遍歷山西河南各地。乃知此輩皆日 余在北大任此課時,又常有日本學生四五人前來旁聽。課後或發問,始知此輩在中國已多歷

形, 熟悉諸教授治學所偏好,以備一旦不時之需。其處心積慮之深細無不至,可驚, 亦可嘆。

五

史學前輩,其所編講義亦正流傳東安市場各書肆。其來言辭懇切,有堅求必允之意。余告以北大 卸者。某年秋, 余任北大及兼清華課外, 師範大學歷史系主任某君忽來訪,邀余去兼秦漢史課一門。某君忘其名,乃北平 越兩年,又兼燕大課,於是每週得兩次出城,各半日。此乃無法辭

(8) 編者案:民國二十二年,先生授通史一課,編有參考材料。此項材料先生生前無意出版,故未受楊先生 之贈。民五十三年|大陸文化大革命前,先生長子|錢拙|曾寄出先生自存之通史筆記敷册,此項筆記,任課 六年間逐年有增補,亦卽先生編寫國史大綱一書之祖本。先生生前亦無意出版,故今皆不收入泾集。

來,謂:「已商得北大當局同意,先生去師大兼課,北大決不過問。」余無奈,勉允之。 校規, 亦非所能。 校外兼課只許四小時, 且開學已久,清華燕大兩校課亦無法中途言辭。 余已兼清華燕大兩校課, 適足四小時之限。踰越校規, 如是往復半日而去。一日,某君又 非余所願,

言相告,先生決不願來。今幸兩堂過,學生竟不發此問。 畢,系主任邀余赴其辦公室。告余:「眞大佳事。 亦當年北方學風。 建社會係案前結束, 續起,乃同一戲, 在車中閉目靜坐, 終至閧堂而散。 余住馬大人胡同,近東四牌樓,師大校址近西四牌樓,穿城而去,路甚遙遠。余坐人力車, 聽一路不絕車聲。又街上各店肆放留聲機|京戲唱片,此店機聲漸遠, 甚至同學校同一班級,兩課堂所講如同水火。師大此事雖所少有, 連續不斷, 某君遂決不再來。 抑秦後開始?又或秦前秦後一 甚足怡心。 及登堂, 別請某君, 復如是, 此課本請某君擔任, 體直下無變?某君所答, 聽眾特多, 並聞對先生深致滿意。眞大佳事。 仍関堂而散。 系主任亦在窗外徘徊。 上堂後, 某君遂亦決不來。 聽者不滿, 學生問, 然聞者亦終 第二週課 彼店機聲 爭 中國 一此 恐直 論不 封

六

不以爲怪。

ō

北京大學

中。系中各教師, 在北大任教, 有與燕京一特異之點。各學系有一休息室, 系主任即在此辦公。 上堂前後, 得在此休息。 初到, 即有一校役捧上熱毛巾擦臉,又泡熱茶一杯。 一助教常駐室

上堂時,有人持粉筆盒送上講堂。退課後, 熱毛巾熱茶依舊,使人有中國傳統尊師之感。

在休息室相晤。心史問余何年級?余答慚愧,

亦在此

孟森心史與奈同年到北大任課。一日,

教書。 <u> 作時代考一文贈心史。心史展視,謂:「此乃經學上一專門問題,君亦兼治經學耶!當携歸,</u> 因諸生亦得來休息室問難,故心史有此誤會耳。又一日,余送燕京學報新刊余所著周官著

心史 不謂先生已先我爲之。」心史說:「此書實無新資料可供考訂。君不如向商務另購他書, 先生亦對此有興趣。」然心史所考訂,送北大國學季刊, 番考訂絡續出版,君可就此作商権,不煩另化一番工夫也。」余謂: 爲此書作了許多考訂。 讀之。」自是余遂與心史常在休息室中閒談。 知先生作何消遣。 某一年暑假, 「已向商務預約此書。方期不日去取書, 余回蘇州省親。及返北平, し心史言 」遂引余視其桌上積稿, 「此暑期乃成一大工作。 特訪心史。 叉一日, 作一番考訂工夫,爲戴校冰經注一案作一定論 並歷述清代各家治, 然經之得失, 娓娓忘時。余告 商務新出版永樂大典中之水經注, 心史特來寓址, 心史書齋西向。 主其事者,因適之方遠在國外, 「與先生相識有年, 自是往返益密。 余謂 「今年酷暑, 心史所 俟余此 初不知 不

有限。 何處?及其有關蒙古新地圖一事,仍有人留意及之否?人盡知心史在北大任教明淸史, 抗戰勝利後, 蒙古邊疆問題有新證據之發現。遂派人特訪心史,於其宅前並曾攝一相而去。而心史不久以病進 與適之意見有異, 雙十國慶後,北大同人絡續離北平南下。余赴醫院與心史話別,不謂心史竟以不起。 及翌年, 即未去北平,每念心史有關水經注考訂一稿,其整理成篇, 抗戰軍興, 非俟適之歸,不敢輕爲發布。而心史此項存稿遂亦遲未整理,所發表者殊 日本軍隊進北平,聞心史曾在北大圖書館發現一舊地圖, 及其未及整理者, 於中俄兩國 其對清初 余自

入關前史有著述。

對此兩事,

人或不知,追憶及此,

豈勝惘然。

腳、 要堪當母孔的人來尊, 只少數人在堂上, 遇點名時輪流應到。 放言高論,甚至不像是一爭辨是非的人。在北大同人中,卻是另具一格。 自講述不輟。 麻雀牌、 心史是一好好先生, 鴉片等諸項。心史爲文駁斥,不少假借。但我們見面, 學生傳爲談資。其時北平方唱尊孔。有人說,軍閥何堪當尊孔大任。 怕也尊不起。」 心氣和易。所任明淸史, 心史說, 適之爲文,倡言|中國文化只有太監、姨太太、女子裹小 「今天講堂座上人不多, 講義寫得太詳密, 他從不提起這件事。他從不 上堂無多話講, 但點名卻都到了」,仍 心史說:「專 學生缺席,

と

|餞先生,儻錢先生肯與交遊,解其孤寂,則實吾一家人所欣幸。」自是余與錫予遂時相往返。 來訪。其翌日,錫予老母又來訪。謂:「錫予寡交遊,閉門獨處,常嫌其孤寂。昨聞其特來此訪 聘教授之名義邀來。余是年携眷去北平, 與余同年來北大者,尚有哲學系湯用形錫予。本任教於南京中央大學,北大以英庚款補助特 潘佑蓀割其寓邸之別院居之,距北大甚遠。一日, 錫予

爲余一人飮食不便, 爲余讀書寫作之所。 錫予先商於余, 慈返蘇州,錫予老母亦隨行返南京 。 年後,余家自西城潘宅遷二道橋,凡三院四進,極寬極靜。年假以楡關風聲緊, 此兩進相隔最近,院最小,可以隔院相語。 又勸余遷居其南池子之寓所, 明年春, 余單身先返北平, 適錫予老友熊十力目杭州來, 割其前院一書齋居余。 十力旣來, 而又爲十力別邀一北大 而余眷久不來。 挈眷奉先

赴歐陽竟無之支那內學院聽佛學, 是年暑假,蒙文通又自開封河南大學來北大,與余同任教於歷史系。錫予在南京中大時,曾 十力、文通皆內學院同時聽講之友。 文通之來, 亦係錫予所

學生來居二道橋之第一進。

人遂又乘曉赴中央公園進晨餐,又別換一處飲茶續談。 文通初下火車, 即來湯宅, 在余室,三人暢談, 及正午, 竟夕未寐。 乃再換 一處進午餐而歸, 曙光旣露, 而談與猶未盡。 始各就 <u>=</u>

寢。凡歷一通宵又整一上午,至少當二十小時。不憶所談係何, 此亦生平惟一暢談也

不語。 文通不謂然,每見必加駁難。 自後錫予、十力、 惟余時爲十力、文通緩衝。又自佛學轉入宋明理學,文通、 文通及余四人, 論佛學, 乃時時相聚。 錫予正在哲學系教中國佛教史, 時十力方爲新唯識論, 十力又必爭。又惟余爲之作緩 應最爲專家, 駁其師歐陽竟無之 顧獨 縲

衝。

除十力、

錫子、

文通與余四人常相聚外,又有林字平、

梁漱溟兩人,

時亦加入。

惟兩人皆居

前門外, 而又東西遠隔。 漱溟又不常在北平, 故或加字平, 或加漱溟, 僅得五人相聚。字平與

漱溟則不易相值

膳。 與歷史系主任商之卽得, 蓋不獨於余爲然。 適之來, 乃爲蒙文通事。 某日, 適之來訪余。 適之來, 已在午前十一時許, 坐余書齋中, 余在北平七八年中, 余絕無權過問。 適之告余, 秋後文通將不續聘。 且文通來北大, 適之來訪僅此一次。 乃由錫予推薦。若欲轉告文通, 余答: 直至午後一時始去, 適之門庭若市, 「君乃北大文學院長, 余亦未留其午 而向不答訪, 宜以告 此事

在北大歷史系任教有年,而始終未去適之家一次,此亦稀有之事也。 果文通離職,至少在三年內,當物色不到一繼任人選。其他余無可言。」兩人終不懽而散。 適之語終不已。余曰:「文通所任,乃魏晉南北朝及隋唐兩時期之斷代史。余敢言,以余所知, 劣等生,果有此語,亦不當據爲選擇教師之標準 。 在北大尤然 。 在君爲文學院長時更應然。」 課,學生多,宜有此事。班中學生有優劣,優者如某某幾人,余知彼等決不向君有此語。若班中 之錫予爲是。」而適之語終不已。謂文通上堂,學生有不懂其所語者。余曰:「文通所授爲必修 文通

漢, 者, 弱, 謂此課旣由多人分授, 其夫人言, 不願再有增添。 文通旣不續聘。史系主任遂邀余任魏晉南北朝史, 若不辭北大無職, 其隋唐史一門,則聘陳寅恪兼任。 何以獨不有錢某來上課。史系主任始來請余。余遂亦上堂一二次。|文 即不再過問其三餐。 於是此課遂臨時請多人分授。學生有發問 上堂僅盈月, 余拒不允。余言聘約規定余只任上古、兩 寅恪卽辭去不再來。謂其體

通自離北大, 即轉至天津一女師任教。其家仍留北平,與錫子及余諸人之來往則一如舊日無變。

余又因錫予獲交於陳寅恪 錫子、 寅恪乃出國留學前淸華同學。 寅恪進城來錫予家,常在余

所居前院書齋中聚談。 余本穿長袍, 寅恪亦常穿長袍, 寅恪在淸華, 冬季加披一棉袍或皮袍, 其寓所門上下午常懸「休息敬謝來客」 一牌, 或一馬褂, 或一長背心, 相值頗不易。 不穿西式外

套, 余亦效之。

之所。一院沿湖,極寬適幽靜。兩僧一人居之。余至, 余亦因錫予識吳宓兩僧。彼兩人乃前中大同事。余在淸華兼課, 則臨窗品茗, 窗外湖水,忘其在學校中。 課後或至兩僧所居水木淸華

學生, 北大哲學系同事, 錢稻孫與余同時有課, 因大公報約胡適之、 一四川賀麟, 與余往還甚稔。 傅孟眞諸人撰星期論文, 一廣東張蔭麟,一時有「二麟」之稱。賀麟自昭, 亦常來,三人聚談,更易忘時。兩僧本爲天津大公報主持一文學副刊, 蔭麟自美留學歸較晚,在淸華歷史系任教。 此副刊遂被取消。 雨僧辨此副刊時, 自歐留學先歸, 權談至清華最後一班 余赴清華上課, 特識拔清華兩 與錫予在 陸 圍

校車, 麟或先相約, 蔭麟親送余至車上而別。 或臨時在清華大門前相候, 邀赴其南院住所晚膳。 煮鷄一 隻,

與東蓀相聚談哲理時事, 余亦在馬大人胡同, 余其時又識張孟劬及東蒸兄弟, 相距五宅之遙。十力常偕余與彼兄弟相晤,或在公園中, 余則與孟劬談經史舊學。在公園茶桌傍,則四人各移椅分坐兩處。 兩人皆在燕大任教,而其家則住馬大人胡同西口第一宅。時 或在其家。十力好 在其

家, 則余坐孟劬書齋, 而東蓀則邀十力更進至別院東蓀書齋中, 如是以爲常。

斑, 家, 醞釀出一番新風氣來,爲此下開一新局面。而惜乎抗戰軍興,已迫不及待矣。良可嘅也。 **昔人事**, 意則盛。卽就彼兄弟言,一門之內, 上攀先秦諸子, 及課畢歸, 以較余與孟劬同在北平時情形, 孟劬娓娓談龔定菴軼事, Ħ, 若不干己, 余去北大有課,携清華學報所刊余近撰龔定菴一文,過孟劬家門前, 見孟劬留有一紙條, 而群慕「晚漢三君」, 而誠誠懇懇不肯輕易放過有如此。 意態興奮, 乃知孟劬已來過余家, 精神意趣已顯若河漢。誠使時局和平, 北平人物薈萃, 相距何堪以道里計。 競欲著書成一家言之意。 若疑余有誤會。 孟劬又常告余, 蓋不知余赴北大有課也。 因念孟劬慕古之意特深, 孟劬與余亦屬忘年之交。 余因孟劬言, 彼同時一輩學人, 乃識淸初學風之一 囑其門房遞進。 前輩學 而東蓀趨新之 余遂即去孟劬 各不敢 於

著述有成, 吳承仕、蕭公權、楊樹達、聞一多、 屬不勝縷述,亦復不可憶。 其他凡屬同在北平, 有所捧手, 趣味無倦。 果使戰禍不起, 要之,皆學有專長, 余嘉錫、容希白肇祖兄弟、 言權相接,研討商権, 積之歲月, 意有專情。 中國學術界終必有一 世局雖艱, 過從較密者, 向覺民、趙萬里、賀昌羣等,旣 而安和黽勉, 新風貌出現。 如陳接菴、馬叔平、 各自埋首, 天不佑我

中華, 雖他 Ħ 疆土光復, 而學術界則神耗氣竭, 光采無存。 言念及之, **真使人有不堪回首之感。**

詢臺側侍立者。 音,不能操國語。引經據典,以及人名、地名、書名,遇疑處,不詢之太炎,臺上兩人對語,或 各大學任教者五六人隨侍,駢立臺側。一人在旁作繙譯,一人在後寫黑板。太炎語音微, 又有遠道相交者。某年,章太炎來北平,曾作演講一次。余亦往聽。太炎上講臺,舊門人在 有頃, 始譯始寫。而聽者肅然, 不出雜聲。此一場面亦所少見。繙譯者似爲錢玄 又皆土

同, 力提倡白話文,其居滬時,是否曾及太炎門,則不知。要之,在當時北平「新文化運動」 寫黑板者爲劉半農。 玄同在北方,早已改采今文家言,而對太炎守弟子禮猶謹如此。 而此諸大師, 猶亦拘守舊禮貌。則知風氣轉變, 亦洵非咄嗟間事矣。 半農盡 盛極風

又某年,

余返蘇州。

太炎國學講習會一門人某君來約,余依時往訪。是爲余面晤太炎之第一

鄙棄,此下當不再需有新國史出現。」余曰:「此姑弗深論。儻有新國史出現,較之前二十五史 任國史館長消息,確否?」太炎答:「我與政府意見不相洽,焉得有此事。報章傳聞不足信。」 次,亦惟此一次。室中惟兩人,無第三人參加。余詢太炎:「近見報上中央政府有聘先生赴**南**京 「僦果政府來聘,先生果往,對此下撰寫新國史有何計畫?」太炎謂: 「國史已受國人

ō

北京大學

迄傍晚。 門知識亦更增強。惟此「書志」一門,必當有大變動。在今難可詳談。余以下午三時許去, 影響深廣。如加敍述,所占篇幅必鉅。其他方面更然。外交以外,食貨刑法諸門亦皆然。所需專 當有大變動。 體裁方面將有何不同?」太炎沉默有頃,曰:「列傳與年表等當無何相異。 太炎又別邀蘇州諸名流張一鵬等,設盛宴,席散始辭歸。此一問題,亦恨絕少與他人論 即如外交志, 內容牽涉太廣, 決非舊史體例可限。」 因言居滬上,深知治外法權 惟書志一門, 暢談 體裁

及。

不熱心,談話未歷一小時卽散。自後余與君勵在香港始獲再晤。 以「余非專一從事考據工作者,但於政治活動非性所長,恕難追隨。」語不投機,| 鵬似亦對此 相談。 **袁世凱時代司法部長,久已退居在家。** 又一年,余自北平返蘇州。 謂「君何必從胡適之作考據之學,願相與作政治活動,庶於當前時局可有大貢獻。」余告 張君働偕張一鵬來訪。 君勱係初識,時方有意組一政黨, 不憶晤談於何處。 在赴天津北平前, 一鵬乃一磨胞弟, 邀余 曾任

亦未允。再聘賀昌羣,昌羣遲疑不決。一夕,余三人在一小館共餐,余與應麟勸昌羣往, 住余家, 又絡續由南方來遊北平相識者,有繆贊虞鳳林,張曉峯其昀,皆從南京中央大學來。贊虞則 兩人曾同遊盧溝橋。民二十六年曉峯自浙大來函,聘余前往,余辭未去。續聘張應麟,

與君本對校, 同, 未得, 刊上。 **儵僅付印**, 未正式付印前, 爲顧氏家傳本,特舉證明。 合眾圖書館在法租界。 再謀續校。 特不知其價值所在,欲懇余代爲一查考。余允之。葵初又遠自滬上携其書首幾册來, 余在北平舊書肆購得顧祖馬讓史方輿紀要之前八卷,嘉慶刊本,特爲一文,刊載於馬貢半月 君今得此刊本, 浙江省興業銀行行長葉景揆葵初, 彼之主要任務卽爲續校顧祖禹讀史方輿紀要一書。及赤禍又興,余又匆匆南來,迄今將三 葵初以爲然。 方畢直隸、 讀者當就君之新刊本與舊刊本對讀, 即以異同添注舊刊本之眉端行間, 本多鈔本流行,只白銀四十兩,卽可向無錫顧家得一部。彼所得與其他鈔本有不 而抗戰烽火乃不久爆發。 問余願任其勞否, 山東兩省。 乃與彼相持之鈔本相符。又謂彼並有顧氏此書之全部手鈔本一部。 余特往訪,未得晤葵初,見主其事者爲顧廷龍起潛, 葵初大喜,謂:「果如君言, 但時事益急, 余復允之。 特遠自滬上來訪。告余,彼持有此書一鈔本, 余曾於抗戰期中, 自昆明返滬, 余恐倉促失誤,囑<u>葵初</u>將已校稿携返滬上,待事變 乃以付印, 乃始得其異同所在。 時適余弟起八同在北平, 當卽謀付印。 則讀者一披卷卽得, 此事大不易。 」余謂:「此書卷帙浩大, 知葵初與張旭生合創 乃頶剛之叔父。 余即命其從事校對。 不煩再一一 不如將舊刊本 遍訪刊本 此書在 余審其 比讀 起潛

Ō

北京大學

十年, 究何在。 聞合眾圖書館已不存在, 苟使余不主先作校對, 葵初與起潛亦不獲其消息。 則此家傳本將早已行世。 讀史方輿紀要之顧氏家傳本, 余對此事之媿悔, 眞不知何以自贖 今不知

19

肆,余可收歸私藏。然余念公藏可供眾閱,不宜祕爲私有。乃連日夜囑助教賀次君錄出其未見於 流行刻本者,凡二十篇左右。 又有一篇, 此本必有來歷。 劉承幹嘉業堂刻章氏遺書, 休息室詢余, 余家一審核。 又章實齋遺書之家傳本, 是夜, 坊間送來章氏遺書鈔本一部,此書鈔本在北平頗有流行, 嗣經收得其他證明, 余先查章實齋與孫淵如觀察論學十規一文,此文在流行刻本中皆有目無文。 曾向國內遍訪此文,亦未得。 而余在此鈔本中, 亦爲余在北平所發現。 乃知此本確係章氏家傳。若余誆言告子水, 流行刻本脫落一大段數百字, 一日課畢, 北大圖書館長毛子水特來歷史系 不知有價值否?余囑其送 亦加補錄。 卽赫然睹此文。 此書卽退回原書 即以原本回 乃知

肚出版。 顧氏家傳本讀史方與紀要一書,校對工作已由顧廷龍先生完成,一九九二年已由上海古籍出版

克再通體查閱矣。而此章氏家傳本,頗聞子水實未爲北大圖書館購取, 计規一文, 篇散入章氏文史通義中。然余念當時特據家傳本目錄匆匆鈔出其未見之篇,是否尚有遺漏, 此書之所由來。後余遊巴黎,法國漢學家戴密徽,曾特來詢問此書,余詳告之。後大陸又將此各 文印兩百册流傳。及余避赤禍來香港,大陸又重印此書,而將余所爲一小序抹去,則讀者將不識 以避檢查, 子水, 親自校閱, 囑其可爲北大購取珍藏。時余之近三百年學術史一書,方送商務印書館在北平排版, 輾轉自香港經長沙南嶽至昆明,以至成都。時蒙文通爲四川省立圖書館長,遂將此佚 則全篇增附於後。 實齋一章已校迄,續又取回補入前所未見之重要有關部分若干則。 及余離北平南行,又携所錄之全部佚文藏大衣箱底, 特以轉歸胡適之家藏 與孫淵如觀察論學 上加一木板 賏不 由 余

孟子私淑錄, 亦余一人生平回憶中值得玩味之一事也。又余獲賭章氏遺書後,又得戴東原未刊稿鈔本一種,名 乃悉是章實齋書,又多世所未見者。 上,樓外三面環廊, 又億民十以前, 爲從來學者所未知, 樓中四壁皆書, 余在小學任教,卽深喜草氏之文史通義。 亦以廉價收得。 此夢醒來, 又有一玻璃面之長方桌, 初不爲意。乃二十年後, 不意此夢竟有印驗, 與章氏遺書稿同携南下。 一 夕, 桌面下一櫃, 忽夢登一 今此稿已收入余之沖 亦皆藏書。 小樓, 由北面樓梯 余觀之, 是

及適之南來,此書未及携行,則不知又在何處。是亦大堪回念也。

國學術思想史論叢第八册。

卷。 印成,書首遂缺一序。及國民政府來臺,有人携有此書在臺重印, 坊肆遍覓未得, 北平圖書館。 民國二十六年,始將此稿之曬藍本交書肆排印,是年雙十國慶後,余匆匆離平, 請由北大付印, 雷氏於紀年有兩書, 其他尙有一家傳本, 余既擇其有關者,一一補入余之洗蒸蓋子繫年一書中。又曬藍本一部,而交還其原 後乃在北平圖書館珍藏書中得其家傳之稿。 其眉端有陳漢章校。於上古之部較詳, 爲余在北平所發現者,則爲北通州雷學淇所著之竹書紀年義證, 一爲秀訂竹書紀年共十四卷,有刻本。余又知其尚有義證一書, 春秋後較簡, 其先乃由其家人獻之北大校長蔡孑 亦未有序。惟此書之流傳, 不知何由此稿乃轉入 而此書尚未 凡四十 在北平 則

實由余始其事也。

後五年乃一意購藏舊籍, 余自民國十九年秋去北平,至二十六年多離平南下, 通一電話, 琉璃廠、 彼肆中無有, 隆福寺爲余常至地, 即向同街其他書肆代詢, 各書肆老闆幾無不相識。 先後住北平凡八年。 何家有此書,卽派車送來。 先三年生活稍定, **遇所欲書**, 兩處

各擇一舊書肆,

書 來**,** 部開首一兩册。余書齋中特放一大長桌,書估放書桌上卽去。下星期日來, 北大、清華、燕京三校圖書館,余轉少去。每星期日各書肆派人送書來者, 其他每星期相易。凡宋元版高價書,余絕不要。然亦得許多珍本孤籍。 踰十數家, **余所欲**, 書估初不知, 即下次携全 所送皆每

以廉價得之。如顧祖禹讀史方興紀要之嘉慶刻本,卽其一例。

都,一女弟子黃少荃,專治戰國史。余告彼,他年返北平,當以余所藏各本竹書紀年相贈, 書櫃中。錫予見而慕之。彼亦專意搜羅爲僧傳一書,遇異本卽購。自謂亦幾無遺漏矣。 中。其他類此之例,難於一一縷舉。余於明代以下各家校刊竹書紀年,搜羅殆盡。專藏一玻璃 所校本,乃知王校多誤,朱本甚有價值。余特撰一文,收入先秦諸子繁年中。傅孟眞來余家借此 曾遍囑北京各書肆爲彼訪購, 余又曾在無錫城門洞一小書攤購得朱右曾竹書紀年存眞一部,書價僅幾毛錢。取以校王靜庵 **積數年,皆無以應。 乃以余所藏曬藍本藏入中央研究院** 後余在成 書庫

魘藍 。 恐余携書去有不愼, 又胡適之藏有番用微求仁錄一孤本, 余移寓南池子錫予家, 又不便坦言故爾。 一日傍晚, 余携歸, 余向之借閱。 一人偶遊東四牌樓附近一小書攤, 適書記賈克文新來, 彼在別室中開保險櫃取書, 囑其謹愼鈔副, 忽覩此書, 邀余同往。 亦不敢輕付 亦僅數毛 或

返憶,眞不啻如癡人說夢話矣。

八十億雙親師友雜憶合刋 九四

之, **其**攤上書, 亦偶爾得此。錫予堅欲往, 錢購得。 故又乘夜重來乎?」余曰:「適偕吾友重過此門, 皆無足取, 錫予聞而大喜。晚飯方畢, 逐出。 乃乘夜去其地。 而書攤主人卻語余: 書攤已關門, 即邀余重去此書攤。余告以此書攤絕無他書可購, 「先生傍晚來購書, 再來相擾, 扣門而入。屋內電燈光甚微弱, 幸勿介意。」然彼意若終不 殆一佳本, 先生廉 價得 視 余

外, 鈔本僅半部, 即問攤主此書售價。攤主在余身傍,見余取閱此書, 書品裝潢精美有別,卽於書堆中取出,赫然卽余所藏三朝北盟會編鈔本之另半部。驚喜出意 藏之有年。及民國二十六年春,余遍遊琉璃廠各書肆,乃於某一家小書攤旁牆邊書架中見一 先生知之否?」余答:「知之。」又問:「購此殘本何用?」蓋彼或已疑余藏此殘本之又 Ħ, 先生亦肯收藏供欣賞否?」余囑其携來, 書估來訪, 「此書紙張字樣墨迹書品皆佳, 適余案頭展讀三朝北盟會編一書。書估謂:「先生喜讀此書,我有此書 雖殘本, 知出浙東某名家,紙張字樣墨色皆極精 置案頭, 即甚注意。凝視余久之,乃曰:「此乃 亦堪供欣賞。 攤主乃言:「

不售,

可勿再論價。

余知難強,

乃默記其地址而去。特招一熟書估來,

告其事,

囑爲余設法得

本攤不擬售此殘本。

余 曰 :

「旣不擬售,

爲何陳列此架上。」

攤主久默不語,

乃曰:

「此書旣

半也。余曰:

書來。乃此後戰氛日迫,余亦無心及此。至今追憶,余擁有此書之半部,今亦已不知去處矣。 生萬勿再往,彼知先生有此書之半部,必高昻提價,難以成議。當冷淡一時,我必爲先生取得此 此書。書估去, 數日後來,告余,已赴此書攤,先與攤主求相識。彼書係殘本,決不易售出, 先

北平如一書海, 游其中,誠亦人生一樂事。|至少自明清以來,游此書海者, 已不知若干人。

今則此海已湮,亦更無人能游而知其樂趣者。言念及此, 豈勝惘然。

回。後余在香港, 錫予亦無法,乃囑一與余相熟之書估取去。書估願出百石米價。取余書去時,余已在廣州, 此大批書之藏處, 他人,俟他年事定, **友人,**一旦學校解聘, 即電告錫予, 余前後五年購書逾五萬册,當在二十萬卷左右。歷年薪水所得**,** 而共黨已占北平。宅主知余老友錫予在北大,走告, 促其卽移書去, 將所藏書裝其中。及全家離去,蒙宅主人雅意, 老友沈燕謀爲新亞研究所購備藏書, 所藏書仍盼保留。書估允不以出售, 又須每夏曬晾, 可再來取。 余亦擺一書攤,可不愁生活。二十六年**,** 不謂余自抗戰勝利後,竟未再去。儻移書南下, 乏地乏人,遲疑有年。後余去江南大學任教,方擬移書送學校 待他年余返北平, 出百石米價, 得資治通鑑一部, 願闢一室堆此諸箱。 余一人匆匆離北平, 節衣縮食, 乃余先兄聲一先生生前 彼不敢爲此獲罪。 運費尙易籌措。 謂此宅決不再租 盡耗在此。 臨時特製二 可全部讓 得此 嘗告

閱讀本,

由先兄手書書根,書中亦多先兄手蹟,乃余特從蘇州家中携去北平。今此書出現港埠,

則其他五萬册書,流散人間,可以想見。然其時錫予已死,無可查詢。又余藏書絕不加蓋私章。

部, **嘗謂,余所藏書,幾乎無不經前人藏過。 有一書而經六七家以上之收藏者。 又記有皇淸經解一** 顯有譚延闓藏印。當代鉅公之藏,乃亦轉入余手,亦堪詫嘅。余又何必多增一印,以供他日

又余蘇州家中亦尙多藏書。余抗戰時返蘇州過上海,張家璈盡贈其最近新刻書, 皆藏蘇州家

別人之多一嗟歎乎!不謂余年未七十,此言已驗。則洵足增余私人之嗟歎矣。

中, 今亦不知其尚猶存在否。 友亡書散, 此誠余晚年一大堪嗟歎事也。 今則兩目已盲, 與書絕

__

捉筆書此,更不勝其自嘅矣。

又有賈克文,亦爲余北平新識, 永留記憶之一人。余遷居二道橋之歲尾, 一日,得北平圖

書記, 室,余時去其處,極相稔熟。王庸夫婦亦曾賃居二道橋余家前院。劉君電話告余,彼近登報徵一 書館研究員劉盼遂電話。時北平圖書館有研究員向達、王庸、劉盼遂等五六人,集居館中之地下 有賈克文遠從保定來應徵。昨夕方到,今晨起牀,令其倒一盆洗臉水,克文乃作色言,我

來應徵爲書記, 非爲僕人充雜役, 請從此辭。 **瀏君大驚訝,告失言,請留,必弗再擾以他事。**

介紹另一去處, 克文堅不允。 劉君告以「君遠道來, 俾我心安。」克文始允之。劉君謂:「兄家有傭婦,有乳娘,又常閉門少人事, 我不愼失言,君遽辭去,我心終不安。懇小留一日,當爲君

故首慮及,盼爲我留之。」余諾其請。

僅一榻,乃北方舊式炕牀之僅存未改者。牀下生火,冬夜臥其上,極感舒適。 乃軍人,在關外,屢招之,不願往。因慕北平文風,遂來此。 容他物。桌臨南窗,陽光照射亦極悅目。余本臥此小屋中, 克文當晨卽來,樸厚寡言。告余,家有老祖父在堂,擁田百頃, 以讓克文。 余宅第三院大廳左側有一小屋, 生活可無憂。 告以閉小屋門, 楊前一桌一椅, 其表兄孫連仲 即與外面 不

隔絕。 覺倦可開門到大院中散步。 適楡關事變, 風聲屢作, 北平人心惶惶。余擬乘年假送母南歸, 除鈔寫外, 決無他事, 克文遂留。 全家隨行。

家中一傭婦亦

婦, 此度歲乎,添余一人亦如往日可也。」克文謂:「一人勉圖果腹則可,我作餐何堪入先生口。 克文概允。 乃因家無女主人,無論老少皆不來。克文問余,一日三餐作何應付。余曰:「君不已一人在 擬獨留克文守舍度歲, 及開歲, 余妻兒又因事不克同行。余一人北上,告克文以不得已,囑其赴街上招一傭 乃與商之。並言:「開春余全家卽返, 君肯耐此一段寂寞否?」

「愼勿作此想,

強君作餐, 余滋不安, 更貪求享口福乎!」燕大郭紹虞之夫人, 聞訊來

訪, 隨帶兩大鍋菜, 可供余一人四日之食。如是每週以爲常,直迄余遷居錫予家爲止。克文不得

已,灑掃膳食乃胥一人任之。

乃一輪椅,儘日轉動。余時時赴厨房中與共語,以稍減其不安。晚餐余與錫予家人同進,晨午兩 錫予來招余遷居南池子,割其前院一書房讓余。克文則住院側厨房中,乃儼然爲厨夫。 所坐

告克文,如此,魚卽死矣。<u>克文曰:「我畏殺活魚,故待其死,乃烹之。」余曰:「如此則可勿</u> 「余喜烹活魚,君上市可買活魚,勿買死魚。」又一日,余至厨房,見活魚數尾排列長板上。余 餐則仍由克文治理。一日,余告克文:「余喜食魚,君上市可買魚來試烹之。」又一日,告克文:

再買活魚矣。」余又喜食大白菜。|克文買白菜歸,必盡割其外葉,僅留一中心,烹以供余。其外

葉則克文另烹自食之。余屢去厨房,屢見其事。告克文,僅余與君兩人共食,何必如此分別。余 屢言之,克文終不聽。

處,乃任一厨夫,君忍爲之,何耶?」克文曰:「我來先生家,不旬日, 一人守宅。先生視我如一家子弟,勿稍疑慮。我離家卽遇先生, 一日,余語克文:「君猶記及前在劉君家否?喚君倒一盆洗臉水, 如仍在家中侍奉長老。先生又把 君卽憤而辭去。 先生全家南歸, 獨留我 今在余

每月用款交我掌管支配,先生更不問, 我心更感。只有待師母他日回來,我可向之報賬。 若能有

無虧欠,我心始釋。 我侍先生, 如在家侍老祖父, 惟盼先生不再見外。

起, 如此月光正乃午夜耳,何遽來叫。」克文曰:「我亦夢中驟醒, 君勿忘來喚醒。余在夢中聞牀前呼聲,披衣急起,出視院中,明月正在中天。余告克文: Η, 余又告克文,余之清華兼課時間改在上午,明晨須一早出門,去趁清華校車, 見滿窗光亮,乃不慮有此誤。 儻或晏

余乃留與作竟夕談。

室中, 作官人去, 克文自外端茶入,余告相士: 有頃,曰: 漱溟步履輕,下梢恐無好收場。言余精、 漱溟特邀十力、錫予同余俱至其家, 某日,有一人自四川來。 其人善相, 十力亦在,彼又爲余三人相,所言皆能微中。 可慶可賀。」克文默不言,即避去,不再來。 「爲日不遠, 官運來逼, 「可爲此君一相否?」相士乃曰: 請相士一一爲余三人相。又一日, 弗可避。」 家世相傳已三代矣。 氣 神三者皆足, 錫予、 謂十力乃麋鹿之姿 十力皆出手挽克文臂曰:「汝聞之, 行坐一態, 其來特爲梁漱溟相, 「此君有官相。」 其人特來南池子錫予家余 , 此下當能先後如 當常在山林間 乃摸其後腦骨 即住漱溟 · 即日 並言 適

余家人重來北平, 遷一新居。克文亦再得其表兄之招,余力勸之行,克文乃辭余家而

後大喜,不日遷往。宅主乃北通州人,在北平任大律師職,惜已忘其姓名。 宅, 恺 商之宅主,宅主問租者何人,我略道先生概況,宅主已同意,可往一看。」余遂偕克文同去,看 北平,又重來余家。余驚問何速歸,今任何職。克文告余:「任局長非所願,今改閒職, 區巡視各家庭, 去。計其前後在余家亦十月左右矣。克文去至張家口,任警務, 一如故交。然彼僅來余宅一次,余亦僅答訪一次。前後宅中間一門常關閉,不再相往來。馬大人 前三院宅主所住,後三院現空置,房屋寬敞。從馬大人胡同後門進出,可與前三院隔絕。 余渴欲覓一清閒大院, 君巡視所至, 幸爲留意。」一日, 克文來告: 「在北大附近覓得一**大** 使人不以長官視我 , 我乃心安。」余大喜曰:「君今任此職,又可爲余幫一大 然終不安於職。 未一載, 彼不喜交遊, 乃見余 只在城 卽返 我

來,時時督教余子女讀書。又時出錢濟余家用。余妻告以家用已足, 北平南下。 」 余妻歸後, 及「七七」抗戰,余一人離家南下,乃將空置之兩院房屋出租,卽以房租補家用。 克文戀戀不捨, 屢告余妻: 「他年錢先生自後方歸來, 亦常與通訊。 直至余又隻身赴廣州避赤禍,與克文音訊遂絕。迄今距與克文 可勿慮。越兩年, 無論在南在北,我當追隨終 余家亦離 克文更常

胡同此宅遂爲余在北平最後居住最感安適之一宅。

別,前後又逾四十年。回憶往事,

如在目前。

乃改命其子亦年去偉長家。偉長亦遭共黨鬥爭清算,勞改踰二十年之久,然克文父子照例年 余年八十七, 赴香港, 晤偉長姓。 告 余**,** 克文已告退在家,每年必赴偉長家一次。 及克文

_ =

必一往。頃想克文當仍健在,誠亦使余難忘也。

拈來。而近人乃以死文學目之,眞可大笑。火車上又不斷追憶詹天祐。國人非無科學天才, 忽悟|宋人詞「楊柳岸曉風殘月」一語。千年前人一詞句,可使千年後人誦之如在目前,此豈隨手 長城。先一夕,余移宿其兄弟家,與其昌作竟夕談。翌晨, 百年來社會動亂, 余在北大凡七年,又曾屢次出遊,及今猶能追憶者,一爲與吳其昌世昌兄弟同遊八達嶺萬里 無可表現。國人乃以追咎四千年文化傳統,亦良可怪也。登萬里長城上,尤不 黎明前,卽坐人力車赴火車站。路上 徒以

勝其古今之悼念。 又一次,繆鳳林贊虞從南京來,宿余家。一日,同遊盧溝橋。橋北距平漢路線不遠,

中旅客窗外遙望,終不得此橋之景色與情味之深處。一元明以來赴京師, 入都門矣。 「盧溝曉月」一語,在八百年來,全國士人得入都門者之心中所泛起之想像與回念, 最後一站卽在此。 翌晨卽

然火車

一〇 北京大學

<u>=</u>

倦。若使吾兩人亦在科舉時代,在此得同賞盧溝之曉月,其所感觸,又豈得與今日城市擾攘中人 又豈言語所能表達乎!而余與贊虞之來, 國事方亟, 兩人坐橋上石獅兩旁, 縱談史事, 歷時不

遊可嘗此情味。余等坐至深夜始散,竟不憶此夕何語。實則一涉交談,即破此夜之情味矣!至今 數百株。余等四人夜坐其大廳上,廳內無燈光,廳外卽白楊,葉聲蕭蕭,淒凉動人。決非日間來 又一次,則余與錫予、十力、文通四人同宿西郊淸華大學一農場中。此處以多白楊名, 誠不失爲生平難得之夜。

一四

牆上遍貼革命標語。及離去,牆上標語亦遭削除,而壁畫已多破毀,殘壁舊泥,觸目皆是。亦無 畫,文物車騎,宛然連幅,乃千年古物。雖有剝壞,迭經修補,仍保舊觀。馮玉祥駐軍在此,於 阜。 徐文珊一人,畢業後,從余益勤,及是遂隨行。抵泰安,遊嶽廟,大堂四壁有宋眞宗巡狩泰山壁 同遊者爲北大史系四年級生,結隊爲畢業旅行,余爲之督隊者。全隊二十餘人,惟燕大及門 其他近郊之遊不詳述, 遠遊凡四次。第一次在民二十二之春季,遊津浦路泰安、 濟南、曲

善繪事者, 重爲補修。余幸於泰安市某一照相館, 覓得一套完好之照片。 然此項照片,

有。千年壁畫,亦爲革命犧牲矣。

庭院中, 古柏參天。 馮軍許小販進入經營, 小食攤設爐灶煮食物供遊客, 柏樹或燒死, 或半

枯, 幾數十株。 破敗滿目, **儼若當前舉國瘡痍之景象,** 感慨何極。

霧蔽天, 仰見。登山惟此一路。人生境界亦如此,當惟闢一線上達。 徊投書澗上。諸生競入,獲馮玉祥接談,出皆欣然。及登南天門,兩山脅立,中一道,極寬澗 石級三四十層,每層一平臺,各四十級左右。仰視豁然。宛如在天空闢此一門。初抵山腳, 人生中一新經驗, 遊處, 南面巍然而坐。余觀五岳眞形圖,正寫出此形態。乃知古帝皇必登泰山, 自南天門抵山頂一寺廟, 學生雇山轎, 迷濛無所見。 必小憩。 及抵棲眞觀,余夙慕胡安定孫明復之爲人。適馮玉祥駐觀內,遂拒不入, 強余乘之。晨興,惟文理一人隨余步行。兩空轎隨後。由山麓歷級而上, 每人一座。 回念十餘年前, 余謂窮一日之力, 可抵山頂。 皆平地。 赴厦門集美, 宿廟中一宵, **晨起出廟門**, 在海輪暢觀日出, 余欲驗腰腳, 造其巓, 東行抵一崖, 回視全山形勢, 恍如目前。 不坐轎。諸生謂山轎亦 亦有其所以然也。 觀海上日出。 此晨實亦依然 嚴如 獨徘 每遇 卽可 三巨 雲

日出, 能見不能見, 事關於己。俯仰天地,回念史迹,不勝愴然。

Ō

北京大學

二〇四

步。未達上午十時,卽安抵市區旅邸。諸生皆逾午始歸。余方期今晨下山,遇昨日愜心處,恣意 最佳轎夫, 加賞。不謂如此失去機會,亦良可笑矣。翌日再遊山後諸勝,而山前一路, 夫言無事, 轎夫緊張失措, 旁兩竹槓中翻轉, 堅握一手杖,緊挿兩腳中間之椅上。方倉惶中,怪聲忽作, 安。」不得已,乃坐轎。下石級僅兩層,覺坐臥不穩,乃以隨帶厚棉被墊身下者緊裹全身,手中 返抵南天門, 讓余乘坐。不由分說,擁余上另一轎。 可勿怕, 同隊二十餘山轎皆圍集。諸生向余備致慰問。 諸生圍聚, 余亦從坐椅上墜落在地。 向下直奔益疾。蓋此轎實安穩,兩轎夫亦健者。余連叫, 謂 「吾師昨已一整天徒步登山, 幸身裹厚棉被,輾轉數石級, 兩轎夫扛之,直飛而下。 繫縛坐椅之繩索一端朽折, 羣責轎夫不愼。 今不以山轎下此天門, 即停止, 則惟有在夢想中再遇 余連聲叫且慢, 謂余恐慌,乃更飛 令重擇最佳山 未遭創傷。 坐椅從轎 羣心滋不 轎 兩轎 兩

濔, 投迹人類未到處, 因思山水**勝境**, 則惟肄業常州府中學堂時, 遊泰山後, 再遊濟南大明湖。小舟盪漾,天光亭影,流連迷人,幾疑身在江南。 有天地, 必經前人描述歌詠, 無人物。 旅行鎭江揚州, 即如踏上月球,亦不如一邱一壑,一溪一池, 人文相續, 遊舟山天下第一泉有其髣髴。 乃益顯其活處。若如西方人,僅以冒險探幽 又念劉鶚老殘遊 身履其地, 至如湖中泉 丽

之。

發思古之幽情者, 所能同日語也。

功如此之深。因問書肆主人此書售價,主人答此書乃藏家送來整修,非本肆所有。聞之悵然。又 楷工麗,閱之怡神。檢視知乃王筠手筆,王氏係淸代道光時一小學名家,余初不知其於此經乃用 除遊其他近郊外,余又在濟南城中一舊書肆, 獲覩大字儀禮一部。眉端行間, 校注滿紙,

時賢者。| 恨不能使此等書之眞蹟廣爲傳播,亦可使時人多見 。 **姑不論學術路向**, 亦不論見解識

念今人率好輕蔑前人,譏其道路之誤,或斥其見解之卑。然論前人對學問之功力,

則似有遠超於

力,要之用功深淺,亦足資人反省也。

尚年幼, 諸生頗疵議孔家非官府, 默誦精思, 遊濟南後, 其叔父某携之接客, 以成其絕學。 又去曲阜。 乃享受封建社會之貴族生活。 自火車站至曲阜城, 余今乃始一嘗此滋味,媿慚何極。 並攝影爲念。 余詳詢孔府經濟情況, 乃乘舊式騾車。 故亦欲彼輩聞其詳, 抵曲阜, 及曲阜農民生活。因沿途來, 車中念顧亭林, 赴衍聖公府。 以知其實況也。 即在如此旅途 時孔德成

俱減。亦如生爲一中國人,不得不一讀中國史,成一負擔,復何其他意味之可言。 及來曲阜, 轉赴孔林, 旣無慕古朝聖之心理素養,風氣感染,徒覺疑團滿腹。 余囑諸生必行三鞠躬敬禮,諸生亦無違。然諸生遊泰山大明湖, 則此來成照例公事, 莫不興高 采烈,

10%

乃不得不更奪孔,使外族人亦知中國有此人物,庶對中國人不敢輕視。今君輩爭言孔子乃自來專 孔林碑碣林立,然皆在金元以後,北宋以上則甚少。余告諸生:「當時中國人受異族統治,

之尊孔否?」諸生默無言。余又言:「遊歷亦如讀史,尤其是一部活歷史。

太史公幼年,

卽遍遊

故亦教

制皇帝所尊,以便利其專制。試讀此間碑碣,亦豈當時許多中國人惟恐外族人不易專制,

中國名山大川。 諸君此遊歸,再讀史記, 便可有異樣體會矣。」

五

雲岡石刻。誠千古所稀見。其非中國文化嫡傳, 第二次遊平綏路, 大同、 綏遠以至包頭。不憶在何年。同遊者皆淸華師生。先至大同, 亦一見可知。又在城中一樓,偕三四人午餐。據 賞其

餐,亦若特具佳味。

云此樓係大明正德皇帝在梅龍鎭遇見李鳳姐之原址,

信否無可考。然余屢聽遊龍戲鳳平劇,

在此

景況。余歸後,告北大清華諸生,中國天地大,諸生畢業後,大有去處。卽如綏遠,民情敦厚, 中學校,教員寢室乃一大炕牀,可同臥數十人。余不禁回憶起前清時在南京鍾英中學讀書時宿舍 在綏遠弔漢明妃冢,所歷益遠,所遇中國歷史故事乃益古,亦誠大堪嚼味。參觀綏遠城中一

至塞外, 大草原上, 對學校師長特具敬意。 可向國家民族作更大貢獻。人生亦互有得失優劣, 何等痛快。 即戀舊遊,寒暑假仍可來北平,何必儘在此慣居之城市間爭一噉飯地。去 諸生儻願去, 大炕牀亦足供安臥。而日常接觸,皆一生所難遇。 馳馬陰山 非一言可判也。聞此後諸生亦頗有去

綏遠任教者,惜不久旧軍入侵,則又是一番天地矣!

趕不上火車,豈不成大笑話。 大叫鯉魚。 兩人心不平,視手錶, 河水上泛,羣艇即皆浮水中,何來有店舖。及返火車,市區喫鯉魚者皆返, 我兩人何不去漁埠,亦有鯉魚可吃,豈不較赴市區爲佳。遂兩人去漁埠。不悟乃一沙灘。 至包頭,由車窗南望,高桅叢峙,誠所少見。與一友某君言,到此人人去市區奧黃河鯉魚, 喫得兩味, 趕還, 往返當可及火車未開。遂亟亟雇人力車去市區, 距火車離站亦爲時無多矣。 強不知以爲知, 即在市端覓一家, 必欲異於人以爲高。儻 津津誇魚味之佳。余 進門即 少頃,

一六

赴武昌,參觀武漢大學,遊黃鶴樓。並赴漢陽。在長江船中識一川人賴君,亦隻身赴廬山,遂 第三次似在二十五年夏,余一人從平漢路經漢口,轉長江至九江,遊廬山。先在漢口小住,

0

約同遊。及抵怙領,錫予有一宅在此,其老母已先來,錫予滯平未到。余宿其家,每晨起即偕賴 君遍遊各處。尤愛三叠泉瀑布,下有三潭,潭水淸潔,余曾裸身臥一潭中大石上半日,及起,懶

何。」不得已,仍盡力爬行。林間燈光微露,尋至,乃一警察派出所。喜出望外,得飮水解渴。 來時下山更艱困。未達山腰,夜色已深。| 賴君謂:「當在此露營。」余謂:「或週虎遇盜,更奈 中休憩半日。及離寺,再行田塍間,夕陽餘威更酷。返抵山腳,疲不能行。然不能不登山, 腳,尙須行田塍數華里,乃抵寺。炎陽照射水稻,熱氣熏蒸,更不能受。達寺門, 日,與賴君由山北下遊西林寺。在嶺上,忘其爲暑天。未及半山, 已熱不可忍。 衣衫盡濕。寺 下抵山

手搖一大扇, 在佛前揮扇高臥。」 和尙何事?」余問:「和尙何事不上香禮拜,不誦經唸佛,不回房學禪打坐, 遊客率一過,鮮停留。余與錫予坐殿西側一長稟飲茶,方丈偃臥佛殿正中大像前右側長沙發上, 返寓,已踰午夜。是爲余遊山最感尋常而最遭艱困之一次。 錫予已來牯嶺,一日,偕其同遊嶺上之僧寺,似是開先寺。寺門外一大曠場,佛殿亦寬敞. 適近余座之背後。余高呼和尚和尚三聲, 方丈慢起前來, 謂: 「茶點已具, 客高呼 方丈急陪禮,謂:「兩客有閒小坐,請移後廳爲佳。」乃肅錫予及余進入大 亦不招接遊客,乃

中, 絕大智慧,烏得有此佳構。今此俗僧,坐享其成,則亦無足與語此耳。錫予不能遠步, 是一零常後軒屋, 殿之後軒。 亦卽僧園。 爲余遊廬山來從未到過之另一佳處。佳在其卽借廬山之勝以爲勝,非賴建築, 軒不廣, 方丈呼侍者更茶點, 而起坐俯仰,其中眞若不在人間,已在天上。以前若非有一高僧具絕大聰明, 可容大圓桌設宴席。 茶味既佳, 而向北長窗垂地,窗外竹蔭蔽天,竹外叢樹, 點心四碟, 一一精美。方丈又推窗陪余兩人閒步竹樹 非賴陳設,只 終日在家 卽 山野,

余又愛一人漫步往返牯嶺至五老峯路上。一日歸途, 忽遭豪雨, 備極狼狽。 在屢遊中,

侍母。余與同遊廬山,

亦僅此一次。

稀有之遇,亦甚感興奮。 又一日, 偕賴君同下山南訪白鹿洞。 沿溪遊山南諸名寺。每坐寺外石橋上, 俯聽溪流,

深覺

散。 作解說。 作約略陳述, 余因問: 樂趣無窮。下午四時許, 一人語:「此軍人恐不得善終。 然後相余及賴君手, 又相寺中方丈及一侍者, 「君必別有所擅。」客答:「善手相。」是夜, 再請遍相諸人。 坐一寺客室中避雨, 」客云: 一余問: 「中國本有此術, 「君善相否?」客對: 遊客二十許人。 又遍及他人。 其相余與賴君手 我乃習自印度。」先出其手, 同宿寺中。 一軍人屢作大聲高語。 晚餐後, 「亦偶知之, **余語客**: 但非善相。 逐一 雨 願君先 Ŀ 紋路 客

问。相方丈及侍者手, 更見分別。一一堪與其先言相佐證。余後在成都遇兩善相者, 在香港又遇

知,輕以「不科學」三字斥之。又如國人讀論語, 一善手相者,皆有奇驗。因念凡屬流行人間者,亦各有其所以然。尤如中醫中藥,豈得以己所不 兩千餘年,人人讀之,然豈人人盡得論語書中

之妙理。高下深淺,自在讀者。

一語斥盡,亦僅見斥者之無理耳。

山中闢一生物研究所,余亦往遊。余與先驌素不相識, 余已遍遊廬山諸處。 因聞朱子曾駐五老峯, 遂一人往, 然聞其名久矣。此去亦未晤面。又念歐陽 獨住五六宵。時中大教授胡先驌, 在

永叔廬山高詩, 乃昔人登山處, 余恨未往。

五老,亦惟遊其處,乃虛慕其名,於吾心未留深切之影響,至今爲恨。 余之此遊,心慕陶淵明、 周濂溪 ,惜皆未至其處 。 其時朱子書則尚未精讀。故縱遊白鹿

分赴越南作聯絡訪問,將來於中越兩邦,或望有新發展。但此讓亦鮮應者。太平洋戰事起, 越南赴滇,又屢言越南受吾國文化薰陶,積數千年之久。今聯合大學同仁任課均減少, 授能分別前往考察研究,必對國家民族前途有新貢獻。此事無下文。而「七七事變」驟起。 造。以吾國疆土如此之廣大,社會情況如此之深厚,山川古蹟名勝如此之星羅而棋布, 是夏,余重由長江輪轉回無錫鄕間小住。返北平,曾建議學校,每學年教授休假,率出國深 可派 苟使諸 亦不 余由 部

ー

喫大不同。若不說明,幾不知其爲黃河鯉魚。蓋開封是一大都會,自北宋以來已歷千年**,** 師生,而較前遊爲盛。在開封曾獲河南大學盛宴,喫黃河鯉魚,乃與包頭、 第四次遠遊,在民二十六年春,乃自平漢路轉隴海路,遊開封、 洛陽、 潼關、 西安。 洛陽、 同遊者亦清華 濟南所 烹調日

益講究,乃不見其爲魚狀矣。

址。袁世凱特闢爲新兵訓練處,後又轉爲空軍基地。蕭條淒凉中, 大同、雲門,可謂風格迥殊,典型自別 。 市區惟有古董舖,亦皆小店肆。遊伊闕,愛其江山之美, 余尤愛徘徊其西北之飛機場, 乃留樹木數百株, 本西晉石崇之金谷園故 及石刻之古雅, 似乎每一枝 較之

上都留有歷史痕迹也。余極欲一遊孟津古渡,乃迫於行程,竟未去。

濟南。至開封之精製,則當別論。至於在包頭喫黃河鯉魚,其事常在心頭,其味實未留口齒間。 北望龍門,更感鯉魚之未化爲龍,乃爲余之盤中物。笑謂同餐者,一部二十五史中,五千年來之 余等於潼關特下車,一遊函谷關古道。又登潼關, **喫黃河鯉魚**, 魚味之佳,似勝於洛陽、

人物,如此盤中所烹,又幾許。則又嗟嘆不已。

又豈在此一端上, 好讀書,終不失爲同時軍人一佼佼者。至如毛澤東在北平接客室中,乃堆有大批古籍, 將此一批書名鈔錄,否則當爲對近代史知人論世一項大好材料。今亦無可記憶矣。然張學良亦知 閱書。余告同遊, 太后寢宮臥室,其動人更何啻千百倍。而余更注意大廳近南窗靠西壁一書架上,置張學良日常所 政府特派員同往。此爲委員長臥牀,此爲委員長跨牆處, 移時。而爲余等此遊特所注意者,乃最近蔣委員長爲張學良拘禁處。此事距余等之遊不百日, 赴西安,獲得遍遊郊內外名勝。有一處,傳爲王寶釧之窰洞。余等亦特去, 觀此架上書,可知張學良其人,及近日此事經過之一部分意義矣。惜當時忘未 則難於言之矣。余等遊華淸池其他所在,如貴妃入浴處等, 切器物陳列如舊 。 則僅一寓目而止。 在兩峽間, 較之遊故宮慈禧 知人論世 品茗

亜一時興趣俱已爲蔣委員長近事吸引以去矣。

學攝影。 十輛人力車在站等候。余等至,已入夜 。 路旁暴徒驟集, 遊西安畢,遂於歸途遊華山。先由省政府電話告華陰車站,有北平大批遊客來, 兩暴徒盡取之,並摘余臉上眼鏡去。其餘數十輛車, 兩人脅一車, 喝停。 余隨身僅一小皮篋, 余坐第一輛 , 隨後三四輛皆清華女學生。起程未半小 肩上掛一照相機, 大率盡规一空。 余忽念此遊華山 乃此行特購, 囑先雇數 俾

學生陪余重至规車處覓看,竟無得。廢然歸。一省府隨員來云,聞君失去眼鏡,我隨身帶有另一 回。 乃余平生一大事, 無應者。 余戴上,覺約略無甚大差。乃喜曰:「此行仍得識華山矣。」再三謝而別。 同遊挾余行抵宿處, 失去眼鏡, 何以成遊。遂急下車追呼: 余終不忘懷。 念暴徒或戴上眼鏡不適,棄之路旁,乃又邀 「余之限鏡乃近視!他人不適用, 請賜

暴徒蓋預聞余等行程,乃約集以待也。

眼鏡,

請一試。

想見前面山路之峻險矣。是夜,宿北峯一廟中。翌晨,再上路。出門卽一大橋, 同遊張蔭麟,忽欲止歩。余強挾之行,曰:「豈有在此止步者。」過橋乃重重險境, 線天 即隨身手杖亦當拋棄。並不得旁人扶持,必當一人獨行。 登山路。沿途見山石上鐫大字:「當思父母」、「及早回頭」等,可二十餘處。 **抵東峯一廟** 過橋卽摩耳崖。 遙望山下一塔, 由蒼龍嶺抵 亦可

在崖上, 不數級, 何忍失之。廟中人在峯下種菜蔬, 有一美國學生,新來淸華, 即石級亦不敢窺視。 即須轉身, 在空中翻從另一條石級下,故名「鶴子翻身」。 因必俯身,倘兩目一眩,卽墜身崖下矣。少頃,果拾得照相機歸。 隨身一照相機, 有一路,晨夕上下。諸生遂偕此美國學生同下。 失手墜峯下。 失聲大哭,謂其母新從美國寄來, 如是下者,可十許人。余等 沿崖有石級,

建築莊嚴。不知當年何從集合人力及材料,

在此興造。

誠亦人世一奇蹟也。

自此轉南道,旁有一險處,忘其名。旬前兩法國人在此墜崖身死,惟非正路所必經。我隊人

向前。 路。 名。 返。 **今歷諸險,已經千數百年來不斷與修,遠非往昔情況矣。** 不能動, 呼其起,此生起立,乃能隨隊過續。仍宿北峯。因告諸生, 窮一日之力,盡遊東、 幸皆無恙。大隊遊山,心意自壯,較之一兩人往遊,自又不同。再由正路抵落雁峯, 石級兩旁有鐵鍊,高不及膝,不能俯身手扶,亦不能兩人並肩行。 一人勇往,餘人隨之。乃木製狹閣,懸高崖外, 下臨千仭, 曲折而前, 抵一洞。 仍依原道 偶 余教其坐下,瞑目凝神, 轉朓, 兩側皆無地,自會心神震悸, 西 兆 數息停念,俟余呼,再起行。 中諸峯。 歸途再經蒼龍嶺,乃一狹長峭壁,砌石級舖成道 無以自主。余等三四人同行, 余等停其前可廿步許,十分鐘左 昔韓昌黎遊此不得下山之故事。 惟當各自下顧石級, 一生忽大呼兩足麻 欣悅莫 鼓勇

華山之一副眼鏡者。此副眼鏡余每珍藏之,至二十六年冬離平時,仍藏大書籍中。今則不知其何

及返抵北平,乃以余近著新出版之近三百年學術史一部,

郵贈陝西省府某委員,

卽贈余遊

在矣。

西南聯大

吳宓雨僧偕兩女學生亦來,陳寅恪夫婦亦來。寅恪告我, 民國二十六年, 雙十節過後, 余與湯用形錫予、賀麟自昭三人同行。 彼與余同病胃, 在天津小住數日,晤 每晚亦如余必進米粥

爲餐。俟到昆明,當邀余在其家同晚餐。吳、陳兩隊皆陸行,余與錫予、自昭三人則海行,

直至

香港。小住近旬。

受禍極慘,尙有屍掛樹端,未及檢下者。宿三宵。文學院在南嶽,遂又南下。在長沙車站候 北上至廣州,得晤謝幼偉,乃自昭老友。 又數日 , 直赴長沙。前日適大轟炸,一家正行婚

西南聯大

自午後迄深夜,

乃獲登車。至衡州下車午飯 ,三人皆大餓 ,

而湖南菜辣味過甚,

又不能下

嚥。

此 於諸室中爲最大。同室某君其家亦來,移住附近, 文學院在南嶽山腰聖經書院舊址。宿舍皆兩人同一室。余得一室, 余遂獨佔一室,視諸同人爲獨優。 聞前蔣委員長來南嶽曾住 南嶽

不一去。曾結隊遊方廣寺, 勢縣延, 四人至數十人不等, 諸峯駢列, 或一人獨遊,幾於常日盡在遊山中。 而山路皆新闢, 乃王船山舊隱處, 平坦寬濶, 宿一宵, 易於步行。 尤流連不忍捨。 足跡所至,同人多未到, 余乃以遊山爲首務, 又一淸晨獨自登山, 或結除同遊, 祝融峯又屢去 在路 Ξ Ш

上積雪中見虎跡,

至今追思,

心有餘悸。

初集。 矣。又讀汪龍溪、 後在宜良撰寫國史大綱擇要錄入。 懵國史大綱爲求簡要,所鈔材料多不注明出處, 除遊山外, 余專借宋明各家集,爲余前所未見者,借歸閱讀, 每逢星六之晨, 羅念菴兩集,於汪學得失特有啓悟。皆撰寫專文。是爲余此下治理學一意歸向 必赴山下南嶽市, 有一圖書館藏有商務印書館新出版之四庫珍本 皆有筆記。其中有關王荆公新政諸條, 後遂無可記憶

於程法之最先開始。

有新悟,追悔所撰近三百年學術史顧亭林一章實未有如此清楚之見解, **遂向友人携此書者借來細讀,幸未見甚大失誤處。** 余每週下山易借新書。 日, 忽覺所欲借閱者已盡, 然念若今日撰此稿, **遂隨意借一部日知錄,** 恐有失誤。 恐當與前稿有不同 返山閱之, 而手邊無此 忽覺

處。 從知厚積而薄發, 急速成書之終非正辦也。

加思。 第二章論理氣下附論心性,又加第三章論鬼神, 朱子論鬼神亦多新創之言, 論理氣, 約兩日後再來。 日傍晚, 不及心性,一取一捨,恐有未當。又中國無自創之宗教,其對『鬼神』亦有獨特觀點, 余告以:「中國理學家論『理氣』必兼論『心性』,兩者相輔相成。今君書,獨 馮芝生來余室,出其新撰新理學一稿,囑余先讀,加以批評,彼再寫定後付印。 君書宜加入此一節。今君書共分十章,鄙意可將第一章改爲序論, **庶新理學與舊理學能一貫相承。」芝生云,**

於

講 上進, 語語針對芝生而發。謂:「青年爲國棟樑,乃指此後言, 以資鼓勵。 豈今日諸生便卽爲國家之棟樑乎?今日國家困難萬狀, 中央政府又自武漢退出, 芝生先發言,對赴延安兩生倍加獎許。 余繼之,力勸在校諸生須安心讀書。 非指當前言。若非諸生努力讀書, 能求 不啻

又其前某一日,

有兩學生赴延安,

諸生集會歡送。

擇露天一場地舉行,

邀芝生與余赴會演

是。 余決不以爲然。 諸生去此取彼,其意何在?」 散會後, 擔任艱鉅,標準當更提高。目前前線有人,不待在學青年去參加。況延安亦仍在後方, 但不該對赴延安兩生加以責備。」余謂:「如君獎許兩生赴延安,又焉得勸諸生留校安心讀 有此兩條路, 兩人力辯, 擺在前面, 芝生終於不懽而去。 此是則彼非,彼是則此非。 余歸室。 芝生即來,謂「君勸諸生留校安心讀書, 然芝生此後仍携其新成未刊稿來盼余批評, 如君兩可之見,豈不仍待諸生之選擇。 非前 其言則 線。 此

亦難得。

床, 閒談,各自埋頭, 書至少已逾十年, 課抄筆記寫綱要,逐條書之,又有合併,有增加,寫定則於逐條下加以紅筆鈎勒。 前。時一多方勤讀詩經楚辭, 一室,而尚留一空床,則以余充之,亦四人合一室。室中一長桌,入夜,一多自燃一燈置其座位 可勿在此妨礙人。」有鼎只得默然。雨僧又言:「限十時息燈,勿得逾時,妨他人之睡眠。」 各已定居。有吳雨僧、聞一多、沈有鼎三人,平日皆孤僻寡交遊,不在諸人擇伴中,乃合居 Ħ, **余登山獨遊歸來**, 所爲何來。 在此流寓中上課,其嚴謹不苟有如此。沈有鼎則喃喃自語: 」雨僧加以申斥: **週新見解,分撰成篇。一人在燈下默坐撰寫。雨僧則爲預備明日上** 始知宿舍已遷移,每四人一室 。 不久卽當離去 。 「汝喜閒談,不妨去別室自找談友。否則早自上 「如此良夜, 時諸人皆各擇同 雨僧在清華教 儘可

起,始重返室中。 雨僧先起, 余與兩僧相交有年, 一人獨自出門,在室外晨曦微露中, 亦時聞他人道其平日之言行, 出其昨夜所寫各條,反覆循誦。 然至是乃始深識其人, 俟諸人盡

卓絕處。

非日常相處,

則亦不易知也。

赴越南入滇。余則加入諸教授赴廣西之一隊。 同隊數十人, 附攝影, 桂林過新年,是爲民國二十七年。並暢遊桂林城內外諸名勝。又命汽車先由陸路去陽朔, 車來接諸教授往遊, 時學校已決議諸生結隊偕行,由陸道步行赴昆明。以余健行,推爲隊長。其時廣西省政府派 心嚮往之。乃辭去陸行隊長之職,由聞一多任之。又有另一批學生, 余慕桂林山水,曾讀葉恭綽所爲一遊記,詳記桂林至陽朔一路山水勝景, 分乘兩車抵桂林, 自由經香港, 適逢歲底, 而余等 乃留 海行 叉

則改雇兩船由漓江水路行。途中宿一宵, 「桂林山水甲天下, 陽朔山水甲桂林」。 兩日抵陽朔。 其實山水勝處,尤在自桂林至陽朔之一

帶水路上。 船尾小船上, 旣登船,或打瞌睡, **俾得縱目四觀** 盡情欣賞。 或閒談, 或看小說,或下棋。兩船尾各繫一小船,余則一人移坐 待中午停船進餐,余始返大船。餐後,又去小船獨坐。

一一 西南聯大

我等經君一語提醒, 亦得恣賞此一境。陽朔山水甲天下, 幸未失之交臂也。 此而判爾。」眾人遂皆移情縱觀。亦有隨余同赴小船者。及傍晚,抵陽朔。或言君所語誠不差, 奇者。若諸君亦盡情觀察,遇此下山水更有出奇勝此,則更不負吾儕之此行。吾言然否,亦可由 程,汝謂後無此奇, 中精神, 回大船告諸人, 其兩岸諸山結構奇巧,眾峯林立,或緊或鬆, 待停船晚餐, 意觀賞, 再返大船。 「此處乃此行山水極勝處, 又從何言之。」余答:「此乃余據一日又半之經驗,覺山水結構更無如此之 勿失去此機會。」或言:「汝謂前無此奇,庶或有之,此下尙有過半日之路 **翌晨,余又一人去小船,人皆以爲笑。忽到一處,頃已忘其地名,** 一路風景無此之美, 或矮或高,水路曲折, 此下亦將無以踰此。 移步换形, 益增其勝。 盼諸 君集 余急 余覺

醫院。余等漫遊數日去昆明, 此下經廣西南部諸城市, 直過鎭南關。馮芝生一臂倚車窗外,爲對來車撞傷,至河內始得進 芝生獨留,未獲同行。

可言,乃不加入。 言已在河內醫院中細思, 越四十日,芝生來昆明, 加入『鬼神』 文學院即擬遷蒙自。 一章。卽以首章移作菸論。惟關『心性』一部分, 臨時集會, 請芝生講演。 芝生告余: 「南嶽所 屢思無

余常聞人言, 芝生治西方哲學, 依其淸華同事金岳霖所言。其論中國哲學, 亦以岳霖意見

爲主。特以中國古籍爲材料寫出之,則宜其於「心性」一面無可置辭也。 聽余作有關宋明理學之講演, 「鬼者歸也,事屬過去。神者伸也, 而屢來余室。則芝生之出示其新理學一稿,乞余批評, 事屬未來。」指余言曰: 惟在南嶽, 金岳霖亦曾 或亦出岳霖 「錢先

在, 故當面揶揄如此

H,

生治史,

卽

鬼學也

我治哲學,

則神學也。」是芝生雖從余言增「鬼神」一章,

而對余餘憾猶

乃炸藥,

送

之意。是日講演,

芝生謂:

之事也。 余與自昭旣下車,遂改計另乘車去安寧,宿旅店中。 遊附近一瀑布, 樹,清幽絕頂,闃無遊人,誠堪爲生平未到之一境。余兩人久坐不忍去。 前路開山者。余與自昭心懼,臨時下車。此後在昆明數年中, 圍羣聚而觀。 酷嗜圍棋, 房中讀書, 囊已傾, 乃不禁往來轉頭向室中窺視。 無以付旅館費。 余約自昭兩人同遊大理,已登入汽車中,見車後絡續載上大臟袋。詢之, 余則漫步旅店走廊上。忽見一室門敞開, 詢之, 旦戒絕, 乃有名之圍棋天才吳淸源, 至是已及二十年, 乃作書以此間風景告錫予等囑速來。 老者見之,招余入,謂余當好弈。彼係一雲南軍人,卽此旅館之主 憶在北平中央公園, 曾見一童, 立椅上, 然余亦未動心擠入觀眾中同觀。今日閒極無事 室中一老一幼對弈。 乃竟未獲機去大理,是亦大可追 用意實求濟急。 余在梅村小學教書時, 明日再來。 積水成潭, 日, 與人對弈。四 不意數日行 自昭坐旅店 四圍 叢

===

卻, 匆促即去。而余兩人俟<u>錫子</u>諸人來,亦盤桓不兩日而去。余之重開弈戒, 遂與對弈。老人又言,君可儘留此,暢弈數日,食宿費全不算。不意當晚,此老人得昆明來 **對弈者,乃其孫。告余姓名,已忘之。邀余同弈。余告以戒此已二十年矣。老人堅邀,** 則自此行始。 不能

見報載夏令營旅遊各地乃在路南,係另一地名,而余誤以爲在宜良,遂種下余此下獨居宜良一段 宜良, 窗外告余,此處即宜良,亦雲南一有名勝地。並曰:「君卽觀兩旁山色可知之矣。」實則當日所 不久, 遊瀑布山洞石林諸勝,美不可言。余大聲曰: 西南聯大文學院定在蒙自開課, 余等遂結隊往。火車中讀當日報紙,見有一夏令營在 「宜良何地,乃有此奇景。」旁坐一友,指

因緣。亦誠一奇遇也。

突。 北大兼課。故余兩人乃素稔。崇竑每晨起必泡濃茶一壺,余常飲之,茶味極佳。 蒙自乃舊日法租界,今已荒廢。 余等單身則住學校,兩人一室。 又重來守此終老。 聯大旣至,諸教授携眷來者皆住此旅館中, 有希臘老夫婦一對, 與余同室者,乃淸華歷史系主任劉崇竑, 在此開設一旅館,不忍離去。 切刀叉鍋碗雜物爭購 治西洋史, 附近有安南人開 曾一度回 亦在

設一小咖啡店, 余等前在河內飲越南咖啡而悅之,遂亦常往其店。 河內咖啡店多懸兩畫像, 爲

關公 則孫中山先生。茈店亦然。店主人有一女,有姿色, 一學生悅之,遂棄學入贅。 一夕有

男女兩學生同臥一教室中桌上,爲其他同學發現,報之學校,遂被斥退。一時風氣乃出格如此。 四圍有人行道,又有一茶亭,升出湖中。 師生皆環湖閒遊。 遠望女學生一

蒙自學生。 **隊隊,孰爲聯大學生,孰爲蒙自學生,** 學校附近有一湖, 蓋衣裝盡成一色矣。 聯大女生自北平來, 風氣之變, 衣裝迥異, 其速又如此。 望可辨。 本皆穿襪。 但不久環湖盡是聯大學生, 但過香港, 乃盡露雙腿。 蒙自女 更不見

生亦效之。

短裙露腿,

赤足納兩履中,

中, 驚惶逃避, 入春來, 值雨季, 不可言狀。 連旬滂沱, 及雨季過, 不能出戶。 湖水皆盈, 城中亦罷市。 乃成一極佳散步勝地。 其時最堪憂懼者, 出學校去湖上, 先經

乃時有巨蛇進入室

堤, 堤上一門, 有一横扁, 題「秋至楊生」四字。 初不解其意。後乃知入門一路兩旁皆種楊柳,

每日必至湖上,常坐茶亭中,移晷不厭。 雨季過, 即交秋令, 楊柳皆發芽, 綠條成蔭, 更爲湖光生色。柳皆春生,惟此獨秋生也。 余自此

皆婉拒。 Ħ, 嗣念室中枯坐亦無聊, 北大校長蔣夢麟自昆明來。入夜,北大師生集會歡迎, 乃姑去。諸教授方連續登臺競言聯大種種不公平。其時南開校長 有學生來余室邀余出席。 兩邀

西南聯大

張伯苓及北大校長均留重慶, 惟清華校長梅貽琦常川駐昆明。所派各學院院長, 各學系主任,

此, 有偏。 列舉不已。一時師生羣議分校,爭主獨立。余聞之, 不禁起坐求發言。 如文學院長常由清華馮芝生連任, 何不輪及北大, 如湯錫予, 豈不堪當一上選。 主席請余登臺。 其他率如

「此乃何時, 他日勝利還歸,豈不各校仍自獨立。今乃在蒙自爭獨立,不知夢鱗校長返重慶

將從何發言。」余言至此,夢麟校長卽起立羼言:「今夕錢先生一番話已成定論, 上起爭議,當另商他事。」羣無言。不久會亦散。 隔日下午,校長夫人親治茶點, 可弗再在此題 招余及其他數

有同事陳夢家, 先以新文學名。 余在北平燕大兼課, 夢家亦來選課, 遂好上古先秦史,

又治

曾有茶會,余未參加,其夫人至是乃新識也。

位教授小敍。夢麟校長在北平新婚,

與。 龜甲文。其夫人乃燕大有名校花, 及是夫婦同來聯大。 其夫人長英國文學,勤讀而多病。 追逐有人, 而獨賞夢家長衫落拓有中國文學家氣味, 聯大圖書館所藏英文文學各書, 遂賦歸 幾於

而彼夫婦亦特喜與余遊。 無不披覽。 師生羣推之。 常相過從。 夢家在流亡中第一任務, 夢家尤時時與余有所討論。一夕,在余臥室近旁一曠地上, 所至必先覓屋安家。 諸教授羣慕與其夫婦遊,

夢家勸余爲中國通史寫一教科書。 **激記體裁,就所知各造長篇暢論之。所知不詳者,則付缺如。」夢家言:「此乃先生爲一己學術** 余 言 : 「材料太多, 所知有限, 當俟他日仿趙甌北廿二史

理, 地位計。 富, 門路多, 成一教科書,國內受益者其數豈可衡量。」余言:「君言亦有理, 意撰寫國史大綱一書,實自夢家此兩夕話促成之。而在余之國史大綱引論中,乃竟未提及。及今 會一地, 覓得一機會,當俟他日平安返故都乃試爲之。」|夢家曰: 余當改變初衷, 先生只就平日課堂所講, 「如此當爲全國大學靑年先祝賀,其他受益人亦復不可計,幸先生勿變今夕所允。」余之有 不知又有幾許題材湧上心來,那肯盡抛卻來寫一教科書。 有志治史學者, 當受益不淺。但先生未爲全國大學青年計, 夢家續申前議, 先試成一體例。體例定, 謂:「前夜所陳,先生意竟如何?」余謂:「茲事體大,流亡中, 隨筆書之,豈不駕輕就熟, 如君言,在此再留兩年,亦或可倉促成書。」夢家 而讀者亦易受益。」余言:「汝言甚有 「不然, 容余思之。」又一夕, 如平安返故都, 不如今日生活不安, 亦未爲時代急迫需要計。 先生與趣廣, 書籍不 又兩人 恐不易 先

得閒暇落筆。因念宜良山水勝地,距昆明不遠, 可暫借。 期淸閒, 不久,忽傳文學院決於暑假遷返昆明。 余立促其通函商請, **庶得山水之助** 可以閉門撰述。 得覆函允可。 余大喜,遂決一人去宜良。 友知余意, 余聞之, 大懊喪。 方期撰寫史綱, 倘獲卜居宜良, 謂識宜良縣長, 以半星期去昆明任課, 有一別墅在西郊山中, 昆明交接頻繁, 尚得半星 或 何

聞夢家已作古人,握筆追思,豈勝悵惘。

北平藏衣箱底層夾縫中携出,至南嶽蒙自又續有添寫。 在北平始授此課, 施令,儼如在軍遇敵, 爲總指揮。三餐前,雨僧挨室叩門叫喚,不得遲到。及結隊避空襲,連續經旬, 解渴, 出門, 試占, 襲。 院有鬼, 清靜, 得不倍加珍惜。 空軍基地無恙, 法國醫院距空軍基地不遠, 時錫子、 下午四時後始歸。醫院地甚大,曠無人居,余等七人各分占一室,三餐始集合, 得節之「九二」,繙書檢之,竟是「不出門庭兇」五字。眾大驚。遂定每晨起,早餐後卽 擇野外林石勝處, 乃更約吳雨僧、 君等乃不惜與鬼爲鄰, 自昭皆惜蒙自環境佳, 數日後, 先一日必作準備, 法國醫院亦無恙。此下遂漸安。開學期近,各自治裝,錫予、 眾莫敢違。然亦感健身怡情, 沈有鼎及其他兩人,共余七人,借居舊時法國醫院。 或坐或臥,各出所携書閱之。隨帶麵包火腿牛內作午餐,熱水瓶中裝茶 敵機果來, 果有空襲,乃成危險地帶。沈有鼎自言能占易。某夜,眾請有鼎 七人亦意不爲動,遂遷去。不久,又聞空軍中漏出音訊, 寫錄所需史料, 學校旣遷,留此小住, 乃誤炸城中市區, 逐月逐年逐項加以添寫, 得未曾有。 此乃余日後擬寫史綱所憑之惟一祖本, 多處被轟燬,受禍慘烈。 待秋季開學始去昆明, 余每出則携通史隨筆數厚册。 聞者謂, 積五六厚本, 切由 自昭兩人乃送 而城外僅受虛 可獲數月流連 傳聞法國醫 羣推 啊 當有空 僧 及離 雨僧 不 自

余去宜良。

綠布。 心寫吾書。 **樓眞靜僻**, 亦由木板拼成, 經樓前石階下,淙淙有聲, 上有圓拱形小石橋,四圍雜蒔花果。院左側又一門,門外乃寺僧菜圃,有山泉灌溉, 向北盡頭爲厨房。左側有一門,過門乃別墅所在。小樓上下各三楹,樓前一小院, 樓梯倚北牆。 縣長別墅在宜良西山岩泉下寺中。方丈先得命,出寺門迎候。 此爲余之書房兼臥室。外室兩楹, 寂寞不耐亦得耐。竊願儘一年,此書寫成,無他慮矣。 遊人所不到。明晨我兩人卽去, 上覆以布, 樓上分兩室, 滙爲池水, 備余放置雜物。 內室東南兩面有窗,西北角一床有帳,臨南窗一木板長桌上覆 由南牆一洞漏出寺外,故池水終年淨潔可喜。 臨南窗一小方桌一椅,供余三餐用。西側一大長方桌, 君一人獨居,能耐此寂寞否。」余言:「居此正好一 是夜錫予、自昭與余同臥外室地舖上。兩人言:「此 寺南向, 大殿左側爲寺僧宿 樓下空無 泉從牆下流 有 池,

招方丈來重商。 彼言: 妨,只分一份送上樓卽可。」不意所送極粗劣,幾不能下口。 「寺中膳食只如此,先生必改葷食乃可。」余言: 勉強兩日, 覺腹餓, 「在樓下安一灶極不方 又不消化。 フ๖

兩人去。

方丈卽來談余膳食事。 謂:「寺中皆蔬食,恐於先生不宜。

」余言:「無

便。」彼言: 見張媽衣履整潔,言辭有禮, 「國幣六元合新滇幣六十元,中晚兩餐可供一葷一素一湯,斷可果腹。」 「卽寺厨做葷食儘可。」因請物色一女傭。彼言: 大慰。 。 詢以膳食事,張媽言自信擅烹飪。 「適有張媽在此, 問以余伙食每月需價幾 **遂定議。** 可召來。」余

知張媽乃方丈早招來寺,備爲余供膳食也。

問 乃與此僧共之,皆由其事前安排布置。 不億何故, **張媽烹煮旣佳,又中晚兩餐蔬菜必分兩次在近寺農田購之,** 「和尙亦食鷄腿?」彼答: 忽於午餐後須出寺, 過厨房門,乃見方丈坐門側,手持一鷄腿, 「和尙不食鷄腿將何食。」又見灶陘上鷄湯一碗。 嗣又聞此僧在近寺村中有一家, 極新鮮。一日, 不時往返, 方得意大嚼。 張媽煮一鷄,余 事屬公開, 始知余之葷食 余不禁 則

此僧其他一

切亦不問可知矣。

各報館約,必草星期論文一篇,輪流分交各報。是日提早午餐後,赴距山八華里之火車站, 入夜則看淸史稿數卷,乃入睡。樓下泉聲深夜愈響,每夢在蘇錫鄉下之水船中。星四上午應昆明 余深愛之。必待天臨黑前始歸。 必去山下散步。 余伙食旣安, 每晨餐後必出寺, 由山之東側轉進一路, 後遇日短, 赴一山嘴, 則在晚飯前去。 兩旁高山叢樹, 遠望宜良南山諸峯。 除晨晚散步外, 夾道直前, 待其雲氣轉淡, 濃蔭密布, 盡日在樓上寫史綱, 絕不見行人。 乃返。

昆明。星期日一早返。

池旁建屋,

距寺向東八華里有一溫泉,余每於星期日返寺後,携陶淵明詩一册,一路吟誦去溫泉。 隔爲數室,從池上有石級,亦有矮牆分隔, 牆直下池中, 可使各室浴者互不相 乃一

睹。浴後可坐石級上,裸身作日光浴。濃茶一壺, 卽改星期一上午去,向午方離。 轉到宜良縣城中進午飯。 **胸詩一册,反覆朗誦,** 溫泉距城約亦八華里。 盡興始去。 或於星期日

下午不能去, 宜良產鴨有名, 一酒樓作北方烤鴨, 外加燒餅, 價 滇幣六元, 即國幣六角。余一人不能盡一鴨,

週來更換。 飽啖而去。 至縣立中學訪其校長, 校園中多盆景, 有百年以上之栽品, 得向其學校圖書館借書。有二十五史, 亦如在蘇州所見。盤桓小憩。又從城北行八華里 有十八通, 所需已足。每

返山寺,如是每週以爲常。 有北大同事一人, 夫婦同留學德國, 乃錫予老學生,歸來亦在北大哲學系任教。與余往來甚

出遊, 今惜忘其夫之名, 姑稱其妻曰「某夫人」。 一日淸晨, 某夫人忽來寺, 在南嶽又每日同桌共餐。有一姨妹, 則必命唱。及來昆明,其夫人亦來,不樂交際應酬,一人移居宜良城中。其夫其妹兩地往 在北大讀書,亦偕余等同餐。能唱平劇,效程豔秋。 適樓前一櫻桃樹花開 同

甚豔。余曰:「夫人適來,可賞此花。」某夫人言:「今晨特來邀先生作山遊, 不知能有雅興,

上行,至午始返。某夫人言:「先生健步,我亦自負能山行,半日追隨覺有倦意,先生神色談笑 肯犧牲此半日之寫作否?」余連呼同意,遂同出登山。山不高亦不峻,並無峯, 如常態,始知名不虛傳。」乃知某夫人實特來試余腳力也。 乃隨坡陀在山脊

激, 統風教遠被偏遠地如此。 登宜良城樓, 徘徊橋上不忍去。 後余又爲姚從吾夫婦在宜良城中覓一屋,介紹其遷來。於是余赴宜良,常往訪此兩家。 繞一週費時僅一刻鐘。又曾遊宜良南城外, 余又遊宜良南山下一溪,此山即余每晨在良宜寺外山嘴之所望, 一路節孝碑坊林立,可四十數。 中國傳 山聳溪 又曾

厅。 回, 已先往山中購得。 某夫人好遊,余常往山後散步,某夫人亦每至其地,謂極似德國黑森林。惟彼知余盡日撰寫,乃 不常來。 不兩日,方丈來告: 附近一山產名茶,今日彼擬往, 先生亦欲購取品嘗否? 彼不知余 實則余付款已較前日購價略增。 一散入城市, 日, 「我已言茶價貴,不敢自作主張,謹退回原款。」此僧之絞狠有如此。 某夫人又來。告余:: 卽覓購不易。 惟彼旣來, 姑付以錢若干**,囑**購茶三斤。 今適初採,可同往山中購取少許供日常品嘗否?」余又隨之往。 「距此二十華里有一山, 乃告之僅以此款購之, 產茶有名, 斤兩可勿計。 和尚言茶價甚貴,若許錢焉得購三 前淸時爲貢品。 晚歸, 余平居亦絕不與 和尚以原款交 惟產量不

其他諸僧交言。如需洗衣服,夜間置外室長桌上,翌晨張媽上樓送茶水,卽自取去。三餐僅呼請

用飯,亦可不與交談。乃有每星期四日半不發一言之機會,此亦一生中所未有。

去。 輕步上樓。見樓上又無人,乃漫步向南窗前。 **余亦未覺有人來**, 某日,有三四女學生突自厨房破門而入,殆覺院中極靜, 聞其呼聲及腳步聲,亦一驚。乃知是少女聲,又知必是三四人齊來也。山 忽見左側門內有人, 亦不敢作聲。 樓下旣無人, 大鷩狂呼, 踉蹌奪步下樓而 彼等乃

即此一事可知。

境, 邀余赴昆明講演。 誠所難遇, 及寒假錫予偕寅恪同來, 兄在此寫作眞大佳事。然使我一人住此,非得神經病不可。」亦有聯大學生來山 余日:「汝等已來此, 在樓宿一宵, 親見此環境, 曾在院中石橋上臨池而坐 。 **尚開口作此請, 豈不無聊。」諸生亦無** 寅恪言 「如此寂靜之

言。

而已。常有松鼠一羣,在樹葉上跳躍上下,一路抬頭皆可見,亦一奇景。上寺已成一道士院, 人絕少,每在此寫稿, 池石之勝。院旁一亭, 又有岩泉上寺。余居下寺,赴上寺一路石級,兩旁密樹,濃陰蔽天。卽當正午,亦日光微露 備遊人品茶之所。亭四圍矮牆有靠背可坐。更適眺矚。 半日始返。院中一道一僕,道士號靜菴,極淸雅。 余至, 必命僕泡佳茗。 **余常喜坐亭中,遊** 有

出嫁。 勞累, 嘗。道士又言,嵗春新穀初收,又有黃豆,彼必赴附近一市區收購若干,放置樓上頂屋中。 年十三四聰慧者,價不貴,可供灑掃洗滌烹飪一切家務。及其長,可納爲妾室,否則備小款代爲 價漲,商人來購去,一年生計盡賴此。先生出款少許,當代買代寶,不費一些心力。在我亦不加 必携鴉片來,自燒煙泡,命吸。謂,可長精力。此事相距已二十八年, 煙,必選精品自熬煮,屢強余一嘗。余十七歲暑,犯傷寒病,幾不起。病愈臥牀,余一叔父每夜 告余彼乃廣西人,八歲隨其家逃荒來此, 及家人歸, 余告其與北平大儒王國維同名,道士謂知之,並云亦愛讀其詩詞。隨口誦一兩首,其不俗如是。 先生 儻全家來, 而先生坐增收入,曷不一試。余亦婉拒。道士又言,此間習俗收養女,只在農村中擇少女 道士特闢出樓上爲余居, 能在此山長住,當一切爲先生代謀。其僕亦親切近人。 自寢樓下。張媽亦隨來照顧, 留之道院中,至今未離。靜產道士嗜鴉片 但仍留居下泉寺, **猶能回憶。** 余遂於後半年遷居 晨來夕去。 然終婉拒不敢 入夏

張媽以瓶揷花置余書桌上,其味濃郁醉人。樓下階前流泉,圍砌兩小潭蓄之。潭徑皆兩尺許,淸 上,彼必奉侍不輟。若先生他去,彼願在山上覓一地,築一小菴,爲尼姑終身。余在上寺心情較 泉映白瓷, 瑩潔可愛。張媽以中晚兩餐蔬菜浸其中,臨時取用,味更鮮美。張媽言,先生長住山

院中有一白蘭花樹,

極高大,

春季花開淸香四溢。

道士採摘赴火車站,

有人販賣去昆明。

昆明, 勝利後, 下寺更愉快。盡日操筆, 亦未遇及。 詢得其主人家地址, 余重來昆明, 人生乍變, 均已被鄉民撤除。 每念岩泉上寺,乃偕友特訪之。知曾駐軍隊, 返昆明後求未獲。靜菴道士亦窮苦, 良可嗟嘆。 僅道旁尚留有石碑數處, 最近余在香港晤偉長姪, 約略可想見其遺址。余聞之, 聞僅賴白蘭花度日。 告余彼夫婦近赴昆明, 情形大非舊況。 聞張媽 余去, 不勝 抗戰 適彼 已去

五

宜良訪上、

下寺。

見。 寒假無人,極爲淸靜。 教授李埏,前在北平師範大學曾聽余「秦漢史」一課,家在路南。 人,今已忘其是何人, 尤奇者, 距此尚遠。 須乘火車赴路南站, 余住宜良, 在山前一大草坪,草皮平舖, 即探問石林、瀑布、 先一日來宜良下寺。翌日, 首日遊石林, 改乘山轎, 山洞諸勝。 遍山皆石筍嶙峋, 青葱可愛, 數十里乃達。而途中又時有意外。 乃知當年確有夏令營在此, 李蜒來, 大石筍皆平地拔起, 或大或小, 同赴路南, 乃約余以年假往。 簇立無可計數。 當晚借宿城外一學校中, 而所遊諸勝皆在路南 高聳雲霄。每一筍皆 後知雲南大學 洵平生所未 又另約 一

西南聯大

大詩人來此吟詠, 究,由何因緣,成此奇構。全世界惟西歐瑞士有一處與此略近似, 桂林城內外有山, 筍下部。 作扁圓形, 失真, **厧若置身另一天地中。宇宙非此宇宙, 人生亦非此人生矣 。** 卽當時影像亦復捉摸不到。 又數十筍錯綜圓拱於外, 寬盈丈, 亦平地拔起,惟此處乃羣石拔起爲異耳。地質學家僅言自然形成之經過, 亦無大畫家來此描繪。 余不能詩, 愈上愈狹,成尖形。 **儼然若經天工設計**, 惟恍惚猶知其爲生平一奇遇而已。言之良可嘆也。 一排七八筍,排列作圓拱狀, 亦不能畫,及今又逾四十年, 成此巨製。 李埏告余兩人,經地質學家研 此外更無他處可覓。 余等徘徊流連其下, 極整齊。 有長文篆刻諸石 追憶模糊, 因念在 俯仰欧 恨無

上, 便, 瀑布。 宜興張公、 因憶又二十年遊美加兩國交界處尼加拉瀑布, 從山上直赴瀑布源頭處, 第二日另一路去遊山洞。 乃如在庭院中城市中。惟上有天,下有水,大自然景象轉換成兒童玩具,更何奇麗可言。 李蜒云, 善權兩洞, 恨不識瀑布真面目,惟聞澎湃巨響,又怕失足下墜,神魂惶恐, 比貴州某大瀑布更大。 有一洞與此略類, 漸逼近, 洞中石乳下滴,凝成諸石筍倒懸。 乃聞路旁泉聲轟豗, 余前遊廬山及他處, 已忘是何洞。 亦登其上源,但已經人工製造,遊人倚石欄上 而此洞尤大, 愈前愈厲, 凡遇瀑布, **猶憶前在無錫第三師範時,** 非宜與兩洞可比。 三人語不相聞。 必迎面仰觀。 亦忘其置身何處 此次則因路 至瀑 出洞遊大 布頂 曾遊

乃回頭尋其源頭所在,亦如遊一園林, 更無奇處。 直到一大湖邊, 乃知此是瀑布上源而已。 較之

當時余三人在路南所歷,天地已失原形, 人生亦無多趣味矣。

又得此一奇。洵知天地誠多奇,人生亦儘可多得之。惟在無意中偶得之,乃更佳耳。 盡沒在一片轟豗中。亦可謂無天地,無人生,惟此一片轟豗而已。乃不謂今日於山洞瀑布以外, 聲勢獨壯。途中遇得一堆巨石在急流中, 余等爲時間所限,不能再到山下瀑布正面觀賞, 余等設法攀登其上,各擇一石,仰臥默聽, 只循瀑布下流, 遵水而行。 一路水勢奔騰, 天地人生又

兩日遊畢,乃作歸計。李埏云:「路南羊乳乃全省所產之最佳者,必當一嘗。」 因億,一日

在昆明, 而去。今日當試一嘗,眞大可口。乃歸告錫予, 偕錫予兩人在城外某一酒肆午餐,主人特贈羊乳一碟。余與錫予初未嘗過, 同赴酒家再試嘗之, 錫予亦甚贊不絕。 乃婉謝再四 飲食小

節, 亦多交臂失之,誠可笑也。

到, 車。 時間匆促, 火車在中午十二時左右抵站, 余每星四上午赴昆明,必赴車站旁一小咖啡店小坐。店主候火車到,爲余代携書包, 出火車站逕乘人力車直奔課室。途中買蛋糕, 途經數十山洞, 於下午五時後抵昆明。 卽在人力車上食之充飢。 余課排在晚七時, 課室中多 及

送余上

校外旁聽生, 爭坐滿室。 余需登學生課桌上踏桌而過,始得上講臺。課畢, 已夜九時。乃由學生 二三五

陪赴市中餐館進餐, 待返宿舍, 已深夜。 兩日日間均無事,常有學生來邀出遊, 星五星六兩天有課, 亦盡排在夜間。 星五晨起, 昆明附近諸勝地 即瀏覽

二三六

幾於足跡無不到。

在宜良山中所未能寓目之報紙。

除此外,

旋渦, 須先放水,隔幾小時後始可浴。遂至鎭上閑遊, 日,約錫予、 在宜良昆明往返途中過一山,每見山南下一大池, 曾有兩法國人駕舟探之,誤近旋渦邊緣,卽爲旋渦捲去, 人舟俱沒 。 自此卽沿岸亦無行 自昭諸人前往, 知其有溫泉,遂赴某旅館作溫泉浴。 見湖水平漾,乃無遊艇。詢之,知湖中心有一大 固不能與昆明湖相比, 溫泉熱度甚高, 然每念必有可遊。 可熟生雞。

舟。

環湖勝地乃不開發。余等廢然返旅館,午餐後,浴溫泉卽歸。

爲適之密友,在北平時, 國史大綱稿旣成,寫一引論載之報端, 常在適之家陪適之夫人出街購物, 一時議者関然。 聞毛子水將作一文批駁。 或留家打麻雀。 及見余文, 子水北大同 憤慨

不已,但迄今未見其一字。或傳者之訛,抑亦事久而後定耶!張其昀曉峯來昆明出席中央研究院 評議會,晤及陳寅恪。 寅恪告彼: 「近日此間報端有一篇大文章,君必一讀。」 **廃峯問** 「何題

印出, ?」乃曰: 余特函寅恪, 「錢某國史大綱引論。」曉峯遂於會後來宜良, 恐書中多誤,幸直告。寅恪答書,惟恨書中所引未詳出處, 宿山中一宵, 告余寅恪所言。 亦一憾也 難以偏然 檢。 後此書

者。其時尚在對日抗戰中,滯留北平學人,讀此書,倍增國家民族之感。聞錢玄同臨亡,在病牀 載。又北大學生張君 , 已忘其名 , 在上海得余灾綱商務所印第一版,携返北平,聞有整書傳鈔 十餘事。史綱重慶再版時,余特以繆文附載書末。後屢印新版 ,乃始一一改定 ,繆文遂不再附 向不讀錢某書文一字。彼亦屢言及西方歐美,其知識盡從讀東方雜誌得來。」 讀彼書文一字,又從何知此之詳。」孟眞亦無言。曉峯南高同學繆鳳林贊虞,獨舉余書誤引出處 作一教科書, 越有年, 史綱出版, 宜力求簡淨, 曉峯一日又告余,彼在重慶晤傅孟眞, **惜篇**福, 所引材料多略去出處, 今乃無可補矣, 詢以對此書之意見。孟眞言: 曉峯言 「君旣不

犯,軍中必有熟此書者。 略知軍事地理, 余在昆明時,有聯大學生赴湖南、 隨身盼携帶顧祖禹讀史方輿紀要一書,卽就湖南江西兩章細加閱讀。 如其在天津,不沿京津鐵路進軍, 江西前線者,臨行前來求贈言。余告以諸生赴前線, 而改道破涿洲, 直渡太湖逕犯廣德, 切斷平漢鐵路, 則已至南京 余觀日軍來 首當 則北

亦有治學迷途之歎云。

平乃在包圍中。

又其在上海不逕沿京滬鐵路西侵,

而廣備船筏,

西南聯大

八十億雙親師友雑憶合刋

之肘腋間。 可知相爭要害之所在矣。聞者赴市肆購此書,乃不易得。告之校方, 此皆攻我軍之不備,而實爲歷史上軍事相爭一必攻必備之地。 設法從重慶成都覓之。 能讀顧氏方輿紀要, 校方 則

齊魯大學國學研究所,此事遂已。余去成都後, 因此盼余能在下學年開「軍事地理」一課,爲後方諸生講授大要, 亦從未爲學生講授此課,亦以主學校行政者,皆 余亦允之。 後余決意去成都

不知變, 故不知有講此新課之必要也。

必爲其入侵吾國之野心者所發起。余在<u>北平時亦嘗以告人,而不謂余語之竟驗也。後余又讀</u>日人 厭其詳,故知日人於此書必有特加重視者。癰川未能免俗,乃備引不厭。而日人之重視此書,則 此書考證實疏, 余之知日軍中知重顧氏此書,乃自抗戰前在北平讀日人瀧川氏之史記會注考證一書而知之。 而凡遇一地名必詳引顧氏書。旣於古今地名沿革未能詳加考證, 而獨引顧氏書不

有爲顧氏此書作索引者,乃益信余初料之不誤。

一二 成都齊魯大學國學研究所

北平來滬,返蘇州。余在昆明,臨行前,韻剛來訪,彼獲流亡成都之山東齊魯大學聘,任其新設 印。乘便赴上海,歸蘇州探母。錫予同行,在上海接其眷屬從北平南下,同返昆明。余家亦同自 國學研究所主任職。實則此事由頡剛向美國哈佛大學燕京學社協商得款,乃始成立。頡剛來邀余 余草國史大綱旣畢,適昆明方屢遭空襲,乃於民國二十八年暑假携稿去香港交商務印書館付

余與錫予先同至河內, 乘海輪赴香港。時商務印書館已由滬遷港,余將稿交王雲五,

成都齊魯大學國學研究所

同往。

適北大歷史系同學同來聯大者,至是已全部畢業。余允頡剛之約。惟旣擬歸蘇州,

始去成都。顧剛亦允之。

商請儘

須秋後

速付印。 雲五允之。遂抵滬,知余眷已先返蘇州,錫予乃偕余同赴蘇州。 自離昆明途中,

錫予詢

闡幽發微,讀之可稍窺涯涘,省多少精力。盼兄賡續此下隋唐天台、 佛學,當可更資開拓。」余言:「讀佛藏如入大海,兄之兩漢三國魏晉南北朝佛教史, · 炭綱已成,此下將何從事?余詢錫子意見。錫予謂:「儒史之學君已全體窺涉, 禪、 華嚴中國人所自創之佛 此下可旁治 提要鈎玄,

鉅, 言:「自十八歲離開學校,此途已蕪,未治久矣,恐重新自ABC開始, 學三大宗,則佛學精要大體已盡,余惟待君成稿耳。」錫予謂:「獲成前稿, 無力再任。兄如不喜向此途鑽研, 改讀英文, 多窺西籍, 或可爲兄學更闢一新途境。」 送 無此力量。」及返蘇州 精力已瘁,此下艱

獲見老母,決心侍養一載,不遽離膝下。與錫予遊街市,見公私書籍流散滿街,有一書攤,盡是 西書,皆自東吳大學散出。 余忽動念,囑錫予爲余挑選 ,此一年當閉門勤讀 。 錫予爲余擇購三

今已一册不在手邊。生活日窘,又欲多購西書何爲。且以一年精力,讀此三書足矣。」竟不許余 書,余嫌少,囑更多購。錫予謂:「兄在北平前後購書五萬册,節衣縮食,教薪盡化在書架上。

多購。越兩日,錫予卽返滬。

余之國史大綱稿, 既交商務印書館, 仍由上海舊印刷廠付印。 當時規定, 書籍著作須經中央

某處審查, 始可出版。 審查凡分三例。 審查通過卽出版。二,依照指示改定後始出版。三,

遵照指示改定後, 須呈請再審。 上海商務舊廠將余之史綱稿送重慶審查, 批回屬第三類。 批云:

不知余在何處, 一此書出版當獲國人重視, 付印事遂擱置 故尤當鄭重。」商務得此批示, 即函昆明西南聯大告余,久不得覆。

余在蘇州, 久不聞此書出版,親往上海商務舊廠探詢。乃得讀審查處批示。所命改定者,

盡

弟, 府, 論。 云 「洪楊之亂」一章。批示需改「洪楊之亂」爲「太平天國」。章中多條亦須重加改定。余作答 凡本書指示需改定語, **創建中華民國,始是一項正式的民族革命。至於洪楊起事,尊耶穌爲天兄,** 創建政府稱爲太平天國, 「孫中山先生以得聞洪楊故事,遂有志革命, 可由審查處逕加改定。 又所至焚燬孔子廟, 此由中山先生親言之。但中山先生排除滿清政 原著作人當保存原稿, 此斷與民族革命不同。 俟抗戰事定, 前後兩事絕不當相提並 洪秀全自居爲天 再公之國

以待國人之公評。」審査處得余函, 乃批示可一照原稿印行。 運銷後方。 此後海運即斷, 然已爲此延遲近半年。 不得再送,乃

改在重慶以國難版發行。 · 定綱出版後,僅最先一批書數百本得海運送

河內, 余此後在重慶成都各地,見各處室內懸掛中山先生畫像, 始注意到畫像

成都齊魯大學國學研究所

二四二

下附中山先生年曆, 第一項卽爲洪楊起事年月,第二項始爲中山先生之生年。 則一事之論定, 則無怪審查處之鄭

宜非可率爾期之矣。

重將事也。

以後此項畫像遂少見。

Ξ

名考者, 光秀中。盡錄三家原注,再以今地名附之,略道其所以卽止。或一家注得之, 华日讀英文,餘半日至夜半專意撰史記地名考一書。該書體裁別出, 家注得之,其餘一家失之。皆不繁論。只讀余書先後之排列卽可知。從來爲春秋地名考、戰國地 **姎記全書逐一地名已考訂無遺。儘取材於三家注。如韓世家一地名,其地實在魏,** 樓窗面對池林之勝,幽靜怡神, 絕大,三面環水,大門外惟一路通市區,人跡往來絕少。園中樓屋甚偉,一屋題「補讀我書樓」。 及是乃決意擴大範圍通考史記地名。獲遷居一廢園中,名耦園。不出租金,代治荒蕪卽可。園地 余通函頡剛, 書已多有, 獲一年薪水當另有撰述以報。余撰先秦諸子繋年畢,卽有意續爲「戰國地理考」, 請假一年。頡剛覆函,允薪水可照發,囑余開始編齊魯學報, 未有如余此書之簡淨者。余乃得以一年之力完成此書。 幾可駕宜良上、下寺敷倍有餘。余以侍母之暇,晨夕在樓上,以 辭簡義盡, 餘兩家失之。 篇幅不甚大, 首期在上海接沿 則移之入魏地 或兩 丽

余先一年完成國史大綱,此一年又完成此書, 兩年內得成兩書,皆得擇地之助。可以終年閉

蘇州則有園林之勝,又得家人相聚,老母弱子,其怡樂我情, 絕不與外界人事交接。而所居林池花木之勝,增我情趣, 更非宜良可比, 淘余生平最難獲得 又可樂此而不疲。 宜良有山水,

之兩年也。

此等, 意者, 小說。 讀,纔能心知其意,豈讀字典而可知,亦豈訓詁所能爲功。所謂英文歷史書中之特有名字,較之 讀屢見, 者有日, 典。每一句皆有注,讀注文,即可通, 余以半日力讀英文,先讀太人國與小人國一書。有中文譯注, **豈不易知易曉,** 余在此始悟。 余以史綱方成, 然余當時忽不耐煩,不願再讀。 亦復心知其意,乃大喜悅。不識之字漸成熟識, 乃竟不繙字典卽可知其大義。 乃念讀中國書,如讀論語孟子,仁、義、禮、智、性、命、情、 難相比論。余讀此西洋通史原文僅到三分一,卽感大愉快。竟在一年內, 亟喜讀之。始苦其難, 即忽略生字不問, 又一書全屬英文,乃當時最通行之世界史, 約一週, 每一行必遇生字,逐一須繙字典,苦不堪言。 此書卽讀完。 **遇歷史上特有名字,** 口雖不能言, 另一書亦與此同, 中英對列。 心中已領略, 初不解其義, 每一生字不煩査字 亦一中英對照之 由美國兩學者 氣 所謂心知其 屢讀多 但續 如是

此書通讀無遺。此乃余中年以後讀書一新境界。使余如獲少年時代。亦當年一大快事也。

成都齊魯大學國學研究所

. 史記地名考及讀英文之兩事上。. 史記地名考成書,乃交上海開明書店,以齊魯大學國學研究所名 中黃梓材馮雲瀑兩人之宋元學案補編,尤爲余所喜讀。然携歸亦未寓目。此一年之心力,則全在 **氛來香港,乃有別一書店用開明版出書。** 義出版。 此不詳述。然此稿終未散失, 余去上海又新識光華大學校長浙江張壽鏞。在其租界之寓所,贈余以其新刻之四明叢書。 又編成齊魯學報首期,交開明付印。 仍得流傳,則亦一大幸事矣。 余另加序文,更交香港龍門書店出版。 而史記地名考一書, 開明始終未印出。 其中叉費幾許曲 及余避赤 其

四

壽鏞種種相助,獲在香港逕乘飛機抵重慶。適逢大轟炸,重慶街道一片破瓦殘垣。余傍晚抵埠, 余出遊山中, 其外姪姚某陪行。姚君性愛中國古籍, 士官學校, 宿旅店一宵。明日淸晨,卽赴郊外暫避。借宿偉長姪岳家,本山東滕縣孔氏,名繁霨,留學日本 畢業清華大學土木系,在重慶某校任課。至是, 余侍奉老母一年,終辭慈顏,於民國二十九年夏重返後方。時自海上赴南越諸路已斷,以張 回國後在太原佐閻錫山治軍,熱心愛國家,好儒家言。每晨烹濃茶, 山中相隨一月, 在中學時, 已能熟誦左傳。 乃欲盡棄其學而學。 對飲淸談。下午 家中強之學科 臨別,

囑余開一書單,當試讀之。俟有入門,再謀從學。余居山中逾月,得有飛機,再去重慶宿一宵,

即乘飛機去成都

齊魯大學課,由賴家園赴城, 之,一橋外通。池中遍植荷, 有研究生十許人。有一藏書家,避空襲,移書賴家園, 齊魯大學在成都南郊華西壩, 池外遍樹柳。余尤愛之。風日晴和 , 必一人坐亭中讀書 。 坐鷄公車, 借用華西大學校舍。 國學研究所則在北郊賴家園, 平生所未見也。 借研究所用。 每週必南北穿成都全城, 園中有一亭 在學校宿 ٠, 距城廿里 余又兼 池水環

五

如是以爲常。

鄰爲文學院長朱光潛孟實寓。時孟實一人獨處, 余中晚兩餐, 皆去其寓與孟實同餐。暢談甚相 決應之。嘉定適遭大轟炸, 居不半歲,嘉定武漢大學邀余去講學, 全城幾燬其半,校長王星拱撫五移家城外。余一人住其城中寓邸。隔 函電頻促。余得家訊,老母病亡,心中日夜傷悼, 遂

得。

馬一浮復性書院設在岷江對岸山上。一日,渡江來訪,邀余去書院講演。 成都齊魯大學國學研究所 熊十力住西湖,

與

治大義云何,願先聞一二。」余告以:「國人競詬中國傳統政治 ,自秦以來二千年 , 復性書院講學, 演,亦見拒。又不允武大學生去書院聽講。及是,聞一浮來邀余 ,皆大詫怪 。 余告一浮:「聞 同來。不知何故,齟齬離去。一浮自處甚高,與武漢大學諸教授絕少來往。武漢大學學生邀其講 一浮同居有年。及來北平,與余同居。余之知一浮,亦已有年矣。及一浮來此創辦書院,十力亦 余竊欲辨其誣。」<u>一</u>浮大喜曰,「自梁任公以來,未聞此論。敬願破例, 參末座, 皆帝皇專 恭聆鴻

發言:「今日乃書院講學以來開未有之先例, 錢先生所談乃關歷史上政治問題, 及講演之日, 一浮盡邀書院聽講者,全部出席。武漢大學有數學生請旁聽, 諸生聞所未聞, 亦不拒。 一浮先

」遂約定。

惟當靜默恭聽,不許於講完後發問。」蓋向例, 講畢必有一番討論也。余講演旣畢, 一浮遂留午

談不倦。余語一浮:「君治經學,用心在通志堂經解,不理會淸經解。然耶否耶?」」浮許余爲 知言。席間縱談,無所不及。余盛讚嘉定江山之勝。一浮告余:「君偶來小住,乃覺如此。久住 浮早鰥居,不續娶。聞有一姨妹,治膳絕精,常隨侍左右。 一浮美風姿, 長髯垂腹, 健

必思鄉。即以江水論,曟起盥洗,終覺刺面。江浙水性柔和,故蘇杭女性面皮皆細膩, 爲他處所

不及。風吹亦剛柔不同。風水旣差,其他皆殊。在此終是覊旅,不堪作久居計。

浮衣冠整肅,望之儼然。而言談間,則名士風流, 有六朝人氣息。 十力則起居無尺度,言

談無繩檢。一飲一膳, 亦惟己所嗜以獨進爲快。 同席感不適亦不顧。 然言談議論, 則必以聖賢

套。 一浮視之,轉爲拘謹矣。但兩人居西湖,相得甚深。殆以當年,兩人內心同感寂寞, 就其成就論, 一浮擅書法,能詩, 十力絕不近此。 十力晚年論儒, 論六經, 縱恣其意之所 故若所

能免。因念古人書院講學, 語無不合。及在復性書院, 惟康林最爲特殊,羣龍無首,濟濟一堂。有其異,而益顯其所同。惜 相從講學者逾百人,於是各抒己見,乃若所同不勝其所異,睽違終不

乎一浮、十力未能達此境界也。

余與一浮縱談過晡, 乃送余至江邊而別。自此不復再面。及今追憶當年一餐之敍,殆猶在目

則也。

六

武漢大學歷史系主任吳其昌, 乃北平舊識。 有兩學生, 南通錢某, 桐城嚴耕巭。 其時上

二四七

成都齊魯大學國學研究所

堂。 課皆在上午十時以前。 晨光初露, 聽者已滿座。十時後, 余課在六時至八時。 備避警報,暫無課。晚無電, 天未亮, 即起身, 盥洗進早餐, 兩生常來伴余, 在路燈下步行至講 問學甚動。

錢生學業爲全班第一人,其昌預定其爲下學年之助教。嚴生居第二名, 預請畢業後來成都進齊魯

錢生亦來成都。錢生博覽多通,

並能論斷。

嚴生專精

兩

國學硏究所,余亦許之 。 又後一年,

途, 在無錫江南大學,錢生又來問學, 遇所疑必商之餞生,得其一言而定。然餞生終不自知其性向所好, 仍無定向。 及余來臺,再見嚴生, 已學有專精。 屢變其學, 而錢生留大陸 無所止。 後余

三十年來音訊未得,亦每念之。

東歸。意抗戰未遽終了, 未經三峽, 嘉定距峨嵋僅一日程, 陸路未上棧道, 留蜀尚有年, 又以病胃畏寒,此下遂終未去峨嵋。乃余居蜀之三大憾事 **余擬乘便往遊,** 他日可再來, 適得教育部電召, **遂未去。** 余之來蜀及離去, 須赴重慶開會, **遂臨時決定離嘉定** 皆乘飛機。 水程

遺。 猶存懷中,臨行只携中英對照本耶穌新約聖經一册,朝夕得暇, 及離嘉定, 余之讀英文書,僅在蘇州一年,獲得讀西洋通史一部。此後遂輟。及去嘉定,重讀英文之念 此册幸得完卷。轉青木關教育部後, 此業又輟。然猶幸此西洋通史與聖經之兩 時加披覽, 逐條細誦,

部,

對余影響實深,精力未爲白費耳。

交。 會。 留。小睡起, 不離去, 會旣畢, 旭生曾從西方漢學家斯本赫定考查新疆, 教育部爲避空襲, 遷來與余同室。上午余去上課,旭生留室中讀余史綱。 即離室去至郊外,擇村間一茶座, 余因出席中學教師暑期講習會, 遷靑木關。 此次開會, 仍留靑木關。 後爲中法研究所所長。余在北平屢與謀面, 討論有關歷史教學問題。徐炳昶旭生亦自昆明來預 坐樹蔭下對談,至晚方歸。 旭生方讀余國史大綱, 午後, 因夏日西曬, 如是以爲常。 欲相討論, 室中不能 余在講 但未 亦 深

此 前所讀書, 君未携一書, 番所討論, 今追憶及之耳。 Ħ, 旭生忽背誦王船山讀通鑑論一段, **猶能隨口背誦。** 何從借閱, 已成爲畢生難遇之奇緣矣。 」旭生年長於余, 又背誦如滾瓜之爛熟乎!」 今日一大學生, 早年留學。至是, 能繙閱及此等書, 首尾逾百字, 旭生笑曰: 不禁大加佩服。 琅琅上口。 已是一大異事。 「此乃我在出國留學前, 余大驚訝, 目 則無怪吾輩兩人, 「不意君於數十年 曰 : 「此來, 幼 年熟

習會有課一星期,

余與旭生作半日討論者,

亦一

星期。

旭生讀余書旣完,討論亦粗完。

勝利後, 余自成都東歸, 旭生方自昆明回北平, 又遇於重慶。 旭生健談, 每達深夜不能休。

成都齊魯大學國學研究所

笑日,「今夜君乃輸了。 矣。」兩人皆大笑而別。 猶憶一夕,余在旭生寓所暢談,旭生忽視手錶曰:「夜深矣,我當送君歸,留待明日再談。」余 自重慶分手,余與旭生遂未再謀面。今聞其已作古人,余每回念此夕, 余每與君談, 余必先乞停。 今夜存心要君先乞停, 然亦恐此夕之難再

則猶如昨夕也。

園中。 前妻所出, 有日不暇給之苦。又其時生活日淸苦,擷剛氣體不壯,力不從心,更感不安。其一妻兩女, 睽徑,重起艫竈之用心。惟亦因其秉性謙和,又樂於汲引之虛心,遂使其交際日廣,應接日繁, 此。而對其早負盛譽之古史辨書中所提問題,則絕未聞其再一提及。余窺其晨夕劬勤, 某,其所造已遠超於我,然終不能如我當年之受人重視。我心內怍,何可言宣。其誠摯懇切有如 實因年代早,學術新風氣初開,乃以枵腹,驟享盛名。乃歷舉其及門弟子數人,曰,如某如 余返成都賴家園國學研究所不久,頡剛又去職,赴重慶。頡剛人極謙和,嘗告余,得名之快 夫人賢德,尤所少見。頡剛惠失眠症,每夜必爲頡剛捶背摩腿,良久乃能入睡。其兩女乃 而母女相處,慈孝之情, 亦逾尋常。其長女幼年患病, 口啞不能言,入盲啞學校。歸 實有另闢 同居

來侍奉雙親,勤勞異乎常人。園中師生對頡剛一家之親切, 亦難以言辭形容。

何。 亦接去。余與頡剛之長日相處, 勿焦慮。 此後兄任外,余任內,賴家國環境良好,假以年月,庶可爲國家培植少許學術後起人才, **趙剛留所日少,離所日多,又常去重慶。余告頡剛,** 而韻剛終以久滯重慶不歸, 亦計無多日。其夫人後因病在重慶逝世。頡剛又續娶,其新夫人 乃正式提出離去研究所職務,由余接替。其家暫留園中,隨 處此非常之時,人事忙迫, 亦實無可奈

盼

余所未見。

言, 最近又聞頡剛已在北平逝世, 又聞其新夫人已爲頡剛生得一子,此事迄今則又踰三十年矣!人生聚散有如此, **颉剛面告,其在北平重獲舊時學業生涯。盼余能設法早歸。** 抗戰勝利後, 余歸蘇州,在其家中又獲一面。 不久, 頡剛卽去北平。後余在香港, 則從此更無再見之緣矣。 則其不忘情於余者, 他又何言。 實始終如 有人來

九

篇講解, 余離青木關返成都賴家園, 刊載報紙, 蔣委員長見之,疑余尚在青木關,電話召見。函中屬余再去。余去函婉辭。 不久,卽得教育部來函。 告余, 余在教育部召開會議中之最後一

演, 我讀先生之先秦諸子繫年,仰慕久矣。今乃在此見面,非天意安排,不得有此機緣。」兩人乃暢 **赴乘車處守候,黑暗中有一人續來,乃同車赴重慶者。互通姓名。其人忽曰:「君乃錢先生耶!** 廬 翌年民國三十一年秋, 君其早作準備。」翌年, 偕其夫婦三人同進晚餐。 蔣委員長親來成都, 果來召。 布雷告余: 時成都重慶交通已日感不便, 「聞委員長有意明年召君去重慶復興關中央訓練團講 獲兩次召見。 嗣陳布雷來成都療病, 余搭郵政局車去。 余見之於其寓 黎明前卽

直至重慶始別。 惜已忘其姓名, 無復向人詢問矣。

宴招待。

而余遂見推爲上賓。 入夜睡眠,

床被舒適得未曾有,

爲余國難期中旅行最所未有之一

中晚兩餐,沿途郵政局皆盛

談無休。

知彼乃在郵政局任職,一路有所查詢。車上司機極盡敬禮。

-

住。 所交膳食費諵各分一半,各自治膳。 邀余去浙大, 其妻曰,果何如。 蔭麟遂憤欲離婚,經友人勸,先分居, 蔭麟乃一人去遵義。 是年春, 余未去。 又折赴 遵義浙江大學, 又邀張蔭麟, **蔭麟無以答,勉允之。夫妻對食,蔭麟膳食乃大不如其妻之** 作一月之講學, 亦未去。 嗣在昆明, 乃由張曉峯力邀成行。 **蔭鱗屢賷其妻治膳食不佳。** 先在北平時, 患肺病。 其妻謂, **曉峯已** 余之 君

去,蔭麟已先在前年之冬逝世矣。

余於清代詩人尤好**遵義鄭子尹,常誦其詩不輟**。 余來浙大,曉**峯外,謝幼偉已先識,** 郭秉龢、 繆彥威乃新交。余常與彼等四人往來,相談甚 此來惜不能一遊其母之墓。 余在果育小學

即知有蔣百里。 百里病歿於懲義,余來已不及見。

余尤愛遵義之山水。 李娫適自昆明轉來浙大任教,每日必來余室,陪余出遊。每出必半日,

涯, 草地花茵之上,仰望仍在羣花之下。如是每移時。余尤愛燕子 , 幼時讀論語「學而時習之」 侏 見。 亦有盡日始返者。時方春季,遍山皆花,花已落地成茵,而樹上羣花仍蔽天日。余與李烻臥山中 遵義近郊一山, 「習,鳥數飛也。」每觀雛燕飛庭中,以爲雛燕之數飛,卽可爲吾師。自去北平, 一溪繞其下,一橋臨其上。環溪多樹,羣燕飛翔天空可百數, 盤旋不去。 燕子少

尤流連不忍去。

年在學校讀書,常恨不能勤學, 烏得有此。及在昆明,赴宜良山中,益信向所想像果不虛。及今在此, 日,李娫語余: 「初在北平聽師課,驚其淵博。 諸同學皆如是。 「讀書當一意在書,遊山水當一意在山水。乘興所至,心無旁 不意先生之好遊, 諸同學皆謂, 乃更爲我輩所不及。 先生必長日埋頭書齋, 先生乃長日出遊。 今日始識 回 想往 不然

先生生活之又一面。」余告之曰:

二五四

亦當如讀書遊山般,乃眞樂也。」李烻又曰:「生今日從師遊山讀書,眞是生平第一大樂事。 有朋自遠方來,不亦樂乎?』如君今日,能從吾讀書,又能從吾遊山,此眞吾友矣!從師交友, Щ 及。 **欢記,豈不告人彼早年已遍遊山水。從讀書中懂得遊山,始是眞遊山,乃可有眞樂。** 親近山水。讀朱子書, 讀書,不聞勸人遊山。但書中亦已勸人遊山。孔子論語云:『仁者樂山, 又言:「向不聞先生言及此。卽如今日, 頗不見浙大師生亦來同遊。 則讀書自有大樂趣, 故論語首云: 『學而時習之, 亦復勸人遊山。 君試以此意再讀孔子、朱子書, 亦自有大進步。 如此好風光,先生何不爲同學一言之。」余曰: 不亦悅乎?』 否則認讀書是吃苦,遊山是享樂,則兩失之矣。」 我陪先生遊,已近一月。但山中水邊, 讀書遊山, 用功皆在一心。 知者樂水。』 可自得之。 能知讀書之亦如遊 亦僅先生與我兩 「向來只聞勸人 論語曰: 太史公著 即已教人 李埏

及王心齋泰州講學時景象。 然果使有王心齋來此, 余在浙大上課, 常有農人肩挑路過, 講堂情形當大不同。天地仍此天地,古今人不相及,乃人自造**,** 自思, 余今在此, 即在課室窗外坐地小休, 固不如王心齋爲農村人講學, 側耳聽課室中作何語。 窗外人亦非眞來聽 余每億 **愼記吾師今日之言。**

地強作此限制也。

念此慨然。

學術史凡所述及,如亭林梨洲諸人,亦必重閱其集,另加編撰,以求全書體裁之一致。 夜盡力專爲此一書撰稿。立意先讀諸家集。讀一集,始撰一稿,絕不隨便鈔摘。卽前撰近三百年 當另有編造。乃以此事囑余。余返成都,因此書有時限,篇幅字數亦有限,又不願草率從事, 成都四川省立圖書館皆藏有其書。余遍加閱覽,擇其相互討論有關中庸「未發已發」一問題者, 對關學一部分最所詳備。尤於李二曲一集,精讀勤思,采其言行,爲撰一新年譜, 特勤,待其一月歸,共得二十種左右。清代關學首尾,網羅略盡。 宋元明淸四朝學案之簡編。宋元明三朝卽就黃全兩學案刪節,惟有淸一代唐鑑所編未及其全, 條貫敍述, 神爲之活躍紙上。自謂爲諸學案開一未有先例, 人彭雲生,川人中治理學有名,方有西安之行。余特懇其代爲搜購淸代關學諸家遺書。 **余在遵義僅一月,卽離去。** 亦爲余此書中愜意之一部分。全書共約四五十萬字,字字皆親手鈔寫。以當時生活淸 前在重慶,蔣委員長有意提倡宋明理學家言,命國立編譯館主編 亦余此書中最所愜心之一篇。又江西寧都七子, 並多外間頗少流布者。 而二曲一生精 彭君訪求 適新識友 故余書 日 勢

未能覓人另謄一副本,

逕以原稿寄國立編譯館。明年又去重慶復興崗,蔣委員長面問此書已

二五六

館所編圖書季刊中, 長江水底, 江輪運返南京。 至抗戰末期, 完成否, 乃知編譯館於宋元明三稿皆未收得, 終飽江魚之腹矣。 此稿始在排印中, 不期裝船頭諸箱, 猶可知此稿各分目之大槪耳。 所幸有序目一篇, 則已勝利還都矣。 有墮落江中者, 擬俟全稿齊, 已在該稿寄編譯館前, 余後始讀徐世昌所編之清儒學案一 余之淸儒學案一 **余稿適亦在內** 始依次排印。 編, 竟未及撈取。 由四川省立圖書館刊之該 尙未付排, 委員長又親加催促。 余之此稿遂藏之 全稿裝箱, 書, 意欲重 但 由

稿, 屬余按月投寄。余應其請,遂將文化史導論各篇, 清儒學案完成後, 又續寫中國文化史導論一書。得曉峯來信, 及續寫有關中國文化與宋明理學方面 爲其所辦之雜誌思想與時代徵

自撰寫,

則已無此精力與興趣矣。

絡續寄去。此爲余自入圖以來在思想與撰述上一新轉變。

孤立在鄉野中,

彼雖在所有年, 四鄰皆農村, 亦因賴家園處境靜僻, 賓客稀少。 亦能各有研討, 研究所諸生, 不僅離城遠, 各自進修, 除臨時偶有增添外, 即離附近一小市, 不啻是一硏究集團, 一小時, 餘乃由諸生各別發問, 既無畢業年限, 亦在五六華里之外。 各安所業。 並無規定之課程, 又不逐年招收新生, 各別討論, 只 直

到晚餐前始散會。 在每週星六下午有 又討論會每擇研究所附近茶店中舉行。 討論會, 每由余主講一 題, 約 圍坐小園叢樹中, 藉作郊遊, 備極 舒

處之環境, 又於星期日赴成都附近諸縣邑諸名勝作竟日長途之旅行, 又自不同。 至余赴齊魯上課, 則每週僅有兩日之往返而已, 以此較之在宜良山寺中一人孤寂獨 故得精力集中, 光陰悠

閒,絕少作無聊之浪擲也。

.

消化不易, 壩近在成都西門外, 從來讀書人日常勤讀所未有。 已遠超彼輩當年之上,而工作勤勞又遠倍之。姑不論其他,卽每日閱報章一份,字數之多, 不同,生活相異,惟當變通,不能墨守。雖兩宋理學家不求富貴利達,但吾儕今日生活之淸苦則 在圖書館相候。余課畢,卽相偕赴江邊茶館品茗閒談。彼告余:「君近治兩宋理學家言,但時代 奮逾淸儒。 時南京金陵女子文理學院亦借華西大學校舍上課,其教授羅倬漢,每逢余到齊魯上課, 以濃茶輔之,俾可相濟。 生活清苦,營養短缺,此何可久。今日吾儕得此江邊閒坐, 西門內有八號花生最所著名。 論理學家之勤讀生涯,已遠遜清代乾嘉諸儒。 **吾儕此刻一壺濃茶,** 倬漢 必購取兩包, 一包花生,庶於營養有小助。 告余 亦正是一小休息。」 而君今日讀書, 「花生富營養, 彼必 已爲 惟恐 華西 叉勤

倬漢方治左傳, 成史記十二諸侯年表考證一書,余爲之序。 其論清代今古文經學, 時有所

二五八

見。 亦爲余在蜀所交益友之一。後余避赤禍過廣州至香港,聞倬漢亦在廣州, 而未獲晤面。

辨新亞,曾貽書邀其來港,惜未獲同意,後遂不復得其消息矣。

寺中。熊十力亦鄂人,亦同在西湖,常與往來。十力來北平,常告余立三之爲人。抗戰軍與,立 又湖北人嚴重立三,在黃埔軍校任教,北伐爲東路統帥。勝利抵杭州,遽告退休,居西湖僧

無第三人,盡半日方散。如是不只一次。翌年,立三又來,又與相晤暢談。惟已不憶及當時晤談 對政事教育亦具特見。余與談中山先生三民主義,深蒙讚許。立三借居一空樓中,對坐暢談,旁 三乃復出任|湖北省主席。某年來|成都,余特自賴家園進城訪之。|立三爲人嚴毅清苦,迥異恒常,

之詳情矣。後又聞立三在鄕間遭虎噬逝世。斯人誠亦近世一難遇之人物也。

華西大學四川大學

齊魯大學之南遷,本借華西大學校舍之一部分。故余在齊魯授課,華西大學生亦同班聽受。

民國三十二年秋,齊魯國學研究所停辦,華西大學文學院長羅忠恕,邀余轉去華西大學任教。 忠

恕留學英國, 聞即終年御長袍不穿西裝 。 漫遊歐美歸後,仍穿長袍。設立一東西文化協會,提

倡中國文化。英人李約瑟亦常預會。他年李約瑟之撰寫中國科學史,亦不得不謂其受有當時之影

|華西壩校園內。|華西壩內南端有洋樓四五宅,乃西籍教授所住,|中西教授宿舍顯有高下不同。儻 忠恕來邀余,余提唯一條件,余謂聞華西各教授宿舍均在華西壩四圍附近,惟校長住宅乃在

華西大學四川大學

二五九

究員五六人隨余同居。 適華西壩內南端最左一所洋樓空出, 適壩內南端洋樓有空, 時老友蒙文通任四川省立圖書館館長, **余願住去**, 俾開中西教授平等待遇之先例。 此樓乃各樓中之最大者, **兼華西教授** 而余則惟一身,遂召齊魯研究所研 忠恕商之校長, 由其移借一部分圖書 竟允所請。 亦

寄放壩南余宅,供余及同居五六人研讀之用。

不覺, 權, 霧, 餚均已送上,委員長揭其蓋視之, 陰雲不散, 是年多,又應召赴重慶復與關,爲高級訓練班講學,同赴講學者凡四人,一馮芝生,一蕭公 及返成都, 蕭叔玉, 得見日光者僅一二日。 同居一屋中。 胃病遂大發。 余居

復興關凡一月。膳食極佳。一日,蔣委員長來,適中午桌上菜 醫言無大恙, 連稱尙好尙好而去。 余素病胃, 惟須久養, 在成都已久不葷食,來復興關屢進盛饌, 余等住過陰曆元旦, 如是臥床凡數月。 適是時重慶連月大 初亦

月錄全部。 全部之第一次。及讀語類旣畢,余病亦良已。暑假移居灌縣靈巖山寺。又向寺中方丈某僧借讀指 依次讀至最後, 取朱子語類最後有關討論宋代政治者各卷, 及稍痊, 此數月內,由於一氣連讀了朱子語類及指月錄兩書,對唐代禪宗終於轉歸宋明理學 已春盡夏來, 再向前翻讀。 尚不能下樓, 遂於樓廊置一沙發, 朱子語類全書一百三十卷,獲在樓廊上全部讀完, 逐條翻閱。 倦則閉目小休, 日間臥其上, 如是有日, 聊事閱讀。 是爲余通覽語類 精神漸 向樓下索 佳 遂

演變, 獲有稍深之認識。

裓 返, 通西康雅安之要道,有一小市,常有人私携槍械過市, 之父言: 五日, 在老人村,借宿村邊一小學內。暑假無人,獨余一人居之。余偕某生盡日暢遊,大爲欣悅。 由某生一親戚家招宴, 據云,村人因飮此溪水,故均得長壽。村中敷百家,壽逾百歲者,常敷十人。此村爲自成都 村民遂亦不喜外出,風俗純樸。 復過此市,不法鉅利,往返如織。 勸余往遊。 有西南聯大一學生, 遊覽略盡,欲返灌縣,生言不可。因村俗, 若遽言離去, 一輪到作一次主人,乃可離去。於是遂又留數日。臨去之淸晨, 不勝歉疚之至。今此晨餐乃特爲先生餞行。」此餐採田中玉蜀黍作窩窩頭, 「先生來, 余聞老人村之名已久, 欣然偕往。 村沿一溪, 溪之上源盛產枸杞**,** 則違背村俗, 即由某戚家設宴,吾兒未將村俗相告,遂致多留了先生幾天, 因不知余卽欲離去,遂於各家輪番招宴中, 今已忘其姓名, 其家在老人村, 距灌縣西約二十華里, 某生將負不敬之罪。懇余再留,囑招宴者不再添請新人, 如某生遠赴西南聯大讀書, 村人除種田外, 一家設席款待, 暫宿一兩宵, 亦賴此生活優裕。 乃爲村中向外求學之第一人。余 遞有新人加入, 迄今尚未逐一 同席者必挨次設席。余初來卽 **遂赴西康販賣**, 乃在某生家進早餐。 村中山水風景極寬極 適來寺中, 獨我家未曾正 獲大量鴉片 果熟多落水 全摘新生未 越四 某生 俟同 遇

式設宴,

二六二

成熟之顆粒,故此窩窩頭乃特別鮮嫩可口。尚億余在北平時,

頗愛此品,

但從未吃過如此美味

者。這一餐可算是主人家的大花費,惟有感其情厚,他無可言。歸後詢之他人,老人村之名幾無 不知,而實到老人村者, 余以外幾無他人。自忖余之遊老人村,實如武陵漁人之遊桃花源,雖千

載相隔,

而情景無異也。

讀教育系,兼學繪畫,山水翎毛皆工,又善二胡,能拉劉天華諸曲。余來華西壩,遂來從學。 夫不在川,有一女在近縣讀中學。

淑蘭前在天津女師與余姨妹張一飛同學,極相善。 授之有多人眷屬者。舊隨齊魯研究生諸人皆散去,獨華西大學畢業一女學生黃淑蘭相伴。 占。後居一幢只二樓,樓下一家亦華籍教授,僅夫婦兩人,與余同遷入。前居則讓新來一西籍教 秋後又遷居, 自華西壩南端左邊第一家, 遷至偏右之第二家。 前居一幢三樓, 來華西大學 由余一人獨 淑蘭有

胃疾又作, 及遷後居,屢逢空襲, 較春初更厲。入華西醫院, 每在傍晚。 晚餐後, 診爲十二指腸潰瘍。 離壩至荒郊, 臥院旬日始歸。 躱一兩時始歸。 時適日軍破長沙入 入冬一晨遇驟寒,

病惟彼乃一女生,

常侍在側。

廣西, 後方惶恐, 多謀逃避。相識者皆來醫院訪問,欲偕余同逃。余告以軍情不如此之急, 可且

觀望。米價驟跌,不妨暫趁廉價收購。或信余言,皆得薄利。

兩小時進一餐,每日六餐或七餐。初則長日臥床, 余出醫院後,遵醫囑,日進流質,薄米粥、鷄蛋湯、羊奶、 稍後可室內小坐, 豆漿、 又稍後在室外東廊下躺籐椅 麥片、藕粉如是之類,每

上驪日光,又稍後可在園中菜畦間散步, 如是亦幾半年。 遇精神佳, **閱書消遣。**

偶讀胡適之論神會諸作, 不禁操筆爲文, 寫神會與壇經一長篇, 投寄東方雜誌。 抗戰勝利

論諸書,更讀鈴木大拙書。 俱在病中,亦未克與之討論及此。迄今以爲憾。 議論也。 大宗作史考, 史及理學史思想傳遞一大公案。而天台華嚴兩宗,亦時於言外旁及。余昔曾屢促錫予爲初唐此三 又去昆明續讀智圓書。 余初撰神會一文時,陳寅恪亦因目疾偕其夫人遷來成都修養,余雖常與晤面, 錫予未遑執筆。余此諸文,前後亦歷三十年之久,惜未獲如錫予者在旁,日上下其 絡續爲文,皆一意相承,收在學術思想史論叢之第四册。此實爲治禪 及在香港,又續讀寶誌書及沙室逸書等。及遷居臺北,又讀宗密原人 但因兩人

Ξ

華西大學四川大學

兩人遂語不終了而散。 盛唱戀愛自由, 日始。 寓。 日國事復何可望。」余曰: 日 事將於何時開始。」 又返室,取政學私言一册與之,曰:「君儻夜間得暇,可試先讀此書。」隔一日晨,余遂訪之於其 以正值有課,漱溟曰: 舊作八篇, 若求必從, 漱溟告余,此來有一事相商。彼擬創辦一文化研究所,邀余兩人合作。 余撰神會一文外, 「君之政學私言已讀過, 我甚不以君言爲然。 若俟政治協商會議有成果, 輯爲一編, 則捨己田芸人田, 君何不知。」||漱溟怫然曰:「知其不可而爲之,今日大任所在,我亦何辭。」余 漱溟曰:「頃政府方召開政治協商會議, 名政學私言,付商務出版。 「無妨, 又旁論及於當時政治問題, 男大當婚, 「君言固是, 似爲政治協商會議進言也。」余曰: 我來成都小住有日, 並暫居君之隔鄰。」 遂約隔一日晨再面。余 則河淸難俟, 必兩失之。 君欲作文化研究, 女大當嫁, 亦須有緣。君其爲父母之命乎,抑僅媒妁之言乎?今方 恐僅幻想耳。」 今日國民黨與共產黨兩黨對峙, 投寄東方雜誌,得六七篇。 日晨, 方出門去上課,梁漱溟忽來訪。 俟此事獲有結果, 漱溟聞余言, 以唱導後學, 「不然, 余卽允之,問: 書生論政, 茲事體大, 大不悅, 當即進行。 又兼收在賴家園 非爲結合, 起座而言 請從今 僅負言 工叉 他

抗戰勝利後,

余返蘇州,

任教無錫江南大學,

曾於京滬車上兩晤漱溟。時漱溟居滬,

京滬間,出席政治協商會議。先一次告余:「每憶君在成都所言, 此事誠大不易, 茲當勉姑試

之,不久或知難而退矣。」第二次,車廂中乘客擠滿,無坐位。行過兩廂, 忽覩一空位, 余卽赴

乃旁坐卽漱溟也。

瞑目若有思,

余呼之,漱溟驚視,曰:

「君來正佳,我此去堅求辭職

慶促漱溟亦來,乃不意其後漱溟竟去北平。京滬車上之最後一面,則猶時時在余之心目中也。 矣。」語不多時,余卽下車,不久乃聞漱溟又去重慶。後余至廣州,不憶遇何人告余,已去函重

又一日,馮芝生忽亦自重慶來成都,華西壩諸教授作一茶會歡迎, 余亦在座 。 不知語由何

余曰:「欲爲世界人,仍當先作一中國人,否則或爲日本人美國人均可,奈今日恨尙無一無國籍 余言吾儕今日當勉做一中國人。芝生正色曰:「今日當做一世界人,何拘拘於中國人爲。」

之世界人,君奈之何。」芝生無言。漱溟語不忘國,芝生自負其學,若每語必爲世界人類而發

但余終未聞其有一語涉及於當前之國事。則無怪此後兩人同居北平之意態相異矣。

四

至望江亭, 時四川大學遷回成都, 往返作散步。又好於望江亭品茗小坐,較之華西壩江邊若更爲淸閑。 校長黄季陸屢來邀余, 不得已,勉允之。遂每週於華西壩從田間步行 城中公園亦有茶

 \equiv 華西大學四川大學

座。余之在成都其時間之消費於茶座上者,乃不知其幾何矣。遇假期,則赴灌縣靈巖山寺, **青城山道院,每去必盈月乃返。|青城山道院中有一道士,屢與余談靜坐,頗愛其有見解有心得。** 或至

之如何也。香港大學爲余重刊先秦諸子繁年,余則增入少荃語數條,乃爲余讀其文未識其人以前 意。余至廣州,又得少<u>荃書</u>,知其方應武漢大學之聘。余赴香港,而音訊逐斷,至今不曉其成就 尚住其姊家。後余在江南大學,少荃寄其所爲戰國編年之楚國一編來 , 凡八卷 , 告以北平寓所留有竹書紀年各種版本一大書櫃,他年君去北平,當舉櫃相贈。及余離成都, 浸枸杞等諸藥物,酒性極烈,少荃可獨自盡一瓶,余則僅飲數口而已。少荃有意專治戰國史, 已遷華西壩之後居。少荃常携帶其親自烹調之敷肴,留余寓所晚餐。少荃能飲, 詩人,姊妹兩人性格各異,所學亦絕不同。而少荃亦時流露其名士派之一面,時來華西壩, 黃少荃一名,能讀余先秦諸子繫年,並有補余闕者。余告來邀者,如黃生有意,余願任其指導。 得。又踰年, 日, 重慶中央大學又邀余去主持歷史研究所,余以氣候關係,不欲往。讀其畢業生所編刊物,有 **黄生特來成都,時余猶在賴家園,始知黃生乃一女學生。以一女性而擅於考據,益喜其難** 少荃乃辭去中央大學研究生之職,特來成都專從余學。並寄寓其寡姊家。其姊乃一 余每以成都大麵 斐然有述作之 少荃 余時 余

之所爲。

又一日, 政府一要人來,在華西壩講演,號召青年從軍。余特爲中國歷史上青年從軍先例

文學, 文長及萬言。 歷舉史實, 雖亦尙有疎漏, 然在當時刊之報端,亦不無影響也。

五

又數次,遂未往。然不久病又復發。 城北就針。 往。 回憶在華西壩之數年, 數週後, 兩針自肩上刺入,覺有一股熱力直達腹部, 覺屢次先約感不便, 幾乎長在病中。 不知儻屢針不輟, 遂不約逕去。 某年, 到門稍遲, 聞有張醫生擅針灸, 此病能治癒否。 離醫所乘車返, 就醫者已盈座。 余先電話約定, **猶覺微熱未已。** 久待必踰時。 如是每週 自城南赴

汽車經劍閣由陸路歸,遂於民國三十五年夏乘飛機赴重慶, 卽寓所。 華西壩西側一小溪上有一橋,極平坦,車忽翻,身落溪中,水沒頂,幸未受傷。爬上岸,不百步 失之眼鏡及手錶等。 又億一日下午, 叩門入,卽脫衣上床,長臥竟夜,亦未受病。乃於翌日午後,又至溪旁, 亦意外一險也。及抗戰勝利,余因病體弱, **赴軍官學校作講演,** 校長留宴, 踰九時始歸。 再乘飛機直達南京轉蘇州 仍留華西壩一年, 自城北抵城南, 撈起昨夜所遺 又不敢乘長途 一路寂靜, 過

=

華西大學四川大學

編者案:此文已收入中國文化叢談,題名智識青年從軍的歷史先例。



四 ---昆明五華書院及無錫江南大學

書生報國,當不負一己之才性與能力,應自定取捨,力避紛擾。但自抗戰軍與,余對時局國事亦 師生甚少接觸。除「西安事變」一次以外,凡屬時局國事之種種集會與講演, 美國急求撤退,而蘇聯則急求東進,國事蜩螗,方興未艾。余昔在北平, **屢有論評**, 同仁不在昆明者,皆函邀赴北平,但余並未得來函邀請。又念國共分裂日顯,自雅爾達協定後, 再返北平, 抗戰勝利後, 刊載於報章雜誌。學生亦遂不以世外人視余。幸余離昆明赴成都,得少人事糾紛。倘 **遇國共雙方有爭議,** 昆明盛呼北大復校,聘胡適之爲校長,時適之尚留美, 而於一己志業則虧損實大。因此自戒,此下暫時絕不赴京、滬、泙、津 學校師生有風潮, **余旣不能逃避一旁,則必盡日陷入於人事中。** 日常杜門,除講堂外, 由傅斯年暫代, 余皆謝不往。每念 舊北大

於時局國事固絲毫無補,

四處各學校, 而擇一偏遠地, **猶得閉門埋首溫其素習,以靜待國事之漸定。**

苦學之夙願。 海。 **争欲招聘,子泉力贊余意,** 氣候山水旣所欣賞,又以其偏在邊區,西南聯大已離去, 而余則適有减人于乃仁來訪。 曾被邀赴常熟作講演, **遂欣然允諾**, 於民國三十五年秋, 鍾書則深盼余留滬。即彼父子兩人,子泉仍返湖北, 錢子泉鍾書父子亦被邀, 其弟乃義方長昆明雲南省立圖書館, 隻身前往。然其時余胃病仍未痊復,不啻扶病而 擬由其弟辦一五華書院, 同住一旅館中, 余再前往, 正可謝絕人事,重回余書生 討論及此。 有志中國學術思想之研 邀余往。 而鍾書則終留上 適滬上各學校 余於雲南

人,余單身住其最後一進。一女僕隨侍作膳食。翠湖旣少遊人,此屋則絕無 相擾,僅求余每週作講演一次或兩次。爲余覓一住處,卽在翠湖公園中,前後五六進, 及晤乃義,其人純謹退讓,溫和可親,頗自欣慰。而乃義見余有病, 亦絕不以五華一切雜務 人到 皆空屋無

行。

時始起, 下午四時或再往,閱讀一小時左右。晚飯後, 余此去,乃知昆明氣候不宜早起,最好應於日出後起床。午後必有風, 則風已退。入夜,氣候更佳。 省立圖書館卽在翠湖公園中, 則散步湖上,靜寂無人, 余每日晨起 非深夜不歸。 最好能作午睡, 必往閱讀半 月圓當 至四

可有三夜, 則非過十二時決不返。

又雲南教育廳長脹君, 養病之事乃更過於講學。 忘其名, 乃留法學人, 爲余介紹一中醫, 週旬日必易一方**,**余之再

來昆明,

雅遂不能返北平, 司撰神道碑墓誌銘等, 卒破戒。及至昆明, 燼未熄, 必屬好版本。而又一手持煙捲,煙屑隨吸隨長,車行搖動,手中煙屑能不墜。萬一墜落書上,煙 乘清華校車赴校上課。有一年,余適與同車。其人有版本癖,在車中常手挾一書閱覽, 時西南聯大舊同事留昆明者僅二人,一爲劉文典叔雅, 其後體力稍佳, **豈不可戒。然叔雅似漫不在意。後因晚年喪子,神志消沉,不能自解放,** 爲積年未有之奇事。 留教雲南大學, 鴉片癮日增,又曾去某地土司家處豪館,得吸鴉片之最佳品種。 皆以最佳鴉片爲酬。雲南各地軍人舊官僚皆爭聘爲諛墓文, 情意漸平, 方力戒不再吸。及南下, 又與晤於蒙自。 日夕臥煙榻上, 時則余尙未到。及余居旣定,乃屢訪之。窗前一楊,余坐其 除上課外絕不出戶。 余在北平時爲淸華同事。住北平城 聞余去, 叔雅鴉片舊癮復發, 皆餽鴉片, 乃隻身徒步來 家人遂勸以吸 又爲各地土 其書 叔

訪,

聞者皆詫,

29

昆明五華書院及無錫江南大學

二七二

必移晷而別。又一人羅膺中,乃北大中文系教授,亦留雲大。

楊之另一邊。每語,

已。主人乃曰::「不意三教授皆深通此道,滇中有老伶工栗成之,有雲南譚鑫培之譽, 京戲最相近。 余等因在座上批評稱道,並盛論|京戲與|演戲之異同得失。演唱已畢,余等談論猶不 上邀其演唱, 夕,停宿某縣城, 車去,共三日, 有一退休軍人, 聽者除叔雅膺中與余三人外,縣中士紳約不過三十人。滇戲在全國各地方戲中, 沿途風景佳勝,所至必先爲叔雅安排一吸煙處所,余與膺中則得暢所遊覽。 其城中有一老伶人,唱旦角,負盛名。巳年老,不復登臺。是夕,特在縣署堂 約叔雅膺中及余三人赴其家度舊歲。其家在昆明湖之南邊,已忘其地名。汽 彼亦年老 有 與

滇戲一兩次,惟未見栗成之。但在茶肆品茗,則必有栗之唱片, 及返昆明,果成議。栗成之每逢星六之晚必登臺,余等三人亦必往。余前在昆明, 此後每星六,栗出場必擇唱辭少、工架多之戲。 常加聽賞, 及是, 始親覩其登 亦曾看過 然栗

退休。待返昆明,當告以三教授乃難得之知音,必強其登臺,以供三教授解悶。

之一步一坐一颦一歎, **次登臺,余必得一次領悟。實爲余再次赴滇一莫大之收穫。 猶憶栗之登臺第一場,乃爲審頭刺湯。** 實莫不具有甚深工夫,妙得神情, 有絕非言語筆墨之所能形容者。 亦爲余生平一番莫大之欣悅也。 每逢其

後余在|香港遇演人繆雲台,閒談及|栗成之。|雲台大喜曰:「栗成之乃我老師,我從之學唱有

年,今君亦知愛成之,請爲君一唱,亦有成之風味否。」乃屢唱不輟。 後在紐約, 又與重見於其

寓所,

情親如老友。亦爲栗成之乃締此一段因緣。

亦交遊中一奇遇也。

爲一書生。果使生清代乾嘉盛時, 不倦之生活。及在昆明,又屢聞其一家攻苦食淡之情,余雖與一多學問途徑不同, 余因念在北平清華時, 後一多竟遇刺身亡。 幾無不視余爲公敵。 又謂:「君儻在冱,當可以誹謗罪訟之法庭。」余謂:「此乃一時思想問題。凡聯大左傾諸教授, 尤跋扈,公開在報紙罵余爲冥頑不靈。時陳寅恪尚在昆明,親見其文。後寅恪來成都,詳告余。 潮時有掀起,蓋受西南聯大之影響。自余離聯大後,左傾思想日益囂張,師生互爲唱和。 余之在|五華講學,又兼任雲南大學課務。其時雲大校風,乃與余初至|昆明時大不同。反動風 余再往昆明,親赴其身亡處憑弔。 一多直率, 一多屢以詩經楚辭中問題來相討論。 遂以形之筆墨而已。 訓詁考據, 惟日孜孜, 此等事又豈法堂所能判。」 隨往者繪聲繪形, 亦當成一以著述自見之學人。今遭亂 及在南嶽,曾同寢室, 將當日情況描述詳盡。 然念彼亦不失 **叉親見其勤學** 因相與欷嘘。 聞一多

思想錯雜,

一多不知抉擇,而又自視過高,心懷不平,遂激而出此,罹此兇災,亦可憫憐。

74

昆明五華書院及無錫江南大學

二七四

抑同時知識份子迷途失身者何限,浪擲一生, 而又遺禍他人,斯誠當前一大悲劇也。

報導, 突必偏袒蘇方。諸君多識此間黨方負責人, 終不能破, 恣縱, 論魔雜, 讀大學校門外大字報,每怪何以無人聞問。」諸君言:「亦有黨方注意。但旣唱民主自由, 並查究主事者何人, 聯大旣散歸北方, 意見横決, 辭氣嚴厲, 難加干涉。」余以:「國共對抗,固可謂其左右立場有不同,然民族國家之大防線, 若非有其他證據, 令人不堪卒讀。余因招雲大年輕教授常往來者數人,至翠湖寓所,告以: 殊堪嗟嘆。 而雲大踵起。 執筆者何人,加以懲處, 俾可稍戢頹風。 月, **豈得以塔斯社訊反駁中央通訊社。身爲一個中國人,** 爲西北邊境一軍事衝突, 每去上課,校門外大牆上遍貼大字報, 當以此意告之, 盼能專就此一端卽去撕碎牆上大字 大字報根據塔斯社駁斥中央通訊 」乃亦竟未聞黨方有何作爲。 余必駐足巡視, **豈得遇中蘇** 則言 議論 |屢 則 衝 社

授課, 學校中究是何等地位。 所請去上課。 甚愧甚愧。 因此不往。 余告諸生: 」來者乃親自譴責認罪,卑辭堅懇,又續有來者,戶爲之滿,余亦終隨之去。 今日余亦不願遵諸君復課令卽去上課。諸君旣不像一學生,余亦竟不能做像 余前日非遵諸君罷課令不到學校上課,乃因去至講堂空無聽者,不能對壁 「余之來校授課, 乃受學校之聘。今罷課復課, 皆由諸君主動, 諸君在

學校又常停課。只由學生發一通知,

校方不加聞問。

某一日,

罷課旣久,學生數人來逐湖寓

報章上亦不對此等事登載一字。昆明地處偏遠,學風如此。則余幸不去京、滬、平、津, 否則眞

不知何以爲教也。

四

余在五華所授,以「中國思想史」爲主。在省立圖書館所閱書, 以宋元明三朝諸禪師撰述,

及金元兩代之新道教爲主。尤以後者翻覽最詳,惜僅偶撰小文,未能萃精著作。

李埏在雲大任教,三十六年春,自路南接眷來昆明,在五華山唐繼堯一大園中租得一小宅,

人,余乃儼如其家之老人。然而從此余之一日三餐遂獲妥善之解決,余之體力乃亦日健。 同食,蓋因|李娫與乃義知余居|翠湖惟膳食一事安排不佳,故爲此計。由|李拠妻親任烹調。 遯余去同住。平屋三間,|李埏夫婦及其一幼子一幼女住左室,余住右室,中室爲食堂。余與|李家 同桌五

入,一人在大廳中讀書散步,較之前在宜良山中更靜寂有加。 唐家園中有一大廳 ,在李娫租屋前不百步。李埏又爲余借得唐家大廳之鑰匙 ,余每日開門 園西一墓地益寬大, 余亦時往散

余前半年在<u>零湖日親水,此半年在唐氏家園乃日親山,亦初來所未料也</u>。

暑假乘飛機返上海, 臨出機場,遇一熟友來接其友,其友乃未至。彼告余,已備餐肴,

깯

昆明五華書院及無錫江南大學

七六

近。 鄉, 暢,以告主人。主人曰:「老年必倍喜鄉食,此或腸胃習慣宜然。君今病胃,正宜鄉食, 出一客房,又親以車來, 鄉旅食自不同,可勿慮。」余意主人此言大有理,余之胃病當以居鄕爲得。適無錫有創辦江南大 懇切,余又勉盡之。 最後又來米飯一椀。 余旣介之五華, 本亦在小學任教 。 余在后宅小學時, 屡來相邀, 自念今夕飲食較素常增兩三倍有餘, 遂與俱往, 半年後, 余遂決意離昆明返無錫。暑假後,另介紹一友諸祖耿去五華。 余在昆明一年,晚餐從不進米飯,惟知今夕主人旣未備粥麵, 堅邀余同赴其家。 余一人獨返。 即與相識。 不意設宴甚盛, 章太炎講學蘇州時, 諸友皆知余爲胃病, 恐有不適。乃竟夜無恙,晨起轉覺舒 一盤一碟, 必堅請一嘗。 故亦不堅留。 祖耿往從之, 祖耿乃余近 余所食既 而又情辭 較之離 **遂於民** 頗得親

五

國三十七年春轉赴江南大學任教。

黿頭渚。 校舍皆新造, 江南大學乃無錫巨商榮家所創辦,校舍在無錫西門外太湖濱山坡上。由此向南一華里許,卽 風景極佳。諸教授住宅多分佈在榮巷一地,榮巷乃榮家舊宅所在, 由此經

梅園至大學,可四五華里。梅園亦榮家所創造。余居分上下樓,各三楹。余居樓上,樓下乃大學

老校主德生夫婦所居。每週六下午脯後,德生夫婦由城來。晚餐後, 必上樓暢談, 或由余下樓,

其

丐皆壯年失業, 兄宗鏡及同鄉數友遊杭州西湖,在樓外樓晚餐, 每談必兩小時左右。星期日午後,德生夫婦卽去城,如是以爲常。 即無錫城外諸酒家亦有此現象, 席散下樓, **遂羣議回滬設廠** 羣丐環侍爭賞, 德生告余, 廣招勞工, 時不勝感喟。 某一年, **庶於消弭失業有** 德生與 謂羣

特旺, 縣, Ŀ, 補。 地多犖确, 地爲澤國 無錫鄉人之在滬設廠 宗鏡先卒, 故其居民多去上海經營小鐵舖等爲生。自此多設碾廠紡織廠等。而榮氏兄弟業務 湖泊相連, **德生一人維持。** , 其動機始於此。 多良田, 至抗戰時, 故居民皆以耕漁爲業。 余家在無錫南門外, **德生諸子姪及諸壻各分主一廠徙內地,及是皆遷** 榮巷在無錫西門外, 與蘇州常熟爲鄰, 濱太湖 前清屬金匱 多山

回。 江南大學乃由其一子之某一廠斥貲興辦。

君畢生獲如此碩果, 意復如何。 德生謂:「人生必有死, 即兩手空空而去。

錢財

紀念, 有何意義 , 傳之子孫 , 西門陸路直達黿頭渚, 德生七十歲時, 即自蠡湖直通黿頭渚跨水建一長橋。 私斥鉅貲, 行人稱便。 亦未聞有可以歷世不敗者。」德生又謂:「我一生惟一事或可留作身後 建此長橋, 徳生謂: 」蠡湖俗稱五里湖, 橋長有七十大洞, 「他年我無錫鄉人, 寬廣可汽車對駛, 猶知有一榮德生, 與太湖相連, 黿 頭渚本孤立太湖 由此乃可 惟賴此橋。 從無錫 我

之所以報鄕里者,亦惟有此橋耳。」

館, 乃由彼往年經營。今中學已停閉,此圖書館則尙待整理保留,亦彼一生中所辛勤擘畫也。 以榮巷圖書移江南大學以應急需。 弟漱六從另一私立中學轉來接替先兄之職。 藏書亦數萬册,迄今猶封閉未加整理。余因江南大學新興,圖書有待逐年增置, **德生於抗戰前,** 在榮巷曾創辦一中學, 乃德生意,似謂江南大學由其子創辦, 先兄聲一先生亦曾在該校任教。 抗戰時, 此校遭殘破, 及是未能復興, 而榮巷中學及此圖書館 及先兄癭病驟卒, 擬請德生先 猶存 圖 書

大橋, 私。 不讀書人,語語皆直吐胸臆, 談吐誠懇忠實, 社會失業。 即德生一人爲例可證。 凡屬無錫人, 由此可知中國社會之文化傳統及其心理積習, 余又曾至其城中居宅, 其重視地方交通公益又如此。 待其贏利有餘, 絕不染絲毫交際應酬場中聲口,更不效爲知識份子作假斯文態, 在上海設廠, 方與其兄宗鏡從事實業經營,成爲一大資本企業家, 即復在鄉里與辦學校, 寬敞勝於鄉間, 如見肺腑。蓋其人生觀如是,其言行賤履亦如是。 經營獲利, 余私窺其個人生活, 必在其本鄉設立一私立學校, 然其樸質無華, 其重視地方教育又如此。 重名尤過於重利。 如飲膳, 傭僕蕭然, 如衣著, 換言之, 亦無富家氣派。 以助地方教育之發展。 如居住, 及其晚年又樂 其最先動機即爲救助 卽是重公尤勝於重 豈不可敬。 乃儼若一不識字 皆節儉有如 其日常 而中 蠡湖

六

佛 理。其他經商有成,在其家鄉與辦中小學者,乃指不勝屈。其實推而上之,無錫一縣在江南開風 致無異。 私立者在先,惟不屬之地方,而屬之教會,此則雙方文化不同之故。然學校教育重在私辦, 之南開也。 模皆極宏偉,科學儀器亦極齊備。皆由地方人士私貲創辦。 氣之先,如埃實、東林兩學校,遠在前清光緒戊戌政變前, 湖背山, 乃移籍無錫, 吾中國果誠慕效西化,則學校教育似亦當尊重私立。 耶魯亦各有三百年以上之歷史, 又如當時無錫鉅商唐家,請太倉唐蔚芝來無錫創辦一國學專修館,又爲之建造一住宅, 如英國之牛津、 風景特幽, 遊人少至。 及抗戰勝利, 蔚芝雖以病居滬, 而國學專修館終遷回, 恢復辦 然風氣已開, 作終老計。及榮家戲湖長橋落成, 劍橋, 即余之幼年,早獲投入新式小學讀書,亦受此風氣之賜。西方學校亦由 皆由教會興辦, 其先亦由教會與辦。 唐家又爲蔚芝特築一別墅在橋之西端黿頭渚, 歷史悠久, 州立大學最遲起, 但戊戌後,兩校皆遭毀,否則亦它日 爲全國地方與辦新式學校之開始。 至今乃爲其國人所重視。 然始終未有國立大 美國之哈 則大 蔚芝 規 面

ĮЧ

謂 爲本, 於中小學。至大學則仍不由政府掌握。若論中國, 會下層,不當操自政府上層,此爲東西雙方所同。 位聲勢均在國立公立學校之上。 蓋因西方政教分, 有公立學校。 「國民教育」又微有辨。果論中國社會之文化傳統,心理積習,實皆自私塾奠其基。 惟論中國歷史, 知修身卽知重名不重利,重公不重私,此可稱爲乃是一種「人文教育」,於今效西化之所 然自經學有今古文之分, 遠溯之先秦, 孔孟講學, 私家講學尤爲社會所重視。 豈不皆由私人。 惟普魯士提倡國民教育,事勢特然, 則家塾黨庠自漢代已遍國皆是,所教皆以修身 中國則道統尤在政統之上,故教育權當操自社 **鄭**武帝時, 宋代書院興起, 私家講學其 此層乃不 但亦僅限 各郡亦 地

可不深切注意者

久。 盛名者。其後陳嘉庚又獨資創辦厦門大學, 厦門之集美, 集美之有陳嘉庚, 晚淸以下, 亦由南洋僑商陳嘉庚兄弟, 羣呼教育救國,無錫一縣最先起。其時學校則多屬私立。 則猶榮巷之有榮德生也。 海外經商贏利, 則其事猶遠在榮氏辦江南大學以前, 其時上海浦東有楊斯盛 乃返家鄉創辦。 , 余之始任教於中學,爲 爲當時私家興學之最負 毀家興學 有一 世三十年之 山東有武

訓, 余避赤禍至香港, 曾遊新加坡馬來亞。 其地僑商, 率重兩事。 一曰創建同鄉會,鄉人隻身偸

以乞丐興學。

全國風起雲湧,

類此之例,

恐尙多有,

難於觀縷以舉。

學, 以致之。 任教。 氣亦必高。 國社會私立之上。 國慕效, 爲開創民國之第一偉人。此等皆當歸功於中國社會之文化傳統與其心理積習之一種無形潛勢力有 渡而來, 長而遊學英倫, 故使此諸地迄今仍有一中國社會之存在。如辜鴻銘, 而私立學校地位又必屈抑在公立之下。 果使民國以來, 誠指顧間事。 皆由同鄉會援助, 中小學亦然。 如北平有燕京大學, 然乃終以宣揚中國文化蜚聲中外。又如孫中山先生,亦受學於香港, 乃不此之圖, 而更甚者, 中央政府知此深義, 得以成家立業。 則有新文化運動, 學校必國家公立,無錫如英實東林兩校, 南京有金陵大學, 更有甚者, 次曰與辦學校, 於私家與學善加誘導, 凡中國固有必遭排斥。 蘇州有東吳大學, 外國教會來內地辦學, 即出生於檳榔嶼, 皆僑商私立,遠自上海聘江浙人來 多予褒揚, 凡屬教會大學, 胡適之在北京大學 毀後重建, 自幼讀書於英國 其地位亦必 則聞風興起, 皆改爲 而終成 其聲 在本 全 小

國兩模範縣之稱。 又清末民初, 敬宗恤族 此亦中國社會文化傳統心理積習中所宜有。 南通有張譽季直, 於地方有貢獻。 亦與辦實業,提倡新學校,一時南通與無錫嫓美競秀, 乃清末一輩自居爲遺老者,率皆蟄居上海天津租界中作寓 從來名宦大臣, 退老居鄉, 多知恭 有全

林。

此誠無法解說者。

中國之有大學必確然自北京大學始。

二十五史所載歷代國立太學皆擯不得列於大學之

29

昆明五華書院及無錫江南大學

公, 何。又自「全盤西化」一轉而爲共產主義,蘇聯化,不僅排斥古人,卽全國社會亦盡在排斥中。 實業界皆爲資本家,爲人類之毒害。 如新文化運動諸鉅子, 亦未嘗無人肯聽從其言者,乃惜乎亦默不一聞。可知當時中病實在一輩高級智識份子身上。而尤 可救藥。 不問世事。 余自交榮德生, 其時軍閥割據,擁兵自強,儻有地方賢達告其在各自勢力範圍內興學校辦實業, 乃羣據國立大學中當教授, 深稔其爲人,乃不禁馳想至此。 即如陳嘉庚亦轉向左傾,慕爲一前進份子, 卽以大學爲根據地大本營。 後余在香港聞德生竟以餓死, 於是爲禍乃益不 而政府亦無如之 亦良堪悼

在, 矣。 辦小學,卽聘保三爲校長。余去集美, 常與余於梅園品茗長談。余親對鄉里前輩,每不勝其敬仰之思。但余至香港,亦不聞其下落 又有侯保三, 亦繼楊範之創辦竢實學堂後以私人與學名聞全國。 當年小學建築尙保留存在。 陳嘉庚兄弟在厦門集美初創 及余來江南大學,保三尚健

念矣!

يار

江南大學初上課, 忘其爲何事, 學生欲結隊赴京請願。 此等學生皆初自中學來, 即已如此意

京 氣囂張, 學校仍照常上課。 誠不可解。余任文學院長職,集大會盡力勸戒, 然此後學校風潮終於時起, 蓋羣認爲不鬧事, 意氣稍戢, 但終不肯已, 即落伍, 爲可恥。 乃改派小隊赴 風氣已

成,一時甚難化解。

之序日, 泊, **莊子注原本,遍誦莊子各家注,以五色筆添注其上,眉端行間皆滿,久而成莊子纂箋一書。自爲** 船盪漾湖中。 養魚爲業, 余之院長辦公室在樓上,窗外遠眺, 「莊子亂世之書也。身居亂世,乃注此書自消遺」,是亦可知余當時之心情矣。 每一小時化錢七毛,任其所至,經兩三小時始返。自榮甚至學校,沿途鄉民各築小 漫步岸上,上天下水,幽閒無極。余筆其遐想,成湖上閒思錄一書。又據馬其釈 太湖卽在目前。下午無事,常一人至湖邊村裡, 雇一小

樓上。余適應上海某書肆約,爲選四部舊籍人人最先必讀者數十種,一一爲加新標點, 亦未能付印出版, 項經費亦由某書肆擔任。惜標點古籍名著畢, 度,社會經濟等, 分任。遇疑難處, 其時有舊在成都從余之數學生皆江渐籍,勝利回來,聞余在江南大學,重來從余, 共二十餘類。由諸生從余指定書籍中, 諸生亦散去, 由余爲之決定。俟標點畢, 卒爲余在江南大學時浪費精神之一事。 時事日非, 余擬撰一中國歷史新編,已先定目錄, 此稿未能著手。 分頭從事鈔集資料, 所標點之各書, 而由余總其成。 卽 同居榮巷 如 某書肆 政治制 由諸 此

女, 勝, 聞北平淪陷,中央派飛機赴北平接人,有錫予夫婦名,但錫予夫婦不願離其子女。時適有戚屬 選,須到學年終了,始能動議。勸其且暫返北平。不意時局遽變,初謂一時小別, 告人如此。 央研究院已遷至南京, 肄業輔仁大學,錫予促其頂名行,倉促間足上猶穿溜冰鞋,遽赴機場, 其意似頗欲轉來任教。 然其時適在秋季始業後不久, 其時湯錫予赴美國哈佛講學歸, 回念老友, 有意招之,錫予不欲往。彼居江南大學數日,暢遊太湖、醽頭渚、 追想何極。 最近聞人言, 特來訪。告余:「儻返北平,恐時事不穩,未可定居。」中 錫予乃以自殺死, 余告以此校初創, 規模簡陋, 但未審其景況之詳。 得至南京, 乃竟成永訣。 後在臺北 執筆悼 添新人 梅園諸

去, 煙卷相偕同吸。由此夕始,煙戒遂破,至今又已三十年矣。懷念當時情況,亦猶在目前也。 戒吸紙煙, 遂再宿一宵。 叉一日, 相距已三十年,在昆明尤愛其長筒水煙管,但卒未破戒。 昆明于乃仁來訪, 夜坐室外廊上, 遙望湖色, 對坐長談, 余與偕遊黿頭渚, 宿渚上無錫旅館。 乃仁手握紙煙連吸不已。 至是乃情不自禁, 越兩宵, 乃仁猶流連不忍離 余自后宅小學 向之索

痛

慨何堪言。

此翻天覆地之事,轉若熟視無覩,亦良可喟歎也。

弟 生爲民族資本家, 屬隨余同住之學生檢寄。余過滬, 言春假旅行,學校寢室中牀舖書籍安放如故。 軍先後文告,亦有絲毫開國氣象否?」孫卿無以應。 之呼聲, 在淪陷區者, 有文字發表, 知余去意,謂:「君暫避亦佳, 亦屢勸余勿離去。言下若於共軍渡江有深望。余告孫卿: 徐州既淪陷, 甚囂塵上,使淪陷區人民心滋不安。又以金圓券市價朝夕變動,生活無瞬息之安。乃於 惶恐困阨, 知其尚健在, 屬勿離去。 時値春假, 與逃避後方等, 並仍治學不倦, **樊氏集團中人,亦勸余留校,可隨隊同遷。又族叔孫卿乃子泉孿生** 適廣州有一華僑大學來函相招,余遂決意暫避。時共黨廣播稱榮德 週一無錫**同鄉許思遠**, 秋間時局即定, 初無大異。及勝利回都, 方以爲喜, 但不久亦聞其逝世矣。其實抗戰八年, 留 即莊子纂箋、 到時可再相晤。」去年曾在香港某雜誌見其 然其力勸余如故。 留學西歐治希臘哲學, 湖上閒思錄諸稿, 「吾叔日常好談論古文辭, 淪陷區乃如被征服地, **余既受多方挽留**, 亦符余抵香港後 亦在江南大學任 再教育 不知共 臨去只



五 新亞書院

日軍佔領時之淪陷區,意謂此乃國內政權相爭,更無逃避必要,故言之安祥如是也。 海送行,謂:「君暫避甚佳,盼九月能在此重晤。 僑大創辦人王淑陶,與君毅舊識。此校創於香港,遷來廣州。其時共軍已南侵至徐州。余念於人 事素疎,上下無交際,一旦戰氛渡江,脫身非易, 民國三十八年春假,余與江南大學同事唐君毅,應廣州私立華僑大學聘,由上海同赴廣州。 」是當時人亦知政局可急切轉移, 不如借此暫避,以免臨時惶迫。同事許思遠上 慣於生活在

之其官邸。同受邀者,多青年、民社兩黨黨員。 及共軍渡江, 「當抗戰時,軍隊占最前線,政府居中指揮,教育界知識分子最在後方,惟受蔽護。今日形 上海戰事日緊,政府大部分機關已遷至廣州。 以學校教授資格者, 一日,應行政院長閻錫山邀,晤 惟余一人。余卽席發言,

安排。 僅盼政府多方注意國內知識分子,至少在當時負羣望爲眾情所歸者, 余當時此番話, 間,當轉上第一線。俟人心有定向,國事庶可挽回,政局可重建基礎,然後軍事始再可振作。」 勢已非,前線軍隊在崩潰中,恐不可恃。政府遠退在此, 惜是日會場中, 初亦不料共黨此下對國內知識分子有如許壓迫, 無人提及此層。 余亦僅發一場空言而止。 知識分子教育界可以人自爲戰,深入民 **清算鬥爭**, 須及時多聯絡, 設一妥善之 種種慘烈手段。余意

情, 曉峯邀余參加。 約謝幼偉、 「近方約集一董事會, 每以爲憾。 叉一日, 雀書琴, 在街頭, 此次來廣州, 余謂:「自民二十六年秋起, 屢荷浙大之邀, 僅赴遵義作一 亦不久當來,此兩人乃余素識。又一人治經濟學, 向教育部立案,俟事定再告。」但此後不久,聞曉峯已得蔣總統電召去臺 忽遇老友張曉峯。 本無先定計畫, 彼乃自杭州浙江大學來。告余,擬去香港辦一學校,已 決當追隨, 可卽以今日一言爲定。」 余所未識。 短期停留, 曉峯又告余: 今亦忘其名。 有負盛

北矣。

港。幸有友人遐之九龍車站,堅邀其返。余聞此, 與其夫人小談卽別。後聞其夫人意欲避去臺北,寅恪欲留粵, 又一日,余特去嶺南大學訪陳寅恪,詢其此下之行止。適是日寅恪因事赴城, 乃知寅恪決意不離大陸, 言辭爭執,其夫人即一人獨自去香 百忙中未再往訪, 未獲晤面, 遂 僅

與寅恪失此一面之緣。今聞寅恪因紅衞兵之擾,竟作古人。每一念及,悵恨無已。

距, 家。 共黨新政權都抱「與人爲善」之心。果使中共政權成立後,能善體這番心情,亦未嘗不可上下一 難於緀舉。 君晤,頃已忘其名, 余兩人留一宿。 屢函促其來,亦拒不至。又楊樹達,余晤之於廣州中山大學,亦不久離學返湘。如此之類, 又一日,與君毅同去廣州鄉間訪熊十力, 國家遭此大變,但距抗戰流亡不久,家人生計,顧慮實多。亦證當時一輩知識分子對 由其作書勸漱溟來粵,亦未得覆。又羅倬漢陪余同去訪寅恪,後余在港辦新 十力亦無意離大陸, 後去北平,聞其卒於滬上。又梁漱溟時在重慶,余與某 君毅乃十力之入室弟子也。 十力隻身寓其一學生

體,共期有成。而惜乎中共政權之難於與語此也。

後乃借一中學校教室, 而余在香港竟未獲與彼兩人謀面。校名爲亞洲文商學院,由幼偉約其友人劉某爲監督,派余 嗣又得教育部函邀孔子誕辰作公開演講重返廣州。 余在僑大得識同事趙冰, 暑假無人, 見如故。秋季僑大遷回香港, 余夜間拼課桌舖被**臥其上**, 乃聞幼偉書琴兩人已抵港, 晨起卽撤被搬回課桌, 趙冰夫婦與余偕行, 進行創辦學校 如是爲常。

余卽宿其家。

五

|琴, 後校中一切事,彼兩人必盡力應付。 任此職, **|峯原邀之第三人治經濟者返粤,** 英語均所不習, 任院長。 乃知依港例, 俾便與香港教育司接頭。 余去函聲明, 定多困難。 申請創辦學校, **決賤宿諾,** 三則與監督劉君素昧平生。 携幼偉書琴函, 並謂院長一職, 必由監督一人出面負責。 返港共事, 余見事已如此,只有勉允。 惟院長一職, 面告一切, 促余速返港。 亦已正式立案, 懇幼偉書琴另商。 劉君夙居香港, 萬不願任。 成爲定局, 迨余抵港, 不日, 則人地生疏。 與幼偉熟稔, 極難臨時更動。 幼偉書琴特囑 晤及幼偉書 二則粤語 故請其 此 隣

則任教務長一 幼偉。 若何維持, 南中學之課室三間, 兼經濟方面之課務。 有時書琴夫人亦在旁預聞鼓勵。 而赴廣州面促余之某君, 幼偉忽得印尼某報館聘其去任總主筆。書琴力勸其行,謂狡兎三窟,香港新校究不知 幼偉去印尼亦可多得一退步,港校事彼當加倍盡力。余見彼兩人已同意,亦無法堅留 職。 於民國三十八年之秋季十月正式開學。 在夜間上課, 又商得君毅同意,彼隨僑大來港, 亦留粤不再返。於是亞洲文商之開學, 故定名爲亞洲文商夜校。又在附近砲台街租得一空屋, 余卽邀在廣州新識之張丕介,時在港主編民主**評論**, 懇其兼任幼偉所遺哲學方面之課務。 時並無固定之校址, 實際乃由余與書琴兩人籌 只租九龍偉 爲學生 懇其來 晴 書琴 街華

開學後不久, 丕介偕其在重慶政治大學之舊同事羅夢册來晤面。 余抗戰時赴重慶, 曾與夢册

在政大有一席之談話。 惟彼不久卽離港去臺,在臺北代爲亞洲文商招生,得新生約二十人左右,由臺來港。 至是亞洲文商遂又獲一新同事。又君毅舊友程兆熊, 亦來港, 亦聘其任 亞洲文

商在港新生僅得約四十人左右,至是乃增至六十人之數。

道海角公寓租賃數室, 暫住九龍新界沙田僑大宿舍,兩人輪番住砲台街宿舍中, 夜間則仍在九龍上課。時爲民國三十九年之春,卽亞洲文商學院開辦之第二學期。 余在港又新識一上海商人王岳峯,彼對余艱苦辦學事甚爲欣賞, 作爲講堂及宿舍之用, 安揷自臺來港之新生。 與諸生同屋。 願盡力相助。 而余等則在日間赴香港上 遂在香港英皇 余與君毅

=

乃告余, 擬改學校爲日校。 民三十九年之秋, 亞洲文商乃彼所創辦, 余遂赴香港教育司另請立案。其時書琴夫婦亦因臺北來邀,離港而去。 劉君似以此一學年來, 岳峯斥貲在九龍桂林街頂得新樓三楹,供學校作新校舍。余遂商之監督劉 不欲改日校,亦不願將校名相讓。當由君另向香港教育司申請立 學校事皆由余接沿主持,彼不欲再虛膺監督之名。 新校遂由余

Ŧi.

案創辦新校。

一人主持。

室, 屋 位各間隔成前後兩間, 其三單位中之三四兩層, 間, 兩大兩小。 學校自遷桂林街, **余居之**, 夢册夫婦由岳峯另賃屋居之。 君毅後屋一間, 得屋四間。 始改名新亞書院。桂林街乃在九龍貧民區中新闢,一排皆四層樓, 每單位每層約三百尺左右。三樓三單位中,一單位是學生宿舍, 爲辦公室兼余及張唐兩家之膳堂。 前屋兩間向南,各附有一陽台,由丕介君毅夫婦分居。 四樓三單位共間隔成四間教 丕介後 另兩單 學校占

學, 課。 識, 兩人實如故交,幸勿過謙。」余謂: 西方某團體英譯漢書事,與余爲新識。劉百閔羅香林亦來任課, 創一學校, 曾邀余至其家午餐長談。余極賞其屋宇精雅,花木幽蒨,有詩人之致。至是亦在港晤面。 更無出國機會。 衞挺生曾於某年暑假在 廬山晤面, 君艱苦創學校, 恨無力相助, 願義務任教國文一課, 以表同情。梁寒操新相識, 亦來任國文 同事亦大增, 而爲況極冷落。 吳俊升土選本爲教育部高教司長。教育部自廣州遷臺北, 彼謂: 至是遂來新亞任課。又介紹該校同事任泰東伯來任英語課。 「與君雖初見面,然君在商務出版之論語要略特在家教子誦讀。我 「此乃實語,非謙辭。」彼謂: 彼詢余留學何國。 余告以: 兩人皆舊識。 「年幼失學, 「君未受新式教育, 彼亦來港, 張維翰苑區在順相 未獲進國內大 東伯曾任 別與數人 於論語 彼

書,以如此新的編纂,表達如此新的觀點, 更非常情所能想像。」至是亦在港再晤, 來校任經

濟方面之課務。又陳伯莊, 在重慶相識, 曾書柬往返有所討論。 至是亦再晤面。 彼家近桂林街,

長陳誠辭修有戚誼,其返臺時, 喜圍棋,余亦已破戒, 遂常至其家對弈。 辭修留其居臺。但兆熊仍返港, 彼亦來校任社會學方面之課務。 願與余等同甘苦, 兆熊與國民政府行政院 來校繼續任

又有楊汝梅, 學校無法爲彼安排住處, 在大陸金融界負盛名, 與余爲新識, 亦邀其來校任教。

乃舉家住郊區沙田。

爲省交通費,

往返十數里,每日作長程徒步。

某君任祕書, 當時在香港學校任教者, 新亞遂因此特受教育司之重視。某日,教育司長高詩雅親來巡視, 見新亞所聘各教授,均係國內政界學界知名負時望者。論其人選, 例必詳列其學歷資歷報教育司。時香港教育司亦特聘國內流亡學人 適余不在校, 香港大學中文系 見樓

梯口有「新亞書院大學部」一區,囑移去勿懸室外。香港惟有一大學, 遠不能比, 即香港大學。 居民皆逕稱

「大學堂」,不聞有稱香港大學者。 自不能破例許人另立一大學。 然教育司於新亞特多通融, 有

所請乞,皆蒙接受,甚少爲難。 殆亦震於新亞之教授陣容有以使然也。

新亞又另組董事會, 請趙冰爲董事長, 亦在學校任課。 其他如寒操等, 皆邀爲董事,多粤人

而趙冰爲香港大律師, 尤受港人重視。 香港律師職務名利兼高, 惟大律師占極少數,業

(-)

有, 不負學校經濟方面之責任。 爲辯護者,數十案中難得一案。故雖爲香港政府所重視, 番教誨,使來者難受。余常親往其事務所,趙冰每一人寂居,携便當充午餐,門可羅雀。得其允 夫婦父子等涉訟, 務亦冷落。香港除英國法律外, 亦知識分子中所稀見也。故新亞董事會亦先與學校有諒解,專爲學校法律上之保護人, 趙冰必先曉以大義,詳述中國倫常大道,勸其自爲和解。或竟面斥,不啻如 亦兼行大淸律例。 趙冰於此方面,乃一人獨擅。然登其門者, 而其家境淸寒,不僅爲律師業務中所少 而絕 如

總計全校學生不到百人,而學費收入僅得百分之二十而已。 家者,因見學校規模窮陋, 君任之,此人亦得暇旁聽課業。有好許學生, 通行, 無一工友,僅一厨師治膳食, 更有在學校天台上露宿,及蜷臥三四樓間之樓梯上者。遇余晚間八九時返校,樓梯上早已不 學生來源則多半爲大陸流亡之靑年,尤以調景嶺難民營中來者占絕大比數。彼輩皆不能繳學 須多次腳踏襆被而過。 應考錄取後,亦多改讀他校。否則亦隨例請求免費,或求免一部分。 或則派充學校中雜務,如掃地擦窗等,可獲少許津貼。而學校亦並 由岳峯家派來。 一人管理一切文書繕寫,由廣州教育部流亡來之某 一俟其家在臺定居,卽中途離校而去。至如香港居

其時學校經費日形窘迫,而同人課務則不甚煩重。不得已乃規定鐘點計薪, 任課一小時受酬

港幣二十元。同人堅持余必支最高薪, 乃任課十時, 月薪港幣兩百。依次而下,至港幣八十、一

百不等,然僅爲一時維持之計。

|偵 續聘。 函, 學校申請。 當代爲盡力。惟中國規矩,教師當由學校主動聘請。 會,同人中儘有能勝任者,向外推薦,揚播中國文化亦於國家民族前途有益。 兩人擬在香港遴聘,請余代爲推薦。余念新亞在艱困中勉維歲月,薪給難供一家果腹, 款,須成立一東方學系,擬聘能任中國課程而純粹以英語教授之中國學者三人,一人聘自臺北, 兼新亞課務。又由在港之美國亞洲協會介紹菲律賓大學文學院長某君來見。告余,彼校獲美國協 在美後, 某君歸不兩月,又來港,携學校聘函, 余必當從旁促成其事。」某君請提兩人姓名, 時賀光中負責港大中文課務,屢來訪談,勸余去港大兼課。余力拒之,介紹羅香林去,亦仍 挺生後赴美國, 猶曾來書討論。 **儻余所推薦之兩君**, 東伯則仍回新亞, 則其時新亞擁有許多國內來港之名教授,已爲外國人所知也。今兩君均 或爲此拒不前往, 隨又轉來臺北。挺生曾熱心詳考徐福入日本故事, 並謂親來面呈,以表鄭重。兩君去,皆於聘期滿後獲 當歸後商之。 余亦無以勉強。 **今貴校依西方例,** 余所薦一爲衞挺生, **儻費校肯依中國例** 須願去任教者先自具函向 因告某君: 得有此機 爲任東 先具聘 「此事 逮其

已逝世矣。

友, 中一莫大安慰也。 來,散會後,仍留三樓辦公室閒談。乃知其爲江蘇南通籍沈燕謀, 講者每滿座,可得六十人至八十人左右。學生留宿校內者,只擠立牆角旁聽。有一老者,每講必 以友輔仁」之意。 交談旣熟, 新亞初創時,又設一公開學術講座,每週末晚上七時至九時在桂林街課室中舉行。校外來聽 歸國後協助張謇季直在滬辦工廠。 遂成至友。蓋余等之在此辦學,旣不爲名,亦不爲利,覊旅餘生, 此講會能對社會得何成效,亦所不計。而海外逃亡獲交新友, 以其餘暇, 瀏覽古籍, 與胡適之同年出國留學, 方專意陳壽三國志。 亦求 亦枯寂生命 「以文會 在港無 在美

<u> 29</u>

此政綱再邀同志, 獻,鄙意向不反對。特今日局勢大變,欲在國民黨共產黨外另創一新政黨,事非倉促可成。 宜邀合數人,作精詳之商討,從根本上草創一救國家救民族之百年大計。先擬一新政綱, 及其他人士流亡在港者,共創一新黨,勉余加入。余言:「君積年從事政治活動,對國家自有貢 舊識張君勛,又在香港相晤。君勱又提舊議。謂君今當知追悔。彼方欲約集民社、青年兩黨 創建新黨。 此新黨之黨員,宜少不宜多。此新黨之活動, 宜緩不宜急。 務求培 然後本 鄙意

針, 辦學。 計 薨。 邀余出席會議, 君印度歸後再談可也。」 輕率妄言。 養新精神, 人數何限, 余言: 忽一 同一 新亞經費彼可獨力支持, 步調進行, 但此決非築室道謀之事, Η, 驟謀烏合, 貯蓄新力量, 「前所告者, **余終未敢一赴其會。** 在茶樓又晤君蘭, 余亦緩卻之。 僅增擾亂, 此後在港, 乃創建新黨之根本大計, 作久遠之打算。 並由余一人主辦。 彼後乃辦一雜誌, 彼告余最近即擬赴印度,已曾以余意轉告諸友, 何期貢獻。 與余不相熟者, 日, 即聞有一第三黨之醞釀, 不宜在眼前只求經濟充裕, 方將成立第三黨中之某君來訪, **儻君有意先邀集此會議,** 彼只求再辦一 余雖未獲與君深交, 縱不以迂愚相譏, 約夢册主 持, 並有美國方面協款支持。 新亞附屬中學, 夢册解新亞職務。 聲氣廣大。 然亦略知君之爲人, 余又將從何處發言。 余亦願陪末席, 告余, 與新亞採同一方 有意與余共同 盼隨時同商大 流亡無出路者 其時新亞同 屢有人來 供 姑俟 獻獨 故敢

卽不再能供給。 王岳峯之經濟能力有限, 新亞已達山窮水盡之絕境,同人等皆盼余赴臺北, 亦僅能爲新亞頂押一新校舍, 又維持其前一兩月之日常經費, **儻獲政府支援**, 或可再維時 以後 人生活難求溫飽,

余亦正求爲同人介紹生路,

遂無法挽留。

(-)

Ħ

新亞書院

民國三十九年之多,余以新亞全校同人力促赴臺北, 期獲政府救濟,少維年月,再謀發展。

某日, 講演。總統在市區總統府開會未歸,電話來官邸,囑稍待。總統夫人陪坐,命煮湯糰充飢, 晨,即蒙<u>蔣總統召見午宴,由張曉峯陪赴士林官邸。是日,適大陸派伍修權赴美國,出席聯合國</u> 乘飛機抵臺北,已有數人奉蔣經國先生命來機場迎侯。是夕,宿火車站近旁之勵志社。翌 並與

事。余所最受感動者,所進米飯乃當時之配給米,甚爲粗糙。念總統高年亦進此米, 勿介意。」如是往返問答,總統府亦屢來電話。踰午刻,總統返。卽設午宴,席間總統垂詢新亞 余談伍修權事。余謂:「伍修權此行決無成果。」夫人言:「當持反對意見發問,俾君暢言, 余等稍涉艱

幸

六

難,何敢直率以告。遂越趄以他語搪塞。

宴,所進亦屬配給米。又一日,謁教育部長程天放於其官邸。時教育部官邸尚在臺大左外側市郊 與辭修院長乃初識,是夕所談多由孟眞與余暢論有關前清乾嘉學術方面事。又一日, 切設備極簡陋。 行政院陳辭修院長亦在其官邸招宴。同座者僅臺灣大學校長傅斯年孟眞一人。余 自念國難方殷, 何忍以新亞處境濟陳, 遂亦絕口不談。 經國先生招

拮据, 統府當從府中辦公費項下節省出同額款項相助。」 政院應可承允協助。」 幣三千元,勉可維持。 各位任課人之鐘點費。最低以每小時每月港幣二十元計,再加其他緊急開支, 之。是夕, 艱辛, 又一日, 亦何忍開口。 此來亦向政府有所請乞否?」余詳告經過,並謂: 余在席上僅陳在港一年半之觀感所及, 供政府作參考。乃述及新亞事, 某夕在天放部長寓邸餐聚, 居正覺生招宴。 」覺生言: 總統府祕書長王世杰雲艇繼言: 行政院副院長張厲生言:「今夕陳院長因事不克來,新亞事明晨轉達, **覺生乃抗戰時期重慶舊識,** 「君幸稍待, 屆時總統府、行政院、 我當爲君作一安排,再以相告。 **遂定議。** 「此來得總統面諭, 「依理應向教育部陳述。 詢余新亞事。 惟行政院協款須留待提出立法院通 中央黨部均有負責人列席, 謂 行政院協款幾何, 全校每月至少需港 越日, 聞君創辦此校極 謂最渴需者 然觀教育部之 覺生告余 可共商 總

過,約需待明春始可作正式決定,總統府款則立可支撥。余言:「得總統府協款,目前難關已可 此後當續報情況。」此夕之會遂告結束。後余亦再未向行政院提起對新亞協款事。

渡過,

廳,派一員同行,俾沿路接洽,在各中學作講演。余之此行又別有一私事。 設法借出,携以南行。至臺南工業專門學校,卽此後之成功大學,其校長官邸移作賓館, 撰莊子纂箋一書,遍檢羣籍,猶有近代著作兩小書未見。此來,詢之中央研究院, 余此來目的已達,羣勸余作中南部之行,略觀臺灣情況。北大舊同事陳雲屛, 環境淸幽,日夜展讀此兩書,選錄入余之纂箋中。 前在無錫江南大學曾 悉皆藏有,乃 時長臺灣教育 旬日完 屋舍寬

Į, 纂箋一書遂得成稿。 敞,

有園林之勝。余得一人借宿館中,

有變, 眷未蒙提及。 樓屋數十座, 余又去鳳山, 政府派船去港, 此處多空樓, 尚多空置,未經派定居家。余告立人:「總統府祕書長王雪艇告余,萬一香港 在陸軍官校作講演。總司令孫立人邀余至其屛東寓邸,乃前日本空軍軍官宿 新亞學校可獲優先第一批接運來臺。學生可轉各學校肄業,惟教師及其家 君肯暫留數座備濟急否?」立人問需若干。余答:「有四、五棟即

六

夠。」立人允之。余此行爲新亞前途乃得一大解決。歸後告諸師生, 皆欣慰萬狀。

湖如在仙境, 清指以告余: 去講學, 數日。永淸偕余去澄淸湖, 彰化,愛八卦山之幽靜,一人獨宿一空樓,歷一星期始離去。適永淸返岡山, 余又去岡山海軍官校。 振作士氣, 僅可留余夢想中矣。 「君肯留臺,可在此湖中山上定居,眞讀書勝地也。 亦大佳事。」 余答: 其時尙爲一荒湖。兩人坐沿湖草地上,欣賞湖景。遙窰湖中一山,永 海軍總司令桂永淸, 」時海軍官校有大鵬劇團正上演, 「新亞師生在惶慄不安中, 適因公去臺北, 由副總司令馬紀壯接待。 海 每夜必往觀賞。 余不能不歸去共患難 陸兩官校皆近, 邀余再去, 適齊如山亦 君可分別 余又去 又留宿 此

暢談平劇種種藝術特勝處, 亦此行意外一快事。

余此來又得意外兩收穫。先在臺北省立師範學院卽此後之師範大學,由劉眞白如院長邀,作

觀,只望國人能一回顧, 至是重履國土,舊識新交, 楊愷齡整理講解,再加改定。先由印尼某報社印行,嗣後再在臺重印。自念三十八年初離大陸, 行。又由國防部總政治部之邀,由蕭政之來洽,續作七次講演,題爲「中國歷史精神」, 系統講演凡四次, 總題「文化學大義」, 則四千年來歷史文化傳統朗在目前。苟有認識,迷途知返,自有生機。 日有接觸。 痛定思痛, 由及門杜呈祥整理, 語多感發。 余對國家民族前途素抱堅定之樂 即在勵志社寫定, 付正中書局印 由及門

余此兩次講演大意只在此。

腑話, 又在各學校之講演解,擇定題目撰寫成文,歸納爲人生十論一書。要之,在眞實遭遇中吐肺 與以往多作學術性論文有不同。書生報國,僅能止此。 自悼亦自慚矣。

;

治道藏, 年, 港, 11軍來,拘入集中營。在拘禁中,亦讀余洗羨諸子繫年。他日出其書相示,多處有批校,知其亦 中國通史一課之情形,頗獲傳誦。余抗戰期中返上海,存仁偕余訪光華大學校長張壽鏞。 柳存仁乃北大學生,抗戰時轉上海,曾在某雜誌連續撰寫北大人數篇,其中一篇專述余在北大授 存仁方杜門讀余先秦諸子繁年,乃其手鈔本,亦一奇也。存仁後去澳洲,任某大學教授,精 存仁亦在港某中學任教。後在某次宴會中,有人當存仁面告余,某年舊曆元旦彼去存仁家拜 民國四十年之夏,香港大學中文系新聘英國人林仰山爲系主任。 與余常通函,報告其研究所得,至今未絕。林仰山久居中國,曾在濟南齊魯大學任教。 一日,偕及門柳存仁來訪。 余來香

仰山邀余至港大任教。 余答以新亞在艱困中,不能離去。 仰山堅請,謂: 「君不能離新亞

(=)

用心甚至。

來港大兼課, 事無不可。」余答:「新亞事萬分艱辛,實不容余再在校外兼課分心。」仰山謂:

又謂:「港大近得美國在港救濟知識份子協會一款,可聘任若干研究員。君可否兼任港大研究員 「君來港大,不僅港大諸生同受教益,並港大中文系一切課程編製及系務進行亦得隨時請教。

惟以不任職,不授課,不受薪,爲原則。」仰山無以強。 名義,時間可無限定。」余爲其誠意所感,答:「願在必要時參加港大中文系集會,貢獻意見

席會議毫無拘束。|仰山又定同系諸教師每月必有一宴集,輪流爲主人,余亦必被邀參預,但終不 同事。|百閔並在余來臺時,多方盡力爲新亞謀渡難關,與余情意尤密。故余屢次去港大中文系出 林仰山來港大主任中文系,賀光中蘇聯離去。羅香林、劉百閔皆改聘爲專任。兩人皆新亞舊

許余爲此項宴集之主人。

仰山來商,余之先秦諸子繫年, 後余去倫敦, 某年,港大中文系創有東方研究院東方學報之出版,余爲特撰孔子與春秋一篇,仰山刊爲首 尚得彼中治漢學者之稱道。以後此篇收入余著兩漢經學今古文平議一書中。又 願否由港大出版部重爲出版流傳。適余此書在抗戰期中頗有增

遂以最後定本與之, 由港大出版部重新排版付印。

又民國四十四年夏,港大贈余博士學位,聞亦由林仰山與高詩雅兩人之動議。十餘年後,

余新亞及門弟子余秉權時亦在港大中文系任教, 文大學成立,余正求辭去新亞院長職。翌年夏, 聘余爲中文系教授,徵余同意。余告香林、 若余先接新聘, 將很難對新亞同人乞諒。 故余必於正式辭職後, 秉權:「此次辭職, 分別來轉達仰山意, 林仰山亦年屆退休, 新亞同人皆表反對,正在商 將返英久居, 欲於其退休前, 再作他謀。」翌年之夏, 乃囑羅香林與 先向學校提

仰山夫婦離港, 余亦往碼頭親送之。頃仰山已逝世多年, 異國友情, 亦良堪悼念。

特來訪。 是年美國人艾維來香港主持香港美國之亞洲協會職務。 艾維尚年輕, **直率坦白,一見如故。謂初來一切摸不到頭腦,但知余創新亞之艱辛,** 初到,即來訪,謂在美有人介紹,

他

故

四

日有可能,

必盡力相助,遂常來往。

又是年因余在臺北受張曉峯編纂現代國民基本知識叢書之約,允寫中國思想史及宋明理學概

臺北出版。 |涎兩種。返||港後,每於夜間燈下,先寫||中國思想史,於四十年八月成書,翌年四十一年十一 余又於四十年多再赴臺北, 因前一年來臺,在臺中得識臺籍數友。 彼輩意欲余在臺辦 月在

新亞書院 (=)

來函告余已選定校址。港方同人亦以新亞在港困頓無發展,

黛在臺辦分校,

或可獲

新亞分校,

新生機, 可派軍隊任之,於地價外又可省工資。君應急速從事。」 如茵,溪流縱橫, 遂又促余行。 地極寬敝,曠無人烟,將來宜大可發展。時劉安祺駐軍臺中,告余「學校建築 余抵臺後,卽去臺中,觀察所擇地址。在郊外,離市不遠。背臨山,

夠。」余又謂: 增大學,畢業生無安揷,固滋不安。但爲長久計,他日返大陸,大學畢業高級知識分子恐終嫌不 者惟臺灣大學一所。此國外教會所擬來臺創辦之大學,卽翌年成立之東海大學。 余返臺北,即向行政院長陳辭修報告。辭修告余:「政府決策不再增設大學。」余謂: 「聞明年美國教會將來臺設立一新大學,不知政府何以應之?」當時臺灣稱大學 解修言 「多

容再思之。」

港大學定爲投考中文系之必讀書,因此香港中學生多誦此兩書,至今不輟。 委員,來邀作講演。 共講五次, 余既未得政府明白應允, 是爲余在臺北有系統演講之第三次。他年此書及去歲所講中國歷史精神一書,香 余擇「中國歷代政治得失」一題,分漢、唐、宋、明、 而滯留已數月,擬卽歸。 何應欽敬之爲總統府戰略顧問委員會主任 清五代, 略述各項制

ፕ የ 問, 乃以手持筆記本掩之。 塊墜落。蓋驚聲堂建築方竣,尚未經工程師驗收, 上,余一手錶放講桌上兩人間。泥塊直擊余頭部, 始得。 先又來告余,謂: 友乘原車赴陽明山, 派車未到, 驚聲堂, 月十六日爲四月份講期之最先第一日,懇君卽移是日講演,幸君再稍留。」余亦允之。 前作一講。余允之。不日,騮先又來云:「頃一法國某君過此,不克多留, 該月十五至下月十五爲一期。時適在四月初,騮先云,三月份講會尚未舉行, 前座有人先離去,騮先見春霖在樓上,招手邀其下樓來前座。余方答問者語,忽屋頂水泥大 一堂聽眾驚聲盡散, 余講演方畢,忽又朱家驊騮先來邀爲聯合國中國同志會作一次講演。依例該會按月一講, 上講堂已誤時, 乃爲該堂第一天使用日。 **余逕自雇街車去**, 「常借用之講堂共有幾處,不巧是日均不克借用,頃借淡江文理學院新落成之 春霖獨云,需聽講演, 出門漫拉一車,直送附近之中心診所。余已不省人事。但尚聞一人言, 聽者盈座,樓上座位亦滿。 忽有人憶余倒臺上,乃返,從泥塊中扶余起。 適該車伕不識地址, 屆時當派車來接。」余亦漫允。 一人雇車來驚聲堂,坐樓上。余講辭已畢, 提前使用, **騮先無恙**, 有立法委員柴春霖, 過門不停, 乃出此變。時余與||點先||縣肩立講臺 即桌上手錶亦無恙, 駛盡一街, 及期, 一人見余頭部血流不止, 約友數人遊士林花圃, 余忽覺心神不安, 乃知有誤, 擬將君講期讓之。 **熙余少留在十五日** 余則倒身泥塊 回 不日, 待聽眾發 頭再覓 騮先 四 自

(::)

事,不勝惋然。又聞人云, 心臟病, 我乃代表總統來慰問」。又聞一人云:「彼已死去」。蓋春霖坐前座,被泥塊擊中胸部。 送來醫院即氣絕。 「今當送君移手術室」。余旣一切不知,乃能聞此三語,亦心理學上 余與春霖不相識, 始終未覩其一面,然春霖不啻爲余而死, 每念此 彼本有

稀遘之經驗也。

過一宵,晨醒, 女護士告余, 余方作何語, 亦記及。此下則全由別人相告,即頭部痛楚亦不自知。 漫問余在何處。旁一女護士云,在醫院中。余忽憶及有一講演, 「講演已畢,乃來此。」余竟全不記憶。稍後, 乃漸憶起, 若果從此死去, 直至屋頂泥塊下 未去出席, 則生

不知何由來,

死不知何由去, 眞亦人生一大糊塗,

亦人生一大爽快矣。是日爲民國四十一年之四

報, 當時唯一獨有之一所私立不牟利學校。此亦新亞一難得之榮譽也。 月十六日,余五十八歲,誠爲余此後生命中最值紀念之一日。 由港政府詳查覈定。余遂函囑由新亞董事長趙冰代勞一切。結果得港政府認許新亞乃爲香港 余在病中得新亞同人來信, 知香港政府新定法令,凡屬私立學校,其爲不牟利者, 須據實呈

余被泥塊擊倒,志琴外尚有前在蘇州中學舊學生楊愷齡,及其夫人鄒馨棣等數人護送余至中心診 余之赴驚聲堂講演,先有前在成都華西大學一女學生郭志琴在門口守候,陪余進入講堂。及

质。 人則晨夕來侍病。及余能出院赴臺中養病,由志琴一人陪余同車往。舊日師生一段因緣,不謂至 **馨棣擠上車坐未穩,不意車忽駛動,掉下車,受輕傷。此後病中問候者不絕於戶,惟彼等諸**

是仍有如此深厚之影響之存在,是亦人生大値欣慰之事也。

余傷未深入腦部,余淸醒後,醫生卽來告余:「此下三日無變化, 「君病斷無危險,但不能早痊。」及余出院, 靜養即可速愈。」 又田沛 沛霖則

中省立師範圖書館借書, 余在臺中住存德巷, 所閱盡南宋以下文學小品。他年余著讀明初開國諸臣詩文集一篇, 臺北廣播公司一空宅中。歷代政治得失之講辭,卽在此改定。 **叉常向臺** 白謂

尙留院中。

稍有發明,則皆植因於此。

余在存德巷養病時, 適新亞學生胡美琦服務臺中師範學校圖書館, 日來相陪。 前後約共四

月, 余始轉臺北、 返香港。而余之頭部常覺有病,閱一年後始全愈。

٠.

翌年,民國四十二年初夏, 美國耶魯大學歷史系主任盧定教授來香港 約余在其旅邸中相

見, 俾以繼續雅禮協會曾在中國大陸長沙所辦醫院及學校兩事未竟之業。彼謂:「君爲我此行首先第 之託,來訪香港、臺北、非律賓三處,以學校與醫藥兩項爲選擇對象,歸作報告,擬有所補助, 史學系同事瓦克爾教授之推薦,故盧定來港後,余爲其相約見面之第一人。瓦克爾曾在民國四十 來。據民國六十九年盧定來香港參加新亞三十週年紀念之講詞, 一年先來香港,後又來港任亞洲協會事,與余亦甚相稔。是晨,盧定告余,彼受雅禮協會董事會 蘇明璇陪往。 北大校長蔣夢麟爲主委。及是來香港美國亞洲協會任職, 明璇畢業於北平師範大學,其妻係師大同學,曾親受余課。 知其當年來港前,先得耶魯大學 故與余一見卽稔, 又明璇曾在臺灣農 常有往

「如我所問直率瑣碎,幸勿見怪。」余答:「儘問無妨。」

一一詳告。」盧定聞余語,面露喜色,隨於衣袋中掏出兩紙,

寫有二三十條,

蓋事先早書就者。

儻有垂

一詢,當

約見之人,如有陳述,請儘直言。」余答:「蒙約見,初無準備。君旣負有使命,

費中撥款相助, 早已從事教育數十年,苟不反共, 君辦學校曾得臺灣政府補助, 與政府正式補助性質不同。」盧定又問:「以後儻得他方補助,能不再接受此款 「君來港辦學校, 有此事否?'」余答:「「蔣總統乃以與余私人關係, 即不來港。 亦意在反共否?'」余答: 但辦學校自有宗旨, 決不專爲反共。 「教育乃余終身志業所在,余在大陸 」盧定又問 由總統府辦公

是。余又告盧定:「余決不願辦一教會學校。」盧定亦點首。惟盧定言: 補助,仍須派一代表來,俾其隨時作聯繫。」余謂:「此屬雅禮方面事。但此一代表來,不當預 之態度。 姑在校就學者。 逐問回答。 **儺雅禮能出款相助,** 否?'」余答:「此項補助本屬暫時救急, 余答: 自上午九時起,已逾中午十二時始問答完畢。三人遂出外午餐。 但余對近百年來, 「余對各宗教均抱一敬意, 須先徵港政府同意, 耶教徒來中國傳教之經過情況則頗有不滿處。」盧定屢點首道 君亦贊成否?」余答:「可。」以下盧定逐條發問, **黛新亞另有辦法** 在余學校中,耶、 此款自當隨即請停。」盧定又問: 回教徒皆有, 「雅禮儻決定對新亞作 盧定又隨問余對宗教 並有佛寺中之和尚尼 余

亞一校爲雅禮合作對象。 董事會斟酌決定。 相晤後數日, 盧定即去臺北。 余遂寫一紙與之,定年得一萬則另租一校舍, 並囑余, 分擬年得美金一萬、一萬五、兩萬之三項預算,由彼携歸, 返港後,又約相見。 盧定告余, 一萬五則頂一校舍, 彼不擬再往非律賓,已決以新 兩萬則謀買

問學校之內政。」盧定亦首肯。

云 此。 君亦與學校同人商之否?」余答: 如此小杯,注水多, 即溢出。余等辦此學校,惟盼學校得有發展, 「君與余屢見面, 但未 一至學校。 **儻爲私人生活打算**, 」余因指桌上一茶杯 可

校舍。盧定見之,大表詫異,云:「聞君校諸教授受薪微薄,

生活艱窘,

今得協款何不措意及

(;;)

新亞, 邀盧定前往觀禮。 不在此苦守。 遇及兩學生, 如學校無一適當校舍, 盧定來, 在課室外閒談而去。適新亞舉行第二屆畢業典禮, 禮成, 留之聚餐, 斷無前途可望。 與諸同人分別談話而去。後新亞三十週年紀念, 請君先往新亞一查看。」一日, 在校外另借一處舉行, 盧定私自來 盧 亦

定講詞中謂, 是夕見新亞舉校師生對余一人之敬意,深信此校之必有前途。

談。及盧定返美後,來函云, **盧定臨別前告余,彼返美後,雅禮董事會定於新亞有協助。惟君對此款,** 一日,蕭約來校告余: 至於校舍事,容再另商。又約一美人蕭約與余見面,謂彼亦雅禮舊人,今居港, 「補助費按年二萬五千美元」,又超原定最高額之上。但蕭約延不 「天熱, 教室中不能無電扇, 已派人來裝設。」 余因語蕭約, 仍當作學校日常開 有事可約 謂

款, 以中國人情言, 「君告余雅禮款已到, 再謝辭臺北贈款, 殊不妥當。 始有情理可言。 今延遲不交, 蕭約道歉, 豈欲新亞先担臺北來款否?此事決不可能。 贈款乃從此而止。 如欲余先拒受臺北贈款, 即送款來。 時爲民國四十三年之五月。 以爲獲取雅禮協款之交換條件 新亞乃具函謝總 **苟余得雅禮協**

港, 人心惶亂,亦曾爲新亞經費多方向大陸來港商人輾轉請乞。其稍有關係者,亦曾出力相助。 同時艾維來告, 有關校舍事, 盧定在離港前曾與彼相商, 當另作籌措, 幸勿爲念。 余初來

統府,

時總統府祕書長已易張羣岳軍。

廣州, 難事。 意。如此類事,不勝枚舉。及是時局漸定,然|新亞得雅禮協款已普遍流傳,欲再獲他方協助亦成 余適有臺北返港證一紙留在身邊, 乃携赴教育司。 司中人以咖啡點心相待, 惟所開支票,旣不列受款人姓名,亦不列付款人姓名,若恐他日或因此受累。余亦遂不敢以此擾 余初次自臺北返港, 非去臺北。 或有疑新亞不獲中國社會同情, 教育司因受政府囑,不得不邀君親來解釋,此亦政府禮待之意,務懇原諒。」 教育司卽派人來邀余到教育司一談,云:「有人向政府告密, 乃始終僅賴雅禮一方協助, 此一層在余心中常滋慚恧, 歡語移時, 謂君實去 屢表歉

然

ナ

亦無可語人也。

高騖遠,實感迫切所需。儻亞洲協會肯對此相助,規模儘不妨簡陋,培養得一人才,他日卽得一 人才之用,不當專重外面一般條例言。」 艾維深然之。謂願出力以待他日新機會之不斷來臨。乃 以盡棉薄。 培養新人才,以供他日還大陸之用。故今學校雖僅具雛形,余心極欲再辦一硏究所。 盧定離港後艾維又來訪, 」余告艾維: 「新亞創辦乃因大陸遭劇變促成。 語余: 「新亞既得雅禮協款, 余意不僅在辦一學校,實欲提倡新學 亞洲協會亦願隨分出力, 當從何途, 此非好

六

租九龍太子道一樓, 供新亞及校外大學畢業後有志續求進修者數人之用。 新亞諸教授則隨宜作指

是爲新亞研究所最先之籌辦。時爲民國四十二年之秋。

箕灣。余告其女,余病已漸癒,路遠幸勿來。 乃有今日。」女父又言:彼今乃於業餘兼習中醫, 國人,何來此學西醫。 告。因云:彼在日本學醫時,識一日本老人,常相偕遠足登山, **塘往返散步,但遷延經久不愈。新亞一女學生,其父亦西醫,屢言欲來爲余診治,** 年師生病,多經其診治。余病稍愈,遂移住太子道硏究所,經某西醫調理,並日常在太子道九龍 身體內亦仍有用處, 又劇發。經常州中學舊同學費保彥子彬診治。子彬乃武進孟河世醫,曾義務爲新亞校醫, 是年初秋, 余胃病又發。初在成都華西壩患十二指腸潰瘍,直至到無錫江南大學始漸愈。 萬勿聽西醫言割去。 我曾患內臟各部分病, 經東京第一流三大醫院診治, 余深謝之。後其女赴英留學, 一日,其父忽至, 然尚無自信。所以特來欲相告者, 言非來爲余進藥, 壯健異常。 其父則遷家南美洲, 皆無效。 老人言: 乃特有一言相 其家住香港筲 十二指腸在 改服中藥, 「汝乃一中 歷 至

杯 民國四十三年暑,余又去臺北,是年爲余之六十歲。臺北學人特有一宴集,在座之人分別獻 余素不能飲, 臺大校長錢思亮代余飲酒酬答。又應經國先生邀在青潭青年救國團作連續講

並其姓名亦忘之矣。

究所最早之第一批。 美琦亦於是年暑畢業臺北師範大學後,重又赴港。 秋, 次。 演, 美琦陪余在每次講演之前一天下午,赴碧潭一小茶樓,面臨潭水,撰寫翌晨之講稿。 有章羣何佑森兩人赴香港研究所。頃章羣任教香港大學, 每週一次, 前後凡四講,講題爲「中國思想通俗講話」。是爲余在臺北作有系統講演之第四 何佑森任教臺灣大學,是爲新亞研 又是年

,

所至以東京、 日本政、 訪 部長張曉峯聘余爲團長,凌鴻勛爲副, 民國四十四年秋, 軍、 商 奈良、 學各界人士甚不少。 京都三地爲主。時美國麥克阿瑟駐軍始撤, 余又應教育部之邀去臺北。 言談間, 一團共七人,有鄧萃英、 涉及美國統治往事,每露嗟憤之情。然社會風氣 時日本已三度派人來臺訪問, 日本初獲自由。 黄君璧等, 余等一行所接觸 去日本凡一月。 教育部組團答

已趨嚮美化, 招待余等之主要人物, 則有不可掩之勢。 即先來訪臺之人。一前田多門,曾任戰時內閣副首相,

爲主要戰犯,

與其首相廣川在獄中同囚一室。其人與余交談最密。一日盛會,邀余僻坐, 但近年來, 每逢耶誕,賀卡遍飛,各家客廳書房懸掛張貼賀卡,以多爲榮。 謂日本並非一耶 如此風氣, 前途 教國

六

新亞書院

(=)

三六

生活運動之提倡。但此後則未聞其詳。 何堪設想。 彼詢余蔣總統在大陸提倡「新生活運動」之詳情, 謂擬組一私人集團, 余第二次赴日, 適前田擬赴歐洲, 在醫院檢查身體, 亦在日本作新 未能

三人乃一科學家,與余接談最疏,今已忘其名。

見面。

此後卽聞其逝世,每常念之。其第二人乃字野哲人,

日本一老漢學家,與余一見如故。第

其時日本朝野對華態度顯分兩派,一親臺灣,守舊偏右,尤以昔日侵華主要人物爲主。一趨 則以後起人物爲主,傾慕大陸。尤其是青年,都想去中國大陸留學。學界亦分兩派,

裆,勤讀不輟。取視, 東京偏左,京都偏右,儼成對立。余等遊京都附近一名勝桂離宮,一少女在門外收票,隨身一册 大陸留學作準備。」同行者告以余在香港創辦新亞書院,可去留學,旣方便, 乃東京一名教授在電視播華語之課本。問其何勤讀如此,答: 亦可得優待。 「爲去中國

夷然曰:「乃香港耶?」竟不續語。

開大宴會上,有人發言,謂臺灣僅有吳稚暉一人而已。其言辭偏激有如此。 中年以上人, 滿座惶然。 **余在京都大學作一公開學術講演,** 不見有靑年, 符見此女學生先來講臺前向余行禮, 蓋主事者早有安排。 氣氛極融洽。 知係相識, 新亞女學生, 適亦在東京。 東京大學亦同樣有一講演, 乃始安然。 某夕,在一學術界公 **余開講後**, 堂濟濟,

大堪作一問題思考也。其實卽此已可見彼邦受西化之影響已深, 維新以來,承先啓後,驚天動地一大轉變。何以在彼邦人心中乃卒未見有一深刻影響之表現, 宣傳。余等在日本, 余等初至東京,各大報紙亦不作報導。離去前,郭沫若一行方將自大陸來,各大報大事登載 亦卒未聞有一人曾對往日侵華戰役吐露其懺悔慚怍之辭者。 無怪余此後屢去日本,見其變化 此實彼邦自明治

而此行所遘景象,

則亦渺不復睹矣。

來乃學校一客,學校已爲君在嘉林邊道佈置一辦公室,君可隨時來。雙方有事, 來,君之任務,雅禮當已交代明白,余不過問。學校事,已先與雅禮約定, 學生分於嘉林邊道及桂林街兩處上課 。 雅禮派郎家恆牧師來作駐港代表 。 余告以:「雅禮派君 家恆唯唯。但數月間, 新亞與雅禮之關係, 民國四十三年秋季,新亞自得雅禮協款,卽在嘉林邊道租一新校舍,較桂林街舊校舍爲大, 凡來向君有所請託,君宜告彼逕向學校接頭,俾少曲折。」 家恆袖來介紹信已三四封。 余告家恆: 「學校聘人必經公議。 一切由學校自主。君 家恆 可就便相商。 外間或誤會 亦唯唯。

又一日,艾維來告, 盧定返美,即爲新亞建校舍事多方接洽。 頃得福特基金會應允捐款。

六

新亞書院

(=)

惟

盼能參加新亞校舍之奠基典禮。遂提前於民國四十五年一月十七日舉行新校舍奠基典禮, 府撥地。 返不便。 以免爲福特基金會增麻煩。 香港不在該基金會協款地區之內,故此事在美惟雅禮,在港惟彼與余兩人知之,向外務守祕密, 建築事均交沈燕謀一人主持。忽得港政府通知,港督萬量洪不久卽退休,在其離港前 而大批造教授宿舍,則財力有限,又妨學校之發展。最後乃決定在九龍農圃道, 余初意擬在郊外覓地,慶出踏看。遇佳處, 又因離市區遠,各教師往 而建築 由港政

校精神及前途之無限。」余曰: 香港房租貴,今學校只有學生宿舍,無教授宿舍,此值稱賞者三。卽觀此校舍之建設,可想此學 此最值稱賞者一。課室次之,各辦公室佔地最少, 某日,福特基金會派人來巡視, 「君匆促一巡視,而敝校所苦心規劃者,君已一一得之,亦大値 極表滿意。余詢其意見。彼謂: 而校長辦公室更小,此值稱賞者二。 「全校建築惟圖書館佔地最 叉聞

則於四十五年暑後落成蹇入。

嗣後學校又有第二第三次之興建,此不詳。

稱賞矣。

民國四十四年春, 哈佛雷少華教授來嘉林邊道訪余, 沈燕謀在旁任翻譯。余談新亞創校經

過, 謂斯校之創, 非爲同人謀噉飯地, 乃爲將來新中國培育繼起人才, 雷少華極表讚許。 余謂:

與

深

研究所只盡義務, 中國人自己理想不合,恐對自己國家之貢獻不多。惟本校研究所規模未立,仍求擴大。」雷少華 造, 由 元,不得安心。正式創辦最先僅可招收研究生五六人,此下再相機逐年增添。 爲硏究生解決生活,供以獎學金。以當前港地生活計, 提聲道是,謂:「君有此志,願聞其詳,哈佛燕京社或可協款補助。」余言: 辦研究所更要者在書籍, 有第三條件, 在香港絡續購置, 惟 哈燕社一力幫助, 惟有關中國自己文化傳統文學、哲學、歷史諸門,非由中國人自己盡責不可。派送國外, 其如此, 故學校規模雖小, 雷甚表詫異之色, 未受薪水。依香港最近情勢, 大學畢業生卽須獨立營生, 惟已無大批廉價書可得。 君可放手辦去。 切實際進行則新亞自有主張, 前兩年日本有大批中國書籍可購, 同時已創辦了一研究所。 謂更再有第三條件耶?君試再續言之。 余謂尚有第二條件, 雷謂此事誠重要, 但須逐年向哈燕社作一成績報告, 一人或一夫一婦之最低生活, 科學經濟等部分優秀學生, **盾默然良久**, 新亞無經費, 哈燕社亦當盡力相助。余又謂尙 問復有何條件。 余謂: 失此機會, 故辨研究所, 「新亞同人對原有 雷少華謂此款當 「新亞辦此研究 可以出國 但此下尚可 非港幣三百 首需

(=)

所

由哈燕社出款,

安。 體作一預算, 需款不巨, 可使外界知此研究所之精神所在, 故創辦此研究所後, 但爲督促此一研究所向前求進,亦不可缺。」 當携返哈佛作決議。」是晨十時起, 即宜出一 學報, 亦爲全世界漢學硏究添一生力軍, 專載研究所指導同人及研究生之最近著作與研究論文, 談至十二時, 雷頻頻點首, 余偕燕謀在街上一小餐店與雷少 亦即爲哈燕社作報告。 告余: 「君可照此三項具 此事

會 此事遂無發展。至是,始爲新亞創辦研究所之正式開始。 新亞已先得亞洲協會之助,卽在太子道租一層樓,作辦研究所之用。但艾維不久卽離亞洲協

華同膳而別。

百閔、 所外考試委員閱卷口試, 所。自獲哈燕社協款,始正式招生。不限新亞畢業,其他大學畢業生均得報名應考。 新亞研究所在先不經考試,只由面談,卽許參加。或則暫留一年或兩年卽離去, 羅香林、 饒宗頤三人爲所外考試委員,又請香港教育司派員監考。錄取後修業兩年, 始獲畢業。擇優留所作研究員, 有至十年以上者。 又聘港大劉 或則長留在 仍須

問。 者一人亦曾留學美國者, 詢之港大, 哈佛燕京社先於四十三年, 並無此事, 商其同意應之。 乃知在港惟新亞一校獲此邀請。 來函邀請新亞選派一年輕教師, 哈佛以不符條件, 拒不納。 以新亞教師無年輕合格者, 在三十五歲以下者 翌年, 又來函邀, 遂以新亞 赴哈佛訪 姑以年長

研究院攻讀博士學位。 第一屆畢業留爲研究生者余英時以助教名義派送前往。 畢業後, 留校任教。是爲新亞研究所派赴國外留學之第一人。 一年期滿又獲延長一年。 又改請加入哈佛 後又續派研

究所何佑森、羅球慶、孫國棟等赴哈佛訪問。

可獲優遇。 美國西雅圖大學德籍教授某君來新亞, **遂派余秉權前往。任蕭公權助教,得該校學位後,歸港任教港大中文系。嗣又赴** 已忘其名。告余,儻新亞派學生赴彼校研究

及日本各國遊學及任職者,不勝縷舉。

美任某資料中心主任,

出版及宣揚華文書籍亦歷有年矣。此後新亞研究所及大學部學生遠赴美歐

亞研究所正式成立, 宸每週必來聽。 家事相託, 有硏玩。有所詢問,備見其用心之勤。時國內風聲日緊, 告余,彼係青年軍出身,在軍中不斷誦讀中國史書, 余離大陸前一年,有新任蘇州城防司令孫鼎宸, 懇其隨時照顧。 後遂將當時歷次講稿編爲新亞學術講座一書,是爲新亞正式有出版之第一書。 鼎宸亦來所學習。 及新亞書院創始, 余曾屬其編中國兵制史一書, 鼎宸亦舉家來港。 對呂思勉先生所著, 來余家相訪。其人忠厚誠樸, 余與彼曾屢有往來。 新亞在桂林街創辦學術講座, 由張曉峯代爲在臺北出版 玩誦尤勤。 余隻身赴廣州, 極富書生味。 對余書, 新 亦 鼎 以

亦爲新亞研究所諸生正式出書之第一部。

六

鼎宸岳母乃山東主席王耀武之母,某年卒,余夫婦赴其家弔唁,此爲余至鼎宸家之第一次。

供居住。僅一床,供其岳母臥宿。鼎宸夫婦則睡行軍床,晨起則拆去,爲一家飮膳起居及鼎宸讀 乃知鼎宸來港,本頂有一層樓,因日用不給,將此樓諸室絡續出租,僅留沿街一廊有簷有窗,自 書之所。余初不知其生活之淸苦有如此,而勤學不輟,絕未有一言半辭吐露其艱困。乃大敬之。

亦新亞艱困中所特有之一例也。

錄, 搜羅極詳,編次極謹。亦見其雖身在國外**,** 後因其女留學加拿大有成,鼎宸夫婦隨去。 勤奮猶昔,年近七十,而能不忘故舊一如往年有 余八十之年, 鼎宸曾編有余歷年著作論文一目

如此。

七 新亞書院 (\equiv)

教授獻議,港督葛量洪在香港大學民國四十四年之畢業典禮上,授余名譽博士學位。以前港大曾 七八所之多。港政府旣不禁止,亦不補助。新亞獨得美方協款, 所費用,一時困難解決。此兩事,香港政府亦早預知。惟大陸變後,香港私立大學一時崛興不止 對胡適之及其他中國人一兩位有此贈予,然事隔已久。余此事一時哄傳。不一年,又得余結婚消 新亞旣得雅禮方面協助其常年費,又爲代募款建築一新校舍,繼之續獲哈佛燕京社協助研究 羣傳余在短短數年內, 一得雅禮、 哈佛協款,一得港大學位,一新婚,三大喜慶,接踵而 香港教育司高詩雅及港大林仰山

爲當時大批避難來港人士中所未有。 新亞書院

息。

坐, 同鄉, 余與秀公之初次見面。不數日, 記究係何人坐了第二席。只億與秀公駢肩坐, 余與秀公遂在丁家屋頂露天占一桌對坐長談 。 及邀進屋 , 有一客曾任上海市警務,主人請其上 八年,闔家避難來港, 續邀秀公爲次坐,秀公堅讓余。余謂其他一切不論, 又同居港九, 聞公不久當去臺北, 乃過客, 義無可讓。 江西南昌人。先曾在厦門大學肄業一年,其父家鳳秀松,曾長籟政。 美琦亦由厦門來。無錫同鄉丁熊照邀宴,余赴席,適秀公亦至。 美琦卽來投考新亞 繼續長談不止, 即序齒,余亦當陪下坐。且主人與余爲 旁席作何語, 秀公堅不坐,推挽四五番,今已不 皆已不復記及。 客未集, 民國三十 此爲

相訪,坐余臥室內長談。 祕書長。 民國三十九年暑秀公家遷臺北, 抗戰勝利後, 天翼出任東北行轅長官, 隨來一副官,立門外,天翼久坐不去,余對此副官亦無法招待。 美琦獨留港寄居熊式輝天翼家。 秀公又爲其祕書長。 日, 天翼任江西省主席聘秀公爲 天翼忽來桂林街新亞

學臺北師範學院, 服務公畢後來護侍。 於臺中師範之圖書館,特告假來臺北視余病。余出院, 美琦在新亞就讀僅一年,亦去臺北。及余在臺北驚聲堂受傷, 臥病於中心診所, 即此後之師範大學。民國四十三年暑畢業後又來港, 留同晚餐而去。星期日來,則同去臺中公園散步, 轉赴臺中休養,美琦遂於每日下午圖書館 **遂又得日常相見。美琦以** 如是爲常。暑後, 時美琦服務 美琦轉

余胃疾時發, 久不癒, 學校事煩,一人住校飮食不宜, 乃慨允余締婚之請。於九龍鑽石山貧民窟

租一小樓, 兩房一廳, 面積皆甚小。 廳爲客室兼書室, 一房爲臥室,一房貯雜物,置一小桌,兼

詳定,胥在新婚後書室中趕工完成,每達深夜。惟每日傍晚則必兩人下樓同赴近宅田塍散步一小 年一月三十日。香港大學爲余再版先秦諸子繫年,余親任校對,積年有增訂稿數十處, 爲餐室。婚禮在九龍亞皆老街更生俱樂部舉行,僅新亞同事眷屬共十餘人參加。時爲民國四十五 尤需精思

時,日以爲常。

輟學歸。美琦告余: 一月一人赴美,在加州柏克萊大學進教育研究院。 美琦爲其父秀公每期其出國留學,不忍終背父志, 「在加州一年, 始知自己興趣終偏向在本國傳統方面,不如歸來自己修習。 留學一年,卒以念余一人居家不便, 而余則婚後體況轉佳, 遂於民國四十七年 乃又中途

再多留,徒爲獲得一學位外,別無意義。」

-

校。 時亦避難閑居在港, 余因得劉百閔介紹, 其家亦在鑽石山旁。一日,余告以: 獲識陳士文。 士文畢業於杭州藝專, 赴法專習西畫。 「新亞擬創辦一藝術系, 歸國後執教於其母 以教授中

七

新亞書院

(≅)

相商。 不聘彼任系主任之職,彼乃堅拒。余意此事須費大辛勞, 畫爲主, 樣待遇, 子深與余素識, 不知君肯任此事否?」士文云: 西畫爲副。 惟 及余偕上文往訪,或因其曾在蘇州自辦一藝術專科學校, 無固定之經費, 擬照新亞初創時, 「願供奔走。」 故僅請其授課不敢以種種雜事相煩。 先商得其老友丁衍庸同意, 授課者僅拿鐘點費, 不能與他系同仁同 新亞欲辦此系而 再與吳子深 彼

旣堅拒,遂亦不再相強。

校, 他數人,山水花鳥蟲魚人物各有專長, 謝意。 課時間已排滿, 上課,彼殊無意。余與青瑶初次相識,彼未露堅拒意, 因亦請其隨同授課。嗣又請得張碧寒,乃上海張園主人,亦在港,與青瑤亦相稔。又請得其 又轉訪顧靑瑤女士。靑瑤亦在港開門授徒。告余,儻錢夫人有意學畫,彼願盡力傳授。 余妻正擬赴美進修,俟其歸,當偕其同來謁師。 明年決當來。 」青瑤有女弟子榮卓亞,乃德生之女,有一私家車,允親送其師來 陣容整齊。 惟仍懇能來校任課。」青瑤答:「今年授 余遂告以:「蒙許余妻登門學畫, 特先致 學校

日,余告董事會, 有一報告但非議案不必討論。 學校擬創辦一藝術系, 以經費困難

期學校先添設一二年制藝術專修科。僅求在學校中劃出教室及辦公室兩間。 本校初創時例, 只致送鐘點費,學校不煩另籌經費。俟藝術專修科獲得社會之認可, 教師已多治聘, 相機再改辦 但如 下學

藝術系。 諸董事皆默無語。 此後有一董事, 美國人, 屢向余作戲言,云「此乃報告,

以藝術系初辦, 即獲美譽, 故彼常億及往事也。

生又舉行一次作品聯展, 四十件左右,暑假期間由新亞開一展覽會。 藝術專修科創始於民國四十六年二月,又得僑港珍藏名畫者三四人,各願暫借其所藏, 頗獲佳譽。此項展覽品後由雅禮協會贊助運往美國, 一時觀者絡繹,港督亦特來參觀。 在美國各地巡廻展 其後藝術專修科師 合得

款,正式添設一藝術系。但教師待遇則仍不平等。

亦得美譽。 其有助於此後正式成立藝術系爲力亦甚大。民國四十八年秋,

雅禮協會又增加

期內開設一補習班。 余因藝術系與其他各系同樣招考, 並同時開一展覽會, 有不合資格應考, 展出學期中諸師生近作。 聊濟薪水之微薄。 而有志學國畫者, **祉會觀眾瞻其成績,** 多被拒門外。 遂於假 競來報

士文爲人樸忠, 均邀在系中特開講座。又王季遷自美來港,亦在藝術系開課一年。季遷後又 又謙和, 質訥無華, 不喜交際應酬。 而藝術系一切雜務均由其一人任之。溥

學校卽以補習班所得學費,

補貼藝術系各教師,

心會趙無極等來港, 曾專任並兼系務。 而美琦則自美返港後, 皆土文一人接治之。及羅維德來校任雅禮代表, 其夫人亦在藝術系學習中國 即親赴青瑶家習畫。每去必整半天,甚感興趣。臺北師大教授金勤伯

七

新亞書院

(=)

崑曲。 出平劇兩次。 外添國樂團, 余對提倡中國藝術,本早具此意。桂林街初創校時,俞振飛尚滯港,余曾與接洽,擬聘其來校教 振飛已允,並曾來校講演,但不一年終返大陸,未能留港。新亞成立藝術系後,乃又於課 藝術系亦請其任課。美琦亦向勤伯習畫。及余家遷臺北,勤伯亦在臺, 此皆新亞在艱辛中,兼具娛樂精神之一種收穫也。 有古琴古箏二胡簫笛之傳習。又先設有國劇團,先後有兩女學生善唱,曾在校中演 美琦又從學有年。

.

之宗教總監,又任耶魯大學皮爾遜學院院長。其在耶魯德高望重。 雅禮駐新亞之代表,初派郎家恒。民國四十七年暑改派羅維德來作代表。 年老退休, 雅禮乃請其來港任 羅維德乃耶魯大學

駐新亞之代表。

及生物系, 辦實驗室, 有此意,惟需經費甚鉅,不敢向雅禮輕易提出。今君亦同具此意,大佳。但物理化學諸系,須先 日,羅維德語余,若新亞更求發展,似宜添設理學院,但不知余意云何。余云:「余亦久 **俟物理儀器化學藥品粗備,** 只需購置顯微鏡等少數幾項應用儀器即可。」時適耶魯有理學院某教授赴菲律賓, 始可正式開辦, 免來學者虛費歲月。當先開設數學系, 次

其某大學部署理學院研究所, 而數學、 生物兩系, 則率先創設。時爲民國四十八年秋。隔一年, 羅維德逐邀其迂道來港, 爲新亞設計, 以最低款籌備物理化學等實 始正式添物理化學系。

若非羅維德來港,新亞理學院恐不能如此順利創辦。

置。 亞同人則多持異見。 成。因新亞已得雅禮、 地延 者, 此種需要已失去。 皆得美國方面協助, 美國各教會支持,創辦後於新亞。 其基本學院, 散布臺、 聘教師, 黛香港大學外, 其時香港政府忽有意於其原有之香港大學外,另立一大學。先擇定崇基、 受之何媿。 港 亦可藉此爲國儲才。香港政府所發薪金,亦取之港地居民之稅收。以中國 此後其他私立學院,凡辦有成績者, 美 而新亞畢業生, 港政府重有第二大學, 港政府似乎意有不安, 余意新亞最大貢獻在提供了早期大批青年難民之就學機會。 此其二。三則辦一大學,當如育一嬰孩, 歐各地日有加,儻香港再增辦一大學,教師薪額一比港大。此後絡續向 哈佛協助, 非得)港政府承認新亞之大學地位, 聯合書院乃由亞洲基金會出資, 亞洲基金會遂改而支持此五校。 則新亞畢業生出路更窄。此其一。又國內學人及新起 乃有此創辦一新大學之動議。 均得絡續加入。 須求其逐年長大。 凡此崇基、 集合其他私立學院中之五所組 崇基乃一教會學院, 離校謀事, 崇基、 聯合、 聯合與新亞三校爲 今則時局漸定, 聯合均同意,新 而新亞自得雅 極難得較佳位 新亞三校, 人錢, 經濟由 爲

七

學校與港政府磋商,君肯任學校代表,不憚奔走之勞否。彼亦慨允。 件。余以此事告羅維德, 性所近, 此力量與信心。抑且余精力日衰,日間爲校務繁忙,夜間仍自研讀寫作,已難兼顧。 禮哈佛協款,各方誤解, 減少工作, 庶亦於己無媿。 欲求再得其他方面之大量補助,事大不易。必求一校獨自發展, 彼極表贊同, 而香港政府意, 更不發一語致疑問。 則實以新亞參加爲其創辦新大學一主要條 余謂學校內部會議, 余可負全責。遇 亦當自量才 余已無

政府, 勤。 毛勤講話。毛勤謂:「母意未盡, 第一條,辭未畢,余起立告毛勤:「能有幾分鐘許余先有申述否?」毛動允之。 逐款加以改定者, 毛勤又言: 俟下次再商。」遂散會。是夜, 亦特組織一會。 余告媿憾。毛勤謂:「今日暢聆君言, 羅維德亦同往。時高詩雅已退休,毛勤接任,手持一紙,列五六條, 港政府送來一創辦新大學之綱領,凡二十餘款,囑各校參加意見。 「君儘暢所欲言, 逾三之二。但港政府亦不堅持,率從所改。又一日, 我居此位, 特轉達政府公意,非私人有所主張。今晨聆錢先生言, 勿作存留。」余再繼續發言。自上午十一時開會,壁上掛鐘打 儘可續言, 於今日之會有益無損。」余遂繼續發言, 再讓毛 新亞在市區有酒會, 極所愜意。惟有一事乞愿諒。港政府爲成立新大 羅維德告美琦, 余偕同事四五人赴教育司 今日錢先生有一偉大 新亞特開一會議 余發言畢, 起立發言。 當轉告 再請 先述

令人敬佩之表現。席散,美琦詢余,乃以午間教育司開會事告之。

娶一中國太太,離大陸後,居港寫作亦已多年。與港政府人多相熟,時以新亞意與港府意彼此 並將此意寫入新大學創建法規中,俾成定案。余與談及新校長人選,余主由中國人任之。 研究所之成績,謂:「當保留此研究所,成爲將來新大學成立後之第一研究所, 遞,爲助亦大。 羅維德駐新亞一年,回雅禮,由蕭約繼任,在盧定來港時,卽與余相識。其人久居中國,又 「先聘一英國人任首任校長,再由中國人繼任,或於實際情勢較適。」未細談而罷。 港政府又特自倫敦聘富爾順來,爲創建新大學事,與三校磋商。富爾敦力贊新亞 一任新亞主辦。 富爾敦

四

職,轉來新亞, 入境。」余問三勤:「在英國是否有從政界退職轉入學校任教之例?今吳君已正式從國民政府退 暫代校務。毛勱告余:「吳君曾任臺灣政府教育部次長職,彼來新亞,似有不便, 桂林街舊同事吳土選俊升自國民政府教育部次長退職去美,余邀請其來新亞任副院長,余離港可 民國四十八年秋,余得耶魯大學來信,邀余去在其東方研究系講學半年。余以新亞事煩,適 有何不便?」三勤言辭越趄,謂:「新亞聘人易,君何必選走一限途?」余謂 港政府將拒其

新亞書院

(三)

<u>=</u>

亦略讀中國書,彼謂: 港政府儻有正當理由告余, 「君心如石,不可轉也。只有仍待港政府作最後決定。」 余自可改計。 倘並無正當理由, 何乃堅拒余請?」毛勤通粵語, 並

國領事館, 翌晨, 毛動一早來新亞, 入余室, 最後之決定。」及港督返, 關。不如暫撤所請, 頃港督休假離港,不三日卽返,專侍其最後一言。萬一堅拒新亞之請,豈不對新亞顏面有 Η, 囑其就近轉達吳君, 蕭約特來告余:「私聞港政府中人語,新亞申請吳君入境,頗懼大陸忽提抗議, 再俟他日從長商権。」余謂:「旣只須再待三數日, 語其部下:「我們且勉從新亞此一請,他日復有此等事, 俾可卽速治裝。」毛勤又謂: 即連聲恭喜, 謂:「港督已允吳君入境, 「君爲此事延遲美國之行, 余必俟港督返, 並已直接通知紐約英 再作詳商。 頃吳君 聽其作 横生

不日可來港,君亦可整備行裝矣。」

乃民主政治, 叉一日, 毛勤來告,彼於明年夏須退休返英倫, 於反對方面意見, 亦知尊重。 君堅持己見, 余將去美國, 一次不見從, 特先來辭行。 儘可再次提出, 彼又謂: 幸勿介 英國

|毛勤又於年前向余提議,由新亞來創辦一中文中學,可作港九中文中學之榜樣。 囑余先選定

地,香港政府可無條件撥付。校舍圖樣繪就,建築經費新亞只需擔任其十分之一,其餘十分之

七 新亞書院 闫

四圍樂路,再於路面下安裝自來水電燈各線。余並聘定臺北沈亦珍來任校長。亦珍特來港一行, 可全不受市區之影響。其地背負山,南面距海亦近,可遙望,地極寬敞。惟須待港政府先在該區 則全由新亞作主,教育司決不干預。余遂於九龍近郊荃灣擇定一地,距市區不遠,而隔絕煩囂。 九 同去踏看新校舍之地址。一切端倪粗定,忽港政府創設新大學之動議起, 極費曲折, 全由港政府負擔。 遂將中學事擱置。及毛勤去職, 將來此中學之常年經費,教育司當擔任其百分之八十,而內部用人行政, 亦未目睹其成。 **余爲此事**, 各方商談。

極少, 之往事。余時已離港來臺,有人特轉送其演講辭於余。余初不通英語,居大陸時,與外國人交涉 即爲之副。故余與毛勤交接爲特多。 及中文大學成立,特授高詩雅以名譽博士學位。高詩雅來港接受學位時致辭,特紀念及余與新亞 余自辦新亞,與香港教育司時有接觸。 不謂在香港交接得許多美國英國人。至今不勝馳溯。亦余生平師友中所難忘之幾人也。 高毛兩人皆久居港地, 通達中國社會人情, 前爲高詩雅, 繼任者爲毛勤。 而高詩雅任職時, 對余皆具禮貌。 毛勤



八 新亞書院 四

亞細亞大學校長爲太田耕造,留學英國,曾任文部省大臣,亦戰犯之一。某年來港訪余,謂其在 員,先以消息透露。並已預爲排定余在東京數日之節目,亞細亞大學又派一女士來陪美琦出遊。 京小住一兩日卽轉遊日本各地名勝。乃抵站,卽有數十人在機場守候。蓋亞細亞大學有駐新亞專 反對西方共產主義思想之根據者。」因告余,彼方籌備成立亞細亞大學,擬每年派送兩學生來)新 獄中專誦左傳。余贈以中國歷史精神一册,彼讀後告余:「未見有以如此見解,如此議論, 吳士選旣來,余夫婦遂成行。時爲民國四十九年一月十八日。第一站爲日本東京, 初擬在東 來作

八

亞肄業,

盼新亞亦能派兩學生去作爲交換,余允之。逮余初次去日本,太田屢來旅邸晤談。太田

余送之出門,喚旅邸一車請其乘坐, 太田堅不允,仍乘公共汽車返。 又邀余赴其

茶至餐室一牆洞中, 乘公共汽車來, 家無傭僕,其子應門, 太田自取之。 必夫婦相陪。」某日下午,余在亞細亞大學講演, 其妻獻茶。 余云:「何不請夫人及公子共餐?」太田謂: 及午餐,僅太田與余及一譯人同席。 其妻在厨房, 「日本無此規 送

「人」字觀念, 西方無之。如稱中國人、日本人、英國人、美國人,卽見爲同是「人」。 而西方

大意謂,

中國

矩。儻他年先生與夫人同來,

乃有感於中日戰爭而發焉。是日晚太田夫婦在一酒家設盛宴,蓋踐往年之宿約也。美琦與其夫人 語言不如是說。講後,太田謂:「先生此講演,恨不能使更多人聞之。」蓋太田亦知余之所講,

婦, 又屢去,社會經濟日繁榮,而此等景況則漸已少見。日本慕效西化,其武力外侵,我國家已深受 交談,乃知其出身教會學校,能操英語。余往年在其家,其夫人端茶獻菜,執禮甚恭,嚴如一偱 絕不帶絲毫新女性之風範,其謹守傳統禮教,良亦可佩。然此乃余兩度去日本之所見。此後

迨其工商業日發展向上,而一般人生之風教禮俗則日見腐蝕, 此亦堪供我國借鏡之另一面

也。 余第三次赴日, 太田已退休, 又特來旅店相訪, 亦可稱乃余日本一友。

德已先通知其友在機場接候。其友乃島上一教會中學之校長,陪余夫婦午餐後,即送至其所預定 余夫婦曾抽空乘夜車<u></u>赶箱根, 宿一宵。 在日本共住六日, 即赴夏威夷。 預定停留三天, 羅維 中, 去家中敍一餐,故得再留三四日。余念其子任中學校長職,其家寧不能空出一榻, 告以當日下午卽離去。老婦言,與子久別已五六年,此次特自紐約來,已一週,但其子尙須邀其 宴 中國人, 梯。其媳則在門外車中,亦未同送其母進旅店。翌晨,余夫婦早餐時,又與此老婦在餐廳相值。 談。不久,門外車聲, 之上賓,不謂竟有此奇遇。席散,余夫婦先辭歸。有一客在旅館樓下客室相候,余夫婦遂留坐相 之旅館。 旅店中所遇老婦亦同席,見余夫婦,欣喜難狀。謂今夕主人乃彼之子媳,而余夫婦又爲今晚 獲一旬之懽聚。而其母孤居旅店, 是日下午卽出遊,翌晨,在旅館晨餐,餐室中見一老婦,孤寂獨餐,見室中惟余夫婦爲 頗若欲相語, 乃雙方終未一接談。 校長陪其母進內,至室旁電梯門口,擁抱相吻道晚安,其母一人獨登電 與余夫婦談話中,若有無限欣喜,不能掬心肺而傾吐。 是晚,該教會中學校長夫婦在正開音樂會之大酒店邀 邀其母同住家 余

沿途積雪, 離夏威夷抵舊金山, 尚有兩月之期。抵紐海文,學校已爲預留一寓所,乃專供訪問教授居住。與耶魯副 樓三層,余寓在底層之左側。右側及樓上兩層,副校長夫婦及其兩女居之。余寓則占全樓 爲余十許年來所未覩。 即換機飛紐約。 心恨此行來已晚,或許多雪已過,蹉失此佳景。不謂此後大雪 羅維德已先在機場相候。 同進早餐後,即同去紐海文。 一校長同

初履美國國土,

即窺見美國家庭情況之一班,

亦深留心坎不能忘。

===

新亞同事王佶王寧之妹,夏道泰夫人所置。初履異國, 校任教, 中瓶裝各色中國佐膳食品,多菇蝦米油鹽醬醋等一二十種。初不知何人來此先爲佈置, **六之一,一臥室,** 時已辭職,不久卽去華盛頓國會圖書館任職。 一書房兼客廳餐室三用,厨房亦在內,另一浴室。余夫婦抵寓所, 備感溫情。夏道泰夫婦本同在耶魯語言學 卽見厨房櫃 後知乃由

集最近代西方人討論史學各篇合成。歸卽啓讀。適陳伯莊來。伯莊先余來美,有意翻譯美國各大 下學年添設一社會系, 喜,謂: 母校訪問, 學社會學名教授著作,各擇其代表作一部,編一叢書。來美商取各教授之同意。彼畢業耶魯, 寫論語新解一書,忙碌數日,余夫婦郎抽空去附近一書肆瀏覽,選購現代歷史哲學一小書,乃彙 君歸儘可物色新人,勿有他慮。」及夏,忽聞伯莊染病進醫院竟不起 。 良友永訣, 余之此來,自念爲外國學生講中國學問,不煩多有準備。擬兩計畫,一則補讀英文,又一則 「余購此書, 順道來余寓。見余桌上此書,謂:「此乃美國最近暢銷書,兄何亦讀此。」余聞言大 初不知有此巧值。」 伯莊又告余,編譯事均已商妥, 以便伯莊物色新人共襄譯事。余告伯莊: 「開系增款, 雅禮並願增款爲新亞 由余在此商其細 未獲

===

新亞同事王佶王寧之妹,夏道泰夫人所置。初履異國, 校任教, 中瓶裝各色中國佐膳食品,多菇蝦米油鹽醬醋等一二十種。初不知何人來此先爲佈置, **六之一,一臥室,** 時已辭職,不久卽去華盛頓國會圖書館任職。 一書房兼客廳餐室三用,厨房亦在內,另一浴室。余夫婦抵寓所, 備感溫情。夏道泰夫婦本同在耶魯語言學 卽見厨房櫃 後知乃由

集最近代西方人討論史學各篇合成。歸卽啓讀。適陳伯莊來。伯莊先余來美,有意翻譯美國各大 下學年添設一社會系, 喜,謂: 母校訪問, 學社會學名教授著作,各擇其代表作一部,編一叢書。來美商取各教授之同意。彼畢業耶魯, 寫論語新解一書,忙碌數日,余夫婦郎抽空去附近一書肆瀏覽,選購現代歷史哲學一小書,乃彙 君歸儘可物色新人,勿有他慮。」及夏,忽聞伯莊染病進醫院竟不起 。 良友永訣, 余之此來,自念爲外國學生講中國學問,不煩多有準備。擬兩計畫,一則補讀英文,又一則 「余購此書, 順道來余寓。見余桌上此書,謂:「此乃美國最近暢銷書,兄何亦讀此。」余聞言大 初不知有此巧值。」 伯莊又告余,編譯事均已商妥, 以便伯莊物色新人共襄譯事。余告伯莊: 「開系增款, 雅禮並願增款爲新亞 由余在此商其細 未獲

再不作他務。及寫畢全書,再從頭細改舊稿。 幸離紐海文前,全稿粗完,積十年來之心念,竟在

遠旅異邦中獲償宿願,亦余終生所未有也。

場, 意爲同系教授, 究班來堂聽講。 教初年級英文者四人, 略通中文, 聞鐘聲出門, 余在耶魯授課兩門,分晝夜上堂。有美籍學生三人,加拿大籍女生一人,一中國人從其他研 課後發問, 隨堂作義務繙譯,余更可隨意發揮,暢所欲宣。余寓所距研究大樓近, 而在耶魯服務之中國人來旁聽者,則十許人,多半皆耶魯語言學校之教師。 到教室則聽者方集, 一時無其他安置, 亦頗有思路。 可不誤時。 告以免學宿費外, 數年後, 忽來書, 此加拿大女生頗誦英文著作有關宋代理學方面 需自籌在港之生活費。 求進新亞研究所。 余以新亞有耶魯來 彼竟未來,亦 僅隔 李田 曠

鄉。 午, 此 小憩。 榮芳又曾陪余夫婦去近郊西山觀賞紅葉, 大抵盡半日程而回。有一湖,四圍栽楊柳樹,最具中國情調。濱湖一咖啡館, 必駕車來余寓,載余夫婦同去附近超級市場購食物用品等,每次擇一新處,藉此遍遊附近四 **余喜作鄉間遊。有耶魯語言學校教師萬榮芳女士 ,亦來余課堂聽講 , 星六下午或星期日上** 惟聞星六之晚, 乃有附近居民大羣來此跳舞。余等遍遊紐海文近郊, 亦與此湖同具中國情調。 而西山則屢去不一去。 惟此處所留印象最 僅過路車輛 又

到其他公園, 則多栽 種花, 色彩繽紛, 而總覺單調, 宜遊覽不宜坐賞。 大抵各地流動皆佳,

處停留則少味

曠地, 雖鄕居仍以每日赴城市工作爲主。其鄕居院中花草, 闔家塵聚, 屋一所。余尤喜前往。 吳納孫在耶魯藝術系任教,彼於附近買一山地,面積甚廣,有一池,亂石錯聳。 即教授停車處。子女亦多上學,主婦枯寂, 星期日上午每赴附近公園野餐作半日遊。別人告余, 其他西式庭院,率整潔,無野趣。諸教授晨赴學校, 非有正常職業亦多兼社會活動。 屋內修理, 美國家庭多自城市遷鄉村。 亦多自任其勞, 晚始歸。 難有閒 惟星六下午乃 余寓所前大 夫婦自蓋小 暇 實則

往往有客室, 無書齋。 而厨房則較寬大講究,因乃女主人整日活動之所在。美籍主人邀宴, 或有書齋,多甚小。 日常研究書籍都放在學校研究室, 故雖寒暑假, 必備

余夫婦居紐海文五月餘週末常有餐約,

有預約在一月之後者。

每赴

星六之晚則相約餐敍,

中國茶。 等去中國宜飲茶, 亦仍每日赴學校工作。 飯後問, 余來此則宜習飮咖啡。 喜茶抑喜咖啡。 余必答咖啡。主人每詫問: 以各從其主爲佳。」彼等皆頷首。 「先生亦愛咖啡乎?」 余答:

宜閒情品賞, 實則飲茶必宜多有閒暇工夫, 非僅爲解渴。 西式餐宴亦無閒情。飲酒亦各取所需,各盡其量, 與飲咖啡不同。城市中咖啡館每有在櫃前立飲而去者, 無中國味。 飲茶則

三四二

(29)

忙。閒居則似非美國人所慣。 車禍。蓋假期長,在彼俗則仍增一忙耳。儻獲半載一年長期休假,則或作出國旅行, 西俗亦算一閒,但余以中國人目光視之,則仍是一忙。讀其報章,連得兩三日假期, 公路上必多 仍是換一新

歲時來省親,舉家歡樂。每人旣各有所務,則小家庭自較適。 蓋丈夫過時不歸, 日傍晚至其家,僅夫人應門。 羅維德返美後仍在雅禮協會服務。辦公室中放一沙發,午飯後小作休息, 乃犯彼俗大忌。然老夫人長日孤寂,其生活亦良可念矣。其家子女分在各地, 余偶問:「何以先生尚未歸?」其夫人再三解釋。余始悟失言。 亦不回家。 余夫婦

今隻身返家, 配,何也?」彼言:「隻身歸,父母仍以兒子視我。成婚後,夫婦同歸,父母乃以客禮相待。 知今中國人亦尚遲婚,男年三十,女年二十四五,猶多未婚嫁者。君今年未達三十,亦似急求婚 已曾回家。余問:「數十年前常聞人言,美俗遲婚,時中國多早婚,每奉以爲戒。君去香港,當 寓一次,余尤與相稔。時艾侃已返美,假中遠道來訪, 余直言何不回家省親, 一人居南部,三世單傳,乃互不相顧。 艾侃乃耶魯畢業生, 轉滋不安。旣有職業,自該議婚。」余始知情隨俗變有如此。又彼有一祖父頗富 雅禮協會派來新亞任教,在港兩年。余赴美前半年, 余戲言: 「若他日得祖父遺產, 縱非大富, 艾侃每星期必來余 乃來此。 艾侃言, 亦成小 故

美國亦推行中國大家庭制度, 富。」彼言:「祖父長年有一護士相伴, 祖孫同居,則艾侃之父決不會自營一油漆工廠,而艾侃亦不致大學 遺產事,卽我父母亦未計及,我又何論。」余因念,儻

畢業卽汲汲自謀職業,

自求成家。人生複雜,牽一髮動全身有如此。

港兩 傳統,家庭倫理, 女老幼, 主告余, 地, 兩女學生在旁侍奉,爲余割切牛排。中國學生留學彼邦,假期工作亦到處可見。惟當時在臺 余暑期去支加哥, 全忙於工作賺錢, 此等皆參眾兩院議員之子, 則絕所少有。 企新戀舊, 又去華盛頓, 曾蒙友人邀宴於其市上一著名牛肉館。適逢大批大學女學生暑假來餐館服 亦據此可知。今日吾國人方競慕美國社會之工商實業, 恐非經深長考慮,得有會通,不易兩美俱全也。 以假期賺外快。此亦中國所難見。則美國全國家庭, 租住一美國人家,每晨見少年兒童五六人在四鄰送報紙。宅 而又常言文化 不論男

也。 緣。 間, 報端一論文, 故美國人對其居住之四圍, 余亦爲忙於撰述, 短則一刻鐘,長則半小時, 美國人過的是忙碌人生,因此頗知重視時間。有人來余寓,必先通電話,言明需談話多少時 謂各人晨出晚歸, 不讀其全國性報紙, 到時卽離去。所談皆屬事務,少涉人情。美國人事多情少。 乃一環境, 各擁有私家車, 絕少坐公共汽車, 僅讀其地方報, 無情可言。非如中國人,可視爲亦卽其生活之園地 篇幅亦八張三十二面。 **毗鄰之家,無一面一語之機** 但多地方瑣 嘗讀

八

新亞書院

大輿趣。 地, 事, 卽羼入一條不相干者, 少全國性新聞, **「各人自掃門前雪,莫管他人瓦上霜」,亦庶近似。** 世界性新聞更少刊登。後得一經驗, 卻正是有重要性之世界新聞。 每一披閱, 可證美國人對其外圍世界情勢亦未有多 注意分類之後幅,或值有餘

=

₽, 才, 學位, 佛得新亞一余英時,價值勝哈佛贈款之上多矣, 協款新亞, **惲遠行,未受聘。頃聞其至今仍留燭。** 嫁以一妹。 學期中, 獲楊聯陞指導, 聯陞屢來港, 哈佛來邀去作學術演講。晤雷少華, 余在遵義浙江大學識彥威。 成績稱優, 時有接洽。對余及新亞研究所助益良多。 時尚在校。 聯陞則畢業淸華,留學哈佛, 及在江南大學,彥威在蜀, 聯陞浙籍,肄業保定某中學, 何言謝。」 親謝其對新亞研究所之協助。 英時自去哈佛兩年, 以書招之。 留校任教授職。 其師繆鉞彥威愛其 轉請入研究所讀 雷少華謂: 彦威爲侍老 一哈

修乃一文學家,但歐陽修治易經,疑計傳非孔子作,此問題由歐陽修一人首先提出。特撰憑董子 **溯解一書,故講演皆從論語中發揮。並述及中西爲學之不同。舉宋代歐陽修爲例,人人皆知歐陽** 余去哈佛, 在其東方學研究所作講演,講題爲「人與學」,由聯陞任翻譯。余時正撰寫論語

過。 之。其實中國大學者盡如此。中國學問主通不主專,故中國學術界貴「通人」,不貴專家。 專在一門上,則其地位卽若次一等。後有人告余,此講演之錄音帶尙保留在哈佛, 修又撰新唐書各志, 年, 無妨。 論可以自成一家,則歐陽修亦得稱北宋一子。中國學問經、 史、 而且贊成此說者還多。 則信從此說者必更多。 澗 後余收集歷年爲文, 書, 焉知不有第三個歐陽修出,贊成此說, 再隔一千年, 詳論其事。 及新五代史,其在史學上之貢獻,亦屬盡人皆知。讀其全集, 又有與人書, 謂從孔子以來, 焉知不有第二個歐陽修出, 歐陽修新說距成定論之期已不遠。是爲歐陽修在經學上一絕大貢獻。 但不知只隔幾百年,明代即有歸有光贊成此說。到今天, 有關此一論點者, 彙集爲中國學術通義一書。而在哈佛所講, 到時則有三人同主此說。三人爲眾, 贊同我說, 隔一千年, 到時已有兩人同主此說。 始由其提出此問題。 子、 集四部,歐陽修已一人兼 余亦贊成此 我道不孤, 彼曾親去收聽 有許多思想言 人盡不信, 再隔 則未有存 荷其 歐陽 此下 說。 一 千 亦

哈佛燕京社購中國書特多, 裘開明在北平燕京大學主其事。 余與素識。 及余去哈佛, 彼正任

稿,

並未收集在內。②

(Kri)

² 編者按: 先生後重改寫此稿更題名爲學與人,民國六十七年收入歷史與文化論叢。

其他舊識獲賭尙夥。 其圖書館長。 亦得相敍。 有韓國研究生車柱環, 英時父協中及衞挺生皆新亞舊同事, 余去哈佛前, 特携其在哈佛攻讀博士學位之論文中文 有洪煜蓮, 燕大同事, 皆住劍橋。

稿, 遠赴耶魯訪晤求正。後余兩度赴韓,皆與相晤。尤爲余在韓國相識中所稱遇。

籍, 禮遇, 治, 以 共 則彼輩乃站在外國立場, 家民族之三層次上, 愛民族, 家會余。 而對祖國仍不忘情,仍多意見。吾政府則對轉入外國籍者, 即爲一自由人。 遠在國外, 協中家距哈佛不遠, 「久居香港, 或更在一般不兼外國籍之國民之上。今日常有人言, 與諸君意見稍有不同。 余知當時臺灣留學生在美, 對國內政情亦難有眞切之瞭解。 偶履國土,不諳國情, 彼輩則尚有一「世界觀」 而彼輩之所謂自由, 如毛政權奪馬恩列史, 以美國來衡量中國, 余夫婦曾屢去其家飮膳。 彼輩謂余立場不同, 大體均抱反政府態度。 不能代政府對諸君有所解答, 即爲反政府。 ,更超國家民族之上。 即國溝之更顯然者。 則一切意見自難相洽。 **儻此後彼輩留美服務,** 一 日, 則意見自不同。 見我後, 臺灣留學生在劍橋者十餘 「一家中父子有代溝」。 彼輩一登飛機, 仍許其保留中國籍, 此亦吾國家當前一 亦一 彼輩認余站在政府立場, 其實來美留學者並非全學政 蓋余之持論, 惟亦與諸君同愛國家, 無忌諱, 又在)美成家, 卽感要踏 暢所欲言。 大問題也。 僅在政 余則謂, 而更加重視 (上自由) 並入美國 **羣集協中** 余告 府 實 同 國

一國中亦有國溝」。

余夫婦在劍橋逗留一星期。接觸多,人事忙。臨去,協中堅邀余夫婦離紐海文前再往, 與彼

宅,彼夫婦與二子英時英華,及余夫婦,共六人同去。其地名已忘。四山抱一湖, 求如余三十九年初到臺灣所遊, 中矣。今日臺灣遊覽區日益增關,然每赴一地,遊人廣集, 近八月,亦惟此七日最爲恬靜。今協中已逝世,此湖眞如一處之雪泥,而鴻爪則僅留余夫婦之心 宿一古寺中。翌晨歸來。協中不忘此遊,故邀余夫婦來遊此湖。適來者亦僅余兩家。 雙方情味大不同。協中夫婦臨離港前, 去,儼如隱遁世外,過一番神仙生活。 一家作一星期之暢敍 。 余夫婦亦允之 。 而景色幽美。兩家或駕遊艇徜徉湖上,或在宅外樹蔭草地閒行閒坐,七日之爲況,至今尙留 美國人好活動, 中國人好閒散。 亦已渺無往日景象可覓。只能活動, 余夫婦偕彼兩人及其子英華,渡海遊大嶼山,黑夜登山, 美國人從閒散中覓新活動,中國人則於新活動中覓閒散。 每好擇一靜境閒下, 把日常心中積存雜念盡放下, 盡散 遂於離紐海文前, 又去劍橋。 率在數百人千人間。只覺一片熱鬧。 協中先在一休假勝地租 難得閒散。美國生活逼人 山不高, 余夫婦留美 湖不

四

來,亦一無可奈何事也。

八

介紹。 學期結束, 據謂乃耶魯畢業典禮中使用中國語之第一次。 耶魯特贈余名譽博士學位。 在授贈儀式中, 耶魯校長特請李田意以中國語致鮮作

學家之參考。」當時耶魯文史哲學方面各教授,多注意於余講堂所講, 所載人物有絕未演出所謂歷史事件者,且不在少數。故中國正史中女性人物亦特多,爲並世史籍 中所少見。此乃中國人之歷史觀念,與其他民族不同。故中國人所認之歷史事件,實即包有人生 不知孔子其人,則何以知其事。故不詳其人,卽於其事之前因後果多有所失。而在中國正史中, 體,但正史則爲列傳體。其人之所以得成其事,其內情有不盡於其事之內者。如孔子辭魯司寇, 余答:「有。」盧定又問:「君意固是 。 但其人必演出歷史事件 , 亦不當輕。」余答:「此乃中西雙方歷史觀念一大不同處。中國史籍分編年、紀事本末與列傳三 「文化史」。 盧定問:「聞君在講堂告學生,中國史學重人,西方史學重事。 盧定教授曾多次晤面,又屢有餐聚。 非專限於政治、經濟、軍事、外交等事件上。中國歷史即一部『人生史』 非限於政治。此乃中國自古已然。 臨離紐海文前,又邀至其家晚餐。餐後閒談, 亦可謂中國史學早已現代化。 人爲主,事爲從,有之否? 乃始得成爲歷史人物,則事 此亦一例 實可作今日世界史 ,或說是一部 由田意作

又有柳無忌夫婦,其時不在耶魯任教,而居住紐海文近郊,常與往來餐聚。余又曾與無忌對

性情中人,則宜乎捨此而從彼矣。余夫婦在美期間,所遇中國家庭有外國女婿外國媳婦者不少。 大,已深受美國影響。所交中國青年,宜多半中不西,不如美國青年轉爲一色純真。其女旣爲一 弈消遣。無忌夫婦有一女,十足中國傳統,孝禮眞摯。待人接物亦情禮備至。 中國籍佳婿, 而其女則終於嫁了一美國人, 其事已在余夫婦離去之後。 蓋此女自幼卽在美長 無忌夫婦極欲獲得

其父母翁姑言辭間總露多少不滿情緒,此亦一無可奈何事也。

相處, 太,乃新亞舊同事翁舲雨之弟娘,已寡居。時亦在耶魯語言學校任教, 邦相遇,更覺情誼親切深厚,非在國內所易得。如李田意,旣爲余講堂上作義務翻譯, 又有黄伯飛, 爲特例矣。又有朱文長、 內講堂上所未有之樂趣。 上課,彼必携帶其所煮紅香濃茶裝熱水瓶中帶來。 余夫婦留紐海文近六月,所識耶魯文學院各系諸教授甚多,茲不一一詳述。而中國友人,異 每一家必邀余夫婦餐敍, 余夫婦大小一切事, 幾乎全由其從旁相助。又萬榮芳爲余夫婦郊遊一密伴。又有一 乃在耶魯新識。余返香港後,曾約聘其來新亞任語言專科主任一年。 郅玉汝, 外國教授在研究院課程中, 亦多邀中國友人作陪。又多常來余寓作閒談。余夫婦在耶魯之一 乃余在北京大學時老學生。朱文長之妻, 余坐講臺上, 有煙可抽, 常在講堂抽煙, 然亦絕少兼喝咖啡, 亦來余課堂旁聽。 則爲早期新亞學生。 有茶可喝, 其他, 尤其日常 亦爲在國 則 每逢余 翁太 余尤

三五〇

段生活,實是一片熱鬧,爲在國內所未有。臨離去,不勝惆悵。余有日記,至今繙閱,眞如一場 好夢。今則夢雖醒,而夢中情境則仍留心目間。惜不能一一寫入筆墨中爲恨。

余在耶魯,雅禮協會開董事會必邀余列席。董事有自遠方來,旅邸費皆自付,聚餐費亦各自

償付。惟余一人之餐費則由羅維德或其他人代付。羅維德一日告余,美國雖滿地是黃金,張兩手 「惜無法拾取。」雅禮董事之熱心公益及其對新亞之衷誠協助,使余永難忘懷。

九 新亞書院 田

龍講座作講演。有燕京大學舊同事何廉淬廉,曾爲余詳述丁龍講座之來歷。謂:「美國南北戰爭 東華僑丁龍,赴其家受雇,亦不久辭去。後某將軍家屋遭火,時無僕人, 時,紐約有某將軍,退休後,一人獨居。其人性氣暴,好詬厲人,凡所用僕,皆不久辭去。有山 以復來,丁龍謂聞將軍受困阨, 知古聖人教訓。 是年七月一日余夫婦離紐海文卽去紐約。紐約曾屢去不一去。有一次曾赴哥倫比亞大學爲丁 丁龍言,余家積代爲農,皆不識字,孔聖人語乃歷代口舌相傳。 中國孔子教人忠恕之道, 特來相助。 某將軍謂不知君乃一讀書 丁龍忽至。某將軍問何 由是主僕相

三五二

按月薪水所積, 病不

處如朋友交。

日,

丁龍病,

告其主, 在此只隻身, 我衣食所需已蒙照顧,

九

新亞書院

(五)

三五二

八十億雙親師友雑憶合刋

座。 起, 嘗是喫了人。美國人深受感動,特設講座,爲美國大學提倡研究中國文化之首先第一處。國內人 喫人等議論甚囂塵上,但丁龍雖不識字,亦可謂受有中國禮教極深之感染者,彼之所作所爲, 則倡言全盤西化, 余前在大陸時, 謂, 願回主人。 中國有如此人,其文化傳統必多可觀。此講座則專供研究中國文化之用。至今不輟。 留美學人相識不少, 及其卒, 卻未注意到丁龍。似乎丁龍其人其事絕不曾在彼輩心意中存留有絲毫影響, 某將軍乃將丁龍歷年薪水, 亦多留學哥大者,但從未聞彼等談及丁龍。新文化運動禮教 **叉增巨款**, 捐贈哥倫比亞大學, 特設丁龍講 斯 何

亦可怪。

館。 **|大邀住其賓館。或人言,** 住處, 華籍教授錢存訓未遷, 顧理雅之邀亦在芝加哥大學作一次講演。顧理雅曾在北平留學, 事葉公超邀宴, 余夫婦此次去紐約小住一星期, 黑人區本由白人居住,忽一家遷出, 並同餐同遊,使余夫婦絲毫不覺有在異鄉旅遊之不便處。又我國駐美大使前北大淸華舊同 獲見故交新識多人,又去雙橡園, 余夫婦去其家 , 乃靜適異常。余等在華盛頓,某夕宴會,某君任職大使 「芝大校區左側有一黑人區, 即轉去華盛頓, 一黑人家遷入,其他白人遂盡遷出, 並在中美文化協會有講演。 住旬日。備蒙夏道泰夫婦殷勤招待。 夜間往返市區不便。 余早與相識。 **遂住市區一青年會** 又轉去芝加哥, 余等之去, 乃變爲黑人區。 本由芝 代租 應

邀余夫婦席散去其家小坐。或言, 「某君家在黑人區」, 勸勿往。某君力言無恙, **遂去。此**

館, 都市亦皆有黑人區。 余等去,兩旁電燈通明, 區一如芝大側旁之區,一黑人家遷入, 美國歷屆總統競選,黑人必獲優待, 而車輛則絕稀, 一區白人塗盡遷出。 亦備見靜謐。 紐約亦有黑人區, 以期獲得其選票。然黑人之政治地位日 兩旁馬路極寬大, 與華人區毗鄰。 四圍交通亦極便。 其他大

升, 此亦美國一大隱憂也。 而社會地位低落如舊, 黑白界線終難泯除。他日黑人生齒日緊, 選票日增, 當可競選任大總

故日本昔爲美國一大敵,今爲美國一密友。不計財富,徒論情誼,則或非美國所喜也 意大利人落籍美國,亦有自成區落之勢。猶太人則不聞受此歧視。 此乃貧富界線, 非關膚

|**國遊覽,極少人文古蹟可資憑弔。如遊華盛頓故居,亦僅供遊覽,甚少供人憑弔瞻仰之設備及部** 僅在市區大馬路上,有華盛頓銅像矗立,乃爲供人瞻仰者。然在露天大道上,車馬絡繹, 住芝加哥僅四日,卽轉去三藩市。途中特繞道去大峽谷。余夫婦曾停宿兩宵, 乃

作暢遊。

在美

然一民族之立國精神豈在此乎?此等精神又鳥可長供人留念!徘徊兩日, 爲城市增一景色, 非備人瞻仰一古蹟。惟來大峽谷,乃有美國人勢力西侵之種種故事可資聯想。 俯仰感慨, 有不勝言,

亦不能言。 亦惟有僅以遊覽心情過此兩日耳。

九

新亞書院

(T.)

晤, 遽變。中國人論交重道義,「道不同不相爲謀」。似美國風氣亦不如此。 聚,因而中輟。美琦前留學加大,曾數次應邀至其家。其夫婦去耶魯,余夫婦亦邀其家宴。至是 當在美國求前途, |魯研究所,攻習||英國文學。是夏,進入博士班作研究生。 不忘子女中國語文教育之美德,勉其持續勿懈。加州大學一中國名教授,曾勸華僑旣爲美國人, 此後余等住舊金山兩星期諸多活動, 余夫婦抵舊金山, 中國語文之訓練應不重要。見余報端講解, 居華人區一旅店, 幾全由甄陶代爲安排。其子述字自新亞畢業, 愛其人情風俗, 一日,在僑團一茶會上講演,深讚僑民 嚴如身履國土。新亞同事孫甄陶在此相 與其意見相忤, 本擬邀赴其家宴 就讀於耶

國傳統士大夫少數意見高出民眾多數意見之上。 勘留晚餐。 余夫婦離舊金山前兩日, 並可向街頭宣傳。 張君勵聞余至舊金山,特請人來約期相見。時君勵傷腿未癒,行動不便。 余問君働:「聞君會提議國政三大端, 未獲同情, 君鄭又約在市區茶敍, 亦可鍥而不捨, 爭而不休。今遠覊美國, 亦未再提此事。後乃撰文力駁余所持對中國政治 與君往日參加制憲意態若不同。 有否其事?:君尊西方民主, 只向政府動議, 余夫婦赴其寓, 似應返臺灣提出, 君勱未深辯。 此仍是中

傳統非君主專制之見解。惜余未見其文, 而君勒亦在美逝世矣。

又顧孟餘夫婦在加州, 美琦留學時, 亦曾數赴其家。余與孟餘初不相識, 至是始獲見面。 孟

招待殷勤。

然絕不與余談及國

内

政

餘 事 夫婦親駕車來三藩市旅舍接余夫婦作郊遊,並至其家餐敍, 一語, 與前儼似兩人矣。及其夫婦返居臺北,遂常往來。然孟餘已病, 往事盡不在記憶中。

與美琦迭視其夫婦之先後逝世,亦良堪悼念也。

咖啡店, 亦一忙碌也。 余又曾遊加州附近一賭城, 閒眺湖景, 至坐咖啡館靜眺, 竟不可得。 在高山上。特愛其山旁之一湖, 美國人來賭城, 此種閒情逸趣, 亦爲覓得一忙碌。 似美國人少欣賞。以中國人心情,遊美國 湖甚寬, 湖中有遊艇, 四氅皆山。 登其上, 欲覓一濱湖 駛行湖 Щ

川勝地, 亦似情不對境, 不相恰切。 中,

思曾親駕車來舊金山邀余夫婦赴史丹福參觀, 產黨材料。 北大舊學生張充和, 適蔣夢麟亦自臺北往, 擅唱崑曲, 在館中相遇,坐談一小時。夢麟告余: 其夫博漢思,爲一德國漢學家,時在史丹福大學任教。 在其家住一宿。史大有一圖書館, 「已連讀君之國史大綱 專意搜集中國共 傅漢

至第五遍, 似君書敍述國史優處太多,劣處則少。」余問夢麟: 「所敍國史優處有不當處否?」

夢麟言 「無之。」余言: 「旣無未當,則亦不妨多及。國史敍治世則詳, 敍亂世則略。 一朝興

ル

著亦以矯國人之偏, 則詳敍, 一朝亡略及。 君謂有未當否?」夢麟再三點首道是。 拙著亦承國史舊例。 今日國人好批評中國舊傳統, 卻絕不一道其優處,拙

Ξ

逝, 面, 在西雅圖。 亦堪悼念。時已值學校假期, 亦在加大重晤, 離舊金山又轉去西雅圖, 屢次晤面, 其夫婦適亦先住方桂家,又得相遇。新亞舊同事夏濟安, 彼有意離美重返新亞,曾約於翌年轉道倫敦來港。 寄宿李方桂夫婦家。晤及蕭公權、施友忠諸人。又陳世驟曾在港晤 余曾在華盛頓大學開一座談會, 未作專題講演。 乃不幸於別後不久卽病 在加大任教, 余夫婦在西雅 時亦

圖極愛其湖山之勝,暢遊一星期離去。

尼僻居深山, 遊美國鄉村, **室四**圍, 沿太平洋轉入羣山峻嶺中, 余夫婦自離紐海文, 更覺心曠神怡。 必有教堂, 信者自趨膜拜。中西習俗不同。今乃任此勝景冷落世外,亦可惜也。 教徒卽在人跡所聚處傳教。中國則「有來學, 意謂此路若在中國, 遍遊各地皆乘汽車, 盤旋曲折, 極爲勝境。登上車頂廂樓, 必有僧道來此闢建寺廟塔院, 便隨處瀏覽。 及離西雅圖東返, 四旁及樓頂皆爲大玻璃窗, 無往教」, 成爲遊覽之勝地。 始改乘火車。 車行第三日, 宗教亦然, 車行 僧 朓 每

沿密西西比河, **议港廻環,** 煙樹迷惘, 遠山遙隄, 一一掠窗而過,景色甚似江南太湖一帶。下午

四

在芝加哥換車,

翌晨四時抵水牛城。

萬榮芳應約在水牛城相候, 由其駕車去遊尼加拉瀑布。 余素愛觀瀑, 此瀑已早在電影中見

過。 城市中, 乃乘汽車直達瀑布之頂, 而瀑布亦移來城市。 一石舖平坦大場, 因尋瀑布之源, 背向直達一湖濱, 身倚場邊欄干上,瀑布卽在欄干下。 亦如散步公園中,自然奇險渺無 似置身仍在

可得矣。

過一橋, 入加拿大境, 一樓面對瀑布, 設餐廳, 遊客廣集,排隊輪候。一桌散,乃克入坐。

幸獲一桌,正臨窗, 竊意若移去此諸燈,亦可遙望瀑影,在深黑中轟豗一片,此是何等景象。 對岸懸瀑宛在窗前。 時已值夜, 瀑布上皆遍布五彩燈光, 若能返老回童, 青紅綠黃,霎卽變 坐

此餐桌前, 玩賞繽紛電光, 亦是一樂。今則兩失之,不覺惘然。

余等特往訪之, 余等旣遊尼加拉瀑布, 同遊市外一中國式園林, 才轉赴加拿大之多倫多。 聞係前淸時一加拿大人遊北京歸而倣建者。 時翁舲雨有一子在此讀書, 驟入

新亞書院 (II)

九

舲雨夫人亦在

山多檜木公園是矣。 作畫亦如是。西洋人作畫,必面臨其境,如實描繪,謂之寫眞。其佈置園林亦一仍自然, 又融人爲入自然。使兩境如一,乃爲上乘。 但在自然中頗難覓得。 見樓前一古松一稚柳並峙, 加以佈置, 於不自然中創造更自然之一境,凡中國山川園林名勝皆如是。 余忽有啓悟,乃知此爲中國人之匠心佈置。稚柳傍古松, 則成尼加拉瀑布。 自然與人爲顯分兩境。 中國則必融自然入人 如舊金 非不自 中國

藏之龜甲, 多倫多大學教授史景成, 及商周鐘鼎彝器。 陪余參觀其博物館之|中國部分, 並有秦漢磚畫陳列兩壁, 殊爲壯觀。其次有六朝隋唐以下及淸代之 有大批由加拿大人明義士來華所收

種種古器物,又有一元代壁畫,及一明墓。 搜藏甚富,不亞於在美所見。

南端甚近紐約, 在多倫多住宿兩宵,卽返美,順道乘輪作千島之遊。海山勝景,顧盼皆是, 儻紐約居民羣以此爲遊覽之所,則往返絕非不便, 而心胸大開, 環行五小時。 不啻另是一天 其

地。

惜當時紐約居民似遊千島者甚少,今隔二十年,不知有變否?

湍聲清越, 假勝地。 遊千島後, 湖在 日光穿林而下, 山中, 於返紐約途中,又去亞力山大海灣宿一宵。又去一湖, 澄渟如鏡, 山高海拔一千五六百尺, 山後有瀑布, 亦可謂聲、光、影三絕矣。瀑布凡見三處,另一處未見。路上老樹參 沿瀑布而下, 乃距紐約市北八十里一渡 林樹蔭蔽,

天多百年以上者,懸壁絕峻峭,遊人必步行或騎馬到此,可嘗遊山之味。 在此湖亦宿一宵而去。

返抵紐約,又一週,於九月一日離美轉赴倫敦。余等留美前後共七月餘。

五

門。長日困居院中,何得如君輩快樂。」聞者色喜,首肯。但一人謂:「不久此形勢卽逼來, 彼輩大驚詫,問何據。余指田塍間老幼男女瀰布,曰:「如此接近大自然,生活何等幸福。美國 國人,疑自香港來, 始歸, 前往, 已當歷五百年以上。美國人學我們種草皮, 吾輩此種生活亦不得長久矣。」又一人謂,文化人生必經時間, 人家宅縱在鄉野, 余離港前, 均由毛勤駕車迎送。當日傍晚余夫婦出外散步,附近一小鎮,鎮民亦羣出。見余夫婦乃中 至是始成行。 倫敦來邀卽將合組新大學之三院院長前往訪問。 出門卽大馬路, 汽車交駛,豈容徒步。 卽欲就近買一包紙煙捲, 亦得駕車出 余告以來自美國。彼輩乃競問美英優劣。余答:「美國何堪與英國相比。」 余至倫敦, 毛勤已退休歸家,住倫敦近郊。 最多不得滿四百年, 親來邀赴其家, 余因赴美在即, 何堪相比。」英國人極不喜美國 指近山草皮曰:「此等草皮至少 盤桓一天, 約定離美後單獨 深夜 恐

新亞書院田

九

人出己上,但亦無奈之何。

此一番田野閒談可徵。

校長之選否?」富爾敦色變,邀謂:「此問題當依尊旨,卽此作決定,幸勿再提。 富爾敦親送余夫婦返倫敦。車上仍續談此問題。余問:「當前中國學人君意竟無堪當一理想大學 任此校之校長。晚餐後,續談香港新大學校長問題,仍不得解決。翌晨再談,仍無結果。午後, 談及校長問題, 富爾敦亦特來邀余夫婦去其家住一宵。 兩人仍各持舊見,不相下。出至郊外, 火車路程一小時卽達,午後討論香港創辦新大學事, 參觀在此興建一大學之新校址, 彼即預定

籍如 感困 但 加粉刷, 遍遊牛津各學院, 講堂上課限於向例, 論語, 倦。 余屢聞國人每以好古守舊自譴,及來英訪問牛津劍橋,乃覺英國人好古守舊之心亦不弱。 以一英國人治西書,自可各有悟入,遇疑難處, 五六百年舊石皮薄加剝落,如是而已。在劍橋晤一英籍教授,任中國論語一課, 所問盡屬字句義解, 物質規模生活細節多歷長時期, 不專依書本循章蹈句作解。 無大相歧。 教者亦只遵舊制, 分別作答, 所授內容變,而體制不變, 各循舊狀不變。適英女王將來訪, 各自發問, 教者可隨宜啓導。 再三重複, 徒滋拘束。 豈不生厭。 各處牆壁略 讀中國古 告余大

騈列, 可作英國人守舊不變一好例。 其實英國此種守舊不變之心習, 神權、 王權、 民權政治體制上之三大轉變,新者已來,舊者仍存。尤其是唐寧街十號,最 隨處可見。 即如倫敦西敏寺、 白金漢宮及國會大厦,一

排

返論美國,亦何弗然。耶魯初建校舍,遠不如此後新建校舍之古老。余宿哈佛一賓館, 其原宅全部照舊自路右遷路左, 全幢建築絲毫未動。 工程之大,設計之精, 校中人相 爲市

臘, 落成大典,嫌其屋宇之新建,牆壁先加塗汚, 告,引爲誇榮。苟不存好舊之心,何不重新建築,旣省錢,又可內容更新以適時宜。 故歐人亦必以希臘爲榮。更古如埃及巴比倫,則與歐人關係較疎,但歐人亦甚以古榮之。余 舒適堂皇皆所不計。 一若非此不足表示其莊嚴。 以壯觀瞻。余遊華盛頓故居,餐廳桌椅全選歐洲舊 其他類此者不詳述。 抑歐人之古, 芝加哥校舍 僅自希

遊英倫博物館, 有一雅典古建築,全部移來。在雅典原址,則爲照樣興建以償之。余告導遊者,

同可欣賞,此爲兩得之。今則兩失之矣。導遊者無以應。 余在)美訪其博物館,埃及雅典古物皆出價購取,是爲資本主義社會一表示。今在此所見,強力奪 乃帝國主義一表現。若慕雅典此一建築,何不在此仿造一所,而原建築仍留舊址,兩地遊者

途在一十八世紀之小農莊故址登樓小坐,三面環山, 如在蘇州坐茶室,久不思去。又訪羅馬古長城遺址,竟日往返,沿途所遘, 一女侍,全樓四人。樓外闃寂,不聞車聲。此等岑寂之境,在)美頗不易遇。非夕陽殘照, 余遊英倫,覺其社會閒逸之情遠勝在|美所見。尤喜劍橋靜謐宜人,坐溪橋旁一小咖啡館, 惟余夫婦及陪遊者英人某君三人, 絕不見熙攘之態。 同進 歸 咖

坐不忍行。

人前往攝取其鏡頭,乃告館中已移去,不可復見矣。此爲考論西方封建社會一項稀見而可貴之最 者。又遊蠟人館,其樓上有歐洲中古時期貴族地主虐待農奴之酷刑慘景, **余等在倫敦又曾遊其律師區,印象極深。中國古人言采風問俗,** 此等乃非書本知識所易觸及 感動甚深。 越年,

佳資料,未能攝影保留,惜哉惜哉。

洪 遊, 通伯在英逝世, 並又先爲余夫婦去巴黎作接治。此後通伯來臺北,途經香港,又訪余於新亞。及余遷來臺 余夫婦在倫敦得遇舊知陳源通伯及其夫人林淑華女士, 曾至其家。 通伯又屢來訪, 淑華女士來臺北開追悼會,余夫婦亦參加。又特爲文悼之。對其以前主張新 同餐同

文學之經過與意想, 又億遊劍橋,遇一英籍教授,新自北平留學歸來。邀余夫婦赴其家茶敍。 有所闡述。 其他在英所遇舊交相識尚多,茲不一一具述。 語次, 談及

「在

因某雜誌囑,遂撰此文。篇末謂, 登閣樓, 對日抗戰前, 北平曾讀一文,批評某教授論墨學,其文用筆名,遍詢他人均不知著者之眞姓名。 取下一書,交余閱之。 其時先生尚在北平, 此書乃武漢大學某教授所著,時余在北平,讀其書, 不知曾悉此文之著者否?」余請取此文一閱,彼乃持一長梯, 「國難方殷, 余輩乃討論此等問題,實非急需。 惟知此文撰在 因取名 『與

忘』二字。」本囑著者勿再筆墨往返。後該書又在北平重印,並收進余文,謂今時已昇平,盼以 眞姓名相告,當可面請教益。大意如此。余笑告主人:「此文適爲余作,然久已忘之矣。」及余 返港後, 遂覓得其書, 意欲將此文收入余之<u>中國學術思想史論叢中。但今檢中國學術思想史論叢</u>

第二册戰國之部,此文仍未收入。故誌於此,以待他日之再檢圖。

藏敦煌文件而來,故需久住,特租一屋。余夫婦亦同寓其處,在巴黎多蒙其夫婦陪遊。 遊凱旋門及拿破崙墓,乃知法國政情與英大異,其商業情況亦不同,而閒逸之情則又過之。 在英共住二十二日,自倫敦轉巴黎。賀光中夫婦適自星加坡來巴黎,光中乃專爲抄錄巴黎所

同。 咖啡店遍市易覓。携長條麵包在塞納河邊散步,此情此景亦惟在巴黎見之。富強孰不慕,而閒逸 美國華盛頓市區規劃模倣巴黎, 亦孰不喜。卽論大陸舊日上海租界,商業繁旺在英租界,而來作寓公則喜卜居法租界。卽今世界 坐凱旋門前大道旁之長排咖啡座上,閒看大道遊客,乃至把杯閒話,此情此景,巴黎獨有。 但自國會直達華盛頓銅像之大道 , 顯與巴黎凱旋門前之大道不

[○] 編者按:論墨學一文,現已收入全集本中國學術思想史論叢第二册。

三六四

遊人亦多愛巴黎, 勝於倫敦。羡慕富強,則美國居首,英次之, 法最居末。 求享閒逸, 則法、

英、美次序倒轉。若果二者不可得兼,何去何從,則待世人之別擇矣。

之白宮,英國之唐寧街十號,則又故示謙德而失其體制矣。 自擁財富,斯可平視高位。非專制, **致其崇高之敬心,自與西方人爭衡權利,攘奪霸占之心有不同。故西方人重商,卽法國亦不免。** 如小巫之見大巫矣。此非依政體之專制程度分,乃自民族心理之厚薄輕重分。東方人尊上位, 余遊凡爾賽舊王宮,長樓連楹。較之韓國日本所見宮殿宏偉,門牆深嚴, 則高位不易踞。 不如東方人尚謙德, 轉使下僚誠服也。 不啻似一富人居,

加拿大多倫多所見一中國式園林之啓發多而影響深。可知一民族自己歷史傳統深,則得於人者轉 又遊凡爾賽之別宮,聞乃模仿中國園林而建,佔地甚廣,林溪甚繁。然遊覽所得,尙不如在

淺。自己歷史傳統淺,則得於人者易深。卽以兩地此一事爲例,亦可知矣。

|國北方,亦難尋覓。不知此家主人自來||巴黎,何以祖孫世代能牢守此舊規模不變。然亦有法||國 未見如此館之簡陋。當日所進麵味已全忘,然其用具陳列則猶歷歷在心,亦此遊中一奇遇也。 絡繹來顧。蓋風情之特殊,益覺飮膳之異味。 余又在巴黎市偏區一山東小麵館進膳,此館碗筷匙碟,桌椅陳設,皆近百年前舊物。 中國食館遍於歐美,余夫婦此遊所品嘗亦多矣, 即在中 丽 然

中國人之好古守舊,則又非並世人之所能比矣。

法國漢學家戴密微, 光中邀其來寓, 與余餐敍。長談至深夜十一時始別。彼詢及余發現章實

重獲一面。又巴黎大學中國文獻館館長紀業馬,因事離巴黎,其夫人胡品淸乃中國人,特在家設 齋遺著事, 余詳告之。彼因急赴波斯考察一新出土之中國古碑,遂未再見。後有年,彼來香港,

機緣,甚少晤及。在倫敦,亦惟倫敦大學遠東系主任西蒙教授曾設宴相待。其子並曾陪遊。 一茶會,晤見中、法、英、 美學人近二十人。余之遊英、法, 一意參觀, 兩國之漢學家, 非特有 其他

亦少接觸。

余夫婦遊巴黎共旬日, 忽得香港新亞來信, 學校有事,促急歸。 因取消歐陸其他各國之行,

法國其他地區亦未前往, 匆匆離巴黎轉赴羅馬, 作爲此行最後之一程。

ナ

界,而爲人坦率眞誠。 晚卽由次彭晚宴。此下數日,或在使館,或在市區,幾乎盡由次彭約同飮膳。 余夫婦赴羅馬, 我國駐教廷大使謝壽康次彭特來機場迎接。並爲在其使館附近定一旅館。當 一夕同餐,次彭擇碟中一魚頭置余碗中。其夫人謂: 「汝自喜食魚頭,不 次彭雖久從事外交

九 新亞書院

(II)

三六六

問客亦嗜此品否。」余笑答: 「生長江蘇無錫魚蝦之鄉,生平正愛此。」次彭並屢次陪遊市區各

名勝古蹟。余與次彭雖初相識,一見如故交,亦生平稀遘也。

Ħ, 由羅光神甫陪赴梵諦岡, 於廣座中謁見教皇。羅神甫並於其寓所邀晚餐。 次彭又曾兩

度陪余夫婦去梵諦岡,瞻仰巡覽,幾於無所不至。

余夫婦又曾暢遊|梵諦|||附近一古堡,整半日, 遍歷各處。 使余於歐陸中古時期之堡壘情況,

法人。若果以生活忙碌亦視爲近代歐洲文化演進一項目,則意大利無疑猶當居法國後。惟意大利 時期之不同所在。余夫婦又特去龐貝古城,農夕往返,沿途所見,始識意大利人之閒逸,猶勝於 略獲有知。 並由次彭陪遊聖保羅、 聖約翰、 聖彼得等教堂, 才知「文藝復興」後之教堂與中古

於羅馬,然終爲古所掩, 不能與英法同享後起之新運 。 古今新舊不能相融一貫, 生活水準低,故其情趣乃不如法國。惟論古蹟之豐,則英法遠不能與意大利相比。文藝復興雖起 又爲余遊英、

法、 意三國所同具之深感。今我國人一意慕歐美之新, 疑我自身固有之舊, 宜其不能調融合

矣。故人類文化貴能推陳出新,不當捨舊謀新耳。

閒, 當伴遊未去處。午餐後,飛機仍未到, 余夫婦遊羅馬凡六日卽匆促賦歸, 次彭親送。 次彭問有一處咖啡館曾去否。余言: 適飛機誤時, 次彭詳詢余等所到, 「著名一希臘咖 謂尚有半日

尤爲上選。卽咖啡一味,亦與人生之閒逸忙碌成正比。一事一物之微,亦可覘文化之異同。 座前, 眠, 謂 啡館已由先生陪去過。 而喉間餘味津津,不覺渴。乃知方飮咖啡味醇性強,洵佳品也。乘客聞香氣濃烈,或尋來余 「如剩有意幣, 問何處購得這樣好咖啡。余夫婦遍飲各地咖啡,意居首,法英次之,美最末,而今午所飲 尚有數小時閒, 可盡購咖啡歸香港細品之。」 依其言購一紙袋, 」次彭謂:「非也。 當必一去。」遂偕往。 此處非熟人作伴不易去,店名由意語翻譯當爲『天下 店內四處皆咖啡袋, 乃赴機場。 無座位, 立櫃前飲。 飛機中整夜少 次彭

j

入國問俗之要旨也。

折, 張, 揚, 絕大多數置之不問,而另有少數臨事加以勸阻。然余之歐遊則竟爲此中輟,至今思之猶爲悵 亂 步調。 余返香港, 乃我全校師生積年累月所當努力一要目。 但國慶之晨, 乃知新亞內部爲國慶日懸國旗有齟齬。 仍有人在學校樓頂私升國旗, 懸掛國旗, 余告來談者, 旋又卸下, 乃一儀式。 未肇事端。 不當爲此使學校前程生波 國家民族精神之體究與發 蓋少數幾人主

一九新

新亞書院

(五)

然。

樓。更上卽山頂,屋主人闢一大園爲別墅。余夫婦親赴踏看,深愛其境。或言火車站離此遠, 山石級一百七十餘, 余返港最大一事,爲覓新居。余不喜城市煩囂,託人訪之鄕間,乃得沙田西林寺上層山腰一 每日往返恐勞累。 屋主管家陪去,謂:「我年七十餘,每日上下, 體況轉 登

健。先生來此居住,必可腰腳強勁,心神寬適。」余遂定租。

種,一主程朱,一主陸王, 再定取捨。 適楊聯陞自哈佛來, 余之論語新解初稿,已在耶魯完成,自得新居,重理前業。取朱子語類論語各條逐一細玩。 一邍乾嘉漢學。雖多本中國舊說,從違抉擇各異。余又再玩三書,細 亦來余山上宿一宵,歸途經日本, 余囑其代購日本人著論語三

在樓上放一桌,余一人盡日握筆吟哦。較在耶魯寫初稿時,環境似更怡悅有加 夏秋間,忽颱風來,勢烈空前,山居破壞,屋頂多掀開。修理費時,臨時移樓下另一小宅。

富爾敦又來,初面,又詢余有關校長事仍持初意否。余告以余所爭乃原則性者,


他日物色校

審從違。如是再逾半年,稿始定。

長人選,余決不參一議。 文名直譯爲「|中文大學」, 眾無異議。 主取名「中山大學」,或主名「九龍大學」,其他尚有多名,久不決。 富爾敦領首不語。 新校長旣來, 有關新大學一切爭議,至是遂定。 召崇基、 聯合、 余謂, 新亞三院院長每週開一聯 不如逕取已用之英 又議校名問題,或

席會議,遇有異見,舉手多數卽通過。余與富爾敦、毛勤以前彼此討論商権之情形,今則渺不可 去新啞院長之職 。 時爲民國五十三年之夏,自創校以來,前後十五年, 連前亞洲文商學院夜校 得矣。余自新啞決定參加大學,去意亦早定。大學旣成半年,乃商之趙冰董事長,得其同意,辭 一年,則爲十六年。亦爲余生平最忙碌之十六年。惟董事會允余五十四年爲正式辭職之年,此一

年則爲余之休假年。時余年七十一。余旅居香港之辦學生涯遂告終結。



一〇 在臺定居

之想。翌晨 ,坐樓廊上,遂預定此下閒居生活之計畫 , 首爲撰寫朱子新學案一書。每日面對近 亞董事會開會同意余辭職之當晚,卽逕去青山灣。夜半枕上聞海濤洶湧,滿身輕鬆,有凌空仙去 民國五十三年七月,余先租得青山灣一避暑小樓,臨海面山,環境幽靜,尤勝沙田。 獲得新

海,眺望遠山,開卷讀朱子大全集。居兩月,返沙田。

羲恐趨後,無渙志,無餒氣,黽勉宏此規模。」余私輓之聯云:「肝膽共崎嶇,畢義願忠,惟茲 輓之聯云:「惟先生身在局外,心在局中,不著迹,不居功,艱難同其締造。願吾黨利恐趨前, 是年十月,新亞董事長趙冰逝世,余特撰兩聯,一爲學校公輓,一爲余個人之私輓。學校公

已十五年矣。余之始創新亞,趙君即任董事長助成之。余之辭,新亞職務,亦由趙君主持決定之。 氣骨勵堅貞,清風峻節,何斯道之終窮。」余之初識趙冰在民國三十八年春,至是亦

不謂余初去職,趙君卽遽長逝,痛哉惜哉。

校經濟有困難,董君屢爲解囊。余初擬創辦新亞中學,董君卽慨允所需十分之一之校舍建築費。 夫婦遷來臺, 已辭去董事長職, 及其任董事長職, 繼趙君任新亞董事長職務者爲董之英。董君乃上海來港一企業家,彼已久任新亞董事, 董君夫婦並屢來臺北相訪。 其人坦白眞誠, 曾來相訪。余夫婦離馬來亞經泰國返港, 余已不問校事。但董君屢來沙田余寓所, 亦爲余在港一良友。 又經董君在泰國所設公司招待。 詳告校務。及余夫婦去馬來亞, 懂君

_

朱子語類。 眼,由余在港相識陸潤之醫師割治。新亞同事赴潤之醫務所求診,潤之皆免費,亦不啻爲新亞一 校醫。余在醫院經旬,稍愈卽於五十四年七月去吉隆坡。人事稀疏, 翌年之夏,南洋大學有人來商去任校長,余卻之。馬來亞大學邀去講學,余允之。適患靑光 是爲余在成都華西壩病中通讀全書後之第二次 。 相隔亦二十餘年矣 。 除規定課程外, 新亞研究所畢 盡日夜專讀

業**,** 繼余英時在哈佛讀博士班之陳啓雲,時亦在馬大任教。每逢星期日,其夫婦常駕車來伴余夫

婦出遊。

論文。 其他在馬來亞各地僑領僑胞, 家耀等諸家,皆曾結伴同遊。 同事德國漢學家傅吾康夫婦, 共一研究室。留室半日,亦備感幽閒。日常交往,除陳啓雲夫婦外,有系主任何丙郁夫婦, 遍往遊憩。少則三五日,多逾一星期, 馬來亞凡高山淸凉處,必有賓館,爲前英國殖民政府官員休假避暑處。余夫婦每逢假期,亦 舊曆除夕, 邀宴其家, 餐後移坐園中長談至深夜,尤爲余夫婦生平度歲惟一稀週之景象。 及文教界人士相識甚多,不能備述。 尤其品菱女士與余毗鄰而居,過從尤切, 程曦夫婦,曾太太陳品菱女士,圖書館王遵侗女士。又校外相識李 而尤愛檳榔嶼,住其山上旬日。美琦亦在馬大任課, 並從余於課暇撰寫其碩士 系中

月卽歸, 篇,爲余正式撰述新學案之第一篇,後散入學案中。數月之生活,乃常留腦際,不能忘。 但余不勝馬來亞之濕氣, 住馬來亞共八月。美琦理行裝,余一人閒,僅留朱子詩集首册在案,成朱子早年思想考 終於胃病劇發, 一晝夜進食至十餘次。入夜不得安眠。 遂提前於二

Ξ

=

在臺定居

美琦遂去香港某中學任教。晨出,午後歸,余一人在家,時撰寫益勤。皆就前兩年來讀大 余夫婦去馬來亞, 語類錄下筆記,分題闡述。而香港難民潮驟起,乃決計遷居臺北,先來擇地,得<u>外雙溪</u>今 沙田舊居未退租。及歸,日夜寫新學案, 然亦疾病時作。 越半年, 體稍

十六年十月遷臺北,先住市區金山街,翌年七月,遷外雙溪。蒙故總統蔣公命, 由陽明山管理局負責,並爲政府一賓館。迄今亦已十五年矣。 該所之建築, 全

址。返港後,美琦自作一圖樣,屋宇面積略如沙田,惟分樓上樓下,而添得一園地。乃於民國五

其首。共五年。其先讀大全集, 自五十五年二月,迄於五十八年之十一月,先後撰寫歷四年。又翌年續寫朱子學提綱一小册,冠 余之撰述朱子新學案,蒙哈佛協助,其著作費按月港幣三千五百元, 讀語類, 鈔撮筆記, 作準備工夫,亦歷兩年。 共三年。 荷非辭去新亞職 然余之此書,

|溪余宅客室中上課。又得||故宮博物院院長||蔣慰堂之邀, 以特聘名義爲研究員, 爲余特闢一研究 余自新學案成稿,遂應張曉峯之聘,在文化學院歷史研究所任教,每週兩小時,諸生來外雙

此書亦終難寫出也

室,上下午皆去,得讀四庫全書中宋、元、明三朝理學諸集,續有撰述。而日常生活費亦賴張

蔣兩君之安排獲有解決。

第一部成書者,爲中國史學名著,乃臺大學生戴景賢來旁聽,依錄音機寫出講辭, 各撰專篇, 時余朱子新學案方成稿, 後以散入元、明、淸三代之學術思想史論叢中, 有意續寫「研朱餘藩」一書,自黃東發始, **遂未勒爲一書。爲文化學院授課** 下抵淸末, 再由余改定。 擇取十許

第二部爲雙溪獨語, 乃余自本某年講辭, 逐堂親撰成篇。其他所講,未遑整理。

之, 有證, 廣, 員某公昌言譏疵此書, 惟又念此稿亦經一年辛勤,又自幸有新得,不忍棄置。適某報記者在一集會上,聽孔孟學會評議 張,亦依前人陳說, 見分歧, 此引伸推廣作爲先秦諸子繁年,最近又成論語新解, **術著作**, 乃婉卻。 皆待深入。 又某年,孔孟學會來邀余特寫孔子、 非另創新說, 抉擇取捨各有不同。 不比政治行事, 終以強邀, 旣交稿, 遠有來歷。此事縱謂未臻定論,亦可自申己見。乃求將原稿退回,蒙准許。 豈得聽評議桌上一二人語,遽毀生平。即如孔子並未新撰易傳, 遂特來訪問。余略告以此事之經過,該記者以之披露報端, 可變會議決定。 正自慚疚, 不獲辭, 余之此稿, 先撰孔子傳。 忽遭孔孟學會評議會指摘, 學術著作則須作者本人負責。古今來稽考孔孟行事, 亦復字字斟酌, 孟子兩傳。余以曾有論語要略、 乃亦時有新得。 余對孔屆兩家所知盡此,此事似應由他人爲 語語謹審,經數十年之私見, 逐舉稿中各項指令改定。 **方知自己學問門徑多,** 孟子要略兩書 求印行此稿者 爲余畢生主 但亦有據 撰述範圍 余意 叉因 意 學

中之某篇某章, 改撰,遂轉送商務印書館印行。又有國史大綱一書,經當時政府出版委員會審查, 中,有先秦諸子繫年一書,由顯頡剛送淸華大學, 傳, 乃麠集。 著書不易,出書亦未易也。 物不多,未受多方注意,當以此稿付之。幸諸君見諒。」此稿付印,乃具如此曲折。余生平著述 此稿付印,尚不知更將發生任何意外之影響。」因指座上某君言:「彼最先來索稿, 余告以: 迭經爭持, 此稿印行, 始獲照原稿印行。此書付印曲折, 惟此書屢經堅邀而成, 不僅余一人之私事, 由其出版叢書委員會中某君指摘體裁不當, 受此遭遇, 亦牽涉國家宏揚孔道之公務。今已報章喧 則更出意外耳。 則爲余生平著述中之第三次。 亦指令改撰書 並出版 可知

|明 暇,能增寫一部「理學詩鈔」,寧不快懷。竟此罷手,亦一憾也。又有<u>朱子文鈔,因擬加註語,</u> 人生中一要項。余愛吟詩, 但不能詩。 吟他人詩, 如出自己肺腑, 朱子詩續選兩集, 政府退出聯合國, **淸四代理學家中,愛誦之詩尙不少,惟以此六家爲主。竊謂理學家主要喫緊人生,而吟詩乃** 余撰朱子新學案, 消息頻傳, 心情不安, 不能寧靜讀書, 又增王陽明、 又曾隨手選鈔朱子詩愛誦者爲一編。及日本承認大陸共黨政權, 高景逸、陸桴亭三家,編成理學六家詩鈔一書。 乃日誦邵康節、 此亦人生一大樂也。 陳白沙詩聊作消遣。繼 余在床、沅、 繼以國民 儻余有

舊。所費精力亦不少。但至明代一編,以患目疾,排印後已不能親校。淸代一編, 不復重列者。然篇幅已不少。 每集一編,所收諸篇,皆親自閱讀, 小作改訂,惟大體則一仍其 北朝, 自閱讀,逕以付印。尚欲增寫朱一新一篇,材料已齊備,亦以目疾中輟。 自民國十三四年以後,亦近六十年之長時期矣!有記其篇名,而一時未得搜集者。有彙爲他編, 余此下所努力者**,** 四隋唐五代,五兩宋, 爲編中國學術思想史論叢一書,共八册。 六七八爲元明淸三代。皆集余一生之散篇論文,有關此方面者。 一上古,二先秦, **24**) 則未能逐篇再 三兩漢魏晉南 遠

學,當使人先多讀中國古書舊籍。余之畢生寫作,皆期爲國人讀古書舊籍開門路。 文學方面,僅有一册,名中國文學講演集。新舊文學, 爲余當生一大爭辯 。 惟求人喜中國舊文 靈魂與心,及中國學術通義等書。其有關中國文化部門者,除文化學大義外,尚有中華文化十二 於不顧,又何能求人愛好舊文學。此非言辯可爭。 中國文化精神, 民族與文化, 中國文化叢談, 世界局勢與中國文化等, 其他不備列。惟有關 余之有關學術思想史方面之散篇論文,彙爲專集者, 惟余愛讀古文辭,愛誦古詩詞, 尚有莊老通辨, 兩漢經學今古文平議 則終生不變不 荷置古書 舊籍

三七七

編者案:先生遺稿中有「朱鼎甫學述」一稿,或爲未完之文,今已收入中國文學思想史論叢第八册。 今已收入,全集版中。 先生生前曾彙集其有關現代之散篇論文,編爲中國學術思想史論叢第九、十册,未及付排,遽然逝世。 又

宋

倦。 「只堪自怡悅,不堪贈與人。」閒雲野草,俯仰可得,又豈待人之持贈乎!

|國書,每嫌知識不廣,許多處皆僅能置而不論。因念此四家皆以研究朱子爲宗旨,余之所感尚如 **湊一文,補充「硏朱餘瀋」之篇幅。後亦納入余學術思想史論叢中。@余以一中國人,初涉及韓 尤菴、韓南塘四家全集,歸來披閱。卷帙之夥,亦甚感辛勤。籍四家立言大義,寫朱學流衍韓國** 若醒來故我依然,則中國酒洋酒又何擇矣! 則以一中國人窺鑽外國學問, 余之居外雙溪,又曾兩度去日本,兩度去韓國。初次韓國之行,卽選擇李退溪、李栗谷、 其難可知。 借他人酒杯, 澆自己塊壘, 其事易。果求沉醉其

四

動」作一講演。不獲辭,亦僅此一次。及民國五十八年,爲新亞二十週年紀念,新任院長沈亦珍 來無錫創辦國學專修館,並贈一住宅。星海則留學美國。余在香港,與彼交往亦甚稔。余辭新亞 來請余自臺赴港參加。得晤唐星海,繼董之英任新亞董事長,對新亞贊助有力。其父曾邀唐蔚芝 余自正式獲解新亞職 ,絕未去過農圃道。 惟於民國五十六年新亞學生曾來請余爲「五四運

編者案:朱學流行韓國考一文收入中國學術思想史論叢第七册

ā 在鉴定居 五

|國文言古籍者開一門徑,並可供西方人有志治漢學者得逕從讀中國文言古籍入手。 記地名考, 他人,亦可爲之。 遂將第二計畫暫置。 及是相晤, 彼告余, 凡爲新亞策劃,盼余盡力助之。余 構,以成其事。余之編纂大綱已寫成,念殊子新學案非余親手草成不可,至國文自修讀本, 來語余,極爲贊成余之第二計畫。囑寫一編輯大綱,彼常赴美國, 當爲余募款, 謂:「君助新亞, 曾擬從事兩工作, 一爲撰寫朱子新學案, 又一則爲編一「國文自修讀本」, 供國人有志讀中 長談不倦。及余自港返, 即不啻助余。余可盡力,亦復何惜。」又晤沈燕謀,彼實已在病中,方讀余決 唐沈兩人忽先後逝世,近在旬日間。而余不克親赴其喪,亦 俾組一 星海聞之,特 一編纂機 授意

港。每念新亞舊友, 離新亞。余每赴港,明璇必約在半島酒店見面,談及往事, 任新亞校長室祕書蘇明璇,未到新亞前,爲新亞出力甚大。余在美提議請其來任此職。 五十九年,余任香港大學校外考試委員赴港。時新亞由梅貽寶任院長,又邀余去作講演。 豈勝惋悵。 相與愴然。 不久亦病逝, 後與余同 余亦不在

人生一大憾事也。

三八〇

多在余個人及余夫婦之外者。 之緣。亂世人生,生命則限於個人,生活則限於夫婦,余非當前一實例乎!而凡余文中所憶, 已。然彼輩何日能賭此文,賭此文後,心中影響如何,今亦無可懸揣。然則余之一生,憶往則無 通。凡余八十億雙親文中語,三十年前在大陸,亦無暇與彼輩言之 。 今所欲告者 , 亦惟彼輩而 天祥, 人可語,思後則無事可準,僅常以此文中一切告美琦,而美琦對此文中一切人與地,無一面一 **余姪最長者,已近望七之齡。** 余每念畢生苦學,勤讀勸寫,始終一書生,若無變。然國事則始終在大變中,卽余之家庭亦然。 者,亦可謂余生命中最有意義價值之所在。余之八十年生命,深根固**抵皆在此**,非可爲外人道。 轉瞬余已屆八十之齡,美琦偕余在余八十生辰前南遊。先住梨山賓館, 最後經花蓮, 先後住四處, 「悠然望南山, 余三子兩女, 最幼者亦逾四十。 然三十年來, 歷八日。 余寫成八十億雙親一文,此乃常繁余一生之懷想中 山氣日夕佳, 此中有眞意, 欲辨已忘言。」忘其 又轉武陵農場, 如居異世,音訊難 則 履

座,以余名冠之,擬每年邀請對中國文化有研究之中西著名學人一位,來|新亞作講演。邀余任其 眼科,羣言無策, 求不急盲卽佳。新亞書院院長金耀基, 在余病前來告,彼擬爲新亞創一學術講

而仍若欲有言,並不能已於言,陶公之詩,眞使余低徊不能已。

八十三歲多,

余胃病劇作,

幾不治。八十四歲春,

始起床,

而兩眼已不識人, 不見字。

西醫

但竟能於是年雙十節前赴港, **講座之第一次講演人,並謂經費已募有端倪。其意旣誠,** 十週年紀念, 余夫婦又去香港, 亦余始料所不及也。時余年八十四。翌年, 余八十五, 得遇耶魯前歷史系盧定教授, 余不能卻, 亦自美同來赴會。彼乃首先主張雅 已允之。而胃病眼病迭作。 新亞創校三

.

禮協助新亞者。

兩人回念前塵,

相與感慨不已。

別新舊,不論內容, 中國自秦以下盡屬帝王專制, 往事過偏過激。按之舊籍,知其不然。如稱先秦以上爲「封建社會」,而讀詩經、 能概括。進而讀通典、通考, 社會情況豈能與歐洲中古時期相提並論。至「農奴社會」等名辭,尋之古籍,更無其證。 余幼孤失學,年十八,卽爲鄕村小學教師。每讀報章雜誌,及當時新著作,竊疑其譴責古人 余自幼即好誦唐宋古文及 六八家詩鈔, 余之治學, 亦可無辨。所謂舊文學, 亦追隨時風, 而余讀四史及通鑑, 見各項傳統制度更多超於國人詬病之上者。又如文學「新」 而求加以明證實據, 又豈封建、 推而上之,至於文選詩騷。 歷朝帝王儘有嘉言懿行, 貴族、官僚諸辭所能誣衊。 厚誣古人, 乃不免向時賢稍有諫諍,於古人稍作平 竊謂專以文言、 又豈「專制」二字所 左傳諸書, 又如謂 白話分 「舊」

크

體有所認識,有所把捉, 四五千年之歷史傳統文化精義,乃絕不見有獨立自主之望。此後治學,似當先於國家民族文化大 乃知郎在近代西方, 洲第二次大戰繼起, 中央政府外, 如是而已。至於當時國人羣慕西化, 乃始有轉向於文化學之研究。 在成都開始有中國文化史導論一書之試探,及三十九年來臺 更有趨向延安,自樹敵體者。國內紛呶,已有與國外混一難辨之勢。而我國家民族 尚多壁壘相峙。而其時如西南聯大師生,亦已有魯美尊蘇之對抗。 意大利之法西斯, 始能由源尋委,由本達末, 於各項學問有入門, 有出路。余之一知半 德國之納粹,對國人向所崇奉之英法民主政治多肆抨擊, 則自慚謭陋,未敢妄議。 及抗日軍興,避至昆明, 而於重慶

之粗。 病雙目,不再親書册,而心中所往復不能忘者,則惟此。及去新亞講演, 討論文化, 余旣不知其根柢之深藏,亦不能賞其花朶之細緻,然接觸其歷年之劇變, 所謂文化,茲事體大。近代西方列強,爭豔競芳,要之皆自一本來, 余此三十年來, 又時時不免涉及西方, 內容無足重, 而治學方嚮則敝帚自珍, 有歷次講演,及抒寫有關歷史方面之文字,則一皆以「文化」爲中心。 題名「從中國歷史來看 每不惜暴露於人前。 有根柢, 亦可謂稍見其枝葉 有枝葉, 自 而

烘

乃有文化學大義一演講, 是爲余晚年學問蘄求轉向一因緣。 亦自國內之社會潮流有以啓之

也

中國民族性及中國文化」,此實余三十年嚮學一總題。所講或時出前人之外,乃因余常求以我國

定。大率數年來文字胥如此得成。余在港時,某生爲余購來大陸唱平劇及吹彈古琴簫笛等許多錄 之固有而對比之西方而生。此種講述,非有標新炫異之意,亦時代潮流有以使之然耳。 余自去港前, 此一講題,凡分六講,每週兩次,爲時三週。因防余勞累,使多休息,學校隨堂錄音, 連錄音帶一併寄臺北。 已稍能執筆作字。惟寫下一字,卽不認識上一字,須由美琦騰正,讀余聽, 美琦爲余再開錄音機,余隨處加以改定,再由美琦筆錄成書。然 再加 叉使

改

成稿, 得八百一千字,連續四五天成一篇。人事羼入,或體況不支,隔以時日,忘其前寫, 余枯坐無聊,偶有所思,率常執筆,隨意所至,隨寫隨息。一上午可得四五百字,上下午可 **迂拙固不計,消遣時日,** 不知從何下語, 勉強成篇, 亦惟此一途矣。 亦不知何處重複, 何處缺漏。須待美琦鈔後再讀, 即不能翻閱 余始得增損

先寫在

港聽各錄音帶所存想,依次續寫,又得約二十篇,亦儼可成書矣。◎

余得暇屢聽之,心有所感,返臺北,及此講演稿成書,遂續寫「中西文化比較觀」一書。

余又草師友雜憶一書, 編者案:有關中西文化比較之諸文,未彙編成專集,已分別收入各書。 乃繼八十憶雙親一文之後,在去香港新亞講演前, 已成其兩篇,乃記

= 在臺定居

三八四

代之一面。非敢有誇大,亦不作謙抑,知我罪我,歸之讀者。 眞。非有所好惡高下於其間,乃憑記憶而自認余之生命。讀余此書者,亦可憑余所憶而認識此時 乃遠自余之十歲童齡始。 友相輔。 余肄業小學中學時事。 余亦豈關門獨坐自成其一生乎!此亦時代造成,而余亦豈能背時代而爲學者。惟涉筆追憶 孤陋獨學, 豈有今日。亦有途徑相異, 意見相左, 他山之石, 可以攻錯, 第三篇從民初在三無小學教讀開始。 能追憶者, 此始是吾生命之眞。 其在記憶之外者, 足證其非吾生命之 自念於學問寫作凡有所得, 亦皆師友之霑 亦悉賴師

十九年, 相聚, 女偕長姪偉長同來港, 時。余來廣州, 春,隻身南來廣州,至是已整整三十二年。初別時,彼等皆未成年。尤其是幼女,生於民國之二 民國六十九年夏,余八十六歲,夫婦重赴港,獲與大陸三子一女相見。自余於民國三十八年 前後僅七日, 余離家去四川成都 , 未及見其生。抗戰勝利歸 , 又曾去雲南昆明 , 彼尚未足九歲,未盡養育之恩,最所關心。及是相見,則亦年過四十矣。 即匆匆别去。尚有一長女,未能同行。翌年,余八十七,余夫婦再去港,長 晤聚半月。五子女乃得於兩年內分別見面。而彼等之婚嫁,則均在與余別 獲親肘膝間初無多 惟在港

已成隔世,則無論矣。余以窮書生,初意在鄉里間得衣食溫飽,家人和樂團聚, 後。三媳兩婿,及五家各得子女兩人,共十五人,則均尚未獲一見。又長姪偉長媳, 不料並此亦難得。 抗戰時同在成都,今亦未獲晤面。其他尚有六弟婦,及其子。又偉長一妹, 而不加蘄求。何年何月, 繼今餘年無多,不知何年再得與其他未相見者一面。縱謂天命嚴酷,不當並此 此日之來,則爲余此下惟一之期望矣!古人云, 但尙願爲賊偸生,以待此一日之來臨。 「老而不死是謂賊」。 亦未晤面。 亦於願足矣。乃 及其一子, 其他死亡

余旣老,

於世無可貢獻,

十二年。此下續有撰述。其最後一部書,則爲史記地名考,完成於民國二十九年。以下對此功夫 之用心乃漸趨於史籍上。治史或考其年,或考其地。最先考楚蘇地名, 潛,經濟之宏艱,自慚愚陋,亦知重視,而未敢妄以自任也。不意遭時風之變,世難之殷, 書以前。及諸子繁年成書,又續作考地功夫, 據訓詁,藉是以輔攻讀古書之用。所謂辭章、考據、訓詁, 余之自幼爲學,最好唐宋古文,上自韓歐,下迄姚曾,寢饋夢寐,盡在是。其次則治乾嘉考 初成周初地理考一篇,時在民國十九年,距今已五 余之能盡力者止是矣。至於義理之深 尚在余爲先秦諸子繫年 而余

ō

即。 身親聞一大喜事也。 **遂未繼續用力。** 知余論周初地理可相證明。 爲校閱。 有關各文, 亦未有人加以闡發, 今年春, 尚續有材料增加, 民國七十年,余八十七歲,遂將史記地名考以前各文彙編爲古史地理論叢一書付 許倬雲自美返臺,面告余,彼曾集大陸此數十年來新出土諸銘文詳爲考訂, 余之其他撰著, 幾如廢紙, 余聞之大喜。竊意此文乃余五十年前創見。五十年來, 寫列書眉。而余雙目已盲,不克親自校訂, 置於不論不問之列。今乃得許君之成其定論, **儻他年續有得臻定案者,** 則豈余一人之幸而已哉。余念之, 乃囑及門何澤恆代 未有人加以駁 此亦余晚年及 乃

則以 瀏、一周子通書隨割、一近思錄隨割。又成中國學術之傳統與現代一書,@繼中國學術通義後, 則依然是此一羣烏鴉而已。學不再進, 作衡論。 對於中國古人爲學之宗旨趨向,分野門徑,別從一新角度重爲闡述。要之,從文化大體系言, 「和合」與「分別」來作中西之比較。 **余於印古史地理論叢後,** 四年前去香港新亞之一番講演, 又續有成稿, 亦可歎也。 可謂乃余此數年來運思持論之大綱領所在。 從學術思想方面言, 一爲理學三書隨劄一書, 計一朱子四書集義精要隨 此書當卽此爲止, 余則以「通」與 此下當惟整理舊稿, 「車」 盲目 兩字來 余

② 編者案:此書於民國七十三年出版時更名爲「現代中國學術論衡」

定。恐難再有撰述。 全稿止此,乃爲民國七十一年之雙十國慶,余年八十八,是爲余隻身避居香港以來之第三十

四年,亦爲余定居臺北之第十六年,回首前塵,豈勝悵惘。

二八七



附錄一 懷念我的母親

個弟弟。實際上那年我還未滿十一歲整,哥哥也未滿十七歲整。父親身後除了留給我們他生前一 我幼年卽是一個孤兒,父親死的那年,我十二歲,哥哥十八歲,下面有一個七歲一個三歲兩

番好聲名外,沒有留下任何產業。我的母親不識字,十六歲來歸,我父母同年,我父親死那年,

他們同是四十一歲。此後母親便以一寡母完全負起扶育教養我們四兄弟的責任。

此來願煩人。遂啣哀在心,默默不作聲,只自己單獨一人在研究所外田野中散步, 告親友以及學生們公開行禮弔祭,我又不能單人獨力舉辦此喪事,須好多朋友幫忙, 夜在臥室獨自痛哭,稍申自己內心的悲痛。如是者盈月,別人盡疑我生活現象怪特,又不敢率直 家遠在四川成都, 我父親死後三十六年,我母親也去世了。那年我四十八歲,正在對旧抗戰中,我一個人離了 獲得家信始知母親已在那年陰曆正月初五去世了。我旣不能回家奔喪, 自晨到夕。 我也不願如 若要訃 深

附錄一

我心如此不安,

遂終於應武漢大學之聘,離開成都,

前去嘉定講學一月有餘。

再應教育部

聘去重慶青木關開會, 又答應那年的中學教師暑期講習會。 待我再返**成都**, 已經歷了整整半年多

的時期,我的心情逐開始稍覺好轉些。

逢我辭去新亞校長職務, 我七十一歲那年,正是我父母雙親的百歲冥壽,我原準備在那時補作一番紀念。不幸那年正 遭遇到從所未有的煩困,因此而患目疾,住醫院動手術。未待復原,又

有馬來亞之遠行。

一連串煩雜不安的生活,

亦未能補行一番弔祭之禮。這是我至今遺憾在心的。

記憶之力,寫了一篇八十億雙親的長文。 了兩天,又轉往|天祥住了兩天,最後再轉往|花蓮在某旅館中住了兩天, 直到我八十歲那年, 遇到一個機會,偕我內人,夫婦同遊梨山。 稿成, 曾在臺北中央日報上刊登。 在梨山賓館、 前後共八天, 有一美國人, 武陵農場各住 窮晝夜思念 在我的

其他民族難以覓得的一個大值研討欣賞的社會奇蹟。他遂根據我的八十憶雙親一文, 學生耶魯大學教授余英時處,讀到了我此文。他認爲有這樣的一個家庭,從明朝到淸朝, 六七百年的長時期,聚居一處,生齒日繁,成了七房橋乃至五世同堂的一整個村落, 本中國社會的書。有一些小問題,並直接向我來信詢問 用英文寫了 那是全世界 經歷了

有一天,忽得電話,此人已來到了臺北, 要來和我見面。那時我適嬰小疾,電話中告訴他,

我病小癒, 再和他見面。隔了三四天,他終於來到了外雙溪, 在我的客堂中和我見面

Ţ 再待幾天, 約略談了一些話, 我告訴他, 此間有兩人, 他們的父親都是我幼年親近的朋友, 或許他們會告訴 在我的師友

滐쩄 雜憶一書中都曾談到過。 黛能去訪問他們兩位, 訪問此兩人, 你些話題。 等我說出那兩人的姓名, **眞使我大吃一驚。** 他又告訴我, 那美國人卻說, 我此刻所記憶不起不能詳談的, 不久將去大陸無錫訪問。 他在這幾天內,都已訪問過了。 兩年後, 忽得他從歐洲 他何從得去

晨, 丹麥來信, 他來我家, 告訴我, 告訴我, 不久又將來臺北和我見面。 他專程去過無錫, 並曾去了鴻聲里、 一天,接他電話, 七房橋、蕩口、 知道他已到臺北了。 甘露四處。 第二天早 因現在

兩鎭較遠些, 大陸城鄉交通已有了新修的汽車路, 他不知這三十多年來, 稍多些時間可到。所以他住在無錫城裡, 大陸天翻地覆, 不用水上交通, 社會情形一切全變了。 一小時便可由無錫城直到七房橋。 早出晚歸, 有些人只約略知道我的姓名, 去這四處往返幾近二十次之 蕩口 甘露

他所要訪求的, 宜乎似不可再得了。 臨別時,他把他寫的稿交了一份給我內人,叮囑閱讀一 遍, 多。

遇有問題, 在他此稿正式付印前告訴他

革命」前, 現在再說到我的老家七房橋。 「百花齊放」時,早受共黨批判,下放到北平城外一工廠勞改, 我姪兒錢偉長, 本是北京清華大學的副校長, 他是最後一批獲得平 但遠在 「文化大

三九一

化 我, 反的學人。 平反後, 也就可推想而知了。 七房橋的名稱已經改了, 他曾回 則此次那美國人的去訪問, [到無錫老家七房橋去探訪。 錢家一族只剩了兩家, 他都不認識。 又能得到些甚麼印象呢 ? 那也就不須詳問 四年前, 他在香港和我見面時, 其他蕩口鴻聲里等地方的變 曾告訴

了。

但我這些話,

又焉能和那美國人詳談呢?

親。 **友雜憶兩稿**, 該講些甚麼呢?而且這幾年來, 能忍心推辭呢?其實我所能爲我母親說的話, 我爲其他事, 昨天晚上,忽得聯合報副刊編者來電話, 已在幾年前寫成, 都可因病推辭。 我記憶力日益衰退。我常和我內人說, 合爲一書出版了。 但別人請我爲我自己母親說幾句話, 都早已在我的八十億雙親一文中全講過了, 要我在母親節那天,寫一篇東西來懷念我自己的母 倘使要我像今天般來寫此兩書, 幸而我的八十億雙親 那是我最願意的事, 便恐無可下筆 現在又 和師 叉那

事外, 我哥哥所知道的, 切經過, 我回想我八十億雙親的一文中,凡屬關涉我父親的事, 其他一切有關我父親的事, 全是由我母親詳細講述給我和哥哥兩人聽的。 也全是由母親告訴他的。 小的像他夏夜讀書把兩腳放在甕中, 可以說我們兄弟兩人, 有的是哥哥先知道, 除卻我出生以後, 對於我們父親平生的一切經 大的像爲懷海義莊 再講述給我聽。但 自能有記憶的許多 入訟的

Ţ

過,十之八九, |五世同堂以及七房橋的同族長者,在我們幼童時,也沒有誰來向我們講我們父親的一切故事。 全從母親那裡得知的。我們父親全不對兒子們講述到他自己已往私人的經過。其

情好惡, 對 也全由母親講說給我們聽, 個舅父, 由母親告訴我們的。 外家長輩都說我們兄弟有禮貌, 不僅如此, 俗話說他的一切脾氣, 個是我母親的親兄長, 有關七房橋乃至五世同堂, 但母親對人從不有褒貶, 所以我們每年回外家拜年,遇見外家一家人,都能懂得該如何行禮應 讓我們知道如何樣來對待這些長輩們。 一個是我母親的堂兄長, 性情好,討人喜歡。 她從不說某人好某人壞。 切有關家庭及長輩們的事, 其實也全出母親的教導。 他們兩家, 即如我的外家蔡氏, 只告訴某長輩某親屬的性 所有人的性情脾氣, 我們從小所知, 也全是 平常 有兩

地方, 我們兄弟都能應對有方,不失禮貌,不傷情義。其實連五世同堂一宅,十二房長幼老小, 的準繩。 個七房橋全一村的錢氏家庭,凡和我們來往,都先由母親向我們介紹過, 五家, 我父親有一位哥哥, 我們父親似乎是無暇及此的, 每人如何般的性情,如何般的喜好, 讓我們在這樣一個大家族中, 卽是我們的伯父。 也可說是不屑來指導的。 被長上們稱讚爲一個好子弟, 亦都由母親平常分別訴說給我們聽。 有四位姊姊, 即是我們的姑母。他們五人, 這全是母親的教誨。 以提供我們作交際應對 所以近親 乃及他們 乃至整 在這些 相

過世後, 親近更禮貌些。夫婦相處,不免有意見,有口角。但婆媳相處, 對她們的婆婆,卽我的母親,同樣一般有禮貌,能親能近。或許可說比對待她們各自的丈夫還更 更有一事常在我心, 才來到我家的。 各位媳婦的家庭不同,教養不同, 印象極深的, 是我母親對待四個媳婦們的一切。 個性習慣也不同。 則無論那一位媳婦, 這些媳婦們都是我父親 但她們來到我家, 對她們的婆

有小問題發生。但婆媳之間,則始終無芥蒂。積年婆媳相處,可以說是永遠和樂相親的。 後來又和二房即我家同居, 我家六弟娶妻後,家住無錫城裡,近岳家,我母親少去住。其他三家,我母親最先與長媳同 也有極長時間和我最小八弟一家同居。當然妯娌相互間,不免總

婆,從來都沒有過意見。

上,等配好藥携之回家,費時而不費心,不須自有主張自有活動, 家居蕩口鎭, 時候的我, 把全鍋稀飯盡翻在廚房裡的地上。母親也並未嚴詞責備我,只關心我有沒有被燙傷。後來我 我母親對待子女,從不見嚴聲厲色,更說不到體罰了。我是一個不擅長家庭雜務的人, 也總希望能幹些雜務。記得有一天早餐時,我從廚房端了一鍋稀飯到餐室中去, **遇家中有病人**, 拿醫生開的藥方去藥店抓藥, 這是我的專職。 這是我能做的事, 坐在藥店櫃前凳子 所以我母親 但小 一失

逢此事便派我擔任。

來我家作雀牌戲, 我有一姊姊, 年最長, 我母親則絕不上場, 父親在時, 交由我長姊來擔任此工作。 和母親分別擔任家務。那時候麻雀牌初盛行, 我父親過世後, 四 個媳婦進了 親友們有時

則家中從來沒有過麻雀牌的活動。 我進中學讀書**,** 開始讀到了曾文正公家書家訓。他在軍中,屢次告誡他的家人,不要看輕了 可見我母親在他的一團和氣中,對家事是有一定安排的。

婦女們日常做醃菜的事。 我母親必親自操勞, 我家裡每年做醃菜, 由媳婦們幫忙。這成爲我們家裡每年日常必備的飲食品。但到今天,此 是最重要的一件工作。有時夏天在庭中曬製醬油醋

項習慣早都全部取消了。這也是我每常懷念到我母親的一件事。 我母親對孫兒一輩最特別加以教養的,是長孫偉長。在我記憶中, 永難忘懷的一 幕, 我母親

常把紡紗機放在桌旁, 這眞是當年貧苦生活中人生一樂事。 獨自紡紗, 我坐一旁讀書, 偉長姪坐我對面讀書, 祖孫三代, 常到深夜始

子也是我母親最鍾愛的一個孫兒。 我在北平教書時, 曾迎養我母親到北平去。 對日抗戰時, 我母親住無錫鄉下八弟家, 她和我長子拙兒及奶媽同住第三進院。 她紀念拙兒。 所以我長 我妻兒

學校告假,在蘇州住下一年。這些已在八十燱雙親一文中詳述過。現在我的長子也已在四年前因 全家由北平返蘇州, 我也同時從昆明回蘇州, **遂在蘇州覓得一園,** 迎母同居。而我也向後方任教

三九六

親的,除我以外,算只有偉長姪一人了。

病亡故了。偉長姪前兩年曾親自到祖母生前住處和墳上去一一拜訪過。

最難忘懷的一件事。現在我的外雙溪住宅,取名素書樓,就是紀念當年在七房橋五世同堂第二大 年的夏季,我十七歲,得了傷寒病,誤用了藥,幾乎不救。我母親朝夕不離我身旁,晚上在我床 上和衣陪眠,前後七個星期,幸而我終於痊癒了。我之再得重生,這是我一生中對母親養護之恩

廳索書堂我母親護養我病的那番恩情。今年是我父母誕生一百二十一年的紀念。我此文也就此結

稿而撰,刋於五月十一日副刋,先生時年九十二歲。) (民國七十五年四月,應聯合報副刊「母親節特輯」邀

現在還知道深切紀念我母

附錄二 懷念我的父親

追念父親一文。余年老多病,記憶日衰退,往事不堪再加追溯,然情不可卻,乃復勉草此篇。 十二年。今年母親節,聯合報副刊編輯邀余續爲追念母親一文,余已勉允之。今又續加邀請另爲 余生十二歲爲孤兒,先父之卒,距今已逾八十年。余曾在八十歲時有燻雙親一文,迄今亦踰

體弱多病,年三十餘,卽不能多事誦讀,但又不願閒居無事,乃日以手鈔五經爲務。然患目疾, 每臨書, 每展此書, 一筆不苟, 余家貧,然有傳家三寶,皆書籍,非他物。一書乃祖父鞠如公手鈔之大字五經白文。先祖父 書面並親題「手澤尙存」四字。全書用上等白宣紙,字體大小,略如四庫全書。首尾正 眼淚流至紙上,痕跡斑斑,久而益顯,後半部更然,愈後愈多。先父以黃楊木版穿綿帶 僅神往於紙上之淚痕,追念祖父往年握筆時情況,懷想無已。 全書一律。 墨色濃淡, 亦前後勻一,宛如同一日所寫。 余幼年不能讀無註之經

三ナ

端鈔錄評語,其評語長者另紙鈔寫夾存每一頁之陰面。余幼年卽知桐城派古文,讀此書益知反覆 次一書爲大字木刻本<u>太史公史記,由先祖父謄寫歸方評點於其上。五色圈點。</u> 並於行間及眉

專索玩賞,不僅若歸方之親在吾旁,亦猶吾祖父之親臨指導,眞不勝其心怡神往。

筆爲文之心靈神悟,樂之無窮。民七年七房橋五世同堂第二次遭火災,第三進素書堂東邊書房受 尤愛其押韻之巧。十年之功廢於一旦,乃眞若千年之功成於一手。天機洋溢,乃益見先父當時落 篇爲「岳武穆班師賦」。 功廢於一旦」八字爲韻。全文共分八節,每節末卽以此八字順次押尾,最末一字卽「旦」字。余 老師家受業。先父不常去,僅由師命題爲文,隔旬日半月親送評閱。此集共存稿十數篇, 又一書爲先父手書幼年私塾中窗稿。先父在十六歲縣試秀才得冠首。其前曾在近鄰顓橋一王 余以幼年讀說部岳傳, **遇此題卽愛誦不釋手。文題下小注:以「十年之** 其內一

學加拿大。家中存書則仍藏無錫鄉間吾先嫂處。其時淪陷區各家均出賣書籍作散紙燃燒用, 書亦付燃燒。余嘗謂日本東侵,爲禍於中國者,至深且大,卽此亦其一小例。 及對日抗戰,吾家在北平,吾一人在昆明成都,吾姪偉長赴英留學,但因英倫轟炸, 派其轉

此三書盡成灰燼。此誠吾家子孫無窮之遺憾。

先父以十六歲之年,縣試爲全縣第一名案首,此下每三年卽赴南京應舉人鄉試。 但先父體弱

考場乃一草地, 成稿,相互傳言,佩服不止。 故三次赴考後,卽不再往。不記在何一場,先父僅成「齊人將樂嶭」一題。出場後,同考者得誦 多病。由縣城結羣友共乘一船渡長江,連日已甚勞累。及達南京,點名入場,由下午迄午夜。而 再則其時公羊學方盛行, 四圍張幕爲之。先父自入場,卽已病不能支,每試僅獲成一題,不克終場而止。 先父下筆亦採用公羊媽句法,語末卽多用「也」字,更見爲奇格特 一則先父對此題發揮,更用意重一「將」字上, 虚處落筆,已見其

創

羣相傳誦,認爲不可及。

自爲處理。時余尚未出生,僅先兄已爲一幼童,來學者羣相親接。及先父之喪,前時從業者盡來 後進右側三屋中, 卽先父少年讀書處。 由先慈主理烹飪,供給膳食。 其他羣居事, 論,由先父爲之評判領導。故諸生日夜勤讀,而先父則不常赴。來學者集居於五世同堂素書堂之 人。其教其學,並不如平常之私塾,乃略如書院制。先父並不親爲講解某經籍,僅來學者自相討 四十人。大抵成年二十以上者佔十之二三,中年三十以上者佔十之七八,但絕無二十以下未成年 其後環|七房橋||一十里間,來請從業者羣集。多或七八人,少或||三人,數年間,前後約共達 則由來學者

距七房橋十華里許有쫗亭鎭,屬吳縣治。 有一氅亭司駐其地, 求爲其子覓一師。 或人薦先 弔,

遇先兄乃相親如同業。余則素不相識,乃無可相談。

纹 師, 則羣稱先生, 但不久此司卽離職去。 不稱師爺。 自此識與不識, 是先父平生雖未出仕, 乃羣稱先父爲師爺, 而鄰里相視, 絕不稱先生。 其師爺之稱, 亦已不啻其爲仕 其他鄉里私塾之

矣。

xxxxxxxxxxxxx 一書。每夜先兄誦習一篇,先父加之以教誨,如是而已。 不見先父平居之讀書爲學。僅在[80],每夜從鴉片館回家,先兄必坐待先父歸,先父教先兄以國 論語言 「學而優則仕,仕而優則學。」先父旣未仕,實亦因體弱多病廢學。自余幼年,己

起。 之是非曲直, 讀古書而漸知。 下之士。先父窮居鄉間,未獲上進,不得爲國士天下士。然其爲一鄉之士,則余自先父卒後, 無訟乎!」先父之日常勉勵勸告, 有更出其右者。蓋其得人尊敬,尤有超乎讀書爲學之上。古人言有一鄕之士,有一國之士, 然而先父之得人尊敬,則日進而益深,愈遠而彌殷,環居數十里間,士大夫讀書人中, 先父中年卽多在病中渡過, 夜間過午夜始睡, 晨興則已在午間 , 又必由余奉母命到牀前喚 以先父似愛余, 不加斥責,故得受此職。 先父之日常生活,旣己離於讀書爲學, 並告以退讓謙遜之道, 無往而不確得其宜, 有以深入於雙方之人心, 而符其所願 先父雖病中廢學,然常爲鄉黨鄰里持平處事。孔子曰:「聽訟吾猶人也, 每能使鄉里達於無訟。相爭兩造來告,先父必爲之評判其雙方 已若一 必也使 有天 實無 稍 閒

氅。使爭端得終止而平安。

土,而不在其他之農、工、商三階層。此實中國傳統文化中大值探討講究之一端**。** 相安,不相干涉,此非一種中國式之地方自治而何!而獲致此種自治者,則其權在四民中爲首之 無所謂警察或軍人。鄉人相爭,自在其鄉獲得解決。除每年繳納租稅進入縣城外,一縣官民各自 化中地方自治一型式一情態。吾自幼小有知識, 以從違,每事必深獲雙方之同情。曲直遵讓, 吃講茶之積俗亦甚風行。但先父則向不出席喫講茶。 不禁餘眾旁聽, 其時鄉里間尙有『喫講茶』之俗。持爭雙方,群集市區某一茶館中, 相互發議, 或別請仲裁人發表意見。 相互折服。積久之訟, 即從不見縣官下鄉,亦不見鄉人進縣城涉訟。更 相爭雙方惟由一二人來舍講述請示, 是非定,爭議息,茶會散。卽當時上海租界 片言而解。此實中國傳統文 或十餘桌或二三十桌, 先父告

古未有之局, 謂之乃一土劣則千萬不相涉。謂先父乃一中國傳統士人最後具體之一例則可, 而今人則群以「專制」二字輕誣中國,對於負賣地方自治,平息相互爭議者, 竊謂論語有所謂「文質彬彬」之君子, 爲適應時代當時一創造人物,則又大不可。此則先父生平,非爲有意講究中國文化 ` 卽如先父,庶堪當之。 故謂先父乃一君子士紳則 謂先父乃開前 則誣之爲土豪

附錄二 懷念我的父親

傳統者一具體之實例而何?

四〇二

殁, 更無舊傳統之所謂士。當前則更有所謂靑年,或民眾代表,或黨人,而更無所謂士。故自先父之 應科舉考試一次, 亦可謂中國傳統之士階層自此滅跡, 但先父可謂乃中國兩千五百年來土傳統之最後一代, 此下卽科舉廢, 乃有新式學校之教師。 不復再見。此在中國文化史上,乃不得不謂是可追念可 有國民,有專家學者, 繼此後乃漸不見有所謂 有知識分子, 而 工 土 。 先兄僅

惋惜一絕大之變化。

別。中山先生三民主義中之選舉權, 選舉。西方之選舉,乃有政黨組織。儻經考試,乃可不結黨不選舉, 言之,其中有考試權。中國傳統之士之先後進退,乃在五權憲法中之考試,而不由西方式之民眾 又何由而復興。自孫中山先生「三民主義」言之,首爲民族主義。自孫中山先生之「五權憲法」 然而當今以後,果欲復興中國文化,又烏得不復興中國傳統之所謂士。中國傳統之所謂士, 則不僅被選人當先經考試, 卽選舉人亦必先經考試。 而自有其先後高下進退之分

中山先生之所建議, 與西方政黨實情一大相異處。

統之士。 當時現實政治無關。其因病賦閒在家, 如先父之生平, 其先之志學應考, 雖未預聞治國平天下之大端, 而與修身齊家則大有相關。縱謂其爲八股文適應考試,乃 預聞鄉里事, 如其爲岳武穆班師賦, 亦皆與朝廷官府上下之政治無關。 如其爲齊人將樂薛八股文, 此爲舊傳

皆與

可謝絕一切政事於不聞不問,而鄉黨自治則深賴之。此爲治中國史討論中國文化者, 雖史籍未加

詳載,而據今以驗之古,此亦不當不深切詳知者。

特出。否則中國之士,亦必如西方之結黨相爭,而中國歷史乃不能復有已往之軌跡。 此修養。但其教先兄讀國朝先正事略,其對洪楊爲亂、 非|中國文化中士傳統一實況?此一層,實深值吾國人之深思而明白其含意之所在。 此。」但先父語卽此而止,再不他及。又余先伯父家一姊,嫁蘇州一士紳家。其翁仕於天津,八 國平天下之大道,則余幼年乃絕未聞先父一語道及。此所謂「不在其位,不謀其政」, 往來聚談, 國聯軍時罹難。姊自天津歸來,住余家。乃先父絕不與家人詳及八國聯軍之經過。及其與諸友朋 語詢之先父,先父曰:「然。」並告余:「汝上街所見,店舗各招牌多書『滿漢』二字,卽本 亦似非一無存意於其間。北宋范仲淹爲秀才時,卽以天下爲己任,史書乃大書特書, **護聖賢書」八字。如先父實卽如此。不得謂其非讀聖賢書,亦不得謂其不立修齊志。** 猶億余初進小學,一體操老師卽告余,當今中國皇帝乃滿洲人, 非中國人。 余歸而以老師 余亦絕不聞其談及當前之政事。 余今居書屋, 懸有石刻拓本朱子一聯語, 曾胡往續,時有談及。則先父之對治平大 然又烏得謂 先父實有 「立修齊 以見其 但於治

先父之爲人,則實正爲當時士傳統最好一榜樣。至於余畢生爲一學校教師,自民初迄今,已

遠」,通天人,合內外,古人復起,亦可於吾先父之所爲,軌轍相符, 進退,可不計慮及之。而其立德居心,則終始一貫,卽沉浸在此人羣大道中。所謂 意、致知、格物,明德之本,則無大差異。吾道一以貫之,而生命精神則融在此一大道中。 空言,無當實事。上念吾父,雖曰病貧家居,修身齊家之與治國平天下,事功不同,而正心、誠 達七十五年。平生僅好讀中國書,亦僅能讀中國書。曰修身,曰齊家,曰治國,曰平天下, 不復與易。 則又何窮通夭 「忠恕違道不 窮達 僅傳

父於不朽。眞所謂「建諸天地而不悖,質諸鬼神而無疑,百世以俟聖人而不惑者」。卽此以結吾 之一典型, 自爲孤兒, |中國人言:「雖無老成人,猶有典型。」如先父,不壽而夭,縱不得謂是一老成人,而余則 讀中國書,積八十餘年來,竊謂吾父不愧爲是一兩千五百年來四民之首之「士」傳統 則所堪深信而無疑矣。 今自先父之卒,八十年來, 再一深思,惟此一意, 可以傳先

壽之足計。

篇,幸讀者其深諒之。 抑猶念先母自先父卒,歲月必夢,每夢必以告余兄弟。一夕,忽夢先父已陞爲城隍神,

醒而

詳告余兄弟以夢中經過。自此乃不復再夢。然則先父之辭世,依先母之意,宜當陞爲一城隍,乃 可不愧不怍,長此無憾。知先父生平之志行所在者,宜莫如先母之爲允當而深切矣。此一事雖若

(民國七十五年八月八日聯合報副刊)业此書之。 他不復及。



附錄三 胡公秀松墓碑記

長, 長, 九年,轉任靑島市政府祕書長。抗戰軍興,任山東省政府委員兼祕書長,國防最高會議第一處處 北平中國大學、 公少穎特,民國元年畢業於國立北京法政專門學校,歷任教育部主事、視學,江西省教育廳 南昌胡公秀松旣卒之朞年,其孤美璜建碑於墓亭,婿錢穆爲之記,誌公之生平大節焉。 江西省政府委員兼祕書長。勝利後,任東北行轅祕書長,江西省政府委員兼主席。輾轉來 華北大學、北平大學、警官高等學校教授,鹽務學校教務長代校長。民國十

臺,任總統府國策顧問,兼裕臺企業公司董事長,以至於卒。

流亡香港,貧無以生,夫婦親糊火柴盒,使其女入廠充紡織工。經營裕臺公司前後十二年,盈利 數千萬,家貧如故。所至無赫赫功,然久而人思之;所交不煦煦熱,然久而人親之。未嘗有危言 公內行醇謹,居家孝弟,敬宗恤族,惟力所能;居官淸勤爲之,長者加信任,僚屬悅服焉。

胡公秀松墓碑記

高論、 奇節瑰行可以驚動視聽, 然及其卒, 識與不識皆敬歎以爲不可及。言民國以來廉循吏, 必

屈指首數公。

完人,殊不足以廉循盡公之全也。爰爲揭其大要,俾良史秉筆善言德行者有所采擇焉。 勞、辨義利爲訓。 進退、豐薄所宜,辭氣和平而指意明確,乃坦坦若話家常。 締姻,言笑不及私,平生宦況,當前處境,絕不掛齒頰間。其言政俗隆汚、民生榮悴, |穆初識公於||香港, 稠人廣坐, 僕重謙讓若鄉里老人,不問其姓字,不知其膺疆寄爲達貴。 **穆幸得窺於其家門之內,親接其日常言行之濛,然後知公敦龐純篤,** 預爲遺囑,教子女惟以寬厚謹退、習 誠一代之 交游出處 及

公諱家鳳, 世業商,至公始以學問入仕宦。民國五十一年十二月二十九日以心臟病一夕卒,

享壽七十有七。先配魏, 繼配吳,繼配脹。子七人,女八人,五女美琦,穆所婚。

中華民國五十二年十二月無錫錢穆謹撰

戦聯

公一代完人淹化何期成隔世

婿分屬半子清輝永緬足終生

婿錢穆敬輓

附錄四 紀念張曉峯吾友

民國初年以來,陳獨秀、 胡適之諸人,先後任教於北平北京大學, 創爲新青年雜誌,

新文化運動」,轟傳全國。而北京大學則爲新文化運動之大本營所在。

民國十年間,南京中央大學諸教授起與抗衡。宿學名儒如柳詒徵翼謀,

留美英俊如吳宓雨僧

嗣又起念進中央大

相與結合,創爲學衡雜誌,與陳、胡對壘。

等,

余家貧,幼年卽爲鄕村小學教師, 不獲升大學。 先則有志升北京大學, 備稔雙方持論之相異。

皆不能如意以達。乃於新青年、學衡兩雜誌,則披誦殷勤,

大學亦多優秀學人,繆鳳林贊虞專治中國史,張其昀曉峯專精中國地理, 民國二十年,余亦得進入北京大學史學系任教。但余之大體意見,則與學衡派較近。 寄宿余書齋,與余連楊數夜。余偕遊北平城郊名勝, 並馳譽全國。某年,贊 曾坐 盧溝 而中央

紀念張曉峯吾友

虞遠自南京北上,

專訪余於北平,

橋石獅柱上,暢談踰時。 杭州浙江大學任教。 曉峯、 翌年, 贊虞兩人意氣有不同。 曉峯亦北上,與余晤面。時贊虞在中央大學任教, 曉峯堅不宿余寓, 同遊機會較少, 而曉峯則移去 而暢談傾懷

去。曉峯乃又改聘賀昌羣,時任職於北海國立圖書館,亦治中國史。某夜,余、蔭麟、昌羣共飮 任教於北京大學之哲學系。蔭麟在淸華史學系,兩人與余往來皆甚密。蔭麟亦如余,不能一時離 學賀麟, 係不忍離去。 則與贊虞相仿。 一小酒店,商議曉峯邀南行事。又同赴一著名拆字人處,彼云昌羣當先行, 又隔有年,民二十六年,曉峯特來信邀余轉往浙大任教, 同爲其師吳雨僧創辦天津大公報文學副刊撰文, 曉峯又改請張蔭麟, **蔭麟自美留學歸來,** 任教於淸華大學。 一時號稱「二麟」。賀麟留學歐洲歸, 時北平風聲鶴唳,而余則以其他關 其先爲淸華學生, 余兩人隨後亦有機會 與同

閥。 中央研究院開評議會, 住宜良山中岩泉下寺及上寺。 乃余當時新作國史大綱引論。 抗戰期中,余與蔭麟皆赴雲南西南聯大, 在昆明見陳寅恪, 一日傍晚, 曉峯渴望一面, 忽見曉峯來, 寅恪告其最近有大文章一篇, 曉峯則仍留浙大, 但知余必週末赴昆明, 極驚訝, 問其何由來?曉峯告余, 但遷校貴州之變義。 刊載昆明報紙, 不獲久待, 故來。 後余 應召至

去。昌羣乃先赴杭州。

於地板上舖牀被, 抵車站又有田野八華里, 兩人連席而臥,作長夜之談。翌晨,曉峯即匆匆去。宜良距昆明火車半日程, 始達岩泉下寺。余住此陳寅恪亦曾一次偕湯用形來, 告余, 境地誠佳。

但如此岑寂,彼一人不能居。曉峯遠道隻身來,濃情蜜意,終生不能忘。

称, 獨赴遵義浙大任教。曉峯於蔭麟不僅敬禮備至, 余後改赴成都任職於齊魯大學與美國哈佛燕京社合辦之研究所中。 **蔭麟病,曉峯派人及浙大同學照顧護養亦備** 而蔭麟則以一時夫婦失

至, 當時學術界羣傳爲美談。 **余於某年自成都赴重慶,** 而蔭鱗則終於不幸逝世, **遂亦覓得數月閒暇** 南遊遵義浙大, 切後事亦均由曉峯任其勞。 **講學一月**, 得與曉峯晤面逾

教, 月。 與余皆一見如故, 其時曉峯爲浙大遍覓國內名學者, 相聚暢談, 誠爲當時避難後方難得一快事。 如繆彦威、 郭秉龢、 謝幼偉等諸人, 皆在浙大文學院任

自余離遵義與曉峯諸人相別, 曉峯乃創辦一雜誌名思想與時代,由繆、郭、謝等執筆撰文。

教課之暇偶翻古籍,信而好古,述而不作。僅見時論於中國歷史傳統、 曉峯亦囑余爲文, **余欣然應允,** 按月撰一文,約近數載。余之爲學孤陋寡聞, 先哲本眞多有不合, 僅於鄉村小學中以 加 以

申辨, 不敢妄下一語,輕肆一筆。特於赴北平後,得讀梁任公歐遊心影錄之類, 如是而已。 何敢於學術思想上自樹己見, 自唱新說。 而於西方文化, 始知西方文化未能盡如 中西異同, 則更從

任公歐遊心影錄想像更益往來心中。但自爲思想與時代撰文時,已專對文化問題上有所發揮。 落,此下當讀西書,或專精佛學,庶別有開展。余未能如其言,而歐洲第二次世界大戰結束, 人意, 在昆明撰寫國史大綱畢,與老友湯錫予討論此下爲學途徑。錫予告余,君治國學, 亦多可議處。 而余之赴北平,任公已逝世,迄未得一瞻仰, 一聽教誨, 亦終身一憾事。 大體可告一段 及 梁

下乃一轉意向,多於文化問題著眼。實於曉峯創爲此雜誌時啓其端,此又感念不已。 及余避赤禍來香港, 僅隻身行, 書物多未能携帶。赴美, 在史丹福大學圖書館忽見有思想與

時代雜誌, 生亂世中, 大喜過望,遂留館中, 即親身所爲文,欲保留身邊已不易又如此。迄今尚有幾許重要文章未能歸入手 影印余歷期所爲文始離去。 後曉峯亦於臺北覓得此雜誌全部以

遷,不知尙能倖在人世否。是亦誠堪嗟歎。

撰文始,此下遂有中國文化史導論一書,該書後由正中書局出版。是則余一人生平學問思想, 余自國史大綱以前所爲, 多屬文化性,提唱復興中國文化,或作中西文化比較,其開始轉機, 乃屬歷史性論文。僅爲古人伸寃, 作不平鳴, 則當自爲思想與時代 如是而已。 此後造論

後轉捩一大要點所在,不得謂與曉峯之創辦此一雜誌無關聯。老友逝世,豈勝悼念。

余之生平,實可謂無一創見,無一新說,一 切皆述而不作, 信而好古。若謂余言有得, 則所

得在古人。 若謂余言有失, 則所失亦在古人。 **余前半生所言可謂屬於歷史性方面,** 皆有歷史可

證。此下屬於文化性方面諸論文,則證明當在後世。余嘗謂對當前一切無可樂觀, 可畏,無悲觀可言。故凡余所言之是非得失,必當待之後世而得論定,此則有望於國人之見諒? 對未來則後生

擬夏後赴香港, 民國三十八年春,余避赤禍來廣州。 辦學校。 謝幼偉、 崔書琴及某君三人,已相約俱往。今當在教育部辦理創辦 一日,忽於街頭遇見曉峯。 晓峯立街頭告余, 此來不復

君既赴香港辦學,余必相從, 前事務。 余告曉峯, 抗戰軍興前, 以贖前疚。乃曉峯忽得蔣介石總統電召速赴臺北,匆匆離去。余夏 即豪邀赴浙大同事,迄今僅得赴遵義一月而止,歉憾無極。今 崔書琴兩人,

間赴香港, 忽得廣州教育部電召,於孔子聖誕在部作講演,又返廣州。而謝幼偉、 即承曉峯意創辦一新學校,於香港教育司立案,推余爲校長。余在廣州聞訊大驚,

乃派第三人某君親來廣州,面促余去港。乃此人自來廣州, 避不見余, 亦遂不再返香港。

謂余僅求在新學校任教職,絕不願預聞行政職務,更不願擔任校長名義。

崔

謝兩人

去書辭謝,

已先後赴港,

之三窟,留他日一去處。遂只留崔書琴一人在港, 余僅負一名義,可弗多慮。余勉允之。乃不日,謝幼偉又得印尼某報館促赴任總編輯, 及余去香港,崔、謝兩人面告,教育司已立案,儻有更易, 謂願盡負學校行政責任, 恐生周折。 彼兩人願盡力校務。 余可勿滋憂慮。 謂作狡免

春, 書琴夫婦又去臺北, 於是此學校乃專在余一人肩上。此卽以後之新亞書院。

亞事, 即香港之新亞書院。 不知。 文化學院內有一師生大集會, 作局外之干預。 在曉峯意, 北 此後幾於每年必到。 **獨必與余郊外同遊**, 人皆謂余創辦此校, 其推余爲校長, 曉峯亦豈不知。而曉峯乃置身事外, 絕不問聞, 有所請託, 似因未克身赴香港,親預其事, 此種朋友相交之一番深情厚意, 曉峯無不允,盡力爲之。但曉峯從不與余提及新亞事。此學校之創辦,曉峯豈 余乃詳述<u></u>新亞成立前之經過。 遠近諸名勝,幾皆遍歷。兩人同坐一汽車,必得長逾半日之暢談。凡新 到則必晤曉峯。 實則幕後眞創此校者乃曉峯, **余亦在座**, 而其用意所在, 告在會者, 曉峯任教育部長,部內各項學術專門會議余亦多參預 乃於此校現況與其前途開展之理想, 乃有達於一種難於以口舌闡申之境界。 曉峯繼余發言, 張先生創辦此校, 而非余。 尤可異者, 乃於余所言旣不否認, 但以前又尚創辦一 一若此校與彼絕無關係。 余自三十九年多來臺 絕不過問, 亦不承 學校, Ħ, 以免 在

務僅有之一次。同行者凡六人,皆臺灣學術界名流,而曉峯特邀余遠自香港來任團長之職。但余 曉峯初任教育部長, 余叉得任文化教育訪問團團長,赴日報聘。爲余生平得正式擔任政府職

認,

幾若無所聽聞。

其情態有如此。

乃使尋常人難於理解。此見曉峯人格修養之

斑。

訪, |曉峯||亦自以一學人身份蒙先總統特達之知,作爲教育部長。不知當時曉峯親身所感受如何, 年來迄未談及。一時之下淚,擬可想見其一斑。其私人涵養之素,亦大可由此推想矣。 明言任命事。 其對朋友忠厚之情, 蘊藏深隱之養,固屬難遇, 而余之粗莽淺率, 亦大堪慚疚。 時事不斷有公私訪問討論硏商及講演,爲余平生一快事。旣歸, 告。歸香港, 向曉峯有感謝任命之辭。旣赴日,得遍識日本上下各界, 之來臺,僅得曉峯私人函邀。及到臺, 曉峯握余手,告余當年國內輕視學人,故彼乃特邀余任文化教育赴日訪問團團長一職, 曉峯與余爲朋友交,以長兄視余,以弱弟自居,決不曾有尊卑上下之分,故當年不敢 乃寫一文詳述其事,刊載於教育與文化雜誌十一卷五期。最近曉峯病居醫院, 曉峯即偕余同謁總統, 又暢遊東京、 並未言及教育部組團訪日。 亦未向總統府教育部作一正式報 京都、 奈良諸名勝, 余亦未 言次

述。要之**,**政治上之一進一退, 處辭受之共同理想,爲之植根, 曉峯辭去教育部長職, 總統見之, 乃許辭。 乃由余之勸告。 此事亦仍有往年北大、 中國人亦自有一番大道理。 固非名位交、勢利交、酒內交、聲色交之可比。此則余雖未死, 曉峯告余, 中大文化意見相異之波瀾潛伏作祟, 屢解, 曉峯與余之友情, 總統堅不允, 乃袖呈余所寫與曉峯 亦自有一番進退出 此不詳

亦終可告慰曉峯於地下者。

四一六

與文化一書,即當時之講解。 展。 計慮及之, 及, 部之活動, 亦得寓居其一小樓上。 誠有難於相提並論處。 美國人亦早歸美國, 曉峯辭去教育部長職, 豈可同等相提。 不當輕忽不加理會。 當時曉峯所想像, 不終留英倫求發展。此亦當前人情世態一極可注意之問題。 故知一 乃改任陽明山國防研究院職務。 此則全在精神界, 曉峯其時已有意創辦一學校,今文化大學第一期建築完成, 即西方人亦早知此不同。英倫人終歸英倫, 國家, 一民族, 與以前新亞所想像, 不盡在物質界。今國人好想像海外發展,於此誠當 在其政治社會內部之建設, 曉峯又邀余來作長期講演, 其規模, 其前程, 不考慮在美國求發 與在其政治社會外 其一切影響所 今編民族 余夫婦

人辦理。 余自香港遷來臺北作久居計,日用書籍及家藏器具,海運來臺, 余夫婦僅自港乘飛機抵<u></u>臺北。曉峯知余所需,未經余請求, 一切海關手續, 先自爲之,其爲朋友謀有如 均由曉峯派

衰, 貼, 此 僅在家每週任課兩小時而止。 非書成, 余定居後, 美方津貼停止, 曉峯即來邀赴文化學院任教。 余亦同曆此名, 卽不宜再膺他職。 嗣曉峯又定「華岡教授」名義, 任課如故。 余告以方編寫朱子新學案, 及書成,曉峯又來邀, 是曉峯辦學其意猶不專在學校,茍於國家文 聘年老退休之有名學者, 余乃勉允之。 得美國哈佛燕京社 以年老精力 特付

林語堂等皆在內。

化前途有助,曉峯無不盡力。其意有如此。而余之日常生活,得益於曉峯此一津貼者亦不少。又

余之中國史學名著、理學三書隨劄,以及雙溪獨語諸書,亦皆任課所述。此亦可謂由於曉峯之督

促。此下著述不輟,迄今當逾百萬言,亦可謂胥出曉峯之賜。

至於曉峯之爲人, 及其爲學與其從政辦學之經過,必有能詳述之者 。 此文則不敢贊一辭, 病中,僅一赴其家弔其夫人,又一次赴殯儀館送其喪。乃又作爲此文,僅述余兩人私交之經過。 曉峯病,余夫婦赴醫院視病,曉峯意多激動,乃亦不敢多往。今曉峯乃不幸逝世,余亦正在 僅此

而止。憶念老友,情又何極。

勉作此文, 豈能盡余情意之十一。此爲余又一次魄對老友, 眞亦無奈之何也。 民國七十四年國慶前一日, 錢穆草於外雙溪之素書樓, 時年九十一,病四十餘日未癒。 病

(民國七十四年十一月十一日中央日報副刊)



附錄五 故友劉百閔兄悼辭

我,每日產卵,隔一兩天由其親自携籃分送市區,彼夫婦生活,足以自給。午刻殺鷄留餐,由此 見面乃在三十八年逃亡香港之後。百閔夫婦在九龍鑽石山傍溪築屋,我往叩門訪晤,入室,見其 是打倒孔家店全盤西化新潮澎湃,在此時,有此人譯此書,不勝遐想,如見其人。但我和百閔兄 圖書滿壁, 十分慕羡, 而|百|閔特所誇示者, 乃其院中所養來康鷄, 約有五六十頭之多。|百閔告 我不記得那一年讀到百閱兄譯日人五來欣造中國儒教對於德國政治思想之影響一書, 那時正

生事漸窘,意欲遷家來臺,我浼其同留新亞, 百閔亦時來新亞,爲我規劃一切,常同在街頭小咖啡館暢談至深夜。 有一時,我常往元朗,欲爲新亞書院覓地,每與百閱在彼相值, 彼謂能得月薪兩百元, 即可留, 稍後,來新亞任課。時百閱 知彼爲買鷄亦常來此。 而新亞當時經濟情 此後 訂交。我留滯港九前後十八年,往來最密者,實惟百閱夫婦。

附錄五 故友劉百閔兄悼辭

不宜忽視, 夫婦已來臺。 **沉已陷絕境,** 亦力勸其行, 能在港大任課, 調香港毗連大陸, 我來臺奔走, 日在街頭遇見, 百閔在我離港期間。 方便殊多, **聲息相通**, 百閔告我, 盼决速往。 來此不久, **大陸來者日眾,並港埠爲海外僑胞國際視聽所集,** 爲新亞募得小款兩宗, 百閔意此去未卜久暫, 即獲香港大學中文系聘書, 賴以維持。 當一人先行, 意欲再往, 我未返, 俾他 百閔 絕 我

子 措施, 集歷代名作, 其時港大中文系主任林君仰山新到,林君久居中國,深霑華風, 必從諮商, 百閔亦竭誠相助, 網羅選擇, 斟酌再四。 課務編排, 附加註釋, 出諸百 閱意者爲多。又特編中文課本, 訓詁考據,一字不苟, 於百閱倚仗尤至。系中一切 港九中學生投考港 經、 史

必先讀此本, 港大例,任教者年逾六十, 歷年來影響於港九各中學之中文教育者, 厥功甚偉。 必退休, 難覓替人, 破例超七十。而

則力辭, 林君必欲百閔同其事, 越 年亦去職, 獲校方允許,故百閔亦留任, 踰其退休年齡已七年, 惟林君因中文系卓著績效, 前後任職港大達十五年, 俟林君先去職, 校方欲百閔繼主系務, 此在港大亦爲一稀有少 百閔

百閔爲人,練達事務,通洽人情,一時流亡在港者,苦悶艱窘,大率相似,每喜羣集於百閔

開門延納。必具茶點,時備飮膳,間作方城之戲。來者忘時, 去者盡歡,

得見面。各方有消息,常於百閔家流播。各人有鬱結,亦於百閔家得傾吐。 百閔周旋其間無倦意, 之門,百閔處境較優, 百閱家遂爲一輩流亡知識分子消遣集中之所。久不相晤聚者, 意緒之散發, 每於百閔家 議論之

調協, 百閔座上,乃常使人有春風披拂多陽照煦之感。

百閔因此亦或遭人誤解,

然就港臺兩

地大

皆遙。 局言,百閔之長期在港,要爲有一種無形之作用, 必流連盡日夜,我夫婦掌燈送彼夫婦下山而別以爲常。愈後則往來愈密,敍述家常, 我自婚後,先住鑽石山, 然我夫婦遇有事市區, 後住沙田, 必去百閔家, 百閔亦兩易其居,先住香港, 百閔夫婦得閒, 不可否認。 亦常來我家。 後遷九龍, 沙田地僻, 與我寓所相距 百閔夫婦 感慨時

來,

讀夏氏書, 討論學術, 百閔於學術, 亦曾與馬氏往來, 有時四人聚談, 不喜爲專家, 故百閔尤喜爲我追述其幼年問學往事。於夏氏屢屢稱道, 亦絕無門戶之見。其先受業於夏靈峯,嗣則見知於馬一浮。 有時夫婦各別相談,每嫌時光之迅疾。 其練達事務通 於馬氏更 我嘗

洽

文小品,雜見於報章,或得之他人處,別人所不注意者, 百閔每加稱道, 樂回溯。其於夏氏,蓋得其理學嚴謹之傳緒,於馬氏,則深賞其詩文風流之趣。 人情似|馬氏,其立身有主不踰大節似|夏氏。其學尤於古經籍及宋明理學家言爲嫻熟。 認爲有古人文章家法。 然每譽我散

其於朋輩相知, 亦有揚無抑,於古人更不輕加評隲,其論學絕不見戈戟,蓋與其爲人相似。

各方重視, 攻駁處。中道而立, 條理分明, 於古經典, 爲師指導, 有意作爲一種學術論著。我平日窺百閔之意嚮,似不甚爲自己專門成業著想,所重在如何誘掖後 其在港後之著述,先有經子肄言,此書本爲某報絡續寫刊,用意在爲青年指示國學門徑, 可不詳論 辭旨淺顯, 事有不同, 先秦諸子, 和易近人,實足爲近代學風開闢一新境, 語無枝節, 自漢迄唐儒、道、釋三家,及宋明理學,下至清代顏戴兩人,扼要敍述, 故所重應在青年受學之一邊,不在自己成學之一邊。此書亦復如此。書中 義有宗本。不見誇張, 不涉僻奧。只有置之不論處, 爲青年向學指示一正途。 此書已受 絕無漫肆

乃夏靈峯所居。後一書卷首云:「此書敬以紀念先師靈峯夏先生逝世三十五年教育之恩。 向先生假書,每月一覿對,藉得親其德音,領其緒論。四十年來,化育之恩,何可忘也。」當陽 理通論兩册。 百閔於易學最所用心。上下經及六傳,幾能全部背誦,先成易事理學序論一册,又成周易事 泰山巖巖氣象, 前一書卷首有云:「本書謹以獻之蠲叟馬先生,猶憶年二十一時,常從富陽過枕, 如在羹墙,未嘗忘也。」可見百閔於其早年一師一前輩,歷三四十年之 先師嚴

久, 而拳拳勿忘。學有師承, 而不以師法自限。學有專長,而不以專家自許。其治易亦無前人之 蓋百閱實以其爲人者爲學,而

深晦玄奥, **百閔之爲人,實自其早年已能左右采獲於夏馬二氏而兼有其兩面。** 而專就事理爲說。 百閔平日閒談, 每自許善處人事。

論」,然或記憶有錯。憶其有論敬、論仁諸篇。我每過其書齋, 百閔又有一書, 不知頃已脫稿否, 其書乃薈萃平日論文 。 必出示相討論。 專論孔門之學者, 百閔於引用前人 伴稱 「孔門五

必確查出處, 亦不知, 與其書記翻查數日始得, 仔細核對。文中有用某書引朱子一條,百閱知其出語類, 其嚴謹不苟又如此。 此與其尙通學, 而不能知其卷數, 務大體, 豁達和

易,又恰顯出百閔爲人爲學之兩面。

我和|百閔性格多異,我除學校公事外,

常深居簡出,

百閔則開門延接,

廣納羣流。我疎於人

港, 約。 事, 不名一文,而貿然辦了一學校,架空度日,百閱每以我忽略生計爲戒。及我決意辭職, 心無瓜蒂。 遇人困急,輙分財濟助,從不吝惜。而尚能積餘俸,擇廉價,逐步置房產,謂備身後。 即治鷄舍爲生活作長久打算。及任教港大,生計稍裕,奉身交友,雖不奢泰, 又不善應付, 貌若隨和, 每因薄物細故得罪他人而不自知, 而所守不屈。 腳踏實地, 而行則圓通。 我尤不能治家人生產, 百閔則洪纖畢盡, 左右咸宜,胸有涇渭,而 亦不務爲儉 百閔初到 百閔極慮 我則

四三三

之相反而相濟, 我少盈積, 何以爲繼, 而能獲此良友,至今思之,益增悼念。 故能一見相得, 久而益善。實則百閔對人莫不如此,常謂能諒人短,始得盡交。

故我雖多短缺,

別, 言。 經過, 治, 婦私情,作此悼辭, 人之探討。 久退休,常考慮兩家遷臺之事。 百閔故交遍國內外, 無微不至。 而仍可久長相聚,不謂「固處遂作古人,病不得相問, 亦隨百閔遺體, 新亞之創始, 此次立法院諸君開會追悼, 即我此所賃屋, 百閔書問屢通, 以備在此會中作同聲之一哭。 及我最後之辭職, 長埋荃灣墳場, 其平日爲人, 曾兩度相偕來臺。去歲百閔夫婦先來,又爲我夫婦遷臺事各方籌 爲我籌謀將來,又代我妻介紹一職業。及我夫婦回港,百閔亦不 亦百閔爲我事先洽定。 決不隨其生命而遽忘於人心, 其爲學則遺書俱在, 我特述我兩人在港訂交, 作爲殉葬之一物,更無發掘再現之日。 其間種種, 惟百閔知之最悉, 死不得相送。 而尤所感愴者, 方期今春百閱夫婦來臺定居, 百閔生命之最後十八年, 而又與我以同情。 我心寥落, 今此一段 我在港十 雖短暫相 就我夫 可供後 如何可

(民國五十七年一月二十五日中央日報副刊)

附錄六 囘憶黃季陸先生

家園, 主委職,事務紛煩,乃一忙人。與余交,機緣不易得。但季陸每一相晤,情意深厚,每若數十年 在對日抗戰時。余自雲南昆明轉至四川成都, 余幼年十六七歲時, 距城約二十華里, 卽已聞黃季陸先生名。想像其人,如在天上。及相見相識, 課務偶進城。後轉居華西壩, 先後任教於齊魯大學及華西大學。 乃始與季陸常相晤。時季陸任四川省黨部 先居北郊賴 余已年過四

深交。故余與|季陸初相識,卽親切如至友。

贈。 靜養,專進流質飮料,以一小飯碗爲度,隔兩小時一進,晨夕共七次。季陸聞余病, 川俗以土產枸杞浸酒甚補。季陸贈上品美酒,余素不能飲,稍嘗卽止。 某年,余罹十二指腸潰瘍病進醫院,時西方已有專治此病之新藥, 而未能來中國。 **酒瓶積存書房一長櫃** 常以補品相 醫生誡余

上,來訪賓客見之,賞羨不置。

附錄六

囘憶黃季陸先生

四二六

於川大,而余則迄今每常念及。其與校長相交往,則尤以壓陰爲密。 息室,而川大則更較舒適。余在大陸時,任教南北各大學,不爲不多。相知者或易忘余之曾任教 華西壩至횧江亭,一人漫行,稍倦卽休。迄到,儻有餘暇,則在墜江亭品茗。學校亦有一休息室 教兩校非病體可任。乃季陸言辭婉轉,不得已,終勉允。余乃每星期得一田野長途散步運動, 在樓上,座位甚寬。常在此晤熟友暢談,而飮茶洗臉,校工事奉甚謹。前在北京大學時,亦有休 季陸任四川大學校長職。 一 月, 親來訪,邀余任川大教。余告以華西大學教課不易辭去, 自

暇成深交。 士學位考試委員會。適余已離港來臺,季陸未得覆, 遇季陸, 及余避赤禍至香港,又與季陸晤面。時余方赤手創辦新亞書院, 亦僅匆匆一面。及季陸來臺灣,又成一忙人。余每來臺,亦僅匆匆晤面,終不得長時閒 而季陸之情意深厚, 則每晤皆然。季陸任教育部長,曾專函去香港, 方焦急**,** 倉促間忽相晤, 艱苦麢集,亦成一忙人。 邀余來主持某博 余終得膺季陸之

感,特有其一已獨有之見解,乃及其鮮明坦白之是非觀。每聽感動不已,與平日讀史籍大不同。 後之近代史。 凡所談, 其人皆季陸所親識, 及余來臺定居;乃得與季陸常晤。季陸已改任國史館長, 其事多季陸所親預。 每見必談史事,尤多談辛亥革命前 其談必寓有一番惻怛懇切之情

兩人之交往率類此。

每念今日國人談近代史,能有幾人如季陸之親身參預,又有幾人能如季陸之體會深切。惜余雙目

館新出版諸書, 已盲,不能再努力學問, 余亦已不能披讀。

季陸又常言及,欲邀余一赴國史館, 否則追從|季陸相與專治近代史,豈非一好幸運。|季陸又屢贈余任職|國史 而亦始終未獲前往。余之

與季陸交於匆忙中,每得親切意,而親切意則盡在匆忙中,亦舉此一例可證。 季陸又談及有意整理淸史稿。余謂淸史稿乃中國二十五史之最後一部, 體例當一承其前。

稿作一校勘。故宮博物院所藏淸廷此項資料尚多,憑以校勘, 同意,商之故宮博物院前院長蔣慰堂,乃於故宮博物院設一會,積年努力, 求改進,當從此下開始。然今在臺灣,求能瞭解舊史體例者已不多。爲今計, 以待他年有人得以正式改寫。 幸已成稿。 不如先爲原有淸史 聞不久當 季陸

能付印出版。此亦當爲季陸對清史一貢獻。 其他與季陸交往,瑣碎事多在心頭,但不煩一一見於筆墨間。竊謂季陸乃一時代人物,

但同

時仍不失爲一文化傳統人物。其人乃在新舊夾縫中。 要人, 爲一掌握時代權衡之人。有時雖在忙中若終爲一局外人。余之猶得與季陸相交, 故在現時代不失爲一忙人名人,而終不得爲 主要乃

在此。 十分嚴格言

古人言: 「已無老成人,猶有典型。」季陸之在當代,就中國文化舊傳統言,

附錄六

囘憶黃季陸先生

之,縱謂其不得謂一理想之老成人,但豈得不謂其尙存老成人一典型。當前國人後進欲求一覩一 舊傳統中人物之規矩模樣,豈不已是十分難得。居今日,求新並不難,求舊則甚不易。孔子曰:: 「後生可畏。」據今日言,非日務趨新之可畏,能尙知有舊規矩舊典型方可畏。唱一新歌,

作一

或猶得放進博物院供人閒暇中一欣賞。今則一意羨慕西化,昌言進步,則後生之可畏當遠出古人 任」,後有范仲淹爲秀才時即「以天下爲己任」,宜非一僅供人欣賞人。 之上。故西方人實自我取消, 新畫,創一新論,做一新人,皆不難。能保留得一些舊模樣,縱不能放進百貨公司爲暢銷商品, 在舊史體裁中,究當作何寫法, 中國人乃始肯定承認其自我。而季陸爲人如前之有伊尹之爲「聖之 恐於此知所討論者, 今亦難覓其人矣。 今不幸季陸遽已逝世,

亦足爲當前一時代嘆矣。然此等語,不得遇如季陸其人者言,又豈能與今世人言。我念今世,又 代,正貴有新舊夾縫人物乃得善處。而惜乎此等人物不易遇,亦不見重。此固可爲季陸一人惜, 傳統與時代中一夾縫人物,他年猶當作何論定,今皆無得而言矣。當今之世,乃新舊交替夾縫時 今吾民族正在求變求新中,日日變,日日新,則前代人乃日在落後中。如季陸在當前,已成

焉得不念及季陸。 執筆及此,不僅爲|季|陸悲,|季||陸地下有知,不知又將何以語余。

余與季陸雖不得爲深交,

m

再得。思念之難忘,余生平之愛讀史籍,亦如此。季陸晚年每見余必談史,或意亦在此,惜未及 於季陸終當爲不能忘一至友,亦卽在此等處。季陸已辭余而去,今乃欲求有如季陸其人者,終不

作深言。今則惟增念舊之情,他又何言。

中華民國七十四年八月,錢穆病中識於臺北土林外雙溪之素書樓,時年九十有一。

附錄七 悼念蘇明璇兄

生,另一人爲蘇明璇兄。濕謀去世,我極想寫一長文追悼。情緒萬千,竟未下筆。今明璇又去, 我以未及爲燕謀寫悼文爲戒,因急撰此篇,而下筆總不能忘燕謀。因連帶述及,總之是抒我一時 新亞,與此兩人交往最頻。自我離香港,亦惟此兩人縈念最殷。今不幸俱逝世。一人是沈燕謀先 觸到的同事和學生,並不比別處多。我獲交兩友,他們對新亞貢獻大,而和我交情尤摯。自我離 新亞書院前後佔據了我十六年光陰,爲我一生服務最久的一機構,但因規模小,在新亞所接

之哀思而已。

識。 術講演會, 新亞初創,在九龍桂林街賃樓兩層共四五室,逼窄不堪,樓梯登降尤難。週六之晚, **燕謀年長於我,乃前淸一老留學生, 攻化學 。** 燕謀每屆必至,遂相識。我有莊子纂箋一稿, 回國後, **燕謀斥資付印,書面題署,** 助其同鄉張季直辦實業。我素不相 自稱「門 設一學

附錄七 悼念蘇明璇兄

我心甚不安。 然燕謀, 與我相交二十年, 執弟子禮前後如一日。 我在桂林街, 開論語

聽課數月, **燕謀亦來聽,手携一美國最新譯本,** |燕謀言, 出入太多, 無可下筆, **遇確定譯本錯處,** 勉我成書, 爲國內外治論語者作參考。我之論語 **積數十條**, 當貽書相告譯者, 囑其改

新 解 正式成稿於留美期間, 即受燕謀之鼓勵。

퍝

齒, 必不計。」我始坦告燕謀,浼以創辦圖書館事,燕謀欣諾。積十許年,燕謀日夕向港九各書肆採 謀於其夫人。夫人告我:「燕謀晚年,每幸與君相識。儻相邀,必樂從,一切名位待遇,彼 後燕謀經濟受窘, 新亞遷嘉林邊道,燕謀亦遷新居, 相距甚近, 意欲邀其來同事, 未敢啓

嗣後, 美國耶魯大學,每年派兩人來新亞任教兩年。皆渴欲曉中國文化概況, 每週末, 由燕 購書籍,雖經濟窘迫,而新亞圖書館,蔚成奇觀,皆燕謀一人力也。

謀主持一座談會, 由參加者發疑問難,燕謀所知廣, 而見解正確, 參加此會者,返美後,隨分闡

亦皆燕謀之功。

以後直到新校舍落成, 新亞在農圃道建新校舍, 始再去, 經費由美國福特基金會捐贈。曾派人來參觀, 切建築事宜,我以全權交滅謀。只在決定地點時, 對新校舍甚激賞, **曾親去視察。**

謂一切符合彼方之理想, 甚出意外。 我問其詳。 彼云: 「全部建築,圖書館佔地最大, 各辦公

附錄七 悼念蘇明璇兄

室, 付念, 神 如此建築, 連校長辦公室在內, 十八年來, 誠所鮮觀。 只保留著一些我對新亞之想望, 皆佔最小地位。 其實此等皆由燕謀擘劃, 有學生宿舍, 但燕謀農圃道新校舍之設計與夫新亞研究所藏 我僅贊同而已。 而無教授宿舍, 我自辭去新亞職務, 此等處, 皆見新亞辦學精 常自

書之搜羅,

則確對新亞有其具體不朽之成績

中,午睡驟起, 去香港, 年,忽其長公子來臺北寓廬, 自我遷居臺北, 到燕謀家,彼告我,正讀我新出版之史記地名考, 每去香港, 謂自美赴港省親,父命必繞道來臺,與我認識一面。 |燕謀必在交通擠逼中來旅舍。幾乎每日必來, 因暢談歷史地理沿革。 竟不能親去弔唁 屢加勸阻無效。 時燕謀已在病 我最後一次 某

往返, 會。 同學, **大之舊校長。** 在新亞, 明暶必居間, 但和我不相識。 其新任主席艾維初蒞港, 因此我與明璇在香港初見面, 欲醉不忍, 促膝歡談近兩小時。返臺不久, 獲燕謀噩耗, 獲交第二新友, 三人常相聚, 明璇曾服務於農復會, 則爲明璇。其夫人乃我北平師範大學歷史班上之學生。 艾維於新亞艱困中相助最多, 即來新亞見我,云離美前一友人囑其來訪。 交談卽如故友。 與蔣君夢麟甚稔。 時明璇任職於美國在港之亞洲基金 夢麟乃我任教北京大學及西南聯 明璇之功爲大。 自後, 明璇夫婦 我與艾維

美國雅禮基金會特派耶魯大學歷史系主任盧鼎教授來港, 約我在其旅邸相見。我晨八

鳪, 時卽去, 答力求簡淨, **方教育醫藥事業之對象,我爲彼約見之第一人,盼向彼有所申述。** 彼意已決定以新亞爲唯一對象, 同赴一餐館進餐, 必竭誠而告。 盧鼎面現喜色, 明璇已先在,爲我作譯人。盧鼎告我, 明璇傳譯中肯, 不漏不冗, 乃縱論及於其他。 衣袋中掏出兩紙, 則絕非僅止於口舌之能事。 **遂討論及於具體問題,** 越旬日,又與盧鼎晤面,告我已去過臺北, 一一如我意之所欲言。達中午十二時,三十餘目問答已 東來將訪臺、港、 預擬所欲問者三十餘條, 又牽涉進 艾維, 我言, 君來事繁時促, 非三地, 其中曲折詳情, 欲覓發展雅禮協助東 逐條發問。 不擬再去非 荷有所 我回

研究所得哈佛燕京社相助,亦由此啓之。明璇在當時, 無進展。 明璇告我,不如仍由我自己出席,彼當仍任譯事。兩次商談, 辦硏究所一事。時艾維已去職,主席易新人,我派新亞一同事,亦一老留學生作代表, 既得雅禮協助, 關於新校舍建築,又出盧鼎、艾維之力。繼之爲亞洲基金會協助新亞創 於新亞乃一局外人,而其有裨於新亞事業 此事卽告解決。 數度治商 越後新亞

篇所能詳述,

而明璇居間傳譯之功,

我之所求於明璇者, 亦不止於新亞。 明璇告我, 曾與梁君寒操聯合申請亞洲基金會補貼王道人生雜誌出 勒王君此後勿再往, 我因此益深敬明璇之爲

版經費獲成功,

王道親去向明璇申謝。

之進展者,

則絕非當時新亞同人中任何一人所能及。

而我兩人間私交益篤。

我去美國, 新亞校長室祕書忽缺人,明璇其時亦已辭去亞洲基金會職務閒居。我貽書學校,

校, 提議請明璇來任此職, 明暶來室報告其任職半年之經過, 蒙其允可。我自歐返港, 鉅細靡遺, 陳述周詳。若一忘其往年彼我兩人間之私交, 明滕任職新亞已逾半年。我與彼隔室辦公。我到 任職甚積極,而自守拘謹。 此次相

談, 乃絕不及私事,僅限於述職而止。我亦僅有任之。

儼如下屬之對上司然,

我素知明璇處事精明,

而沉默寡言,

許多事當煩君逕自處理,遇我所應知者,事後相告卽可,不必限形迹。然此後,每日在學校辦公 此後越一週至一月,必來室作報告。我謂新亞事,君夙知有素,我與君相交, 君知我亦深。

校, 相見外, 明璇亦只談彼一人職務所關,絕不及其他。 明璇乃絕不來我寓處,我時去明璇家, 有關學校大政方針, 或茶或飯,而明璇則絕口不談學校事。 明璇若絕不厝意。 在會議席 卽在學

處, 有關係, 甹 明璇亦從不在其職務外發言。 絕非消極不負責之比。而學校同人同學, 其來校任職, 亦當於我處境有所諒解, 我揣明璇意, 亦從不在我處對明璇有半句微辭 故更不願輕率有主張。 從不對以前新亞發展自居功, 其拘謹處, 但既與新亞及我早 正其深識大體

我對香港政府有所交涉, 尤其是教育司方面,必邀明璇任傳譯。最後中文大學成立,董事會

悼念蘇明璇兄

此人。 開會, 洩露一言半語之消息。 要之關係者來訪, 明璇之可愛重處, 正在其能善盡職務, 明璇必陪我出席。 明璇陪我接見,相談半日之久。我自謂此次交談極有關係, 總之, 外國人來訪, 明璇在新亞, 明璇必負譯事。有一次, 在我是感到絕不能少此人,而在人則或可感到不覺有 而使人不覺此職務與此人之可重 某美國人與東方政治事務有頗重 但明璇絕不在事後

我在新亞辭職,

明璇初亦微露其不贊成之意,但俟明璇深知我辭意已堅,卽不再發表意見。

應允, 我而去,此是我的私意見;我爲新亞著想,盼君勿離去。君之辭呈,若由我批准,我總覺對新亞 遠來我之私寓,又常與我在半島酒店樓下, 越出其職務以外者告我。我辭職已成定局,彼毅然以移交之代理人自負。 勿如彼, 有負。我只能留中不批,俾繼任者再有向君挽留之機會,而君亦可重加考慮再作決定。 H, 任職如舊。乃明璇自此後,對我意態忽有變。在我辭職進行中,彼乃屢有勸戒, 明璇親向我提辭呈。我告明璇,我有爲公爲私兩項意見,我盼君能代我辦理移交,盼勿先 似乎又回復了兩人以前私交時之情誼。我告彼以必欲辭職之內外因緣, 作半日茶煙之相晤。 並與我往來漸頻, 彼亦時以所知 當如此 當蒙明璇 不憚

辭行, 我自馬來亞返港, 相談半日, 明璇 陪坐, 明璇亦已辭去其在新亞六年之職務, 但事後極稱許我當日所言。明璇與蕭約私交亦不薄,其公私之分明 一 貝 偕新亞雅禮代表人蕭約來沙田

日之茶會,故我於明璇爲況,知之甚切。最近已積久未去香港, 我遷居臺北, 明璇往返書信最密,幾乎每月必有一往復。我去香港,必與明璇有半島樓下半 明璇曾有意往日本一遊, 路過臺

北,可有較長接觸,惜乎其竟未如意。而我兩人又時時有病。最後明璇來信,我遲未復,不意在

香港報端竟賭明璇長逝之消息。又不獲親往弔唁。悼念何極。

長憶離大陸,來香港,獲交燕謀、明璇兩友,

知我深,待我厚,不僅助我事業,尤其對我性

年,彼胸中藏有許多抑鬱苦悶,我未能有一臂之助,媿負之情,何堪回溯,亦恨我短於辭章,不 情多有慰藉。 今皆離我而去。 僅在我生命中, 留下了幾許不可抹去之痕跡。 尤其明璇,未盡天

能作爲詩歌,以表達我之哀思於萬一也。

(民國六十六年六月六日, 中華日報副刊)



附錄八 懷念老友林語堂先生

堂早了一百天左右。我此文特稱語堂爲老友,卻不指我們有着很久的交情,只是說我們過了七十 |語堂和我,同生在||民前十七年|光緒乙未,西曆一八九五,同是前一世紀的人,只我生日比||語|

始成交,眞是一老年朋友。

☆ 誌 我那時在小學、中學教書,只在報章雜誌上認識了語堂。直到民十九我去北平教書,而語堂 語堂早在三十歲前後, 乃當時新文化運動中異軍特起之一支,更使他名字喧動, 名滿海內, 舉國皆知。 尤其是他編行的論語、 「幽默大師」的稱號, 人間世、 宇宙風諸雜 亦由此成

那時已離開了北平,我和他仍沒有見面認識的機會。

席上。那是我們四十八歲的一年。那一晚只是匆匆一面,此後語堂仍去美國。約在十年後,語堂 我們初次相識, 乃在抗戰時期,語堂由美國返後方,從重慶來成都,在華西後壩張岳軍邀宴

附錄八 懷念老友林語堂先生

應新嘉坡南洋大學校長之聘,忽來一信,邀我去南大主持研究院職務。此書情辭斐亹,引蘇東坡 仍未有繼續相見之機會。只語堂那一書,使我常留記憶中,惜書已丢棄,至今未能具體引述 執禮甚謙。 大意是相慕已久, 此後可望長期領教。 我那時在香港, 因離不開新亞, 去函婉

貫之夫婦共六人,餐後去附近|宋王臺公園攝影閒談,直過四時始別, 語堂談及有意和我見面, 待我七十後, 離開新亞,忽得王貫之電話, 由貫之邀集,在其人生雜誌社的小樓上午餐,語堂夫婦、 說語堂來了香港, 那才可稱是我和語堂親切見 貫之係語堂小同鄉, 我夫婦及 前去訪

其書中之辭句。

堂腰腳力不勝,約我在山下海邊一遊艇上餐聚。同席仍是貫之夫婦和我們兩家夫婦並語堂之二小 姐太乙及其夫婿黎明,共八人。此兩次見面,乃是我和語堂正式訂交之開始。 越數日, 貫之又來電話, 說語堂欲來沙田我寓處, 但因我寓在山坡上, 須爬近兩百石級,

面之第一次。

述。他夫人又領我們去參看語堂的書房。她說:晚間十時過,她卽獨自上床,語堂一人留書房伏 同晚餐, 久坐始別。 此後語堂定居臺北,我夫婦去臺北,親到他陽明山住處,卽在此後新居的斜對面去訪候。留 語堂告我,頃方仔細讀我的近三百年學術史, 又稱此下當開始從事中文著

案閱讀和寫作, 不過十二時不睡, 常達翌晨一時兩時。 我深自慚, 我常在夜間十一時就寢,

山夫,遠不能和語堂相比

年, 年長逝。總計我們在臺晤聚,實也不過四五年時間。在此八十餘年中,過七十始成交, 編輯, 明山新居更近, 常往返臺港間, 隔 從容長談的機會實不多。我總覺得近在咫尺,晤聚甚易,不以爲意。不料語堂夫婦最後幾 年, 我們夫婦亦遷居來臺, 見面機會也更多。但開始, 而且留港期長,返臺期促,偶獲見面,而他的體況, 和語堂見面機會更多。又一年,我們定居外雙溪, 我急於完成我的朱子新學案,語堂又忙他漢英辭典的 已逐見衰退, 實際上, 乃竟於今 和語堂陽

致甚濃, 尚新。 。 然像一全烟捲, **損主人地上那美好的地毯,** 在我記憶中,三十多年前, 那時有幾人,離開坐位,圍立室中央閒談。 那烟捲積灰漸長, 安安停停地留在語堂的兩指間,我此刻已記憶不淸,語堂最後如何交代他兩指間 但語堂似乎漫不在意, 而語堂談話不停。 在成都張宅那晚和語堂初次見面, 手邊及近旁, 直到那烟灰已長及全烟捲十分七的程度, 語堂兩指夾一烟捲, 沒有烟灰缸, 卻有一 影像, 我擔心那烟灰墜落, 面抽烟, 深留腦際, 面談話, 卻依 歷久 有 興

前後也不能到十分之一的八年的來往,人生如此,

殊堪悼念。

的那

條長長的烟灰。

四

四二

八十億雙親師友雜億合刋

Ľ, T, 有他內心之拘謹不放鬆處,那長長的一條烟灰之終於不落地,正是一好證明。 場合中不忘抽烟, 浪形骸, 實仍有他那一條長長的烟灰之存在。別人沒有和語堂深交,只見他外面一套, 有他那一套。 才從那一條長長的烟灰,瞭解到語堂之爲人和其操心。 一十年後再見面, 縱恣不羈的。 但那一套,實只是語堂之外相。至於語堂之內心,似乎還另有別一套。在任何 那只是語堂外面的一套。 那烟灰長留不落, 常連想到他「幽默大師」的一稱號, 語堂常抽烟斗,偶而也吸一支香烟, 認爲語堂之幽默處正在此。 似乎在任何場合, 便引起我的回憶。 卻不是漫不經心的。 語堂之幽默, 我和語堂相交久 語堂總是我行我 認爲語堂是放 在語堂的內 但語堂另 在我

認爲, 尚不專在其儘抽烟捲之一面,乃更有其烟灰不落之一面。 宇宙風諸雜誌,固是他內心生活之一面。待他寄居美

方語堂在國內,

端,可謂爲人所不爲,堪當中國傳統觀念中一「豪傑」之稱。迄今外國人,不論美、 外長期居留, 發表他吾土吾民等一系列的成名新著, 以他外國語文之高深修養,不返國憑崇洋爲炫耀,而卻在國外宣揚祖 編行論語、人間世、 那又是他內心生活之另一面。在國外受教育, 國。 歐, 又在國 乃及其 只此

期在美的這一系列成名新著, 他地區,多有對中國另眼相看的。他們約略知道, 總不得謂其無影響。 而且在國外爲中國和中國人留此影響的, 在此世界, 有此中國和中國人之存在, 語堂長 除語

堂一人外, 縱不能說其絕無, 而語堂一人, 也幾可說近似於僅有了,語堂這一勾當也可說幽了天

下之大默。

得當前國人之共鳴。抑且語堂之身後追思海外或尤深於海內。而語堂晚年在海內國人之心中實亦 回國, 又豈止如黃公酒鱸而已乎?而且語堂往年,在國內編行論語、 中國古籍的亦尚不少。及此二十多年,乘桴臺港間,往日舊交,多已邈若雲漢, 問那書,問何處有買, 屢問不已。 回憶我在大陸所交, 亦尚是海外留學生占多數, **尙奠定於其海外之聲名。語堂講究生活的藝術,彼生活中之此一轉變與其分別,實亦語堂生活藝** 老年又得此一友,乃朝夕寢饋於斯。而天不慈遺,昔人經黃公酒鑪而興悲,我今重往語堂書室, 古籍,但|語堂似乎忘了他自己已是七十以外的老人,擁此書城,尚嫌不足,還時時向我問這書, 了他交游之末座。我嘗巡視他新居,書房內,書房外,滿室滿廊,縹緗如山,盈箱挿架,盡是中國 的書生。如我般孤陋寡聞,僅識ABC,絕不能讀他在美成名的一系列新著的人,居然也被引進 國後, 語堂旅居美國,逾三十年,功成名就, 據我親眼目睹, 變往態, 轉而從莊周、 總覺他的日常生活,言談舉止,洋氣少,土氣多,儼然不失爲一中國傳統 蘇東坡,進而提倡孟子,惜已不易如他往年「子見南子」之類之獲 儘可作一寓公以終老,乃語堂決心歸國定居。在他歸 人間世、宇宙風, 死生隔闊。 一紙風靡, 那時知怡情 不意

術中一幽默也。

貫 來|語堂又重進教堂聽禮拜,並常聞牧師講道而流涕。臨終又告其家人,弔祭須從|耶教儀式, 前,他人無法代爲措辭。那老太太終於頷首稱是。自我和語堂相交,始終沒有談到宗教一項。後 意, 告那美國老太太的一番話, 我到他死後始知。 僅有一面之緣, 太,亦一虔誠信徒。彼問我, 番內心修養。 林語堂, 放棄其信仰。後來旅居美國, 世間莫大事件, 在大庭廣眾間,似不宜率直以對, 亦據此可知。 語堂生在虔誠的耶教家庭中, 承彼亦認我爲一中國學人, 林語堂對信仰耶穌之前後轉變 ,必有他一番內心曲折, 若據實以告, 聞彼有一書, 不久將出版, 那未吸完的一段烟捲, 渴望我對彼所問, 幸而沒有錯。 林語堂信耶穌, 彼必甚感意外, 又曾一度信仰, 但在其肄業上海聖約翰大學之神學院時, 自必與語堂相識。 有一解答。 我因告彼,林語堂雖係一文學家,但中國文學家, 和其變爲灰燼之一段, 語堂爲人之直前直往, 說明其對耶教信仰先後內心之轉變, 何以忽又放棄?在彼意,凡屬中國學人, 我又不能親操英語, 後又改棄。 **其意態之誠摯,** 語堂中途放棄對耶穌之信仰, 有一年, 依然同在他兩指間, 溢於言外。但我當時, 而在其內心深處, 必賴譯人傳達。 我旅遊美國, 在他自己未有明白表達以 以對神學無與趣, 遇一 我私念我往年 實自有一條 竊恐語不達 依然仍保留 在彼認爲乃 美國 必應認識 實與語堂 必重 此事 老太 卽

其同一烟捲之舊式樣。 語堂內心,有其放達處,但亦有其拘謹處。果人生以百年爲期,語堂已經

保留著,不散不落。此是語堂生活的藝術,亦是語堂人生的幽默。我老年幸獲與語堂交游,所認 歷了其十分之八。 尚留一段烟捲未抽完,其抽過的一段,固亦成爲灰燼,卻尚在其內心,完整地

識於語堂,迄今所懷念,而堪以告人者,亦僅此而已。

抽, 堂已矣,但與語堂生値同世之人,回念前塵,豈不一切亦已全成了灰燼。果能仍保此灰燼, 在乎?懷念老友,曷勝悵然。 輾轉在烟灰屑中, 不落,仍成一烟捲樣夾持在兩指間者, 抽後成灰能儘留,較之僅知抽烟, 生爲一中國人,生而爲一近百年來之中國人,世變倉皇,前途渺茫,究不知將何所屆止。 灰屑滿地滿室,而兩指間卻成無烟可抽, 不顧烟灰落地, 語堂以外, 又復幾人 ? 我常想語堂生平, 地毯遭殃者要自有別。今日吾國人,乃盡 此誠生活藝術之謂何, 人生幽默之何 烟捲在手能儘 不散 語

起稿於懷恩堂追思禮拜之淸晨,定稿於語堂靈柩下龛陽明山故居之下午,時爲民國六十五年

之四月。

(民國六十五年五月八日聯合報副刊)



附錄九 悼亡友張巍漚先生

是爲余兩人初次識面。 聽其言,娓娓不倦,餐前餐後, 以其與雲南省立圖書館毗鄰, 余初識||純區先生, 乃在抗戰勝利後, 今日得緣聚首,誠大佳事。」余隨至其家,觀其庭院之整潔,花樹之幽蒨,屋中陳設之雅 並無介紹人, 便於晨夕赴館中瀏覽。一日晨, 華區親來迎余赴其家午餐, 歷數小時, **藏區乃自道其姓名,** 余再遊昆明,講學於<u>五華書院</u>。寓居翠湖公園一空宅 無一語涉塵俗趣。旣別,每心儀其人不置。 並略告余生平經歷。 曰:「與君神交

課。視學生如家人子弟,學生亦皆敬服。「瓶區女公子鼎鐘,亦來入學。其後內人在港者,如梁君 余見其意誠,不能卻。因與鄰區同赴街市,訪購課程用書。| 鄰區每週任課六七小時, 聞君辛勤創辦新亞書院,恨無力相助。俟學校開課,余當來任國文課一班,不受薪, 民國三十八年秋, 余避赤禍去香港。 翌年,偶於街頭見藏漚, 乃知其亦同住九龍。 從不缺 聊表心 **純温告**

悼亡友張蒓漚先生

四四八

陳君伯莊輩, 皆來新亞任教。港政府熟知其人皆中土聞人, 政界先輩。 故新亞雖極簡陋

而|港政府不加忽視。其端則自瘫嘔啓之也。

余亦時去 蘸區家, 其同鄉有繆君雲臺, 而益以余在滇之所見所開, 亦常在座。 余盛稱滇人性近藝術, 語次及於滇戲老生栗成之。 整得氣候 山川天地

冷 余謂除京劇外, 之助, 余曾親從學唱於成之, 爲他省所不及。因舉錢南園爲例, 其他各省劇惟滇獨勝, 今日當獻醜, 而成之尤高出。 君試聆之,亦復有成之流風之萬一否。」 雲臺閗之,躍起日: 「君乃欣賞及於栗成 **遂引吭高唱**

「純區學家遷臺。舉其友曾君履川接任新亞之課。履川閩籍, 服務銀行界, 乃十足道 則必訪藏漚。 初

魩。

余與藏區皆旁坐,

瞑目凝神,

不知身之在斗室中。至今回憶,

亦不失流亡中一勝聚也

任監察院副院長職,冗忙日增, 木。見一海棠栽大盆中,花盛開極豔,賞玩久之。藏漚又喜講究飮膳, 地一文人。 寓北投, 後遷新店, 皆遠市區。而新店尤有田野氣。 其居亦有園林之勝 。 亦徵其性情流露之一斑矣。余此後幾每年必赴臺北, 余遂少往。及余亦遷臺, **華福來訪於外雙溪之素書樓,** 常留余品其家餐。 余每去訪, 親携海棠 必賞其花 後聞 其

細節有如此 大盆, 乃向其前購海棠之老花圃處選來。 則距余在新店見其盆栽已七八年之久矣。

藏樞語其家人,他年必再來。 혼福自監察院副院長退任,年已踰八十五以上。乃偕其夫人遠遊美國及歐洲, 歸後,其夫人遽卒。藏漚以一老翁鰥居, 由其兩女公子更迭件 惟巴黎未得入

传。 境。 余常赴國軍文藝中心觀平劇, 每週瓶漚亦在座。劇場常以夜十時半或十一時散。瓶漚家距劇

場不近,而興致奕奕,樂來不疲。此亦其性情流露之一斑矣。

尤大可惋惜之一事也。 世矣。 之區, 八十左右人。今夏,又聞由其長女鼎鐘陪遊日本。藏區在前清時代曾留學日本, 余答訪之。蒓漚患重聽, 而丁此國難, **燕漚喜作詩,又擅書法。在家得暇,** 享壽九十有四。 盤桓流連不忍離去。及秋, 疫精勞神,或非性近。較之錢南園、 然此豈臟樞一人之所值而已哉。 余方去香港, 余有語, 其女必在旁大聲傳達,而巍漚則喋喋語不休。 聞其攖小疾,進住醫院方歸。 不克親弔其喪。每一念及,豈勝悼恨。 即以此兩事消遣。今年新春, 懷念老友,感嘆何極。其女鼎鐘來索辭, 栗成之輩, 擬欲往訪, 則不能無生不逢辰之嘅矣。此 **藏樞又特來外雙溪訪余。** 而遽聞其又進醫院逝 其精神意態殆如 乃擇其素所喜愛

乃書此與之。

中華民國六十八年多十一月錢穆敬撰,時年八十有五。

四四九

附錄九



附錄一〇 王貫之哀辭

王恢子廓。他是人生初期萬分困難之際追隨貫之同嘗辛苦的一人。子廓來,我夫婦和他三人相與 悲歎之餘,雜談貫之生平,以及人生前後各事,無大無小,迄晚始別去。 三月六日下午三時,香港來一電報,驚悉人生雜誌創辦人王道貫之逝世。我立刻通電話轉告

<u>浃</u>讀者,與<u>貫之</u>識與不識,無不和我談起。三年前遷居來臺,尤其是三十到四十的中年人,和我 旨。二十年來,凡讀人生者,無不於中國文化抱深情,於貫之個人致敬愛。我七年前去南洋,人 無法遍爲通知,因寫此哀辭,借中央副刊篇幅,俾與關切貫之的朋友們同申悼念。 談起人生,談起貫之,並說他們爲學做人,因讓人生而感發興起的,更非少數。我曾爲人生寫過 篇以文會友的文章,我想在臺各地,關切貫之,爲貫之精神上的朋友的人必多。他的哀耗,我 因念人生除港臺外,遍銷南洋各埠,以及歐美諸邦。貫之辦此刊物,以宣導中國文化爲主

琢一○ 王貫之哀辭

灌,來寫述此人生稀有之悲慘,而寫出了一篇最純淨的性情至文。 聽話。 偸地回家獲見了生母。 而他生母卻對他說:「伯母疼愛你, 你要使伯母歡喜。」 並叮囑他乖 雖在幼年, 母對他甚加寵愛,只不許他再和他生身父母見面。他生父爲此瘋了, 九月,人生第十六卷第一八八、一八九兩期,貫之有一篇題名「隱痛」的長文, 貫之一生,自幼至老,嘗盡辛酸, 他在五歲時,卽由他父母以一百元身價,賣了他的一半給他同姓遠房的伯父母。 貫之的文章裡, 純孝天成, 哭著鬧著,要見生身父母的面。但直到七歲時,借上學讀書之便,才得偸 如此一路,曲折委悉,條訴縷述,眞是一字一淚,一字一血。把淚血交 備極艱困。而貫之始終奮鬥, 他生母亦爲此終生念佛。 抱志不懈。 備逃其前半生的 在民國四十七年 他的伯父 他 乖

在他幼年,在淸師身邊,始獲得了他心靈上的安慰, 貫之也不能長期親隨, 待到貫之十一歲,始進入一鄉間的高初級小學。校長陳淸如, 在他受學的第二年,清師便去從軍, 和心智上的啓發。 而他也換了學校。 貫之文章裡稱之爲淸師。 那是他生命之轉捩點。 但

春。 黨的工作。 本要投考軍校未果, 進入中學, 翌年, 在畢業前一年,福建的軍事和黨務, 民國十六年, **遂輾轉在軍隊黨部裡工作。其間回了家七次,結婚了兩次。** 他聽受了淸師勸告, 未及領取畢業證書, 一時發動。 他那時已是一靑年, 便匆匆離去他家鄉)永 和他 也參加了 心共同努

力人生業務的醒園女士,那是他的後妻。

香港, 以上他前半期的生命, 我們始相識。 貫之有意要辦一刊物。梁寒操先生是他抗戰時期在重慶的老上司, 則全寫在他那篇隱痛長文之內。他自離去大陸,曾去過非律賓, 轉到

我因和他聯名亞洲基金會,爲貫之請得了一筆津貼, 人生雜誌由此開 始

亞義務授課, 貫之以極奮發的熱忱, 來運用此極低微的津貼,他除每期必自撰稿外,編輯、 校勘、

發行一切事務, 而獲得了救濟。貫之的全部精力和全部活動,則都放在人生一刊物上。無交際、 都由他夫婦兩人分擔。還有餘款, 不少當時的流亡智識分子, 蒙邀約, 無應酬、

參加工

印刷、

損。 外一切,就看得很淡。 他寫隱痛一文時,己是五十歲。他說:「駁雜的生命, 無休息。節衣縮食,過著最淸苦的生活。他在隱痛文裡說: 到四十歲以後, 更漸漸省悟到身外一切, 已漸趨純淨而貞定了。 對於我之所以爲我, 自他父母和清師的去世, 他希望他自 實無甚增 對身 無

會更堅強, 人生的津貼, 更有力,來擔任此一份任重道遠的人生擔子、 延續了幾次, 終於停止了。 但貫之仍想繼續出刊,不少同情人生器愛貫之的 時代擔子、與歷史擔子。

遠自各地, 直到最近, 不斷予以援助。 貫之已在病中, 如在加拿大的詹勵吾先生,在美國的顧季高先生等, 尚勉力爲人生二十週年紀念出專刊。來信索稿,他知道我事冗 均絡續寄款

八十億雙親師友雜憶合刋

有病, 在本年二月十六日出版,實之亦卽在三月六日辭世,前後相隔只十八天。 要我在正校對中的朱子新學案中抽一篇寄他。我勸他勿求急成,未寄稿去, 而此期專刊已

他在此期專刊之首頁,寫了一詩,那應是他病中之絕筆。詩中有云:

文章性情, 教化所在。 會友輔仁,忠信敬爱。 心所同然, 蜂應氣求。 成非獨立, 功仗羣

謀

這是他辦人生雜誌二十年來,常在心上、口上,乃至常常寫在紙上的幾句話。又說:

時有盛衰,道有顯幽。盡性至命,不怨不尤。

這是他二十年爲人生一刊物歷盡艱辛後之自道心境。

華路藍縷,我車不駕。 任重道遠, 敬待來者。

輕, 這也是他多年來常和我談及的一件心事。他此詩成, 但看他能吟此長詩,認爲他神智淸朗,只戒其儘量作休息, 先以寄我, 我雖知他有病, 而不料其變此永訣。此詩末後這 又疑心他病情不

後對貫之的這番歉疚不僅不能親告貫之, 並亦不能在貫之畢生心愛的人生上發表, 人生缺憾難 想,轉成我對貫之一歉衷。在人生上,我雖亦有過不少文章,但究是專爲人生而寫者並不多,多 的是貫之日常注意來向我索取。此一層,又成我今天對貫之一歉衷。良朋云亡,追溯莫盡,我最 命中一相識較深的人。及今回想,貫之始終視我如師,而我並不曾直以弟子待貫之。此層迄今回 我和貫之,相識二十年。雖此幾年來,各別一方,但終是相聚時多,我不失爲貫之後半期生

利,四月<u>國</u>魂雜誌三〇五期轉載。)

嗚呼!悲哉悕矣!夫復何言。



附錄一 我和新亞書院

清末年, 師研究, 訓 備的人物, 顧行, 育。 的人;因爲幼年家境淸寒, 談到做人,我是一個不好高騖遠,不跨大步,腳踏實地的人。主張做人必須平淡、 新時代雜誌社的編者, 換句話說, 行顧言;知到那裡, 當時的一般父兄師長, 或出國深造, 作爲勗勉子弟們師法的楷模。 也就是沒有甚麼可以提供別人參考的。 我常勸勉青年朋友,非萬不得已,仍然應當按部就班, 父親很早去世, 行到那裡;今日知到此處,今日行到此處。 打死仗」, 要我自述生平。 通常是以諸葛亮、 作爲做人的格言, 我一逕遵奉諸葛武侯的 使我沒有機會像一般青年人一樣, 其實我認爲自己一生不論是求學或做人, 王陽明、 且以讀書來說吧, 生平受他們三位先賢的影響最深。 曾文正, 這三位道德、 「謹愼」, 在我的青年時代, 我是一個自修苦學出身 由中學而大學, 完成正規的學校教 王陽明的 文章、 切實;言 都不足爲 「知行合 事功兼 正是滿 從

四五七

曾文正的

「紮硬寨,

問 師, 時候, 個具體的數目呢?」 育司的職員問我: 像摸黑路一樣的冒險,這不也是不足爲訓的事情嗎?記得起初向當地香港教育司辦理立案手續的 來呢?以我當時的情況, 實際參與過其他任何社會事業。 都是曾經在大學裏教過十年二十年書的教授, 我旣然承認自己是一個言行謹愼, 「萬一他們知道了, 申請表格上有許多項目必須填報, 我說: | 經費從那裡來?」我回答說: 來問你要錢呢?」 在香港要想辦一所小學都不可能,居然要辦一所大學性質的學校, 「因爲你們本地的官辦 旣無資本。 並非不顧現實的人, 例如老師們的待遇, 我笑著答復說: 又無準備, 我決不能把他們的待遐塡得太少了」。 小學, 「沒有」。 怎樣忽然會憑著赤手空拳, 教員月薪都是這種待遇, 一生只知道治學教書, 「凡是知道我空手辦學校的目的, 我就填上每月支給港幣八百元。 他又問: 「旣沒有, 而我邀請的老 爲甚麼要塡這 辦起新亞書院 過去從來沒有 對方又 簡直 丽 教

我創辦新亞的動機, 是因爲當初從大陸出來, 見到許多流亡青年, 到處徬徨, 走投無 路, 叉 願意來幫忙的朋友,

就不會計較這些的。」

先是絲毫沒有經濟的憑藉, 覺得自己只有這一條適當的路可以走。雖然沒有一點把握, **不是人人都有機會到臺灣來;** 前來求學的流亡青年, 而我覺得自己是從事教育工作的人, 十有九位都是隻身在港, 但始終認定這是一件應當做的事。 怎忍眼看他們失學。 他們本人的衣食多無 同時, 起 也

小時, 生, 校內一面做工役, 現在還沒有畢業。 他如此奔忙也太辛苦, 也 **情他這種刻苦好學的精神,** 就向營方的負責人要求全部改調守夜的職務, 嶺難民營, 只可以獲得半天的安慰;我們進了新亞書院, 數的百分之八十。 一感動地讓步了。 他起初申請入學的時候, 一天也不能生活了; 寧可失掉吃飯的工作, 進了學校, 他每天在黎明前就動身, 且隨便舉兩個例子來證明那些學生們的苦學情況吧。 **擔任日夜輪流守衞的工作,有一點低微報酬,** 我們學校裹原先是沒有工役的, 另外爲了成全一個中學程度的青年, 我記得那些要求入學的流亡青年, 從此以後, 還要想法子幫助他們解決生活問題。 一面抽空隨班旁聽。他又利用晚間到一家相當大專程度的夜校上課, 就將他安置在校內擔任傳達, 有意成全他, 已經年過四十,是一位兩腿帶著六七處傷疤的退役軍人, 他就夜間守衞, 步行趕到學校上課, 就聯合起來要求把各人的夜班都和他的日班互換, 好像重新得到了一個家,整個心靈獲得了寄託和慰 白天上課。 竟沒有得到允許。 而決不願失卻求學的機會。 作一名工讀學生。因爲英文根柢差一點, 他們之間有一句這樣的話: 傍晚又忙著跑回去準備接班。 當時我們的免費學額,竟佔了全部學生人 可以維持生活。 自調景嶺到學校, 我們現在有一個五十多歲的在校學 他說: 「如果我的志向遷就了現 爲了想到新亞來讀 快步跑一 後來他的難友們同 「我們進教堂, 後 來**,** 趟要費兩個 住在調景 就讓他在 後來我又 我覺得 主管 他

調 .他到圖書館工作。 這個靑年, 他最近已經向加拿大的一所大學,申請准了獎學金, 快要去留學

了。

香港的勢力很大, 捐贈的獎助學金額, 記求學上進。 千的支票, 不忙著要求他們在經濟上的幫助, 從上面所講這兩個小故事裏, 爲了成全他們苦學的志向, 也 不敢簽註受款人的名字, 各方面的人士看見我反共, 佔有百分之六十左右, 就可想像得到許多流亡青年, 只需他們的同情, 而且要求不要公佈捐款人的姓名身份, 起初只設有免費學額, 經常還有增加。 多半不敢公開支持我。 作精神上的支持。 本院所聘的董事, 後來則設有獎助學金額。 在顛沛流離的生活中, 捐款常是支付現錢, 起初兩年, 爲的是怕影響本 早先都 共産黨在 有 仍然不忘 幾百或 蒙各方 個 默

我只要分一部份時間去參加硏究工作就可以了, 大學設立了一個東方文化研究所, 魯大學雅禮協會的合作。在這以前, 才遷到深水埗桂林街, 我們最早是在佐頓道偉晴街,向一所中學租了兩間極簡陋的教室,從辦夜校開始。 半年以後, 租得三間教室, 港大邀聘我去任研究員, 有一個救濟中國流亡知識份子協會, 改成爲日校。在萬分艱難中苦撑過五年, 不致於妨礙辨新亞。 我以要辦新亞爲理由婉謝。 有感於盛情難卻, 捐了一筆錢, 開始獲得美國耶 委託 我便答復 港大 (希望 香港

身的安全。

們學校的經濟情形來說, 途, 之不可多得。 不接受金錢報酬」。 他們說: 我寧願放棄那筆爲數可觀的額外報酬。 我是校長, 「這個研究所旣是爲救濟流亡知識份子而設立, 可是, 承大家優待, 所以, 因爲深恐由於自己在外面兼職, 若能夠獲得那每月一百五十美元(約合港幣九百元) 我直到如今, 都無法生活下去的情形又好多了。 替我排了八小時課, 還是港大東方文化研究所的名譽研究員。 那時候, 我們在新亞上一小時課, 個月可以收入港幣二百四十元。 而影響了同仁的工作熱忱, 我願意以名義參加, 事後, 從外國朋友的談話裏, 的研究金, 表示贊助, 每月只拿三十元港 影響了學校的 當時就我和我 但比起開 但絕對 眞是求 頭

知道他們後來之所以紛紛來協助新亞, 兩三年, 窮困之中, 苦得有家累的同仁, 艱苦撐持的精神, 認爲必有一番遠大的理想和抱負, 並不是爲了看到甚麼成績, 才開始競相解囊相助。 而是看到我們全校師生在十分

早已卓著聲譽。

與本

校合作, 後承校外力量資助發展, 育基金會、 則是自一九五四年開始直到現在,協同發展校務, |雅禮協會遠從一九〇六年到一九四九年間,在我國從事教育事業, 美國哈佛燕京社、 除卻我國各方人士, 英國文化協會, 洛克斐勒基金會捐贈美金四萬七千五百元, 與雅禮協會之外, 香港政府, 與美國洛克斐勒基金會, 始終合作無間。 尚有美國亞洲協會、 新亞自創 其中一 他們: 辦以來, 香港孟氏教 的 捐 先

多半指定用途。

例如在一九六〇年度,

我從來不擅作決定, 備參加在籌設中的「中文大學」。 政府自一九五九年度開始, 萬元以上的經費撥贈本校,建築新禮堂及課室。本校是香港私立專上學校創立最早的一所, 英國作家所著各類書籍,另外捐一百英鎊購買英國出版之學術性雜誌。 四十元購置舊中文雜誌縮小影片,及縮小影片閱讀機。英國文化協會捐贈三千英鎊, 定爲本校購置西文圖書, 本校購置物理實驗室設備, 員三名在本所深造, 在一九六〇年度,約有港幣十萬餘元。 做到絕對經濟公開。 學校之內, 不論大事小事, 以及本校教職員赴海外進修及考察。 其餘分別資助新亞研究所, 直接資助本校,列爲政府補助的專上學校之一,並且協助本校積極準 美金九千元爲本校購備國立北京圖書館善本書縮小影片, 本校董事會所籌募發展科學、充實圖書、增設獎助學金的基 對於籌集經費,我總是盡力去設法;對於支配用途, 研究員兩名前往哈佛大學研究院深造, 亞洲協會捐贈港幣二萬七千五百元, 都由公開的會議決定, 香港政府決定以港幣一百 爲本校購置 港幣一萬零 香港 研究 爲

有十二個學系,並設有程度相當於大學研究院所的新亞研究所。全校現有教職員六十餘人,其中 訂課程、充實教學設備、擴建校舍、增加有志靑年入學機會。全校分設文、理、 本校成立於一九四九年,十三年來,籍本身的努力, 承各方的協助, 陸續提高學術水準、 商三個學院, 共 增

服從多數,

做到絕對意見公開,

也可以說是做到了「教授治校」。

備比香港任何最差的小學都不如,使一部份徒然慕名而來的新生, 前來求學;還有|美籍和日本的留學生七名。歷屆畢業生共有二百八十五人,大部份已進入文教工 專任者三十人。在校學生四百五十人,其中包括研究生十四名,研究員十六人。約有五分之一的 愛護學校,具有一種像愛護家庭一樣的精神,尤其是早期的同學們, 位,其中有一位已經應哥倫比亞大學的教席之聘,但他卻很想回到母校新亞來教書。 本校師生的 外獎學金;到暑假以後,將有兩位男同學與一位女同學,分從耶魯、哈佛、密歇根,獲得博士學 商各界服務。 學生是來自海外,近如馬來亞、星加坡、 經保送或自動前往美國與歐洲留學,攻讀碩士學位的,有二十餘人,多數獲得了國 沙撈越、 印尼、及東南亞各地區, 失望得還沒有上課就走了, 他們入學的時候,學校的設 遠如美國, 都有僑生 只

世界動盪不安的局勢, 我們開始創辦這所學校,自問對於教育宗旨方面,確實具有一番理想和抱負。 鑒於我們自身所承受的時代苦難, 我們認爲當前的大學教育, 我們鑒於整個 至少有兩個

有眞爲求學而來的靑年留下來,與老師們同甘共苦,進德修業。

一、人類的文化價值。

目標應加注意.

二、個人的生活理想。

求, 盡辛酸, 懂得探討, 要使前來求學的靑年, 陷在奮拔無從的深淵, 懂得身體力行, 對於這兩項目標, 中年老年人, 懂得爲此而獻身。 多祇隨分掙扎。 都能深切感到它的重要性, 而對這兩項目標懂得追 我們該知道, 青年們則如迷途的羔羊, 今天的中國人, 正受盡磨折, 要在迷惘 歷

的路程上摸黑前進。

詞, 說,若使這一代的中國青年們,各自找不出他們的人生出路,所謂文化傳統,將變成一個歷史名 頭, 若非對中國自己的文化傳統有一肯定價值的認識。 生理想, 會漸漸煙消雲散 多半是今天過了不知道明天, 即就新亞學院的同學們來說, 那在青年們的內心,很可能泛起一些連他們也不自知的種種異樣心情來。 這樣處境的青年,若我們不能給與他們以一個正確而明朗的人 有些是生活在飢餓線的邊緣上,有些是流亡的苦味永遠佔據心 中國青年們終難找到他們的人生出路。反過來 我們常認爲,

愛護這一 中國文化有其五千年悠久傳統, 傳統, 懂得瞭解這一傳統的內在價值, 必有其極可寶貴的內在價值, 而能繼續加以發揚光大。 我們應該促使中國青年, 我們創辦新亞書院 的宗 懂得

旨是

本校創辦, 旨在溯宋明書院講學精神, 並旁採西歐導師制度, 以人文主義教育爲宗旨,

門爲謀個人職業而求知識,以及博士式、學究式的爲知識而求知識之狹義的目標之流 使學者切實瞭知,爲學做人,同屬一事。在私的方面,應知一切學問知識,全以如何對 **溝通世界東西文化,** 國家社會人類前途有切實之貢獻爲目標。惟有人文主義的教育,可以藥近來教育風 爲人類和平、世界幸福謀前途。本此旨趣,本院一切教育方針, 氣專

務

分科,直線上進、 己之專門所長, **情所近,指導以進而修習各種專門知識與專門技術之途徑與方法,** 本校一切課程, 在整個學術個人人生之地位與意義, 主在先重通識, 各不相關、 支離破碎之流弊。 再求專長, 爲學者先立一通博之基礎, 以藥近來大學對教育嚴格分院分系 務使學生眞切認識自 然後各就其才

弊。

專尙講堂授課、 校進入社會以後,對於所習學業,仍繼續有研求上進之興趣與習慣, 卽以導師之全人格及其平生學問之整個體系,爲學生作親切之指導, 用導師制, 關於教學方面, 使學者各自認定一位至兩位導師, 則側重訓練學生以自學之精神與方法,於課堂講授基本共同課程外,採 口耳傳習、 師生隔膜, 以致學者專以學分與文憑爲主要目標之流弊。 在生活上密切聯繫,在精神上互相契治, 務使學者在脫離學 以藥近來大學教育

当六六

途, 民族、 進, 所學校, 請問我們做人的理想、 則種種物質上經濟上的發展, 我們自知, 中國文化的前途, 將會沒有甚麼分別。 我們所抱的教育宗旨是正確的, 就是認爲我們的前途寄託在國家民族的前途上。 事業、 香港是一個殖民地和商業化的都市,我們所以要來講中國人、 將會失卻它的意義, 希望與意義價值, 但也是很難實現的。 又將在那裏? 我們堅定信仰中國文化有價 在香港社會上少去這一所學校和增多這 但若不把握這個宗旨向前邁 假若國家民族沒有前 中國

光明, 的校慶也與「雙十」 ᅣ 我 值, 總而言之, 輩子努力在要求瞭解中國歷史和中國文化價值的過程中得來。 它決不會使我們無價值。 那一天才是我們的國家、學校一同期待的日子。 必須懂得「藏器待時」。 我們新亞書院的意義和價值, 國慶日是同在一天。 同時, 我們辦學校就是要爲國家民族「藏器」, 我還堅信我們必將重回大陸, 這就是堅信; 卽是寄託在對國家民族前途的信仰上。 終有一天, 光明將會在大家的共同努力中 我們爲了準備迎接行將來臨的 這一信念從那裏得來?乃是從 將來必有一日可 因此, 我們 以用

版的學報, 美國朋友, 十三年來,我們的畢業同學,留校或應聘到香港各學校執教的, 曾在港大刊物上撰文,談到了香港的大專學校,他說這些學校中能夠走上學術研究之 早已獲得歐美各地研究漢學的機構所重視, 經常紛紛來信稱許讚揚。 成績都很不錯。 有一位教哲學的 我們歷年出

還只有新亞書院。 我認爲這都是我們全校師生過去辛勤努力的成果。 但是, 今天的成就距

路的, 離我們的目標尙遠, 「手空空, 拿我們校歌裏面兩句歌詞, 無一物; 路遙遙, 即可以描述我們學校創校艱難的回顧與任重道遠 無止境。」

的前瞻, 我們的學校, 那就是: 從嘉林邊道, 遷到農圃道來以後, 爲了要促使日益接近的理想與事實互相融會

配合, 開 讀書寫作。自審才性,我是一個只適宜於閉門讀書, **方的許多好友的合作,** 有五十年, 始到小學教書, 便逐漸走向制度化, 沒有離開過教書生活。 以及後來到北京大學、 **我個人肩頭的責任,已遠比以前輕鬆,每天只須到校工作半日,** 學校行政工作精密分工,分層負責,各有專司。 除此之外, 燕京大學、 就是講演和寫作, 上堂教課的人。從民國元年, 西南聯大等校任教, 約有一百萬字左右。 在寫作方面, 一直到現在, 現在由於得到來自各 陸續出版了三十種 我十七歲那年 我對寫作有 先後幾乎 較有時間

我出生於民國前十七年 (公元一八九五年), 歲次乙未,照中國年齡計算法, 應當是六十八

曆年在各報紙雜誌刊登的學術論文,還沒有彙印出版的,

就是喜歡親筆寫繕,


早年而且全用工整的小楷。

歲了。 病去世。 先父在十六歲的時候, 當時我僅十二歲, 我與長兄以及兩個弟弟,在家無一畝之地無片瓦之屋的貧困情況! 以第一名秀才入學, 被目爲神童, 可惜身體虛弱, 剛 到中年就患肺

和我一 哥, 鄉村環境,喜歡接近青年, 事變後四年才去世,享壽七十六歲。我在家庭方面, 由寡母劬勞撫育成人, 都是在四十左右患肺病去世, 生規律而簡單的生活有關。 而且都完成了中等教育。 五十年來的教學生涯, 我除喜抽煙斗之外, 而我如今已活過了六十八歲,身體精神都還算健康, 母親畢生辛勤,**全爲了培育我們兄弟。** 就一直沒有離開過天眞活潑的靑年人。 承受母教的影響最大。我的祖父、 別無其他不良嗜好。 愛好接近自然, 父親, 這也許是 直到七七 喜 歡 哥

時候, 系統地研究各門課程, 規教育的程序以求上進爲好。 先生從日文翻譯過來的, 信」使我深信中國一定有前途,使我一生從不曾放鬆這信念。還有:我在前淸光緒年間讀小學的 我自青年時代就常以這八個字來反省、 行合一與曾文正的紮硬寨打死仗之外, 因爲作文成續特優,老師獎賞一本課外讀物,我至今還記得書名是|[白學篇] 使我讀了很受感動。 雖然沒有好好的從過師, 還可以與良師益友從切磋琢磨中, 其中記述了四十多位歐洲自學成功的名人小傳, 不過我一直仍認爲, 除非是萬不得已, 卻常接受先哲先賢的影響, 自勉。 我還喜歡論語裏「篤信、好學、 「守死」使我在新亞困難的時候, 才採取自學的途徑。 青年人只要有可能進學校從師研究, 增進內心的修養, 除效法諸葛孔明一生謹慎, 因爲在學校裏, 守死、 篇篇刻苦勤學的奮鬥 完成偉大的人格。 善道」這八個字, 決不逃遁; 還是循 不僅可以有 王陽 由蔣百里 明知 一篤

(民國五十一年四月新時代雜誌。)



附錄一二 九十三歲答某雜誌問

而時習之」之平常人而已。 志如近人所謂成爲一史學專家,亦非專爲有志如近人所謂之治文學。只是生性所好,求爲一「學 名稱。西漢太史公司馬遷寫史記時,亦只見其尊孔之意。我之愛讀史記,主要亦在此。非專爲有 學做人之道, 我平生自幼至老,只是就性之所近爲學。|自問我一生內心只是尊崇孔子,但亦只從論語所言 而不是從孔子春秋立志要成爲一史學家。古代中國學術界亦尚未有專門「史學」一

所好而已。我到今也常勸我的學生, 十年八年, 我生平做學問, 可說最不敢愛時髦或出風頭, 天地變, 時髦的亦就不時髦了。 千萬不要做一時髦人物。 所以不學時髦的人, 不敢仰慕追隨時代潮流, 世局有變, 可不求一時羣眾所謂的成 時代亦在變, 只是己性所近, 三年五 從其

附錄一二 九十三歲答某雜誌問

功,

但在他一己亦無所謂失敗。

틶 聞。 綱領。 別人反對我,冷落我,我也不在意。我只不情願做一孔子論語中所謂的小人,「人不知而不 我腦子裏心嚮往之的,可說只在孔子一人,我也只是在想從論語學孔子爲人千萬中之一二而 我一 人不知而不慍, 我自七歲起, 生最信守論 語第一 不亦君子乎!」這是教我們一個人的做人之道,亦即是教我們做學問的最大 無 一日不讀書。我今年九十三歲了,十年前眼睛看不見了,但仍每日求有所 章孔子的三句話: 「學而時習之,不亦悅乎。 有朋自遠方來, 不亦樂

愠,不亦君子乎!!

訂此事, 通。 到世界各民族的文化問題上去,我的主要興趣轉到文化比較上,但亦都爲解答我自己一人心中的 講過七年的教科書。那時我做學問的主要興越,只注意在中國史方面。 亦可說,我只求學在大羣中做一「人」,如中國傳統之儒學子學,至於其他如文學史學亦都得相 孟子第一篇講到孟子見梁惠王,這事發生在梁惠王的那一年?自古以來成一大問題。 中國傳統上做學問要講「通」,我不是專研究想要學近代人所謂的一文學專家或史學專家。 學校規定每位國文教師除教國文課外, 如我的先秦諸子繫年是講的子學,非專爲史學,但與史學相通。我寫此書是因我在中學教 於是啓發了我寫先秦諸子繫年這部書的最先動機。後來如我寫國史大綱, 另需開論語、 猛, 國學概論三門課。 那年我教孟 以後我的注意又逐漸轉移 乃是一本上堂 我爲考

問題。

就我一 生讀書爲學的心得, 我認爲根據中國歷史傳統實際發展的過程看, 自古以來學術思想

是居於 入生一 切主導地位的。 上之政治領導, 下之社會教養, 全賴學術思想爲主導。 我更認爲 不

僅中國 個民族, 過 是去如此, 各有他自己的一 將來的中國, 套傳統文化。 亦必然應該要依照傳統重振學術才有正當的進程。 看重學術思想之領導, 是我們傳統文化精神之精華所

個 國

家,

這是不能揚棄的。

看重我們自己的傳統文化精神, 必需看重儒 家思想爲之作主要的 中心。 換句話說, 看重中國

皆然。 歷史縣延, 另一 面亦有其隨外面時代需要而變的內在思想, 即無有不看重儒家思想。 儒家思想內在一 面有其永不可變的外 如孔孟程朱皆是。 舉個簡單的例子, 貌 如修、 齊、 治、 |孔||孟 平

我認爲儒家對今天以後的中國, 斷變化中, **阿屬儒家,** 有 但孟子思想與孔子亦有所不同。 不可變的傳統精神, 仍當有其不可磨滅的貢獻。 是我們最該注意的。 這因時代變, 今天的世界, 思想亦必然隨而變。 其對世界文化亦自有其應有之影響。 交通方便, 但在追隨時代的不 全世界如一 國。

至少可以說, 對時下世界亦同時有其間接的貢獻。

簡單的說, 我一 生讀書只是隨性所好, 以及漸漸演進到爲解答在當時外面一般時代的疑問,

附錄一二

九十三歲答某雜誌問

私人一己的意見。

(民國七十七年)

從沒有刻意要研究某一類近代人所謂的專門學問如史學文學等。這是我一生學習的大綱,亦是我

四七四

③文化學大義、民族與文化 《錢賓四先生全集》丙編書目

⑧晚學盲言 (上)

②雙溪獨語

@理學六家詩鈔、

靈魂與心

⑩晚學盲言 (下)

⑤新亞遺鐸

⑩政學私言、從中國歷史來看中國民族性及

39湖上閒思錄、人生十論

38中華文化十二講、中國文化精神

123講堂遺錄 **⑤八十億雙親、** 師友雜憶

49世界局勢與中國文化 @歷史與文化論業 ④文化與教育

中國文化

45中國文學論業 **砂中國文化叢談**

砂總目

13 素書樓餘審

